







# বিক্রাওয়ালা

লাও চাঅ-র  
ফু ছে ইয়াং-এর বাংলা

অম্ববাদক  
অশোক গুহ

অগ্রণী বুক ক্লাব  
১৬ বৃন্দাবন বস্তু মেন, কলিকাতা



প্রকাশক :

প্রফুল্ল রায়

অগ্রণী বুক ক্লাব

১৬ বৃন্দাবন বস্তু লেন,

কলিকাতা

মুদ্রাকর :

শ্রীফণিভূষণ হাজারা

গুপ্তপ্রেশ

৩৭৭ বেগিয়াটোলা লেন,

কলিকাতা

প্রচ্ছদপট :

শ্রীযান্ত বন্দ্যোপাধ্যায়

ব্রক নির্মাণ ও প্রচ্ছদপট মুদ্রণ :

ভারত ফটোটাইপ স্টুডিও

৭২১ কলেজ স্ট্রীট,

কলিকাতা

চার টাকা মাত্র

প্রথম প্রকাশ

অক্টোবর, ১৯৪৬

আবিন, ১৩৫৩

## পরিচিতি

চীনা সাহিত্যে নব্যযুগ এসেছে। এই নব্যযুগ এনেছেন লু-হুন, লাও-চাঅ, টিয়েন-চুন; টিঙ-লিঙ প্রভৃতি। এই সব সাহিত্যিকরা জনগণের ভিতর থেকেই এসেছেন; তাই তাদের লেখায় ফুটে উঠেছে জনগণেরই আশা-আকাঙ্ক্ষা। লাও চাঅ-এর রিক্সাওয়ালা সেদিক থেকে বিশেষভাবেই উল্লেখযোগ্য। তিনি যেন পিকিঙ-এর পথ ঘাট, তার পরিবেশ তুলে এনে তার বইয়ের পাতায় বসিয়ে দিয়েছেন। এখানে দ্বারা ভিড় করেছে তারাও নিচুতলার মানুষ। তাদের দারিদ্র্য আশা, আনন্দ রেণু রেণু করে ঝড়িয়ে দিচ্ছে, নিয়ে এসেছে হতাশা। কিন্তু এই হতাশার অন্ধকারে কেউ কেউ দেখছে আলোর রেখা। মুক্তি তারা পেতে চায়, মুক্তি তারা পাবেই। এক কথায় বলতে গেলে এ চীনের পথের পাঁচালি, জনগণের পাঁচালি।

লাও-চাঅ সম্বন্ধেও এখানে একটু পরিচয় দেওয়া দরকার। লাও-চাঅ এই নিচু স্তর থেকে এসেছেন। তিনি জনগণেরই একজন, উচু ধাপে উঠতে তিনি রাজি নন। তাদেরই জন্তু তিনি নিজের জীবন উৎসর্গ করেছেন। এবং এরই জন্তু সরকার থেকে তার মাথার উপর পুরস্কারও ধার্য করা হয়েছিল। আজ তার নাম চারদিকে ছড়িয়ে পড়েছে। কিন্তু সাহিত্যিক কোলিণোর গর্বে তিনি এই নিচু তলার লোকদের তুলে যাননি। তিনি কিছুদিন আগে চুঙকিঙের এক সাহিত্য-সভায় বলেছেন : ‘ষতদিন বেঁচে থাকব, আমার কলম আমি ছাড়ব না; আর ছাড়ব না আমার আন্তরিকতা।’

এই আন্তরিকতারই নিদর্শন তার রিক্সাওয়ালা।

অনুবাদক



## এক

ষার পরিচয় দিতে যাক্ছি সে ‘উট’ নয়, খুশি তার নাম। উট তার ডাকনাম—কি করে অমন অদ্ভুত নামকরণ তার হোলো, সে কাহিনী আসছে পরে। ‘যখন সেখানে এসে আমরা পৌঁছব, তখন বলব। তারপর তার ডাকনাম ভুলে গিয়ে আসল নামেই ডাকব।

মেসিনের বিস্তারিত বিবরণ দিতে গেলে যেমন তার একটা বন্টরও ভালো করে পরিচয় দিতে হয় তেমনি করেই খুশিকে আমরা পরিচিত করতে চাই। ‘উট’—এই খেতাব পাওয়ার আগে সে ছিল স্বাধীন রিক্সাওয়ালাদের একজন। ‘স্বাধীন’ বলতে এমন একদল ছোকরা-রিক্সাওয়ালাদের বোঝায়, যাদের নিজেদের রিক্সা আছে। তারা নিজেদের রিক্সা নিজেরাই টেনে কুজি রোজগার করে। রিক্সাওয়ালা শ্রেণীর মধ্যে এদের গোত্র আলাদা, বেশ উঁচুই।

আর হবেই বা না কেন? নিজের রিক্সা নিজে টানবার ধাপে পৌঁছনো খুব সোজা নয়। এক বছর—দুবছর—তিন বা চার বছরের ধাক্কা তো বটেই—তার বেশিও হতে পারে। এক ফোঁটা, দুফোঁটা ঘামের তো আর ‘কর্ম’ নয়—কি জানে কতো হাজার হাজার, লাখে লাখে ফোঁটা মাথার ঘাম পায়ে ফেলে তবে একখানা রিক্সার মালিক হওয়া যায়। জলঝড় তুচ্ছ করে দাঁতে দাঁত চপে ছুটে, কতোদিন চা আর ভাত থেকে নিজেকে বঞ্চিত করে তবে তো আসে এমন ভাগ্য। একি যে সে ভাগ্য! এতোদিনের দুঃখ আর সংগ্রামের পুরস্কার—এ যেন একশ যুদ্ধে জেতা সৈনিকের গলার পদক। এতদিন সে মালিকের রিক্সা ভাড়া নিয়ে টেনেছে, লেভির ঘা খাওয়া লাটুর মতোই বন্ বন্ করে ঘুরেছে, একমুহূর্ত জিরোতে পায়নি। ভোর থেকে সন্ধ্যা পর্যন্ত পূর্ব থেকে পশ্চিমে, উত্তর থেকে দক্ষিণে ঘুরির মতো পাক খেয়েছে, কিন্তু তার দৃষ্টি একবারও ঝাপসা হয়ে যায়নি, লক্ষ্য সে হারায়নি। সবসময়েই সে চিন্তা করেছে সেই রিক্সাখানার কথা যে তাকে মুক্ত করবে, স্বাধীন করবে—যে হবে তার হাত পায়ে মতোই এক অঙ্গ। রিক্সার মালিকের মুখঝামটা তাকে সহিতে রিক্সাওয়ালা

হবে না, কারও কাছে দিতে হবে না লম্বা কৈফিয়ৎ; নিজের রিক্সা আর নিজের শক্তি—আর কি চাই? শুধু চোখ দুটো খোলা রেখে টেনে যাবে—ভাত জুটবেই।

খুশি এমনি একজন রিক্সাওয়ালা। কষ্টকে সে কোনোদিন ডরায়নি, অত্যাচার রিক্সাওয়ালাদের মত সে নয়। নিজের দোষ ক্রটির দিকে তার কড়া নজর, সর্বদাই শোধরাতে চেয়েছে; আকাজ্জা মনে পুষে রেখে চূপ করে বসে থাকেনি, কাজে ফলাও করতে চেষ্টা করেছে। তার পরিবেশ যদি আলাদা হতো, আর সঙ্গে সঙ্গে তার কিছুটা লেখাপড়া শেখবার সুবিধে থাকতো, তাহলে এই রবাবের চাকার্টেলিয়ার দলে এসে সে নিশ্চয়ই ভিড়ত না। যে কাজেই তাকে দেওয়া যেত, একথা নিঃসন্দেহে বলা যায়, সুযোগ এলে সে হেলায় হারাত না। কি করবে বেচারী! ভাগ্য মন্দ তাই রিক্সাওয়ালার দলেই তাকে ভিড়তে হয়েছে। কিন্তু এখানেও সে তার ক্ষমতা আর বুদ্ধির পরিচয় দিয়েছে। আমাদের তো মনে হয়, নরকে গেলেও সে সভ্য-ভব্য শয়তান না হয়ে ছাড়ত কিনা সন্দেহ।

এক নগণ্য গ্রামে তার জন্ম। সেইখানেই সে বেড়ে উঠেছে, বাবা মা আর কয়েক ‘মু’ জমি হারিয়ে আঠারো বছর বয়সে সে শহরে এল। গ্রাম্য ছেলের বলিষ্ঠতা তখন তার দেহে, মনে গ্রাম্য সরলতা। রুজি রোজগারের জন্ত এমন কাজ নেই যা সে করেনি, তারপরে সে ভেবে দেখল, রিক্সা টানা হচ্ছে রোজগারের সোজা সড়ক। সোজা সড়ক তো বটেই; অথ কাজে রোজগারের একটা সীমা আছে, যতোই খাটো বেশি পরয়া মিলবে না, কিন্তু রিক্সাটানার ব্যাপারে মোটেই তা নয়। এখানে সুযোগের পর সুযোগ এসে দেখা দেবে, কোথায় বা কখন যে তুমি আশাতিরিক্ত রোজগার করবে তার হদিস তুমি নিজেই জানতে পারবে না।

কিন্তু এমন সুযোগ হঠাৎ আসে না—সে একথাও জানে। সুযোগের জন্ত তৈরী হতে হবে। রিক্সাখানাকে মেজেঘষে ঝুঁকুকে তক্তকে রাখতে হবে, রিক্সাওয়ালা হবে চটপটে আর তেজিয়ান। বিক্রি করবার মতো ভালো জিনিস চাই। তবে তো কদর বোঝে এমন খদ্দের মিলবে।

খুশি অনেক খতিয়ে দেখল, তার স্থির বিশ্বাস হোলো, তার মধ্যে ভালো রিক্সাওয়ালার গুণ সবই আছে। গায়ে আছে জোর, বয়েসও অল্প, শুধু রিক্সাই সে কোনোদিন টানেনি। আনকোরা নতুন রিক্সায় হাত দিতে গেলে প্রথম ভয়ই করবে। কিন্তু ঝাবড়ে গেলে তো চলবে না। তার এমন বলিষ্ঠ দেহ দশ দিন, কি বড় জোর দুহণ্ডা শিক্ষানবিশী করলে চলার ধরন-ধারণ শিখে নেবে,

তারপর একটা নতুন রিক্সা ভাড়া নিলেই চলবে। মাস মাইনেয় রিক্সা টানার কাজ জোঁটাতে কবে পারবে কে জানে। তাড়াতাড়ি ছুটে গেলেই ভালো! তারপর দুবছরের মধ্যে টাকা জমিয়ে একখানা রিক্সা কেনা খুব বিচিত্র নয়। অবিশিষ্ট, দুবছরের জায়গায় তিন কি চার বছরও লাগতে পারে, কিন্তু তার বেশি নয়। খুশি তার নিজের দেহের দিকে তাকিয়ে দেখে মনে মনে বলে, না তার বেশি নয়। চার বছরে নিশ্চয়ই সে রিক্সার মালিক হবে; হাঁ হবেই, এ শুধু স্বপ্নই নয়।

বয়েসের তুলনায় তার গড়ন বেশ বাড়ন্ত। বিশ বছরের কম বয়েস হলে কি হবে, দেখতে বেশ লম্বা চওড়া জোয়ান, কিন্তু মুখের ছেলেমানুষি ভাবটুকু ঠিকই বজায় আছে। সে কিছুদিন উচু ধাপের রিক্সাওয়ালাদের তাকিয়ে তাকিয়ে দেখল, তারপর কোন্‌র বেঁধে রিক্সা টানতে লেগে গেল, পুঁজি হোলো তার লোহার মতো দৃঢ় ছাতি আর সিঁধে মেরুদণ্ড। রিক্সা টানতে টানতে ঘাড় ঝাঁকিয়ে মাঝে মাঝে সে নিজের কাঁধ দেখে অবাক হয়ে যায়, এত চওড়া তার কাঁধ! পরনে ঢিলে পায়জামা, হাটু পর্যন্ত তুলে মুরগীর নাড়িহুঁড়ির ব্যাণ্ড দিয়ে বেঁধে রাখে, তাকে দেখেই মনে হয়, রিক্সাওয়ালাদের মধ্যে ও হবে সবার সেরা। গ্রাম্য সরল ছেলে ভবিষ্যতের সম্ভাবনায় উল্লসিত হয়ে ওঠে।

তার চেহারা আকর্ষণ করবার মতো এমন কিছু নেই—মাথাটা ছোট পালিস করে কামানো, চোখদুটো গোল আর কুতকুতে—মোটামুটি গৈয়ে চেহারা যাকে বলে। মুখখানা সব সময়ই লাল, মনে হয় এইমাত্র কেউ বুঝি খাবড়া কসিয়ে দিয়েছে। তাছাড়া ডান কান থেকে একটা ক্ষত ঐয় চোয়ালের হাড়ের উপর এসে পৌঁছেচে—ছেলেবেলায় একদিন গাছের ছায়ায় ঘুমিয়ে পড়েছিল—তখন একটা খচ্চর ওকে কামড়ে ঝানিকটা মাংস তুলে নেয়; যা কবে শুকিয়ে গেছে, কিন্তু দাগ মিলিয়ে যায় নি। চেহারা নিয়ে খুশি কোনোদিনই মাথা ঘামায়নি—শরীরে শক্তি থাকলেই হোলো, মুখেও তারই ব্যঙ্গনা থাকা চাই। মুখ তো হাত পার মতোই একটা অঙ্গ—হাঁ, তাই। শহরে এসেও সে মাথা নিচে দিয়ে হাতের উপর ভর করে মাঝে মাঝে দেখেছে, শরীর ঠিক আছে কিনা। যখন শরীরের উপর এমনি পরীক্ষা চলত তার মনে হতো সে যেন একটা গাছ, তার এমন কোনো অঙ্গ নেই যা সিঁধে আর মজবুত নয়।

এমন কি সোঁজা হয়ে দাঁড়ালেও খুশিকে একটা সিঁধে গাছের মতোই মনে হয়। হৃদয়, জীবন্ত, নির্বাক এক গাছ। বুদ্ধিশুদ্ধি যেনা আছে তা নয়, কিন্তু অস্ত্রের সঙ্গে কথা বলতে গিয়ে তার মুখ ফোটে না। রিক্সাওয়ালাদের মধ্যে নিজেদের দুঃখ আর মালিকের অবিচার নিয়ে আলাপ আলোচনা চলে। পথের বাঁকে, রিক্সার আন্ডায়,

রিক্সাওয়ালা

ছোট চায়ের দোকানগুলিতে, হাটে বাজারে প্রতি রিক্সাওয়ালা তার নিজের ব্যক্তিগত দুঃখের কথা বলে, তখন সে দুঃখ আর তার নিজের থাকে না, সমস্ত দলের পুঁজি হয়ে দাঁড়ায়—জনপ্রিয় গানের মতো দিকে দিকে ছড়িয়ে পড়ে।

খুশি গৈয়ো ছেলে, তার জিভ আর ঠোঁট শহরে ভাই বেরানারদের মতো চটপটে নয়। ছেলেবেলা থেকেই বেশি কথা বলা তার ভালো লাগত না, স্বতরাং সে শহরে রিক্সাওয়ালাদের মতো চটপটে হবে না এতো জানা কথা। তা ছাড়া নিজের ব্যাপার নিয়ে অল্পের সঙ্গে আলোচনা করতেও বাধে। ঠোঁট দুটি বুজে থেকে একটা স্ববিধে সে পেয়েছে, সে ভাবতে পারে, ভেবে ভেবে ঠিক নিজের পথ খুঁজে নেয়, তারপর ঝাঁপিয়ে পড়ে কাজে। বিফল হলে কাউকে সেকথা ঘুণাক্ষরেও জানায় না। এমন কি দুতিন দিন কেউ তার মুখ থেকে কথাই শুনতে পায় কিনা সন্দেহ।

তাই সে যখন ঠিক করল, রিক্সা টানবে, সে সোজাসৃজি একটা রিক্সা ভাড়া করেই বসল। প্রথমে সে একটা ঝরঝরে ভাঙা রিক্সা ভাড়া নিয়ে পা দুখানাকে ছরস্তু করে নিল। প্রথম দিন কিছুই রোজগার হোলো না; দ্বিতীয় দিনে বেশ ভালোই হোলো, কিন্তু তারপর দুদিন কাটল চিং হয়ে শুয়ে। উরুত টাউস দুই কুমড়োর মতো ফুলে উঠল; আর কি অসহ্য ব্যথা! পা পাড়তেই পারল না। খুশি মুখ বুজে সহ্য করে গেল; সে জানত প্রতি রিক্সাওয়ালাকেই প্রথম এই কষ্ট সহ্য করতে হয়।

ব্যথা সারতেই সে আবার উঠে দাঁড়াল। আর ভয় নেই। এবার সে যত খুশি রিক্সা টানতে পারবে; তাকে আর পায় কে! রাস্তাঘাট সে ভালো করেই চেনে, গলিঘুঁজির নাম ধাম পর্যন্ত তার মুখস্থ, দূর পাল্লায় যেতে হলেও সে ঘাবড়াবে না। গায়ে আছে জোর, আর রিক্সা টানায় জোরেরই তো দরকার। সে নিজে নিজেই রিক্সা টানার অঙ্কি-সন্ধি শিখে ফেলল—পিছনে ঠেলে দেওয়া, উপরের দিকে তোলা, এমনি নানা ব্যাপার।

ভাড়া নিয়ে দর কষাকষি করতে গিয়ে সে বুঝতে পারল, তার জিভে তেমন ধার নেই। বুনো রিক্সাওয়ালারা তার থেকে ঢের বেশি ওস্তাদ। নিজের অক্ষমতা বুঝতে পেরে সে আর বড় রাস্তার বাঁকের রিক্সার আড্ডাগুলির ধার দিয়েও গেল না। সে এবার এমন জায়গায় রিক্সা রাখলে, যার ত্রিসীমানায় আর একখানিও রিক্সা নেই। এমন বেমক্কা জায়গায় সোয়ারি জুটতে তো লাগলই, দর কষাকষিরও হাঙামা রইল না। কাছে পিঠে রিক্সা নেই, দর হাঁকতে সে একটুও ঘাবড়ে যেত না, কখনো বা শুধু বলতো, গাড়িতে উঠুন তো, যা হয় দেবেনখন। তার মুখ দেখে কেউ মনেই করতে পারত না যে, এই গৈয়ো ছেলেটা তাদের ঠিকিয়ে পয়সা নেবে। সন্দেহ যদি বা স্কঁউ করত, ছোকরা সবে শহরে এসেছে পথঘাট চিনবে কিনা—এই ভেবেই করত।

তার কারণও ছিল। যখন কেউ জিজ্ঞেস করত, কিরে চিনতে পারবি তো? খুশি মুহূ হাসত, কথা বলত না। সোয়ারি অবাধ হয়ে ভাবত গাড়িতে উঠবে কি না।

দুদিন সপ্তাহের ভেতরেই পা দুখানা বেশ দুবস্ত হয়ে উঠল, চলবার ধরন-ধারণও সে শিখে ফেলল। চলবার ভঙ্গীতেই রিক্সাওয়ালা পাকা কি আনাড়ি বোঝা যায়। যার পা ফেলার তাল বার বার কেটে যায়, সে আনাড়ি না হয়েই যায় না। জিজ্ঞেস করলে জানা যাবে, সবে সে গাঁ থেকে এসেছে। আর যে মাথা গুঁজে চলবে, পা যার খপ্-খপ্ করে পড়বে না, মনে হবে যেন দৌড়ছে, কিন্তু আসলে জোরেই হেঁটে চলেছে—এমন লোকই হোলো ওস্তাদ রিক্সাওয়ালা। পঞ্চাশের উপরে না গেলে এমন ভঙ্গী আয়ত্তে আনা যায় না। তা ছাড়া আর একদল আছে যাদের গায়ে তাগদ নেই, অথচ অভিজ্ঞতা বোলোআনা না হলেও পুরোপুরি দশুআনা তো আছেই—তাদের আর এক ভঙ্গী। তারা যখন সোয়ারি নিয়ে চলে, সামনে ঝুঁকে পড়ে কাঁধ দুটো এগিয়ে দিয়েই চলে। হাঁটুদুটো বার বার উচুতে তুলে পা ফেলার তালে তালে মাথা নিচু করে তারা বুঝিয়ে দেয় জোর কদমে ছুটেছে। কিন্তু আসলে তারা ছোট্টেই না; শুধু ঐ ভঙ্গী পুঁজি করেই ব্যবসা চালায়।

খুশির ভঙ্গী এ দুদলের থেকে সম্পূর্ণ আলাদা। লম্বা তার পা, উরু দুটিও বেশ সবল; নিঃশব্দে সে চলত, রিক্সার হাতল দুটি সোজা থাকত—সোয়ারিকে ঝাঁকুনি সহ্যেতে হোতো না। খামবার সময়ও খুব বেগ পেতে হোতো না, দু-এক পা এগিয়ে গিয়েই থেমে পড়ত। মনে হোতো রিক্সার প্রতিটা অংশেই তার শক্তি সঞ্চালিত হচ্ছে। পিঠ একটু বাঁকিয়ে, হাতল দুটো দুহাত দিয়ে চেপে ধরে সে যখন ছুটত, সোয়ারির কোনো আশঙ্কার কারণই থাকত না।

পুরনো রিক্সাটা সে এবার বিদায় দিয়ে একটা নতুন রিক্সা ভাড়া নিল। গায়ে ঝকঝকে পিতলের আর গালায় কাজ করা। বৃষ্টি থেকে রক্ষা পাবার আচ্ছাদন, সামনের পর্দা, দুটো ল্যাম্প, আর খুব জোর আওয়াজি এক ভেঁপু—এইসব মিলিয়ে নতুন রিক্সাটি একেবারে চমৎকার। সে হিসেব করে দেখল, এমনি একখানা রিক্সার দাম একশ ডলারের উপরে তো হবেই। পিতলের আর গালায় কাজ যেমন তেমন হলে একশ ডলারেই পাওয়া যাবে। রিক্সা কিনতে হলে তাহলে একশ ডলার চাই। সঙ্গে সঙ্গে সে একটা হিসেব করে ফেলল, রোজ যদি দশ সেট করে জমায়, তাহলে হাজার দিন লাগবে একশ ডলার জমাতে। হাজার দিন! হাজার দিনের কথা চিন্তা করলেও মাথা ঝিম ঝিম করে। তবুও হাল সে ছেড়ে দিল না—হাজার আর দশ হাজার দিনই হোক, রিক্সা সে কিনবেই।

রিক্সাওয়ালা



সে অনেক ভেবে ঠিক করল, কোনো পরিবারে মাস মাইনেয় রিক্সা টানার কাজ জুটিয়ে নেবে। মনিবের যদি অনেক বন্ধ থাকে, আর ঘন ঘন যদি তিনি নিয়ন্ত্রণ পান তাহলে তো কথাই নেই। মাসে গড়পড়তায় দশটা নিয়ন্ত্রণ পেলেই মনিবের বন্ধুদের কাছে ফিবারে সে ছুই বা তিন ডলার করে দস্তুরি পাবে। এই উপরি পাওনার সঙ্গে মাসে খরচ খরচা বাদ দিয়ে মাইনে থেকে যা উদ্ধৃত থাকবে, সব মিলিয়ে দেখা যাবে বছরের শেষে হাতে প্রায় পঞ্চাশ কি ষাট ডলার জমেছে। এমনি করে হিসেব করে দেখে সে মনে জোর পেত, মনে হতো শীগগীরই সে বুঝি লক্ষ্যে গিয়ে পৌঁছবে, সে হবে রিক্সার মালিক। সে সিগারেট ফুঁকত না, মদও খেত না, জুয়ো খেলার অভ্যাসও তার ছিল না। এক কথায় বলতে গেলে কোনো নেশাই তার ছিল না। ছিল না পারিবারিক বন্ধন। তাই সে প্রতিজ্ঞা করল, দেড়বছরের ভিতরে সে নিজের রিক্সা নিজে টানবে। ইী, পুরনো স্বরবারে রিক্সা হলে চলবে না, নতুন রিক্সাই সে কিনবে।

এক পরিবারে কাজ সে পেয়ে গেল, কিন্তু যা সে আশা করেছিল তেমনটি হোলো না। তা আশা আর বাস্তবে তফাৎ আছে বই কি। এক বছর চলে গেল, দেড় বছর চলে গেল, নতুন রিক্সা কেনা আর ঘটে উঠল না। পৃথিবীটা খুব সোজা জায়গা তো আর নয়! খুব সাবধানেই সে রিক্সা চালান, মনিবের মন জোগাতেও কষ্ট করল না, কিন্তু তাতে চাকরি থেকে বরখাস্ত হওয়া আটকাতেও পারল না। কোথাও ছুয়াস, কোথাও বা তিনমাস, কোথাও বা আট কি দশ দিন কাজের পরেই তার চাকরি চলে গেল। চাকরি তো নয় মোমবাতির আলো, ফুঁ দিয়ে নিবিয়ে দিলেই হোলো। আবার আর একজনের দরজায় গিয়ে ধরনা দেওয়া ছাড়া উপায় কি? এমনি করেই চলল দিনের পর দিন, মাসের পর মাস। রিক্সা টানা একদিনও কামাই গেল না, সঙ্গে সঙ্গে রইল মাস মাইনেয় কাজের চেষ্টা। রিক্সা কিনতে হবে তো। এ ঘেন ঘোড়ায় চড়ে ঘোড়া খুঁজে বেড়ানো! একটু জিরোতে সে পেল না, চাইল না।

এই সময়ে প্রায়ই তার ভুল-চুক হতে লাগল। প্রতিদিন সে পেট ভরাবার মতো রোজগার করতে পারছিল না, তার উপরে রিক্সা কেনার জন্ম টাকা জমানো তো ছিলই। শক্তিক্ষয় হতে লাগল, পদে পদে ভুল করতে শুরু করল। রিক্সা টানায় আর তার মন ছিল না। কি যেন সে সারাক্ষণ ভাবত, মুখে দেখা দিল আশকার ছায়া। কবে সে রিক্সা কিনতে পারবে কে জানে? কেন এমন হোলো? সে জেঁ-চেঁটার কষ্ট করেনি! এমনি নানা চিন্তা এসে জুড়ে বসল, সে বিভ্রান্ত হয়ে গেল। এখন সে রাস্তা চলতে গিয়ে প্রায়ই বিপদ ঘটতে লাগল।

স্বাভাবিক টায়ার গিয়ে পেতলের টুকরো কি ভাঙা বাসনের ওপর পড়ত, সঙ্গে সঙ্গে তুবড়ি ফাটার শব্দ, যা : টায়ার ফেসে গেল ! তখন আস্তানায় নিয়ে গিয়ে রিক্সা-খানাকে ফেলে রাখা ছাড়া আর উপায় কি ! মাঝে মাঝে কারো গায়ের উপরে ছমড়ি খেয়ে পড়েও সে বিপদ বাধাল। একবার তো চৌমাথা অগ্ন্যমলক হয়ে পার হতে গিয়ে রিক্সাখানাকেও ছমড়ে ফেলল। মাস মাইনেয় যখন কাজ করত, এমনিধারা ব্যাপার তখন ঘটত না। কিন্তু চাকরি গেলে তার আর মাথার ঠিক থাকত না। এই ভাবনাই হোতো, রিক্সা কেনার আশা বুঝি পিছিয়ে যাচ্ছে ! রিক্সা ভেঙেচুরে তার খেসারৎ দিয়ে সে আপনমনে জ্বলে উঠত। আগুনে যেন আরোণানিকটা কেরোসিন পড়ত। সে আর রিক্সা ভাড়া নিত না, সারাদিন ঘুমিয়ে কাটিয়ে দিত। কিন্তু কদিনই বা এমনি কাটত ? একদিন আবার বেরিয়ে পড়ত রাস্তায় সওয়ারির খোঁজে।

এই দুশ্চিন্তা আর ভয়ের মধ্যে তার জীবন কেটে চলল, যতই দুশ্চিন্তা তাকে চেপে ধরল ততই সে খাওয়া-দাওয়ার খরচ কমিয়ে দিল। লোহার শরীর তার, খাওয়া কমাতেও শক্তি কমবে না। কিন্তু একবারও সে ভাবল না যে অসুখ করতে পারে। অসুখ করলে মুখ গুঁজে পড়ে থাকত, জমানো পয়সা ভেঙে ওষুধ কিনত না। কিন্তু সববারই বিনা খরচায় সেরে উঠত না। অসুখ যখন সাংঘাতিক হয়ে দেখা দিত, তখন ওষুধও কিনতে হোতো, পথ্যের জন্তও খরচ করতে হোতো। তাছাড়া বহুদিন বিশ্রাম তো দিলেই। কিন্তু এত দুঃখকষ্ট তাকে দমিয়ে কখনও দিতে পারেনি, বরং তাকে আরো দুঃ করে তুলল, কিন্তু রিক্সা কেনার মত টাকা জমানো তো আর সোজা কথা নয় ! সম্ভাবনা কেবলই দূরে, আরো দূরে পিছিয়ে গেল।

তিনবছর এমনি করেই কাটল। তিনবছর পরে তার হাতে জমল একশ ডলার।

সে আর এক মুহূর্ত দেরি করল না। তার মতলব ছিল একেবারে হাল ফ্যাসানের রিক্সা কিনবে, কিন্তু একশ ডলার তো পুঁজি, তারই ভিতরে কিনতে গেলে আর মনের মতো রিক্সা মেলে না। তার ভাগ্য ভালো বলতে হবে, একখানা রিক্সা পাওয়া গেল, তবে তৈরী হয়েছে, কিন্তু যার জন্তে তৈরী করা হয়েছিল সে টাকা দিয়ে কিনে নিতে পারেনি। খুশি যে-রিক্সার এতদিন স্বপ্ন দেখেছে, একেবারে তেমনি না হোক, তার কাছাকাছি তো বটেই রিক্সা-খানা। তার প্রকৃত দাম একশ ডলারের বেশি, কিছু বেশি, কিন্তু আগের খদ্দেরের আগাম টাকা জম্ব হয়ে যাওয়ায় দোকানী কিছু কম টাকায়ই ছাড়তে রাজি হোলো। খুশির তো মহা আনন্দ ! এমন দাঁও মেয়েছে, যখন তার

রিক্সাওয়ালা

খুশিতে লাল হয়ে উঠল, হাত কাঁপতে লাগল। সে ছিয়ানবুই ডলার বার করল গৌজের থলে থেকে।

এই রিক্সাখানা আমি চাই। দোকানী একশ ডলারে তুলবার জ্ঞান অনেক চেষ্টা করল, রিক্সাখানা একবার ঠেলে সামনে নিল, আর একবার পিছনে নিয়ে গেল, বাজাল ভেঁপু, সঙ্গে সঙ্গে রিক্সাখানার গুণকীর্তন করে চলল কথার তুবড়িবাঁজি। শেষে চাকার উপর লাথি মেরে বলল, শুনছ গো কতী, ঘণ্টার শব্দ শুনছ! রিক্সা নে গিয়ে টেনে টেনে ঝরঝরে করে ফেল না, তবু চাকার কিছু হবে না। যদি কিছু হয়, দোকানে এসে আমার মুখের উপর চাকা ছুঁখানা ছুঁড়ে মেরো। কিন্তু দাম একশ ডলার! এবপেনি কম হলেও পারব না!

খুশি আবার তার টাকা গুনে দেখল, ছিয়ানবুই ডলার—একপেনি বেশি বা কম নয়।—আমি রিক্সাখানা চাই, কিন্তু ছিয়ানবুইয়ের বেশি আমি দিতে পারব না। দোকানী তার মুখের দিকে তাকিয়ে বুঝতে পারল, এর সঙ্গে দরকাবাকি করে কোনো লাভ নেই। দীর্ঘনিশ্বাস ফেলে সে বলল, কি আর করব, খাতির তো রাখতে হবে। নাও গো কতী, রিক্সাখানা তোমার। ছ'মাসের চুক্তি রইল, ভেঙেচুরে একসা করে না আনলে এমনিই সারিয়ে দেব। এই যে চুক্তিনামা নিয়ে নাও।

খুশি হাত বাড়িয়ে দিল, হাত তখনও কাঁপছে। চুক্তিনামা নিয়ে রিক্সা ঠেলে সে রাস্তায় নেমে এল। কাঁদতে ইচ্ছে করছে তার, এত খুশি সে হয়েছে। রিক্সা এনে সে একটা নিরাল জায়গায় থামল। নিজের রিক্সা—ভালো করে একবার দেখতে হবে। সুন্দর রিক্সা! ঝক্‌ঝক্‌ করছে, আয়নার মতো মুখ দেখা যায়। যতই সে দেখল, ততই তার ভালো লাগল। ঠিক মনের মতো হয়নি, একথা একবারও তার মনে হোলো না। নিজের রিক্সা সে পেয়েছে, আবার কি চাই! দেখতে দেখতে এল শ্রান্তি, কার্পেট-মোড়া পাদানের উপর বসে পড়ল, চোখ তখনো তার পিতলের চকচকে ভেঁপুটার দিকে।

হঠাৎ তার মনে পড়ল, এবছরে সে বাইশে পা দিয়েছে। বাপ মা অল্প-বয়সে মারা গেছে বলে জন্মতিথিটা একদম সে ভুলেই গেছে। শহরে এসে জন্মতিথিতেও যে একটু আমোদ আহ্লাদ করবে তারও ফুরানু পায়নি। আজকে এই নতুন রিক্সা কেনার দিনকেই যদি জন্মতিথি বলে ধরে নেওয়া যায় তাতে কতি কি! আজ তার রিক্সার জন্মতিথি তো বটেই! নিজেরটাও সে জুড়ে দিচ্ছে চায়। তারও তো নতুন করে আজ জন্ম হোলো। আজকের দিন তো

সে ভুলতে পারবে না। মাথার ঘাম পায়ে ফেলে রিক্সা সে কিনেছে—এই রিক্সা তো তার শরীরের একটা অঙ্গবিশেষ।

কিন্তু কি করে এই ডবল জন্মতিথির উৎসব সে করবে? খুশি মনে মনে একটা মতলব ঠাওরাল। তার প্রথম সোয়ারি হবে ফিটকাট পোশাক পরা কোনো লোক, মেয়ে-সোয়ারি সে নেবে না। দক্ষিণ ফটক কি বাজারের দিকের সোয়ারি পেলেই ভালো হয়। বাজারে গিয়ে সবচেয়ে ভালো খাবারের দোকানে ঢুকে সে ভাজা মাংস বা অমনি কোনো খাবার খেয়ে নেবে। খাওয়া দাওয়া সেবে যদি মনমতো কোনো সোয়ারি পায় তাহলে তাকে রিক্সায় তুলবে—না হয়ত রিক্সাকে আজকের রাতের মতো বিশ্রাম দেবে। এই তার জন্মতিথির উৎসব।

রিক্সা কেনবার পর থেকে খুশির একঘেয়ে জীবনে বৈচিত্র্য দেখা দিল। জীবন এমন সহজ সরল হয়ে গেল, ইচ্ছে করলে সে এখন মাস মাইনেয় চাকরি করতে পারে, না হয় স্বাধীনভাবে ভাড়া খাটতে পারে। তেমন তাড়াহুড়ো নেই, দিনের শেষে রিক্সার মালিককে তো আর ভাড়া গুনতে হবে না। যা পয়সা রোজগার করবে সব নিজের। মনের দিক থেকেও উদারতা দেখা দিল। অনেক মিতা জুটিয়ে ফেলল! ছ'মাস রিক্সা টানবার পর তার আশা আরো বেড়ে গেল। এমনি হারে রোজগার হলে বড়জোর আর দুবছর সে রিক্সা টানবে—ঈ! দুবছরের বেশি নয়—তারপরেই আর একখানা রিক্সা কিনতে পারবে, তারপরে আর একখানা; এমনি করে একটা গোটা রিক্সার আড়ার মালিক হয়ে বসবে।

কিন্তু প্রায়ই দেখা যায় রঙীন আশার সমাপ্তি ঘটে তিক্ত হতাশায়, খুশির ভাগ্যেও তার ব্যতিক্রম হোলো না।

খুশির ভয়ডর খানিকটা কেটে গেছে। এখন সে বেশ জোরেই ছোটো, আনমনা হয়ে বিপদ বাধায় না। নিজের রিক্সা বলে সতর্কতারও কমতি নেই।

শহরে যখন এসেছিল তার থেকে মাথায় এক ইঞ্চির উপর বেড়েছে, তার তো মনে হয় আরো বাড়বে—ফনফনিয়ে বেড়ে উঠবে। টোঁটোর ওপর দেখা দিয়েছে গৌপের রেখা। নিচু ফটক কি ছোট ঘর থেকে বেরুতে গেলে এখন তাকে দস্তুরমতো মাথা হুইয়ে বেরুতে হয়, তাতে তার গর্বই হয়। মাথায় ঢাঙা হয়েছে বটে কিন্তু মুখখানা এখনো শিশুর মতো সরল, এ এক মজা মন্দ নয়।

এমন ঢাঙা জোয়ান, আর টানছে এমন একখানা চমৎকার রিক্সা; একেবারে আয়নার মতো ঝকঝক করছে রিক্সার গা, গদি কি সাদা ধবধবে, ডেঁপুতে কি আওয়াজ, টিমিয়ে টিমিয়ে চললে মানাবে কেন? রিক্সা আর নিজের চেহারার মান বাঁচাতে হলে জোরে ছুটতে হবে বইকি। না, এ তার গর্ব নয়, তার দায়িত্বের কথাই উঠেছে। উড়ে যেতে না পারলে এমন রিক্সা, এমন জোয়ান চেহারার মান থাকে না। কারো কাছে একথা মুখ ফুটে সে বলেনি। কি হবে বলে? মনের সাথ আছে যখন, তখন আর কি। সে ছুটেই চলবে, সোয়ারি নিয়ে সে উড়েই যাবে।

রিক্সাখানাকেও সে ভালো বেসে ফেলেছে। ছমাস যেতে না যেতে তার প্রত্যেকটা অংশ যেন জীবন্ত হয়ে উঠেছে, ওর তো মনে হয় তার যেন মন আছে। খুশি যখন এপাশে ওপাশে হেলে পড়ে, রিক্সাখানা কথা কয়ে ওঠে, তাকে সাহায্য করে। অসহযোগিতা কখনো করে না। যখন মশন নির্জন রাস্তায় সে চলে তখন আর দুহাত দিয়ে হাতল চেপে ধরতে হয় না, এক হাত দিয়ে. আলতো ভাবে চেপে ধরে চালায়, কাঁকরের উপর ঢাকা নাচতে নাচতে চলে, মনে হয় ঝালকা বাতাসে যেন ভেসে চলেছে। যখন সোয়ারিকে ঠিকানায় পৌঁছে দেয়, দ্রামা একেবারে ঘামে ভিজে জবজবে হয়ে যায়, মনে হয় এইমাত্র ধুয়ে দিয়েছে, এখনো নিড়ানো হয়নি। পরিশ্রান্ত সে হয় বটে, কিন্তু গর্বও হয়—মনে হয় তেজী বাড়াকে সায়েস্তা করে দশ লি চক্কোর দিয়ে সে ফিরল।

কিন্তু ভয় তার কমেছে বলে, সতর্কতা তার কমেনি। জোরে ছুটতে না

পারলে যেমন সোয়ারির কাছে তার মান থাকে না, তেমনি রিক্সাখানা অসতর্ক হয়ে ভেঙে বা দুমড়ে ফেললে নিজের কাছে নিজের মানই বা বাঁচে কই! রিক্সা তার জীবন, সাবধান সে তো হবেই। সাবধানত্বে আর সাহস এই দুয়ে মিলে এসেছে তার আত্মবিশ্বাস : সে এখন বিশ্বাস করে যে, সে আর তার রিক্সা দুই-ই লোহা দিয়ে তৈরী, ভারী মজবুত।

শুধু জোরেই সে ছোটো না, এখন খাটুনিও বেড়ে গেছে। সে মনে করে রিক্সা টেনে ভাতের জোগাড় করা মস্ত বাহাদুরি। যখন ইচ্ছে তখন রিক্সা ঠেলে রাস্তায় নেমে পড়ে, বাধা দেওয়ার তো কেউ নেই! বাইরের গুজবে সে কান দেয় না; সে কি আর শোনেনি যে, চ্যাঙ্ক মিন টিয়েন-এ লড়াই হচ্ছে, সৈন্ত সংগ্রহ চলছে, অথবা শহরের পশ্চিম ফটক দিয়ে চলাচল বন্ধ হয়ে গেছে। কি আর হবে? দোকানীরা দোকানের ঝাপ টেনে দেবে, হয়ত শীগগীরই পথে সশস্ত্র পুলিশ কি শাস্তিরক্ষা-বাহিনী দেখা দেবে। কিন্তু তার কি আসে যায়? রাস্তায় রিক্সা নিয়ে বেরিয়ে বিপদ না বাঁধালেই হোলো, গুজবে সে বিশ্বাসই করে না। তবে তার নিজের রিক্সা বলেই সাবধান হতে হয়েছে, কিন্তু শহরে লোকের মতো হাওয়া দেখেই বৃষ্টির আঁচ সে এখনো করতে শেখেনি। তাছাড়া নিজের উপর তার এতটুকু বিশ্বাস আছে যে, যতই বিপদে পড়ুক বেরিয়ে সে ঠিকই আসবে। অমন জোয়ান চেহারা, অমন চওড়া কাঁধ, তাকে বিপদে ফেলা তো আর সোজা কথা নয়!

লড়াইয়ের খবর আর গুজব প্রতিবছর বসন্তেই শোনা যায়। শস্তের পাকা ছড়ার সঙ্গে তার কোনো সম্বন্ধ আছে কিনা কে জানে! উত্তর চীনের লোকদের কাছে শস্তের পাকা ছড়া যেমন আশা নিয়ে আসে, তেমনি আনে সন্তানের ভীতি। খুশির রিক্সার বয়স সবে মাস ছয়েক হয়েছে, এমন সময় শস্ত পাকার সময় হয়ে এল। বসন্তের বর্ষণের জন্ত ছড়াগুলো তখন উন্মুখ হয়ে আছে। চাষীরা আশা করছে বৃষ্টি, কিন্তু বসন্তের খেয়ালী বৃষ্টি তখনো দেখা নেই, কিন্তু এদিকে লড়াই ঠিক বেঁধে গেল। সে তো আর কারো অপেক্ষা রাখে না।

খবর সত্যি কি মিথ্যে তা নিয়ে খুশি মাথা ঘামায় না। সে যে একদিন চামার ছেলে ছিল তাও সে ভুলে গেছে। যুদ্ধ এলে খামার নষ্ট হবে তো তার কি এল গেল! বসন্তের বৃষ্টিরও সে তোয়াকা রাখে না। একমাত্র রিক্সাখানই তার ধ্যান-জ্ঞান, তারই দৌলতে ভাত তার জুটবে। এ যেন এমন এক টুকরো জমি, যে ফসলই বোনো'না কেন, মরে হেজে যাবে না। তাছাড়া আর এক সুবিধা আছে; সঙ্গে সঙ্গেই ঘুরবে, চোখে চোখে রাখা যাবে। তবে বাইরের পৃথিবীর হালচাল যতটুকু জানা দরকার খুশি তা জানে। অনাবৃষ্টি আর যুদ্ধের গুজবে জিনিসপত্রের দাম চড়ে যাচ্ছে, এ-তো যে কোনো জিনিস কিনতে গিয়েই সে

টের পায়। কিন্তু শহুরে লোকের মতো শুধু অভিযোগই করে, প্রতিকারের কোনো উপায়ই খুঁজে পায় না। জিনিসপত্রের দাম চড়েছে, কিন্তু কি করা যায়? সম্ভা করবার উপায় কি? ক্লেই বা করবে! ভসব গোলমেলে ব্যাপার নিয়ে মাথা না ঘামিয়ে সে নিজের রুজি রোজগারের ধান্দায়ই বাস্ত। এতদিন শহুরে থাকা তার বৃথা যায়নি, শহুরে লোকের দাঁচ সে পুরোপুরি পেয়েছে।

শহুরে লোক প্রতিকারের উপায় ভাবুক না ভাবুক, গুজব রটাতে খুবই ওস্তাদ। কিছুই ব্যাপার নয়, একটা গুজব রটালেই হোলো; কখনো বা গুজবের মধ্যে একটু-আধটু সত্যের ছিটেকোটাও মিলে যায় বটে। তাহলে দেখা যাচ্ছে, তারা বোকা বা কুড়ে দুটোর একটাও নয়। এক ঝাঁক বেন ছোট নাহ; বিশেষ কিছু করবার নেই বলে জলের উপর মাথা তুলে কতগুলো বুদ্ধদের সৃষ্টি করেছে। এই মিথ্যে গুজবের ভিতরে সেরা গুজব হচ্ছে যুদ্ধের; অস্ত্র গুজবগুলি পরী আর দৈত্যের রূপকথার মতো। যতই বলো না কেন, তারা কখনো বাস্তবে দেখা দেবে না। কিন্তু যুদ্ধের গুজবের ব্যাপারই আলাদা। দেখতে দেখতে বাজে গুজব যে কখন সত্যি হয়ে দাঁড়াবে কে জানে। গুজব আর সত্যি ঘটনায় অস্ত্র ব্যাপারে যথেষ্ট তফাত থাকলেও যুদ্ধের ব্যাপারে তা মোটেই নয়। এখানে গুজবের আট কি ন'ভাগ তো সত্যি বটেই, তার বেশিও হতে পারে।

শীগগীরই যুদ্ধ বাধবে! একথা যদি কারো মুখ থেকে আপনি শোনেন, ঠিক জানবেন যুদ্ধ বাধলো বলে। কাদের সঙ্গে যুদ্ধ বাধবে তা নিয়ে হয়তো নানা লোকের নানা মত শুনবেন। খুশি একথা ভালো করেই জানে। রিক্সাওয়ালারা যুদ্ধ চায় না বটে, কিন্তু যুদ্ধ এলে তাদের খুব ক্ষতি নেই। যুদ্ধ বাধলে বড়লোকরাই ভয় পায় সবচাইতে বেশি। গুজবের হাওয়া উঠলেই তারা পালাবার জন্ত বাস্ত হয়ে ওঠে। টাকার লোভে তারা কোথাও গিয়ে জোটে বটে, কিন্তু বিপদের সম্ভাবনায় সেখান থেকে বাবসা গুটিয়ে সরে পড়তেও দেরি হয় না। কিন্তু পালাতে গেলেও একা তারা পারে না। তাদের পা যে টাকার ভারে ভারী হয়ে গেছে; স্বতরাং ভাড়া করা পা চাই বইকি। বাক্স বইবার জন্ত চাই কুলি; তাদের নিজেদের ভারী গতরের জন্ত চাই রিক্সা। তাই যুদ্ধ এলে আশঙ্কা আছে কিন্তু রিক্সাওয়ালাদের এ একটা মরশুমও বটে। দরও তখন যথেষ্ট চড়া। পূর্বের স্টেশন—কোথায় কতটা? পূর্ব স্টেশন—এক ডলার চল্লিশ সেন্ট—এক পয়সা কমে হবে না—লড়াই এগিয়ে এল বলে! এমনি এক দুর্ধোগের দিনে খুশি এক শোয়ারি পেল। শহরের দেয়ালের বাইরে তাকে পৌছে দিতে হবে। গত দশদিন ধরে যুদ্ধের গুজব জোর চলছে, জিনিসপত্রের দামও চড়েছে। যুদ্ধ এখনো বহুদূরে, শীগগীর যে পিকিঙ্ক-এ

পৌছবে এমন লক্ষণ নেই। খুশি আপন খুশিতে রিক্সা টেনে চলল, গুজবের জ্ঞান কামাই দিতে সে রাজি নয়। সেদিন সে রিক্সা নিয়ে শহরের পশ্চিম দিকে বেরিয়ে পড়লো। চারদিকে আসন্ন বিপদের ছায়া ঘনিয়ে আসছে। পথ থা থা করছে, 'একটা রিক্সারও চিহ্ন নেই পথে, এমন কি চিঙ-হুয়া বিশ্ববিদ্যালয়ের কাছেও নয়। নিউ রোড দরজার কাছে কিছুক্ষণ সে ঘুর ঘুর করে বেড়াল। সোয়ারির দেখা নেই! একজন পথচারী তাকে ডেকে বলল, আজ আর শহরের বাইরে যাওয়ার সোয়ারি মিলবে না, পশ্চিম দরজার বাইরে গাড়ি রিক্সা সর আটক করা হচ্ছে। খুশি ঠিক করল, একপাত্র চাঁ খেয়ে রিক্সা নিয়ে চলে যাবে। রাস্তা যখন থা থা করছে, বিপদ আসন্ন নিশ্চয়ই! অবিপত্তি বিপদকে সে ডরায় না, কিন্তু শূণ্য রাস্তায় টহল দিয়ে তো আর লাভ নেই। . .

সে এমনিধারা চিন্তা করছে এমন সময় দক্ষিণ দিক থেকে দু'খানি রিক্সা এসে হাজির হলো। সোয়ারি দুজনকে ছাত্র বলেই মনে হয়। তারা দুজন চিৎকার করে বলছে, চিঙ-হুয়া কে যাবে—চিঙ-হুয়া। চিঙ-হুয়া বিশ্ববিদ্যালয় শহর থেকে বেশ কিছু দূরে। রিক্সাওয়ালারা চূপ করে রইল; একজন বসে বসে পাইপ টানছিল, সে একবার ঘাড় ফিরিয়েও দেখল না। বিপদ ঘনিয়ে আসছে, এখন কে শহর ছেড়ে চিঙ-হুয়া যাবে? রিক্সার সোয়ারি দুজন আবার চিৎকার করে উঠল, কি, সব বোবা হয়ে গেছ নাকি? চিঙ-হুয়া কে যাবে—চিঙ-হুয়া!

মাথা কামানো ছোকরা রিক্সাওয়ালা বলে উঠল দুডলার পেলে আমি যাই কত্তা। যেন সে অন্য রিক্সাওয়ালাদের ঠাট্টা করেই কথাটা বললো। .

চলে এস, আর একখানা আমাদের যোগাড় করতে হবে। রিক্সা দুখানা এবার থামল। ছোকরা রিক্সাওয়ালা একটু হকচকিয়ে গেল, কি করবে ভেবে পেল না। অত্ন সবাই চূপ। খুশি বুঝতে পারল, এখন শহরের দেয়ালের বাইরে কেউই যেতে রাজি নয়; নইলে স্বাভাবিক অবস্থায় বিশ কি ত্রিশ সেন্টে সোয়ারি নিয়ে তারা চিঙ-হুয়া গেছে, আর আজ কিনা দু দু ডলারেও কারো মুখে বা নেই। অত্নের কথা থাক, তার নিজেরই তো যাওয়ার ইচ্ছা নেই। কিন্তু ছোকরা-রিক্সাওয়ালা নাছোড়বান্দা, সে ঠিক করল, কেউ না যায় সে একাই যাবে। কিন্তু তার আগে একবার কাউকে ভিড়িয়ে নেবার চেষ্টা করতে হবে। হঠাৎ খুশির দিকে তার নজর পড়ল।

কি রে জোয়ান মরদ বাবি নাকি?

'জোয়ান মরদ'—এই দুটি কথা শুনে খুশি হাসল—আত্মপ্রসাদের সে হাসি; বেশ কথাটা বলেছে তো। সে ভেবে দেখল, অত্নত এমন প্রশংসার জন্তেও



তো ছোকরার সঙ্গী হওয়া উচিত। তারপরে হুড়লার তো আছেই। রোজই আর এমন মওকা মেলে না। বিপদ? নাওতো ঘটতে পারে! সঙ্গে সঙ্গে তার মনে পড়ল, দুদিন আগে সে শুনেছিল ‘স্বর্গের বেদী’ অঞ্চল নাকি পল্টনে ভরে গেছে, কিন্তু নিজে গিয়ে তো পল্টনের টিকিও দেখতে পাননি। রিক্স টেনে নিয়ে রাস্তার ওপাশে গিয়ে দাঁড়াল। বিপদ আসে আবহুক না, সে যাবেই।

পশ্চিম দরজায় পৌঁছে তারা সেখানে পাহারাওয়ালার চিহ্ন পর্যন্ত দেখতে পেল না। খুশির ভয় হোলো। ছোকরাও ভয় পেয়েছে, কিন্তু মুখে হাসি বজায় রেখে সে বলল, সাঙাং, কপাল যদি ভালো হয়, কোনো ভয় নেই আর কপাল মন্দ হলে কি আর করা যাবে? বিপদ এড়াতে চাইলেই কি এড়ানো যায়?

খুশি বুঝতে পারল, অবস্থা বেশ ঘোরালো হয়ে উঠেছে, কিন্তু এতদূর এসে এখন ভয়কাতুরে বুড়ির মতো ফিরে গেলে চলে না। যা থাকে বরাতে এগুতেই হবে।

পশ্চিম দরজা পার হয়ে তারা এগিয়ে চলল। পথ শূণ্য; যতদূর চোখ যায় একখানা রিক্সা নেই। খুশি ছুয়ে পড়ে রিক্সা টেনে চলেছে, বুক ভয়ে ধুক ধুক করছে। আশেপাশে তাকাবার সাহস তার নেই। ‘উজলা ব্রিজের’ কাছে এসে সে একবার মুহূর্তের জন্য চোখ তুলে চারিদিকে তাকাল। না, একটাও সৈন্য দেখা যাচ্ছে না, বৃকের ধুকধুকানি কমে এল। সে মনে মনে বলল, হুড়লার পাওয়া কি চাট্টিখানি কথা নাকি! একটু সাহস না থাকলে এমন দাঁও তো ফস্কাবেই। এমনি সে কথা বলে না, কিন্তু কি মনে করে আজ সে সঙ্গীকে বলল, ভাই সোজা সড়ক ছেড়ে এবার অচ্যপথ ধরা যাক, কি বলিস!

আরে আমাদের আর বলতে হবে না। সোজা শড়কে চলে কি ফ্যাসাদ বাঁধাব!

মোড় ঘুরতে যাবে এমন সময় এক কাণ্ড হোলো। কোথা থেকে জনদশেক সৈন্য ছুটে এসে তাদের ঘিরে ফেলল। তারা হোলো বন্দী।

কনকনে ঠাণ্ডা। খুশির একটা জামায় শীত মানে না, কিন্তু উপায় নেই। পোশাক নেই, নেই বিছানা, শুধু সৈনিকদের বহু ব্যবহৃত একটা ধূসর কোট, আর নীল রঙের পায়জামা—তাও ঘামের দুর্গন্ধভরা। যখন ওরা তাকে ওগুলো ব্যবহার করতে দেয়, তখনই ঘামে জ্বজ্জবে ভিজ়ে ছিল। হেঁড়া কোটটার দিকে তাকিয়ে খুশির মনে পড়ল, তার নিজের নীল রঙের কোট আর পায়জামার কথা। কেমন চমৎকার একেবারে ধবধবে পরিষ্কার!

ঘামের গন্ধ নাকে এসে ঢুকছে, পোশাক ছিঁড়ে কালি ফালি হয়ে গেছে! সে একটা দীর্ঘনিশ্বাস ফেলল। অতীতের কথাই মনে পড়ছে। কত খেটে খুটে সে রিক্সা কিনেছিল! আজ তার মনে হয়, সে এক কীর্তি। যত মনে পড়ে, তত সৈন্যদের প্রতি ঘৃণা তার বেড়ে যায়। তার পোশাক কেড়ে নিয়েছে, কেড়ে নিয়েছে টুপি আর রিক্সা। এমন কি কোমরে যে কাপড়ের কালিখানা সে কোমরবন্ধের মতো জড়িয়ে রাখত, সেখানা পর্যন্ত তারা কেড়ে নিতে ছাড়েনি। শুধু তাই-ই নয়। মেরে মেরে শরীরে তারা কালশিরা দাগ ফেলেছে, পায়ে তলায় পড়েছে ফোঁকা।

‘আচ্ছা, পোশাক আর গায়ের দাগের কথা না হয় ছেড়েই দেওয়া গেল, নতুন পোশাক না হয় কেনা যাবে, কালশিরা দাগও মিলিয়ে যাবে, কিন্তু রিক্সাখানার কি হবে? গায়ের রক্ত জল করে রিক্সা সে কিনেছিল, সেই রিক্সা তারা কেড়ে নিয়েছে! ছাঁউনিতে পৌঁছবার পর আর রিক্সাখানার চেহারা দেখেনি। সব কিছু সে এক নিমেষে ভুলতে পারে, কিন্তু রিক্সাখানার কথা কি করে ভুলবে।

কষ্টকে সে ডরায় না। কিন্তু মুখের কথায় তো আর একখানা রিক্সা জুটবে না। আবার কয়েক বছরের ধাক্কা তো বটেই। নতুন করে শুরু করতে হবে। খুশি কেন্দে ফেললে। শুধু সৈন্যদের উপর নয়, সমস্ত পৃথিবীর উপর তার ঘৃণা জন্মেছে। কেন তার উপর এমন অবিচার হোলো, কেন, কেন? সে চিন্তার করে উঠল।

নিজের স্বর শুনে সে চমকে গেল। না, না, এখন পূর্বনো দিনের জাবর কাটলে চলবে না। এখন শুধু ভাবতে হবে কি করে সে জ্যান্ত এদের হাত থেকে পালাতে পারে সেই উপায়।

এটা কোন জায়গা? তাও সে জানে না। কদিন ধরে পন্টনের সঙ্গে চলেছে তো চলেছেই, মাথার ঘাম পায়ে পড়ছে, কিন্তু তবু বিরাম নেই। সৈন্যদের জিনিস-পত্র ঠেলা গাড়িতে টেনে নিয়ে চলেছে। যখন তারা কোথাও তাঁবু ফেলে, তখনো সে ছুটি পায় না। জল আনে, আগুন ধরায়, ঘোড়াগুলির দানাপানি জুগিয়েছে, ভোর থেকে রাত পর্যন্ত এমনি চলে—মন ফাঁকা হয়ে গেছে। ছপূর রাতে শাপ্ত হয়ে ঘুমোতে যখন যায়, তখন আর ভাববার শক্তি থাকে না, মরার মতো ঘুমোয়। মাঝে মাঝে মনে হয়, আর যদি চোখ খুলতে না হয় তাহলেই বুঝি সে বাঁচে!

তার শুধু এইটুকু মনে আছে, পন্টন প্রথমে পাহাড় অঞ্চলে যায়। পাহাড় বেয়ে উঠবার সময় সে অগ্নি কোনো কথা ভাববার ফুরসৎ পায়নি। শুধু মনে হতো, এই বুকু পা ফসকে সে পড়ে গেল! পড়ে গেলে তো আর নিস্তার নেই—সাদা ঈগলগুলো কেমন চারদিকে উড়ছে! ওরা ঠোঁট দিয়ে খুঁটে খুঁটে মাংস খেয়ে নেবে, হাড় রিক্সাওয়ালা

কখনাই শুধু থাকবে। দিনের পর দিন এমনি পাহাড় বেয়ে চলবার পর, একদিন আবার সমতল জমি দূরে দেখা দিল।

তখন সূর্য ডুবে গেছে, রাত হয়েছে। রাতের খাওয়ার বিউগল বেজে উঠল, যারা কিছুদূরে পাহারায় ছিল তারা ফিরে এল। তাদের সঙ্গে তিন চারটে উট! খুশির বুক ভুলে উঠল। এতদিন মন ছিল তার ফাঁকা, কোনো ভাবনা মুহূর্তের জন্য দাগ ফেলতে পারেনি, আজ কিন্তু ভাবনার ছায়া পড়ল তার মনে। এ ঘেন দিশেহারা কোনো পথিক, পথ ভুলে ঘুরে মরছিল, হঠাৎ চেনা পথ-রেখার দিগ পেয়েছে। এবার আর তাকে পায় কে! উট পাহাড়ে উঠতে পারে না! তারা তাহলে সমতল ভূমিতে এসে পৌঁছেছে। পিকিঙ-এর পশ্চিমে গায়ের লোকেরা উট পোষে—একথা সে জানে। তাহলে এত ঘুরে ঘুরে তারা কি এতদিনে মাত্র পিকিঙ-এর কিছুটা পশ্চিমে এসেছে! এ আবার কি ফন্দি এদের? ভেবে সে কোনো কুলকিনারা পেল না। পিকিঙ-এর পশ্চিমে তাহলে কি তারা হোয়াইটস্টোন গিরিবয়ে এসে হাজির হয়েছে? যদি তাই হয়, তাহলে এই তো মস্ত স্বযোগ! এখান থেকে উত্তর-পূর্ব দিকে পাহাড়; দক্ষিণে রেলের লাইন। একটা সোজা সড়ক পশ্চিমেও চলে গেছে। পন্টন কোন পথ ধরবে কে জানে। কিন্তু তার পালাবার এই স্বযোগ!

পন্টন যদি পাহাড়ের দিকে যায়, তাহলে সেখান থেকে পালাতে চেষ্টা করা বুঝি পালালেও উপোস করে মরবার ষথেষ্ট আশঙ্কা। পালাতে হলে এইই উপযুক্ত জায়গা। এখান থেকে সে ঠিক শহরে পালিয়ে যেতে পারবে। যদিও দূর বটে, কিন্তু পথঘাট চেনা! খুশি উত্তেজিত হয়ে উঠল। তার ক্লান্ত দেহে আবার ঘেন শক্তির জোয়ার এসেছে, বুক লেগেছে দোলা। সারাদেহ কাঁপছে উত্তেজনায়।

দুপুর রাত গড়িয়ে গেল, তবু চোখে ঘুম এল না। আশায় সে উল্লসিত হবার পরকণ্ঠেই এল নিরাশা। যদি বিফল হয়? পাশ ফিরে কতবার সে ঘুমোতে চেষ্টা করল, পারল না। চারদিক নিস্তরঙ্গ; আকাশ তারায় তারায় ভরে গেছে। সে তাকিয়ে তাকিয়ে দেখল। ওকি! উট ডাকছে। বেশি দূরে নয়, কাছেই, কান পেতে সে শুনল। কেমন ঘেন বিষন্ন ডাক, কিন্তু শুনতে খারাপ লাগে না।

হঠাৎ দূরে কামানের গর্জন শোনা গেল—বহুদূরে কিন্তু কামানের শব্দই বটে। চারদিকে হল্লা-হল্লাড়, ব্যস্ততা। সে উঠে বসল; সময় এসেছে! পন্টনকে এবার পাহাড়ে গিয়ে লুকোতে হবে—তাছাড়া উপায় নেই!

নিশ্বাস বন্ধ করে সে হামাগুড়ি দিয়ে চলল উটগুলোর খোঁজে। উট তার কোনো উপকারেই আসবে না। কিন্তু ভারবাহী হিসেবে সেও তো ওদেরই একজন—তাই বুঝি কেমন মায়া পড়ে গেছে। চারদিকে ব্যস্ততা, হল্লা। সে খুঁজে পেল তাদের।

উটগুলি মাটির টিবিৰ মতো নিঃশব্দে পড়ে আছে, শুধু নিশ্বাস-প্রশ্বাসের শব্দ শোনা যাচ্ছে। চারদিক চুপচাপ। সৈনিক যেমন করে বালির বস্তার পেছনে আশ্রয় নেয়, তেমনি করে সে উটগুলির পেছনে পালিয়ে রইল। মনে মনে সে খতিয়ে দেখল—গুলির শব্দ দক্ষিণ দিক থেকে আসছে। যদিও লড়াই না বেধে থাকে তবু ওপথে ওরা যাবে না। পাহাড়েই পালাবে, কিন্তু উট সেখানে অচল। ওদের উটগুলো এখানে রেখেই পালাতে হবে। মাটিতে কান পেতে সে শুনতে চেষ্টা করল পায়ের শব্দ এগিয়ে আসছে কিনা, বুক কাঁপতে লাগল অজানা আশঙ্কায়।

বহুক্ষণ কেটে গেল। না, কারো সাড়াশব্দ নেই। উটের খোঁজেও কেউ আসেনি। উটগুলির কুঁজের আড়াল থেকে উঁকি মেরে দেখল। কেউ কোথাও নেই, শুধু ঘন কালো রাত চারদিক ছেয়ে আছে। আর কি—এবার সে ছুটবে। বরাতে যাই থাকুক—সে ছুটবেই!

## তিন

কিছুদূর গিয়েই খুশি থামল। উটগুলি ফেলে সে যেতে রাজি নয়! নিজের জীবন ছাড়া আর রেশ্ত বলতে কিছুই তার নেই। পথে এখন এক টুকরো শগের দড়ি দেখলেও সে তা কুড়িয়ে নিতে পারলে খুশি হয়। হয় তো কোনো কাজেই আসবে না, কিন্তু হাতের মুঠোয় পুরে স্থখ আছে বই কি! এ যেন মস্ত অবলম্বন—নিজেকে আর সর্বহারা বলে মনে হবে না। এখন অবশ্য নিজের প্রাণ বাঁচানোই সব চাইতে বড় কথা—কিন্তু কি হবে প্রাণ বাঁচিয়ে যদি আর কিছু না রইল? উটগুলি সে নিয়ে যাবে। উট দিয়ে কি হবে, সে কথা সে ভাবল না। তবু তো কিছু হাতে পাওয়া গেল।

উটগুলিকে টেনে সে তুলল। জন্তুদের কি করে বাগ মানাতে হয় সে জানে না। কিন্তু ভয় সে পেল না। উটগুলি আস্তে আস্তে উঠে দাঁড়াল। সে তাদের তাড়িয়ে নিয়ে চলল। কটা সে নিয়ে চলেছে, সবগুলি বাঁধা আছে কিনা—সেদিকে নজরই দিল না।

কয়েক পা গিয়ে আপশোষ হোলো, উটগুলি নিয়ে এমে সে ভালো করেনি। ভারী বোঝা বয়ে বয়ে এই জন্তুগুলির জোরে চলার অভ্যাস নেই। তাকে এখন ওদেরই সঙ্গে আস্তে আস্তে সাবধানে চলতে হবে। রাস্তায় এখানে জল, ওখানে কাঁদা—একবার পিছলে পড়লে হোলো। ওদের পা দুখানাই সব, জখম হলে আর রইল কি? তার পর পশুনের ভয় এখনো যায়নি।

কিন্তু ছেড়ে দিতেও তার মনে ধরল না। আচ্ছা দেবতারাই বলুন—বিনে পয়সায় পাওয়া উটগুলি কি করে সে ছেড়ে দেয়?

রিজ্জা টানতে ওস্তাদ বলেই দিক সখস্বে জ্ঞান তার টনটনে। কিন্তু এখন সব যেন কেমন ঘুলিয়ে গেল। উটগুলো পেয়ে সে পথের দিকে বিশেষ লক্ষ্য রাখেনি। তার উপর কি কালো রাত। এখন তারারাই ভরসা। কিন্তু তারাগুলো কেমন মিট মিট করছে—মনে হয় ওরা বুঝি তার থেকেও মুন্সিলে পড়েছে। খুশি আর আকাশের দিকে না তাকিয়ে মাথা নিচু করে এগিয়ে চলল। জোরে সে চলতে চাইল, কিন্তু উটগুলির জগে চলতে পারল না।

সে ভেবে দেখল, উট নিয়ে চলতে হলে তাকে সদর সড়কেই চলতে হবে। হোয়েটস্টোন গিরিবন্ধ্য থেকে হলুদ গাঁ পর্যন্ত একটা সোজা রাস্তা আছে, উট

নিয়ে চলাচলে সে পথে কোনো অসুবিধেই হবে না। রিক্সাওয়ালার কাছে সোজা পথের দায় তের বেশি। কিন্তু বিপদ এই যে, ও পথে লুকিয়ে থাকবার সুবিধে নেই। যদি আবার পল্টনের সঙ্গে দেখা হয়, তখন কি হবে? পল্টনের সঙ্গে দেখা না হলেও আর এক বিপদ আছে। কেউ যদি জিজ্ঞেস করে, উট সে কোথায় পেল, কি উত্তর দেবে? তার ছেঁড়া পোশাক দেখে কেউ তো আর তাকে উটের মালিক বলে বিশ্বাস করবে না। না, মালিকের ভূমিকায় তাকে মানায় না, একেবারেই না! নিশ্চিত হতে হলে, তাকে জন্তুগুলি ছেড়ে দিতে হবে। কিন্তু সে কিছুতেই ছেড়ে দিতে পারল না, দড়ি ধরে তাদের তাড়িয়ে নিয়ে চলল। ওদের ছেড়ে সে দেবে না, লোক বুঝে গরু তৈরী করে বলবে, যদি বেঁচে থাকে, কয়েকটা উটের মালিক হয়ে বেঁচে থাকাই তো ভাল, আর মরলে তো সব ল্যাঠাই চুকে গেল।

গায়ের জামাটা সে ফরফর করে ছিঁড়ে ফেলল, কলার আর পিতলের বোতাম ছুঁড়ে ফেলে দিল। এখন আর সৈন্য বলে কেউ তাকে সন্দেহ করতে পারবে না। পায়জামা গুটিয়ে হাটু পর্যন্ত তুলে দিল। কিন্তু এখনো ঠিক উট-চালক বলে তাকে মনে হয় না; দল ছেড়ে পালানো সৈনিকও আর সে নেই।

তার মনে হোলো উটের পিঠে চড়ে বসলে বেশ হয়। খিদেয় পেট জ্বলছে, চলবার শক্তি আসছে কমে, উটের পিঠে চড়লে অন্তত যিহের জলুনি খানিকটা কমবে, শক্তিও ক্ষয় হবে না। কিন্তু উটের পিঠে চড়াই যে মুশ্লিল। উটকে কোনো উপায়ে হাটু গাঁড়ে বসাতে হবে। সে তো, সময়সাপেক্ষ, ও নিয়ে মাথা ঘামাবারও সময় নেই। তাহাড়া উটের পিঠে চড়লে স্রুমুখের পথ ঘাট অত উঁচু থেকে দেখাই যাবে না, আর উট যদি একবার পা পিছলে পড়ে যায় তাহলে তাকেও কুপোকাত হতে হবে। না, তার চাইতে হাটাই ভালো।

সে বুঝতে পারল, সদর রাস্তা ধরেই সে চলেছে; কিন্তু কোথায় কোন অঞ্চলে সে ক্রমে এসে পড়েছে, কোনদিকেই বা যাচ্ছে—সে-সম্বন্ধে কোনো ধারণাই করতে পারল না। গভীর রাত, দীর্ঘদিনের উপোস আর ভয়ে শরীর আর মন পাথরের মতো ভারী হয়ে উঠেছে; আর চলতে চায় না এমনি অবস্থা। নিজের আস্তে আস্তে চলার তালে তালে ঘুম পাচ্ছে, একরকম ঘুমিয়ে ঘুমিয়েই সে চলেছে। রাত এখনো ঘন কালো; হাওয়া বইছে, মন অজানা আশঙ্কায় ভরে গেছে। খুশি ভালো করে পাথরের নিচের পথেরথার দিকে তাকাল। স্রুমুখে পথ যেমনো ছলে ছলে ফুলে ফুলে উঠছে, পা বাড়াতেই ভয় হয়। কিন্তু পা বাড়ালেই থেকে সেই; পা মাটিতেই ঠেকছে, সমতল জমিতেই পা পড়ছে। তবু এমন রাতে সাবধান না হয়ে

উপায় নেই। খুশি নিজের উপরই বেগে গেল। কিন্তু উপায় কি? চোখে ছাই কিছুই দেখা যাচ্ছে না! মনে হচ্ছে, শূন্যতা থেকে শূন্যতায় সে পা বাড়িয়ে দিচ্ছে, আর তার সঙ্গে সঙ্গে নিঃশব্দে চলতে উঠের সার।

ক্রমে আঁধার চোখে সয়ে এল। বুকের ধুক-ধুকানি কমেছে, চোখ বুজে আসছে। সে বুঝতে পারল না, এগিয়ে চলেছে না একেবারে থেমে পড়েছে। শুধু সে অনুভব করল একের পর এক গতির ঢেউ—এক কালোয় কালো সমুদ্র যেন ছলে ছলে উঠছে। সব কিছু আবছা হয়ে আসছে, তালগোল পাকিয়ে গেছে। চোখ খুলে রাখবার উপায় তাকে খুঁজে বার করতে হবে এখন। যদি গা এলিয়ে দিয়ে ঘুমিয়ে পড়ে, তিনদিনেও সে ঘুম ভাঙবে কিনা সন্দেহ। কিন্তু কি করে চোখ খুলে রাখা যায়? মাথাটা ঘুরছে, সমস্ত শরীর ঘামে ভেজা; পা তুলতে পারছে না; গলা শুকিয়ে কাঠ হয়ে গেছে। এখন চিন্তা করাই শক্ত, নিজের সত্যিই যেন সে ভুলে যাচ্ছে। একটা মোমবাতি নিবে এসেছে প্রায়, এখন চারদিকে আলো ছড়ান তো দূরের কথা, নিজের অস্তিত্বটুকু বজায় রাখাই শক্ত।

আর কখনো সে এমন বিপদে পড়েনি, এমন অনিশ্চিতের ঢেউয়ে হাবু-ডুবু খায়নি। বন্ধু তার বড় কেউ নেই, আর তার প্রয়োজনও সে বোধ করেনি। সূর্য যতক্ষণ আলো দিচ্ছে, যতক্ষণ চারদিক পরিষ্কার দেখা যাচ্ছে ততক্ষণ ভয় করবার কিছু নেই। কিন্তু এমন আঁধার রাতে...

গাধা বা খচ্চর হলে ছিল ভালো, সায়েস্তা করবার জগ্রে জেগে থাকতেই হতো, কিন্তু উটরা একেবারে নিরীহ জন্তু। চলেছে তো চলেছেই—দড়িতে একটু টানও পড়ছে না। মাঝে মাঝে তাকেই বরং সজাগ হয়ে দেখতে হচ্ছে, উটগুলো আছে কিনা। বলা তো যায় না, তার ঘুমের স্বযোগ নিয়ে হয় তো পালিয়েই গেছে। এ যেন এক চাণ্ড বরফ দড়ি বেঁধে টেনে নিয়ে চলছিল, কখন যে গলে জল হয়ে গেছে টেরও পায়নি।

কখন যে সে ঘুমিয়ে পড়ল—সে নিজেই জানে না। কতক্ষণ ঘুমিয়েছে কে জানে। মিনিট পাঁচেকও হতে পারে, আবার এক ঘণ্টাও হতে পারে।

সে ধড়মড়িয়ে উঠে বসল। এ স্বাভাবিক ঘুম ভাঙা নয়, হঠাৎ হোঁচট খাওয়া বরং বলা যেতে পারে। এখনো তেমনি আঁধার সব লেগে পুঁছে একাকার করে দিয়েছে। শুধু মোরগের ডাক শোনা যাচ্ছে। তীক্ষ্ণ স্বর কানে এসে বাজছে; মাথার ভিতরের ভার যেন গলে যাচ্ছে; ঘুমের নেশা কেটে যাচ্ছে।

উট? অস্ত্র কিছু চিন্তা করবার সময় নেই। হাতে দড়ি রয়েছে, উটগুলি ঠিক আছে তো? হ্যাঁ, ঠিকই আছে। সে স্বস্তির নিশ্বাস ফেলল, আলসেমি এখনো যায়নি। নড়তে ইচ্ছে করছে না, কিন্তু ঘুমোলেও তো চলে না। ফন্দি

ঠাওরাতে হবে, ভেবে চিন্তে ফন্দি ঠাওরাতে হবে। রিক্সার কথাও তার মনে পড়ল।  
রিক্সাখানা বেহাত হয়েছে। কেন এমন হোলো ?

2555

প্রশ্ন করে কোনো লাভ নেই। উটগুলো দিকে সে তাকাল। রাতের  
আঁধারে সে গুনে ষেথবার সময় পায়নি, এখন গুনে দেখল। তিনটে উট।  
বেশি নয়, কিন্তু ওরাই এখন তার একমাত্র ভরসা। উটগুলি বেচে একখানা  
রিক্সা কিনলেই তো হয়? সে লাফিয়ে উঠতে গেল। তাইতো এমন বোকা  
সে, আগে একথা ভাবেইনি।

মন সে স্থির করে ফেলল। মোরগের ডাক সে শুনতে পেয়েছে তো?  
মোরগ যদি রাত ছুটার সময়ও ডেকে থাকে, তাহলেও ভোর হবার আর  
বেশি দেরী নেই। আর কাছে যখন মোরগ আছে, তখন গ্রামও আছে  
নিশ্চয়ই। হয়তো ছোটোখাটো শহরই হবে। ওখানে নিশ্চয়ই উট ব্যবসায়ী  
পাওয়া যাবে। তাড়াতাড়ি গেলে ভোরেই ওখানে সে পৌছে যাবে, তারপর  
উট বিক্রি করে শহরে ফিরে গিয়ে রিক্সা কিনবে। এখন গোলমালের সময়  
রিক্সার দাম নিশ্চয়ই কমেছে। রিক্সা কেনার কথাই সে ভাবল, তাই উট  
বিক্রি করা তার কাছে সোজা বলেই মনে হোলো।

আশায় সে উল্লসিত হয়ে উঠল, ক্লান্তি উবে গেল। কেউ যদি তিনটে উটের  
বদলে একশ ‘মু’ জমি কি তিনটে মুক্কাও তাকে দেয়, সে নেবে না, সে রিক্সা  
কিনবে। উঠেপড়ে চলতে লাগল, দড়ি বাঁধা উট তিনটি রইল পিছনে।  
উটের চলতি বাজার দর সে জানে না, কার কাছে যেন শুনছিল, যখন রেল লাইন  
হয়নি তখন পঞ্চাশ ভরি রূপায় এক একটা উট বিকোত। উট গাধা বা  
ঘোড়ার থেকে খায় কম, খাটতে পারে বেশি। তিনটে উট বিক্রিয়ে এখন আর  
দেড়শ ভরি রূপো পাওয়া যাবে না বটে, কিন্তু আশি কি একশ ডলার  
মিলবেই—আর রিক্সা কেনার পক্ষে তাইই তো যথেষ্ট।

আকাশ এবার ফরসা হয়ে এসেছে। আর ভুল হবে না—পুবদিকেই সে  
চলেছে। পথ ভুল হতে পারে, কিন্তু দিক ঠিকই আছে। পশ্চিমে পাহাড় আর পূবে  
আছে শহর। শহরের দিকেই সে চলেছে। ঘন কালো রাতের বৃষ্টি এবার আলো  
আঁধারি খেলা শুরু হয়েছে, কিন্তু এখনো ঠিক চোখে মালুম হয় না। ধূসর  
কুয়াশার ভিতরে দূরের গাছপালা, চষা ক্ষেত ধীরে ধীরে রূপ পাচ্ছে। তারাগুলি  
নিশ্প্রভ হয়ে আসছে; আকাশ যেন আরও উচুতে উঠে গেছে; পারার মতো  
একটা পাতলা আন্তরণ ভাসছে সেখানে। মেঘ কি কুয়াশা হবে। খুশি মুখ  
তুলে তাকাল, আর ভয় নেই। ভিজ়ে ঘাসের গন্ধ এসে নাকে লাগছে।  
পাখীর অস্পষ্ট ডাক সে শুনতে পাচ্ছে। ইজ্রিয়গুলো তার সজাগ হয়ে উঠল।



নিজেকেও সে দেখতে পাচ্ছে ; পোশাক ছিঁড়ে গেছে, মুখে ধুলোর ঘন অন্তর পড়েছে, কিন্তু এখনো সে বেঁচে আছে। দুঃস্বপ্ন দেখার পরে জেগে উঠে যেমন মনে হয় বেঁচে থাকারটাই আশ্চর্য্য, এ যেন তেমনি এক অতৃপ্তি। নিজের দিক থেকে চোখ ফিরিয়ে সে এবার উটগুলির দিকে তাকল। তার মতোই নোংরা, কিন্তু গুদের দেখতে বেশ ভালোই লাগছে। এই ঋতুতে জীবজন্তুর গা থেকে লোম ঝরে পড়ে। উটগুলিরও লোম ঝরে পড়েছে, এখানে ওখানে দু'এক থোকা শুধু বুলে আছে। গলার কাছটা কি বিশ্রী ! লম্বা সরু গলায় একটাও লোম নেই—মনে হয় যেন বোঁগা কতগুলো ছাগল চলেছে।

কিন্তু খুশির ভালোই লাগল। যতই বিশ্রী দেখতে হোক না, বেঁচে তো আছে। তিন তিনটে জ্যাস্ত উটের সে মালিক, তার চাইতে ভাগ্যবান কে আছে। রিক্কার বদলে দেবতার। তাকে উট দিয়েছেন। উট ফেলনা জিনিস নয়, সচরাচর মেলে নাকি ? খুশিতে উজলে পড়ল।

দুসর আকাশে লাল আভা দেখা দিয়েছে, স্পষ্ট হয়ে ফটে উঠছে গাছপালা। ক্ষণে ক্ষণে রং বদলাচ্ছে। দুসর আর লাল রঙে মিশে কোথাও বা ফিকে লাল কোথাও বা বেগুনী রং ধরেছে ; খানিক পরেই কমলা রং ফটে উঠল। সব কিছু স্পষ্ট হয়ে উঠেছে। পূব আকাশে কুয়াশার রং গাঢ় লাল, মাথার উপরে আকাশ ঘন নীল। হঠাৎ লাল কুয়াশা ছড়িয়ে পড়ল পেঁজা তুলোর মত, তারই ফাটল দিয়ে সোনালী আলো ছড়িয়ে পড়েছে, মেঘে মেঘে সোনার জরি দিয়ে কে যেন বুনছে এক প্রকাণ্ড চাদর। ঘাস আর গাছপালার রং—নীলকান্তমণির মতোই উজ্জল।

গাছের গুঁড়িগুলো প্রথম আলোয় বলমল করছে, উড়ন্ত পাখীর পাখায় লেগেছে সোনালী রং। চারিদিক যেন হাসছে। খুশির মনে হোলো সে কত দিন এমন সূর্যোদয় দেখেনি। এত দিন এক অভিশাপের ভিতর কেটেছে ; সূর্য আর চাঁদের মুখ সে দেখেনি, দেখেনি উনার আকাশ। আজ অভিশাপ মোচন হয়েছে। সে মুক্ত ; পথ চলেছে ; উজ্জল হয়ে উঠেছে পথরেখা। ঘাসের উপর শিশির টলটল করছে, তার উপর পড়েছে রোদ—মুক্তার মত জ্বলছে—দেখলে চোখ জুড়িয়ে যায়, নিজের দুঃখ ভুলে যেতে হয়। খুশি প্রাণ ভরে দেখে নিল। তার শরীরে ধুলোর পলাস্তারা পড়েছে, পোশাক জীর্ণ—কিন্তু সূর্যের আলো, তার উষ্ণতা তার কাছে নিষিদ্ধ হয়ে যায়নি। সে উষ্ণতা, আলো পৃথিবীরই বাসিন্দে। এত স্থখী সে, আনন্দে চাঁৎকার করে উঠতে ইচ্ছা করল।

নিজের ছেঁড়া পোশাক আর কদাকার উটগুলির দিকে তাকিয়ে সে হাসল। আশ্চর্য্য ব্যাপারই বটে ! এই চারটে অদ্ভুত জীব কি করে বিপদ এড়িয়ে আবার

স্বর্ষের আলোর মুখ দেখতে পেয়েছে! দেবতার দয়া ছাড়া কি আর তা সম্ভব হতো!

পিকিঙ! পিকিঙ-এর জ্ঞ সে পাগল হয়ে উঠল। তার মা বাপ নেই, আপন বলবার মতো কিছুই নেই। তবু পিকিঙ তার বাড়ি—গোটা শহরটাই তার বাড়ি। একবার সেখানে পৌছতে পারলে কিছু উপায় হবেই।

দূরে একটা গ্রাম। বেশ বড় গ্রাম বলেই মনে হয়। একদার উইলো গাছ সবুজ পোশাকপরা সৈনিকের মতোই যেন গ্রামখানিকে পাহারা দিচ্ছে। নিচু হয়ে খুশি তাকিয়ে, দেখল বাড়িগুলোর চিমনি থেকে ধোঁয়া উঠছে। গোঁষো কুকুরের ঘেউ ঘেউ শব্দ তার কাছে বড় মিষ্টি ঠেকল। ওখানে গেলে কি হবে না হবে, না ভেবেই সে গ্রামের দিকে রওনা হলো।

কুকুরগুলো তার পিছনে তাড়া করে এল—সেদিকে তার বিন্দুমাত্র ভ্রক্ষেপ রইল না, কিন্তু গ্রামের ছেলেমেয়ে আর স্ত্রীলোকদের ভিড় জমতেই সে অস্বস্তি বোধ করল। তার মনে হলো, উটচালক হিসেবে তাকে বুঝি একদম মানায়নি। তা না হলে ইঁ করে ওরা তাকিয়ে আছে কেন? না, অসহ্য হয়েই উঠেছে। সৈন্তেরা তাকে মাহুষ বলে গণ্য করেনি, এরাও তাকে দেখে ইঁ করে তাকিয়ে আছে—যেন অদ্ভুত কিছু দেখেছে। এক সময়ে তার স্বাস্থ্য আর শক্তি তার ভিতরে আত্মসম্মানবোধ জাগিয়ে তুলত, আজ আর বিন্দুমাত্র তা অবশিষ্ট নেই। খুশি চারদিকে তাকাল। বস্তুগুলোর মাথার উপর তেমন উজ্জল আকাশ দেখা যাচ্ছে; কিন্তু কিছুক্ষণ আগেও যে জৌলুষ ছিল তা আর নেই। কেমন স্নান হয়ে গেছে।

গ্রামের একটাই সদর রাস্তা; এখানে ওখানে খানা খন্দ; দুর্গন্ধ উঠছে। খুশির পথ চলতে চলতে ভয় হলো, এই বুঝি উটগুলো পা হড়কে পড়ে গিয়ে বিপদ বাঁধায়। এখন তার বিশ্রাম দরকার। রাস্তার উত্তরে একখানা বড় বাড়ি দেখা গেল। মালিকের অবস্থা মোটামুটি ভালোই। বাড়ির পিছনটা টালি-ছাওয়া, দেউড়ি বলতে কিছুই নেই, নেই দরওয়ানের ঘর। খুশির মন আনন্দে নেচে উঠল; এ-বাড়ির মালিক উটব্যবসায়ী না হয়ে যায় না। ফটক থাকলে উট এ-বাড়িতে ঢুকতেই পেত না। বেশ, এইখানেই সে জিরিয়ে নেবে, হয়তো উটগুলিরও একটা ব্যবস্থা করে ফেলতে পারবে।

জে, জে, জে—খুশি উটগুলিকে হাঁটু গেড়ে বসতে বলল। উটচালক যখন উটগুলিকে হাঁটু গেড়ে বসতে বলে তখন এমনি শব্দই করে। খুশির খুব আনন্দই হলো। ভাগ্যিস সে ডাকটা শিখে রেখেছিল। গাঁয়ের লোকেরাও তাকে আর আনাড়ি ভাবতে পারবে না। উটগুলো সতাই ডাক শুনে হাঁটু

গেড়ে বসে পড়ল। খুশিকে আর পায় কে! মহা আড়ম্বরে সে গিয়ে একটা উইলো গাছের গুড়ির উপর জাঁকিয়ে বসল। গাঁয়ের লোকেরা তখনো ইঁ করে তাকিয়ে আছে, সেও তাদেয় দিকে তাকাল। ওদের সন্দেহ দূর করবার তা ছাড়া আর উপায় কি!

কিছুক্ষণ কাটল, এমন সময় বাড়ির উঠোন থেকে একজন বুড়ো ফটকের বাইরে এলেন। মুখখানা তার ঝকঝক করছে, পরনের নীল কামিজের স্তম্ভের বোতাম খোলা। তাকে দেখেই মনে হয়, গ্রামের বেশ সম্ভ্রান্ত লোকই হবেন।

খুশি মনস্থির করে ফেলল। বুড়ো কত! এখানে জল পাওয়া যাবে? তেঁট্টা পেয়েছে।

বুড়ো খোলা বুক ঘসে ময়লা তুলতে তুলতে খুশি আর উটগুলির দিকে তাকিয়ে দেখলেন। ইঁ, ইঁ, জল পাওয়া যাবে বই কি। কোথেকে শাসহ তুমি?

পশ্চিম থেকে। জায়গার নাম খুশি বলতে সাহস করল না।

পশ্চিমে তো সৈন্তদের গোলমাল চলছে? বুড়োর চোখ তার পায়জামার উপর।

ইঁ, খুব গোলমাল। আমাকে তারা ধরেছিল, কোনো রকমে পালিয়ে এসেছি।

কিন্তু পশ্চিমের পথ দিয়ে নির্বিঘ্নে উট নিয়ে এলে কি করে?

সৈন্তেরা সব পাহাড়ে চলে গেল কিনা, পথ এখন খুব ঠাণ্ডা।

হঁ, বুড়ো ঘাড় নাড়ল। তুমি একটু বোসো, আমি জল নিয়ে আসছি।

খুশি বুড়োর সঙ্গে সঙ্গে ভিতরের উঠোনে ঢুকে দেখল, চারটে উট বাঁধা রয়েছে।

কত্তা, আমার উটগুলোও কিনে নিন না! একপাল উট হবে'খন।

ত্রিশ বছর আগে, একপাল কেন, তিন তিনটে পাল উট আমি পুষেছিলাম। কিন্তু সময় বদলে গেছে। কজন লোক এখন উট পুষতে পারে?

বুড়ো উটগুলির দিকে তাকিয়ে খানিকক্ষণ চূপ করে রইলেন, তার পর বললেন, কদিন আগে ওদের নিয়ে গিয়ে, পশ্চিমে চরিয়ে আনব ভেবেছিলাম কিন্তু সৈন্তদের হাঙ্গামার কথা শুনে আর সাহস হোলো না। সারা' গ্রীষ্ম যদি এমনি বাঁধা থাকে তাহলে ওদের দিকে আর তাকান যাবে না। গরম বেশি পড়লে মুন্সিলই হবে। তার উপর ডাঁশের জ্বালাতন। কি করব? চোখের সামনে ওদের কষ্ট হবে।

কত্তা, আপনি আমারগুলো কিনে নিয়ে এক কাজ করুন। পশ্চিমে নিয়ে গিয়ে চরিয়ে আনুন। এমন জোয়ান উট যদি গ্রীষ্মে এখানে বাঁধা থাকে মশা

আর ডাঁশের কামড়েই ওদের দফা রফা হয়ে যাবে। খুশি কাকুতি মিনতি শুরু করল।

উট কেনার মত টাকাই বা কোথায়? উট পাষবার এ সময় নয়।

আপনি উটগুলো রেখে দিন কত্তা, দাম যা খুশি দেবেন। বিক্রি করে ঝাড়া হাত পা হয়ে আমি শহরে ফিরতে চাই। আবার তো রোজগারের খান্দায় ঘুঁতে হবে।

বুড়ো খুশির মুখের দিকে তাকালেন। না—লোকটা চোর নয়। উটগুলির উপরও একবার চোখ বুলিয়ে নিলেন। বেশ পছন্দসই বটে, কিন্তু কিনে লাভ কি?

বই কেনার বাতীক যার আছে, যে-বই দেখে কিনতে ইচ্ছে হয়, ঘোড়ার মালিক ঘোড়া দেখলে লোভ সামলাতে পারে না।

যার এক সময় তিন পাল উট ছিল তারো যে একই অবস্থা হবে তাতে আর আশ্চর্য কি। তার উপরে ছোকরা বলছে, সন্তায় দেবে। বুড়ো আর লোভ সামলাতে পারলেন না, ভুলে গেলেন উট কিনে তার কোনো লাভই হবে না।

ওহে ছোকরা, টাকা হাতে থাকলে কিনতাম। বুড়ো সত্যি কথাই বলেন।

রেখে দিন। আমাকে যা খুশি দেবেন কত্তা। খুশির কথা শুনে বুড়ো লজ্জিতই হলেন। কিরিয়ে দিতে কেমন যেন চেষ্টা করে।

সত্যি কথাই তোমাকে বলছি। তিরিশ বছর আগে এই তিনটে উট বেচলে দেড়শো লিয়াও রূপো পাওয়া যেত। আজ আর সে দিন নেই। গোলমাল আর লড়াই বেঁধে দাম একেবারে নেমে গেছে। তুমি বরং অল্প কোথাও চেষ্টা করে দেখ।

বলেছি তো, আপনার যা খুশি দেবেন। খুশি বুঝতে পারল, বুড়ো সত্যি কথাই বলছেন। কিন্তু উট নিয়ে সে যাবে কোথায়? তার উপর ধরা পড়বার সম্ভাবনাও আছে।

শোনো তোমাকে বিশ কি দ্রিশ ডলারের বেশি দেওয়ার আমার সাধ্য নেই—তাও অনেক কষ্ট করেই জোগাড় করে দিতে হবে।

খুশির বুকের রক্ত হিম হয়ে গেল। বিশ কি দ্রিশ ডলার! রিন্দা কিনতে হলে অন্তত শতানেক ডলার তো চাইই। কিন্তু উপায় কি? তাড়াতাড়ি উটগুলি বিক্রি করতে হবে—তাছাড়া খদ্দেরই বা পাবে কোথায়?

কত্তা, যা হয় দিন।

তুমি কি কাজ কর? তোমার তো এ ব্যবসা নয়?

খুশি সত্যি কথাই বলল।

এ্যা, জন্তুগুলির জন্তু নিজেই যে মরছিলে! বুড়ো খুশির কথা শুনে আশ্চর্য

হলেন। চোরাই উট নয়, কিন্তু বড় বেশি তফাতও নেই। তবে যুদ্ধের সময় ওসব ধতবোর মধ্যেই নয়। তখন পুরনো আইন-কানুন সব রদ হয়ে যায়।

ওহে বাপু, আমি তোমাকে 'পঁয়ত্রিশ ডলার দিচ্ছি। ঠাঁও মারছি না একথা যদি বলি তো কুত্তা ছাড়া আমি কিছুই নই। কিন্তু হালফ করে বলতে পারি, আর এক ডলার বেশি দেওয়ার আমার ক্ষমতা নেই। যাট বছর বয়েস হয়েছে, মিছে কথা বলব না।

খুশি ভেবে পেল না কি বলবে। এক সময়ে না খেয়ে সে টাকাকী জমিয়েছে। একটি পয়সা সে কম কখনো নেয়নি। কিন্তু বহুদিন পণ্টনের সঙ্গে থেকে এমন মিষ্টকথা শুনে সে গলে গেল, দর কষাকষি করতে মন চাইল না। দশ হাজার ডলারের স্বপ্ন দেখার চাইতে হাতের মুঠোয় পঁয়ত্রিশ ডলার পাওয়া ঢের ভালো। কিন্তু একটা কথা কাঁটার মতোই খচখচ করে বিঁধতে লাগল, মাত্র পঁয়ত্রিশ ডলারের জুতা সে জীবন বিপন্ন করে উটগুলিকে টেনে নিয়ে এল! তা এখন যদি খন্দের না মেলে! তিনটে জলজ্যান্ত উটের দাম তো আর পঁয়ত্রিশ ডলার নয়। উপায় নেই বলেই তো জলের দরে বেচতে হোলো।

বুড়ো কত্তা, উটগুলি আপনার হোলো। শুধু একটা জিনিস চাইব—আমাকে একটা কামিজ আর কিছু খেতে দেবেন।

আচ্ছা।

খুশি পুরো একঘটি জল চৌ চৌ করে খেয়ে পঁয়ত্রিশটি চকচকে ডলার আর দুখানা ময়দার রুটি নিয়ে বেরিয়ে পড়ল। কর্তার দেওয়া পুরনো খাটো-ঝুল কামিজ তার পরনে। জোর কদমে সে চলল। তাড়াতাড়ি শহরে পৌছতে হবে।

## চার

খুশি তিন দিন পিকিঙ-এর পশ্চিম অঞ্চলে একটা ছোট্ট হোটেল বিছানায় অচেতন হয়ে পড়ে রইল। হোটেলটার নাম 'সমুদ্রের রাজ্য'। তার সবকিছু কেমন ওলট-পালট হয়ে গেছে, মাড়িতে ফোঁসকা পড়েছে। তিনদিন ধরে জল ছাড়া সে কিছু খেতে পারল না। তিনদিন উপোসের পর জ্বর ছাড়ল, শরীর তখনো দুর্বল—একতাল মণ্ডার মতোই! এই কদিন সে বিছানায় শুয়ে শুয়ে জরের ঘোরে প্রলাপ বকেছে; তার মধ্যে উট তিনটির কথাই বেশি ছিল। তাই যখন তার জ্ঞান হোলো, তখন 'খুশি উট' নামকরণ তার হয়ে গেছে।

পিকিঙ-এ যখন সে প্রথম আসে তখন থেকে তার নামকরণ হয় 'খুশি'। এখন তার সঙ্গে 'উট' এই খেতাবটি যুক্ত হোলো। নামের জগ্ন সে বড় গ্রাহ্য করে না। কিন্তু অত বড় বড় তিনটে জন্তুকে জলের দরে বেচে এল! তার উপরে আবার কিনা 'উট' খেতাব মিলল—এমন ব্যবসা না করলেই তো ভালো ছিল!

একটু স্নহ হতেই সে ভাবল, বাইরে গিয়ে একবার পৃথিবীর হালচাল দেখে আসবে। কিন্তু পা এতো দুর্বল হয়ে পড়েছে যে বিশ্বাস করা যায় না। হোটেলের দরজা পর্যন্ত গিয়েই সে চোখে আঁধার দেখল, মাথা ঘুরে গেল। রূপ করে সে বসে পড়ল। বোকার মতো ঠায় সে বসে রইল; কপালে বিন্দু বিন্দু ঘাম জমছে। আঁধার কেটে গেছে, মাথা ঘোরা কমে আসছে। খুশি চোখ মেলে তাকাল। পেটে শব্দ হচ্ছে, খিদে পেয়েছে তার। আশু আশু উঠে সে একটা ফেরিওয়ালার কাছ থেকে কিছু গরম পিঠে কিনল। পিঠের ভাঁড়টা নিয়ে আবার মাটিতে সে বসে পড়ল। গরম পিঠের ঝোল মুখে যেতেই কেমন অস্বস্থ বোধ করল—অনেকক্ষণ মুখেই সে রাখল তাঁরপর গিলে ফেলল। আর খেতে তার ইচ্ছে হোলো না—কিন্তু গরম ঝোল তাতানো স্বতোর মতোই তার পাকস্থলীতে অস্থানে সঁথিয়ে গেছে, মোচড় দিচ্ছে পেট। সে আবার খেন নতুন জীবন ফিরে পাচ্ছে।

আরো খানিকটা ঝোল খেয়ে সে স্নহ হোলো। এবার নজর পড়ল নিজের চেহারার দিকে—শরীর হাড়-জিরজিরে হয়ে গেছে; ছেঁড়া পায়জামাটা আরো রিক্সাওয়ালার

নাংরা হয়ে গেছে। হাতে পায়েও জোর নেই, কিন্তু পরিস্কার-পরিচ্ছন্ন হতে হবে। পিকিঙ-এর পথে এমন ভূতের মতো তো বেরুনো চলে না! কিন্তু 'সাক্ষফ' হতে গেলে পয়সা খরচ হবে। মাথা পালিশ করে কামাতে হবে, পোশাক বদলাতে হবে, কিনতে হবে নতুন জুতো আর মোজা।—সেও তো এককাঁড়ি টাকা ব্যাপার! পকেটের পয়ত্রিশ ডলারের এক পয়সাও সে হোঁবে না; কিন্তু না ছুঁলেই বা কি, ওই কটা টাকা দিয়ে তো আর রিক্সা কেনা চলবে না। নিজের জন্ত তার দুঃখই হোলো। এক দুঃস্বপ্ন থেকে সে যেন জেগে উঠেছে,—সে বুড়িয়ে গেছে।

অবশেষে পুঁজিই ভাঙতে হোলো। দুডলার বিশ সেন্ট খরচ হয়ে গেল। তুলোর একটা মোটা কোর্তা আর পায়জামার খরচ পড়ল এক ডলার, এক জোড়া কালো ক্যামিসের জুতো আশী সেন্ট; যেমন তেমন বুনো নোনা এক জোড়া মোজার দাম পঞ্চাশ সেন্ট; একটা টুপি পঁচিশ সেন্ট। পুরনো ছেড়া পায়জামার বদলে সে দুবাঙিল দেশলাই পেল।

দেশলাইয়ের বাঙিলগুলো বগলদাবা করে সে পশ্চিম দরজার দিকে চলল। কিছুদূর যেতে না যেতেই সে শ্রান্ত হয়ে পড়ল, পাও যেন দুর্বল হয়ে পড়েছে; দাঁতে দাঁত চেপে সে রইল। রিক্সা ভাড়া করবার তার পয়সা নেই, আর তা সে চায়ও না। পিকিঙ-এ হেঁটে না পৌছতে পারলে তো সব পণ্ড হয়ে গেল। না, তা হবে না। খুশি নিজের সাহস আর শক্তির উপর এখনো আস্থা হারায়নি। যতই দুর্বল সে হোক না কেন, পিকিঙ-এ সে পৌছবেই।

হৌচট খেতে খেতে সে চলতে লাগল। একসময়ে এসে পৌছল পশ্চিম দরজায়। তেমনি গাড়ি-ঘোড়া-মাহুঘের ভিড়, তেমনি হল্লা ছল্লোড়—কানে তালো লেগে যাচ্ছে, ধুলো এসে লাগছে নাকে—কেমন সোঁদা গন্ধ! খুশির মনে-হোলো, রাস্তায় নেমে সে একবার মাটিতে চুমু খায়। এই তো তার নিজের নাটি—যাকে সে ভালোবাসে—যে তাকে ভাত জোগায়! তার বাবা মা নেই, আত্মীয় স্বজন নেই, একমাত্র বন্ধু তার এই পুরনো শহর। সে তাকে সবকিছু দিয়েছে। আজ যদি তাকে এই পুরনো শহরের পথে পথে উপোস করে ঘুরে বেড়াতে হয়, তবুও সে তাকে নিজের গ্রামের চাইতে ভালোই বাসবে। এখানে দেখা শোনা, জানা চেনার বহু জিনিস আছে; আছে রং আর শব্দের সমারোহ। তোমার যদি বিকোবার মতো শক্তি থাকে, এখানে এলে টাকা তুমি রোজগার করবেই। হাজারো ভালো জিনিস রয়েছে এখানে, ভালো ভালো খাবার, ভালো পোশাক—কি চাই তোমার? এমন কি ভিক্ষে করলেও মাংসের ঝোল এখানে মিলবে, দুএক কুচি মাংসও মিলতে পারে, অথচ গ্রামে চালের গিঠেই হচ্ছে সবচেয়ে দেরা খাবার।

উজ্জলতা ত্রিজের কাছে এসে সে নদীর ধারে বসে কাঁদল। স্বর্ধেব  
বাঁকা রশ্মি এসে পড়েছে। মাহুঘ আর গাড়ির সার চলেছে ত্রিজের উপর  
দিয়ে। সন্ধ্যা আসন্ন, তাই সবাই উদ্বিগ্ন হয়ে উঠেছে। কিন্তু খুশির কোনো  
তাড়াহুড়ো নেই। চিরপরিচিত পরিবেশ, এ যেন তারই এক অঙ্গ! এখানে মরতে  
পেলেও সে স্বখী।

অনেকক্ষণ সে চুপ করে বসে রইল, তারপরে ত্রিজের মুখের একটা দোকান  
থেকে একভাড়া বীনের টক ঝোল কিনল। ভিনিগার, সয়াবীন, গোলমরিচ  
সব মিলিয়ে খোসবু বেরিয়েছে চমৎকার! খুশির হাত কাঁপছে, গন্ধে নিশ্বাস  
যেন ফুরিয়ে যাচ্ছে। এক চুমুক সে খেল, গরম খাবার পথ করে নিয়ে পাকস্থলীর  
দিকে চলেছে। ভাঁড় শেষ হয়ে গেল; ঘাম বেরুচ্ছে, চোখ আরামে বুজে  
আসছে। আর এক ভাঁড় টক ঝোল সে কিনল।

খাওয়া শেষ করে দাঁড়াতেই তার মনে হোলো, পুরনো শক্তি সে ফিরে পেয়েছে।  
আবার সে নতুন মাহুঘ। পশ্চিমে সূর্য হেলে পড়েছে, ডুবে যাচ্ছে; নদীর জলে  
লাল রং। তার মুখের দাগটা সে হাত দিয়ে ঘসল; কোমরবন্ধে টাকা আছে ভাবনা  
কি! একবার চারদিকে তাকাল। সন্ধ্যার আলোয় ঝলমল করছে শহর;  
নিজের দুঃখ সে ভুলে গেল, ভুলে গেল অসুস্থতা। তার নিজের হৃদয়ের আকাঙ্ক্ষিত  
শহরে ফিরে এসেছে, পিকিউ-এ ফিরে এসেছে।

ফটকে মাহুঘ আর গাড়িবোড়ার ভিড়। সবাই তাড়াতাড়ি ঘাবার জ্ঞান ব্যস্ত।  
চিংকার, চাবকের শাঁই শাঁই শব্দ, গালিগালাজ—সব কিছু মিশে এক অদ্ভুত শব্দ যেন  
বিরিট অ্যামপ্লিফায়ার থেকে ঝরে পড়ছে। খুশি ভিড় ঠেলে পথ করে চলল,  
একটা খুদে মাছ যেন ঢেউ থেকে ঢেউ-এ লাফিয়ে চলেছে। অবশেষে সে শহরের  
ভিতরে এসে পৌঁছল! তার হৃদয়ে নিউ স্প্রিটের মোড়। সোজা চলে গেছে চণ্ডা  
রাস্তা—দুধারে লাল টালি-ছাওয়া বাঙলোর সার। খুশি তাকিয়ে তাকিয়ে দেখল।  
চোখ দুটিও গোঁধুলীর রাঙা আলোয় জ্বলা লাল টালির মতোই জ্বলছে। মাথা  
নিচু করে সে ভাবতে লাগল।

বিছানাপত্র এখনো মানবমিলন রিক্সার আড্ডায় পড়ে আছে—সেখানে  
ঘাওয়াই দরকার। ওয়েস্ট গেট রোড দিয়ে সে এগিয়ে চলল। তার বো নেই,  
তাই সে রিক্সার আড্ডায়ই রাত কাটাত। রিক্সা আড্ডা থেকে রিক্সা ভাড়া না নিলেও  
মালিক তাকে থাঁকতে দিয়েছিল। রিক্সার আড্ডার মালিক ন'কর্তা লিউর বয়েস  
প্রায় বছর সত্তর তো হুঁই। একেবারে খুঁখুরো বুড়ো, কিন্তু বুড়ো হাড়ে ভেলকি  
থেকে। অল্পবয়সে সরকারি সেপাই থেকে শুরু করে জুয়ার আড্ডার মালিক, মেয়ে  
মাহুঘের ব্যাপারী, তেজারতি সবই করেছে। ন'কর্তা লিউর এসব কাজ করবার



মতো বুদ্ধি আর তাগদেরও অভাব ছিল না। চিৎ বংশের পতনের আগে যে বিদ্রোহ হয় তাতে সে ভিড়ে গিয়েছিল। ভালো বংশের কতো মেয়ে চুরি করে যে তখন বিক্রি করেছে—তার কি ঠিক আছে! একবার আসামীর কাঠগড়ায়ও দাঁড়াতে হয়েছিল। কিন্তু একটুও ভয় সে পায়নি, হাকিমের দম্মা ভিক্ষা করেনি। হাকিম তার দৃঢ়তা দেখে অবাক হয়ে গেলেন; সে বেকসুর খালাস পেল। 'এই থেকেই ন'কর্তার নামডাক।

জেল থেকে বেরিয়ে ক্রমে সে দেখল, সাধারণতন্ত্র প্রতিষ্ঠা হয়েছে, পুলিশের ক্ষমতা যথেষ্ট বাড়ছে। সে বুঝতে পারল আগের দিনের বীরদের আর ঠাই হবে না, তাই সে বীরত্বের পথ ছেড়ে রিক্সার আড্ডা খুলে বসল। সে গরীবদেহ সঙ্গে কখন কৈমন ব্যবহার করতে হয় জানত; কখনো বা কড়া হতে হয়, কখনো বা ক্ষমতে হয় সাহায্য। লোক খাটাবার কল কৌশল তার জানা ছিল। রিক্সাওয়ালারা তো তার সঙ্গে মুখ ফুটে কথাই বলতে পারত না; সে একবার তাদের দিকে তাকালেই তারা ভয়ে কুঁকড়ে যেত, বোকার মতো ফ্যাল ফ্যাল করে তাকিয়ে থাকত। তাদের মনে হতো, ন'কর্তা এক কাঁচাথেকো দেবতা, এক পা তার স্বর্গে আর এক পা নরকে দিয়ে দাঁড়িয়ে আছেন—তার হুকুম কি অমান্য করবার জো আছে!

এখন সে ঘাটখানা রিক্সার মালিক। ভাঙা রিক্সা তার আড্ডায় একখানাও নেই। একেবারে পুরনোখানাও নতুনের মতো ঝকঝকে আর মজবুত। ভাঙা রিক্সা গালা করে রাখার অভ্যাস তার নেই, তখন তখনই মেরামত করতে পাঠিয়ে দেয়। একেবারে ঝরঝরে হয়ে গেলে লোহার দরে বেচে ফেলে। অগ্নি রিক্সার অড্ডার তুলনায় ভাড়াও তাই তার বেশ চড়া, কিন্তু বছরে তিনটে পর্বে সে রিক্সাওয়ালাদের কাছ থেকে এক পয়সা ভাড়া নেয় না—এইখানে অগ্নি রিক্সার আড্ডার মালিকের সঙ্গে তার তফাৎ। আড্ডায় থাকবার বন্দোবস্তও আছে—অবিবাহিত রিক্সাওয়ালারা বিনে ভাড়ায় সেখানে থাকতে পায়। কিন্তু রিক্সা ভাড়া ঠিক ঠিক মিটিয়ে দিতে না পারলে সে রেগে যায়। বিছানাপত্র বাজেয়াপ্ত করে তাকে চায়ের ভাঙ্গা বাসনের মতোই বাইরে ছুড়ে ফেলে দেয়। কিন্তু খুব বিপদে পড়লে কি অস্থখ হলে, তখন ন'কর্তাকে শুধু খবর দিলেই হোলো, তারপর যা করবার করবে। নিজের ক্ষতিবৃদ্ধির দিকে তাকিয়ে দেখবে না। হাঁ, এমন লোক ন'কর্তা!

ন'কর্তার চেহারাখানা ঠিক বাঘের মতো। বয়স প্রায় সত্তর হোলো, অথচ কোমর একটুও হয়ে পড়েনি, এখনো দশ-বিশ লি তিনি হাঁটতে পারেন। চোখ দুটো ভাঁটার মতো গোল, পুরু চোঁট, দাঁতগুলো বড়বড়—দেখেই মনে হয় দাঁত বার করে বাঘের মতো এই বুঝি ঝাঁপিয়ে পড়বেন। খুশির মতোই তিনি লম্বা-চওড়া, মাথা পালিশ করে কামানো, মুখে দাড়ি গোঁপ নেই। তিনি বাঘ খেতাব পেয়ে বেশ খুশি

হয়েছেন বলেই মনে হয়, কিন্তু জীবনে একটি তার হুখ—ছেলে নেই। মেয়ে একটি আছে, তার বয়স বছর সাঁইত্রিশ-আটত্রিশ হবে। যারা ন'কর্তা লিউকে চেনে, তারা তার মেয়ে বাঘিনীকেও চেনে বইকি। হাঁ, বাঘিনীই বটে! মুখ দেখে তো ভয়ই পেতে হয়। বাপের ব্যবসা দেখাশুনো সে-ই করে, হিঁসেব রাখে—এখনো তার বিয়ে হয়নি। বিয়ে কে করবে? একেবারে পুরুষের মতো কাটখোটা মেয়ে, গালাগাল দিতে বৃষ্টি পুরুষের চেয়েও ওস্তাদ।

ন'কর্তা লিউ বাইরের ব্যাপারগুলো দেখেন, বাড়ির ব্যাপারে বাঘিনীই কর্তা। মানবমিলন আড্ডা বেশ ভালোই চলে। নামডাকও আছে। রিক্সার মালিক আর রিক্সাওয়ালারা রিক্সা সম্বন্ধে কোনো কথা উঠলেই ন'কর্তা আর তার মেয়ের দোহাই পাড়ে—এ যেন পণ্ডিতরা প্রমাণের জন্ত শাস্ত্রের নজির খাড়া করছেন।

নিজের রিক্সা কেনার আগে খুশি মানবমিলন রিক্সার আড্ডা থেকেই রিক্সা ভাড়া নিয়ে টানত, টাকাকড়ি যা সে রোজগার করত, ন'কর্তার কাছেই জমা রাখত। যখন সে রিক্সা কেনার মতো টাকা জমাল, একদিন সে গচ্ছিত টাকা চেয়ে নিয়ে রিক্সা কিনে আনল।

ন'কর্তা, দেখুন কেমন রিক্সা কিনেছি!

ন'কর্তা মাথা নেড়ে বললেন, বেশ ভালো হয়েছে।

কিন্তু আপনার এখানেই আমাকে থাকতে দিতে হবে। মাস মাইনের কাজ পেলে তখন চলে যাব।

বেশ তো, ন'কর্তা ঘাড় নেড়ে সায় দিলেন।

তখন থেকে মাসমাইনেয় কাজ পেলে খুশি মানবমিলন রিক্সার আড্ডা ছেড়ে চলে যেত, আবার কাজ শেষ হয়ে গেলে এখানে এসেই থাকত।

অল্প রিক্সাওয়ালাদের কাছে এ এক বিচিত্র ব্যাপারই বটে। মানবমিলন থেকে রিক্সা ভাড়া না নিয়েও এখানে থাকা যায়—একথা তারা ভাবতেই পারত না। তাই কেউ কেউ অহুমান করত, খুশি বুড়ো লিউ-এর জ্ঞাতি হবে; কেউ কেউ বা রং চড়িয়ে বলত, বুড়ো মেয়ের জন্ত ঘরজামাই পাকড়েছে। এই অহুমানের মধ্যে ঈর্ষার আমেজ থাকলেও তারা স্বাভাবিক, যদি ব্যাপারটা সত্যি হয়ে দাঁড়ায়, তা হলে খুশিই হবে মানবমিলনের মালিক। তাই খুশির স্বমুখে এসব কথা বলত না।

ব্যাপারটা কিন্তু তেমন কিছু নয়। বুড়ো লিউ খুশিকে খাতির করতেন বটে, কিন্তু সে হবু-জামাই হিসেবে নয়। খুশি তেমন একজন লোক—যে নতুন পরিবেশেও তার পুরনো অভ্যাস বজায় রাখবে। সে যদি সৈন্তদলে যায়, সেখানে গিয়ে উদ্বিগ্ন জোলুখ দেখিয়ে লোক ঠকাবার চেষ্টা সে কখনো করবে না। রিক্সার আড্ডায় সে কখনো চুপ করে বসে থাকে না। ভাড়া খেটে ফিরে এসে গায়ের ঘাম সে মজতে দেয়,

তারপর লেগে যায় কাজে। রিক্সাখানা ঘসেমেজে পরিষ্কার করে, টায়ারে হাওয়া দেয়, বৃষ্টি বাঁচাবার ক্যাপসির ঢাকনাখানা খুলে নিয়ে রোদে দেয়—এসব কাজ নিজেই করে, কাউকে বলতে হয় না, রিক্সার আড্ডায় অন্তত জন বিশেক লোক থাকে, কিন্তু তারা কেউ ওসব দিকে নজরই দেয় না। ভাড়া খেটে এসে বসে গল্প করে, কেউবা ঘুমোয়। শুধু খুশিই চুপ করে বসে থাকে না।

প্রথমে ওরা ভারত, খুশি বুঝি ন'কর্তাকে কাজ দেখিয়ে খুশি করবার চেষ্টা করছে। নইলে কুত্তার মতো অনমন ছুটোছুটি করে ফাইফরমাসেস খাটছে কেন? কিন্তু কয়েক দিন যেতেই ওরা বুঝতে পারল, ব্যাপারটা তা নয়। খুশি কুড়ে হয়ে বসে থাকতে পারে না, ওইটাই ওর স্বভাব।

বুড়ো লিউ কখনো মুখে তাকে প্রশংসাও করেননি, কখনো একবার তার দিকে তাকিয়েও দেখেননি। কিন্তু মনে মনে তিনি জানতেন, খুশি খুব পরিশ্রমী। তাই রিক্সা ভাড়া না নিলেও সে মানবমিলনে জায়গা পেয়েছিল। বহু কাজ তিনি তাকে দিয়ে পেয়েছেন, এমন কি উঠোনও সে ঝাঁট দিত।

বাঘিনীরও তাকে খুব পছন্দ, বোধহয় বাপের চাইতে একটু বেশিই, খুশি খুব মন দিয়ে সব কথা শোনে, কখনো মুখে মুখে উত্তর দেয় না, অত্যাধিকারীদের মেজাজ দুঃখকষ্ট সয়ে সয়ে তিরিক্ষে হয়ে গেছে, তারা পাল্টা জবাব দিতে ছাড়েনা। বাঘিনী অবিশ্রি তাদের খোড়াই কেয়ার করে, কিন্তু তাদের সে মোটেও পছন্দ করে না। তাই যা কিছু বলবার খুশিকেই ডেকে বলে, যখনই সে অত্যাধিকারীও মাসমাইনেয় যেত, লিউ আর বাঘিনীর মনে হতো, একজন মস্ত বন্ধু হারাল। ফিরে এলে তারা খুশিই হতো।

দুবাক্স দেশলাই বগলদাঁবা করে সে মানবমিলন রিক্সার আড্ডায় ঢুকে পড়ল। সবে সন্ধ্যা হয়েছে, লিউরা খেতে বসেছে। বাঘিনী তাকে দেখে ভাত খাওয়ার কাঠিটা নামিয়ে রাখল।

খুশি, তোমাকে কি নেকড়ে বাঘে টেনে নিয়ে গিছিল, না আফ্রিকার সোনার খনিতে মজুরি করতে গিছিলে?

খুশি চুপ করে রইল।

ন'কর্তা লিউ একবার চোখ তুলে তাকালেন।

খুশি বেঞ্চির একধারে বসল।

যদি এখনও না খেয়ে থাক, আমাদের সঙ্গে বসে যাও। বাঘিনী যেন ঘনিষ্ঠ বন্ধুকে অভ্যর্থনা করছে, এমনভাবেই বলল। খুশি তবু নিরুত্তর। এত অন্তরঙ্গতার পরিচয় পেয়ে সে যেন কেমন হয়ে গেছে, কথা হারিয়ে ফেলেছে।

বহুদিন থেকেই মানবমিলন রিক্সার আড্ডায় সে আছে। যখন সে মাস মাইনেয় কাজ করেছে, বার বার মনিব বললেছে; ভাড়া খাটবার সময় প্রতি মিনিটে নতুন সোয়ারি সে নিয়েছে, তাদের সঙ্গে ঘনিষ্ঠ সম্বন্ধ, তার গড়ে ওঠেনি। একমাত্র বুড়ো লিউ আর বাঘিনীর সঙ্গেই তার যা কথাবার্তা হয়েছে। আজ সে সব কিছু হারিয়ে প্রাণ নিয়ে তাদের কাছেই ফিরে এসেছে, তারা তাকে দূরে সরিয়ে তো রাখলই না, বরং খেতেও বলছে। তার একবার মনে হোলো তারা বুঝি তাকে ঠকাতে চায়, পরমুহুর্তেই টস-টস করে চোখ দিয়ে জল গড়িয়ে পড়ল।

হুঁড়াড় বীনের টক ঝোল এইমাত্র খেয়ে এসেছি।

ন'কর্তা তার মুখের দিকে এখনো তাকিয়ে আছেন, তার গোল চোখ দুটির স্পর্শ সে অনুভব করছে। কোথায় ছিলে এতদিন? রিক্সা কি হোলো।

রিক্সা? খুশি মেয়েয় থুথু ফেলল।

বসে চাঙি ভাত খাও, ভয় নেই, বিষ তো নয়। হুঁড়াড় বীনের ঝোল এতক্ষণে হজম হয়ে গেছে। বাঘিনী তাকে টেনে নিয়ে টেবিলে বসিয়ে দিল। বড় ভাজ যেন দেওরকে সাধ্য সাধনা করে খাওয়াতে বসেছে।

খুশি ভাত খাবার আগে টাকা বার করে বলল, ন'কর্তা, আমার এই টাকা কটা রেখে দিন—তিরিশ ডলার আছে। খুচরো সে পকেটে পুরল।

ন'কর্তা জিজ্ঞেস করলেন, কোথায় পেলেন?

খুশি সৈন্তদের হাতে ধরা পড়বার কাহিনী বলল।

ন'কর্তা শুনে মন্তব্য করলেন, তুমি একেবারে বোকা। উটগুলো শহরে নিয়ে এলেই হোতো, কদাইখানায় বিক্রি করলেও মাথা পিছু দশ ডলারের বেশি পাওয়া যেত, শীতকাল হলে এক লোমের দামই পাওয়া যেত অনেক।

খুশি বিক্রি করার সময়ই জানত সে ঠকেছে, এখন ন'কর্তার কথা শুনে মন আরো খারাপ হয়ে গেল। কিন্তু কদাইখানায় সে তাদের বেচতে যেত না। উটগুলি ছিল তার সঙ্গী, তাদেরও তারই মতো বাঁচবার অধিকার আছে। যাক বুড়োকে বেচে দিয়ে ঠিক হয়েছে, সে খুশি হয়ে উঠল।

বাঘিনী এবার টেবিলের উপর থেকে থালা বাসন সরিয়ে নিল। ন'কর্তা চুপ করে বসে রইলেন, কি যেন তিনি ভাবছেন মনে হোলো। কিছুক্ষণ পরে হেসে বললেন, বোকা ছোকরা হোটলে উঠেছিলে কেন, সোজা হন্দগ্রামের রাস্তা ধরে স্টান এখানে চলে এলে পারতে।

আমি পশ্চিম পাহাড়ের পথ ধরে ঘুরে এসেছি। সোজা রাস্তায় ধরা পড়বার ভয় ছিল। গাঁয়ের লোকেরা যদি পালানো সৈন্ত বলে ধরত, তাহলে তো গিয়েছিলাম!

ন'কর্তা হাসলেন। . এতক্ষণ তার মনে ভয় ছিল, খুশি হয় তো টাকা কটা চুরি করে নিয়ে এসেছে। তিনি আর যাই হোক চোরের খেলদার হতে রাজি নন। যৌবনে তিনি বহু বেআইনী কাজ করেছেন, এখন তিনি সে সব গুণেরে নিয়েছেন, স্তবরাং সাবধান হতে হয় বইকি। খুশির গল্পে এই একটা ফাঁকই ছিল, এখন সে বুঝিয়ে বলায় তার আর সে আশঙ্কা রইল না।

কি করবে টাকা দিয়ে? কিছু ঠিক করেছ?

না! আপনি যা বলেন।

আর একখানা রিক্সা কিনতে চাও? তার বড় বড় দাঁতগুলো ঝক-ঝক করে উঠল, তারা যেন বলতে চাইছে: বেটা নিজের রিক্সা কিনবে, অথচ বিনে ভাড়ায় এখানে থাকবেও।

একটা টাকায় তো আর হবে না। একখানা নতুন রিক্সাই আমি কিনতে চাই। খুশি ন'কর্তার দাঁত দেখতে পেল না, সে দেখল তার হৃদয়ের মহত্ত্ব।

আমি ধার দেব—শতকরা একটাকা সুদে। অস্ত্রের কাছে আমি দুটাকা নিয়ে থাকি।

খুশি মাথা নাড়ল।

কিন্তুবন্দিতে কিনলেও তার চাইতে সুবিধে হবে না।

না। আমি কিন্তুবন্দিতেও কিনতে রাজি নই, খুশি বলল। আস্তে আস্তে টাকা জমিয়ে যখন কেনার মতো টাকা হবে তখন নগদ দাম দিয়েই কিনব।

বুড়ো অবাক হয়ে খুশির দিকে তাকিয়ে রইলেন, তিনি যেন অদ্ভুত কতগুলি ছবির মতো প্রতীক চিহ্ন দেখছেন; তার অর্থ বোঝা যায় না বটে, কিন্তু রেগে গিয়ে ছুঁড়ে ফেলে দেওয়ারও উপায় নেই।

কিছুক্ষণ পরে টাকাটা তুলে নিলেন। তিরিশ ডলার—কিছু মনে কোরো না।

না কত্তা, খুশি বলল, এবার শুতে যাব। আপনাকে এক বাঙাল দেশলাই দিয়ে যাই—এই বলে সে টেবিলের উপর এক বাঙাল দেশলাই রাখল। কিন্তু ন'কর্তা, কাউকে উটের কথা জানাবেন না।

## পাঁচ

ন'কত' লিউর কাছ থেকে নয়, উটের গল্প সমুদ্রের রাজত্ব হোটেল থেকে বাইরে ছড়িয়ে পড়ল। শহরে এসেও পৌছল খবর। আগে কেউ খুশির কোনো খুঁত ধরতে পারেনি, শুধু তারা মনে করত ছোকরার অতিরিক্ত লজ্জা, কারো সঙ্গে মাথামাখি করা ওর ধাতে পোষায় না। এখন তারাই তার সম্বন্ধে মত বদলাল। খুশির কোনো পরিবর্তন হয়নি—সে আগের মতোই আছে। কারো সঙ্গে অন্তরঙ্গতাও নেই, নিজের কাজ করে যাচ্ছে। কেউ কেউ বলল, খুশি একটা সোনার ঘড়ি কুড়িয়ে পেয়েছে, কেউ বা বাধা দিল—না, ঘড়ি নয়, তিনশ ডলার; সব চাইতে পাকা খবর জানে বলে ঘাদের বিশ্বাস তারা ঘাড় নাড়ল, 'না ঘড়িও নয়, তিনশ ডলারও নয়, পশ্চিমের পাহাড় থেকে তিরিশটা উট নিয়ে সে ফিরেছে।

নানা গল্প সৃষ্টি হোলো বটে, কিন্তু সবই একত্বের বাঁধা: খুশি হঠাৎ বহু-টাকার মালিক হয়েছে। একটা লোক যতই অদ্ভুত ধরনের হোক না কেন—হঠাৎ সে টাকার মালিক হয়েছে শুনলে সবাই তাকে খাতির করে, সম্মান দেখায়। কারণ, নিজের গায়ের রক্ত জল করে টাকা জমান খুবই শক্ত, তাই হঠাৎ কিছু টাকা পাবার স্বপ্ন সবাই দেখে। অবিশ্টি, সে ভাগ্য হাজার বছরেও একবার আসবে কিনা সন্দেহ—কিন্তু স্বপ্ন দেখে খানিকটা খুশি হয়ে উঠতে তো আর আপত্তি নেই। যদি কখনো কোনো লোকের ভাগ্যে এমনি টাকা পাবার সৌভাগ্য হয়, তাকে তারা তাদের নিজেদের থেকে আলাদা করেই দেখে, দেখবে না, 'অমন ভাগ্যবান সে! খুশির কম কথা বলা, তার অদ্ভুত ব্যবহার তাদের চোখে অল্প অর্থ নিয়ে এবার দেখা দিল। তারা ভাবল, বড়-লোকরা অমনিই হয়। এখন থেকে ওদেরই তো তার কাছে যেতে হবে, সে তো আর আসবে না, আর তাই তো উচিত।

খুশি, কেমন করে অত টাকা পেলে ভাই? প্রতিদিনই সে এমনি প্রশ্ন পথে যেতে যেতে শুনল। প্রথমে সে চুপ করে থাকত, কিন্তু কাঁহাতক পারা যায়! সম্বন্ধে তো একটা সীমা আছে। সে রেগে গেল, তার গালের ক্ষত দাপটা দগদগে লাল হয়ে উঠে, সে চিৎকার করে বলে, টাকা পেয়েছি! মর বেজন্মিত বেটা! রিক্সাখানা কোথায় গেল?

হাঁ, সত্যি কথা। রিক্সাখানা কোথায়? সবাই অবাক হয়ে গেল। কিন্তু পরের দুর্ভাগ্য সন্ধ্যাে আলোচনা করে উদ্ভিগ হওয়ার চেয়ে ভাগ্য নিয়ে আলোচনা করা ঢের ভালো। তারা এবার রিক্সার কথা ভুলে গিয়ে তার ভাগ্যের কথাই বলতে শুরু করল। কদিন কাটল, খুশি তখনো রিক্সা টানছে। সে ব্যাবসা ছেড়ে দিল না, একটা বাড়ি স্ত্রি একখণ্ড জমি কিনল না। লোকের উৎসাহ ঠাণ্ডা হয়ে গেল। কালেভদ্রে তার নাম উঠলে এখন আর কেউ জিজ্ঞেস করে না কেন তার নাম উঠে হোলো। নামটা কিন্তু তাই বলে গেল না, কায়েমি হয়ে রইল।

খুশি কিন্তু আগে সহজে ব্যাপারটা ভুলতে পারেনি। আর একখানা নতুন রিক্সা কেনার জন্য ব্যস্ত হয়ে উঠল। ভোর থেকে সন্ধ্যা পর্যন্ত অশ্রান্ত খাটুনির মধ্যে শুধু একটা কথাই তার মনে হয়, নতুন রিক্সা সে কিনবে। কিন্তু মাঝে মাঝে তার জীবনের তিক্ত অভিজ্ঞতা তাকে ভয় পাইয়ে দেয়, যেন দম বন্ধ হয়ে আসে। সত্যি, কি হবে উন্নতির চেষ্টা করে? হাড়ভাঙা খাটুনি খাটছো, উন্নতি করতে চাইছো বলেই কি পৃথিবী তোমার সঙ্গে ভালো ব্যবহার করবে? যদি তাইই হতো, তাহলে তার রিক্সাখানা অমনি করে কেড়ে নেওয়া হোলো কেন? সেখানা গেছে যাক, সে না হয় আর একখানা কেনার মতো টাকা জমাল, কিন্তু এখানার যে আগের খানার মতো দশা হবে না তাই বা কে বলতে পারে?

তার মনে হোলো অতীত যেন একটা দুঃস্বপ্ন, সে তার ভবিষ্যতের আশা গুঁড়িয়ে দিচ্ছে। আগে সে উচ্ছৃঙ্খলতা দেখতে পারত না, এখন কিন্তু কাউকে মদ খেতে বা বেজাবাড়ি যেতে দেখলে সে একরকম প্রশংসা করেই ফেলে। উন্নতির চেষ্টা যখন বুখা, এগিয়ে যাওয়ার পথে ছড়িয়ে আছে কত বাধাবিপত্তি, তখন জীবনকে উপভোগ করে নিতে দোষ কি? হাঁ, ওরা ঠিকই করছে। বেজাবাড়ি সে না যাক, মাঝে মাঝে দু'এক পাত্র মদ তো টানতে পারে, তাতে মনের ভার হাল্কাই হবে। মদ আর সিগারেটের উপর তার ঝোঁক পড়ল। এমন কিছু পয়সা থরচাও নয়, কিন্তু বেশ একটু সান্ত্বনা পাওয়া যায়, মনে হয় জীবনের জটিল রাস্তায় চলতে হলে একটু আশুটু না খেলে চলে না, তা ছাড়া অতীতের বেদনা ভুলিয়ে দিতেও এর জুড়ি নেই।

কিন্তু তবু সে মদ আর সিগারেট ধরতে সাহস করল না। একটা ফালতু পয়সা হাতে এলে জমাবে না মদে আর সিগারেটে উড়িয়ে দেবে? জমানই তো উচিত; তা না হলে আর একখানা নতুন রিক্সা কেনা জীবনেই ঘটে উঠবে না। যদিও আজ কিনলে, কাল সেখানা হারানোর ভয়ও আছে, কিন্তু তবুও কিনতে তো হবেই। এই তো তার একমাত্র ইচ্ছা, একমাত্র আশা, এমন কি তার ধর্মই বলতে পারা যায়। এ বিষয়ে কোনো সন্দেহ নাই যে, সে যদি তার নিজের রিক্সার মালিক না হতে পারে, তাহলে বেঁচে থেকে কোনো লাভ নেই। হোমরাচোমড়া

রাজকর্মচারী, মস্ত বড় ধনী বা সম্পত্তির মালিক সে হতে চায় না, সে রিক্সা টানতেই চায় আর সে রিক্সা হবে নিজের ; যদি তা সে নাই পারল তা হলে মুখ দেখানোই তো দায় হয়ে উঠবে। সারাদিন এই কথাই সে ভাবত, নিজের পুঁজি নাড়াচাড়া কবে কাটাতে, তার মনে হতো, একদিন যদি সে এই কথা ভুলে যায় তাহলে সে আর মাছুষ থাকবে না, জন্তুর সামিল হয়ে রাস্তায় ছুটোছুটি করে বেড়াবে। যার কোনো আশা নেই সে কি আর মাছুষ।

রিক্সা যতই ভালো হোক, ভাড়া করা তো বটেই,—চালিয়ে সে সুখ পেল না। রিক্সা তো নয়, পিঠে ঘেন একখানা ভারি পাথর বয়ে নিয়ে চলেছে—এই কথাই তার মনে হতো কিন্তু তাই বলে হেলাফেলা করবার লোকও সে নয়; রিক্সা মেজ্জে ঘসে ঝকঝকে তকতকে করে রাখত, অসাবধান হয়ে পথে কোনো কিছুব ধাক্কাও সে লাগায়নি। কিন্তু সাবধান হওয়া এক কথা, আর ফুঁতি করা আর এক কথা। ভাড়া করা রিক্সা টেনে মনে কি আর ফুঁতি আসে ?

হাঁ, তোমার নিজের রিক্সা মেজ্জে ঘসে পরিকার করা, গেঁজে খুলে কড়কড়ে রূপোর চাকতিগুলো গোনারই সামিল ; এতে সত্যিকারের ফুঁতিও আছে। কিন্তু ভাড়া করা রিক্সায় কি আর সে ফুঁতি পাওয়া যায় ? সব সময়ই মনে হয়, এতো আর নিজের নয়। একটা পয়সা খরচ করবারও যো নেই। তাহলে রিক্সা কেনার আশা পিছিয়ে যাবে যে। খুশি মদে বা সিগারেটে পয়সা তো খরচ করলই না, এমন কি ভালো চাও সে খেল না। অথচ তার ভাই বেহাদুররা, জোর কদমে ছোট্টার পর চাখানায় গিয়ে দশ পয়সা দামের এক পাত্র চা খেত। চায়ের সঙ্গে থাকত দুটো বড় বড় সাদা চিনির টেলা, আর কি তার খোসবু, গরম কাটানো আর দম ফিরে পাবার এমন দাওয়াই আর নেই। খুশিও জোর কদমেই ছোট্টে, ঘাম তার কান বেয়ে টস-টস করে ঝরে পড়ত, বৃকে হাঁফ ধরত, তারও ইচ্ছে হতো ওদের মত চাখানায় ঢুকে একপাত্র চা খায়। না, অভ্যাস নয়, চায়ের তখন রীতিমত দরকার, দুএকপাত্র চা খেলে দম নিতে সুবিধেই হয়। কিন্তু পয়সা খরচের ভয়ে সে চাখানায় ঢুকত না। এক পয়সা দামের বিশ্বাদ চা খেয়ে সে তেষ্ঠা মেটাত।

মাঝে মাঝে নিজেকে গালিগালাজ করতেই তার ইচ্ছে হয়। কেন নিজেকে এমনভাবে সে বঞ্চিত করছে ? কিন্তু রিক্সাওয়ালাকে টাকা জমাতে হলে, এছাড়া উপায়ই বা কি ? সে মনে মনে ঠিক করল, প্রথমে রিক্সা কিনতে হবে, তার পরে অগ্র কথা। নিজের রিক্সা হলেই সব মেহনৎ পুষিয়ে যাবে।

খুশি টাকা বোজগারের ধান্দায় ঘুরতে লাগল। যখন তার মাস মাইনের কাজ না থাকত, তখন সে খুব খাটতে লাগল। সেই ভোরে রিক্সা নিয়ে বেরিয়ে



পড়ত, ফিরত অনেক রাতে। সে ঠিক করেছিল, এত টাকা বোজগার না হলে আন্তানায় ফিরবে না। এই জ্ঞান মাঝে মাঝে সারা দিনরাতও তাকে রিক্সা টানতে হতো।

আগে অন্ডের কাছ থেকে সোয়্যারি ভাঙিয়ে সে কখনো নেয়নি, বড়ো মানুষ কি বাচ্চা ছোকরা দেখলে তার মায়া হতো। তার এমন লম্বা চওড়া চেহারা, এমন বকবকে রিক্সা সে ইচ্ছে করলেই তো ওদের কাছ থেকে সোয়্যারি ভাঙিয়ে নিতে পারে—এই কথাই বার বার তার মনে হতো। এখন কিন্তু সে দিকে নজরই নেই। 'টাকা তার চাই। একটা পয়সারও যথেষ্ট দাম আছে—কাকে সে বকিত করেছে না করেছে সে কথা ভাবতে গেলে তার চলবে না।' সোয়্যারি তার চাই; অল্প কিছু সে ভাবে না—সে যেন ক্ষুধার্ত এক পশু। সোয়্যারি পেয়ে সে যখন মৌড়ায়, তার মনের ভারী পাথরটা সরে যায়, হালকা হয়ে আসে তার বুক, রিক্সা কেনার আশা তাকে যোগায় শক্তি।

দেখতে দেখতে তার আগের স্তন্যম নষ্ট হয়ে গেল। যখনই সে অন্ডের সোয়্যারি ভাঙিয়ে নিয়ে যেত, তারা গালাগাল করত, খুশি উত্তর দিত না, মাথা নিচু করে ছুটে চলে যেত। মনে মনে ভাবতঃ রিক্সা না কিনতে হলে আমি কি এমন হতে পারতাম। ইস একটু লজ্জা হোলো না। এই বলে সে যেন তার সাঙাতদের কাছে ক্ষমা চাইত, কিন্তু মুখ কুটে কোনো দিন তাদের সে একথা বলতে পারত না।

তার মনে পড়ল, পাহাড় থেকে সে যখন ফিরে এসেছিল তারা তাকে কি চোখেই দেখত। এখন তারা ঘৃণাই করে। চাখানায় চায়ের পেয়লা নিয়ে সে একাই এক টেবিলে বসে, রিক্সার আড্ডায়ও একা বসে বসেই নিজের পয়সা গোনে। রাগে গা জ্বলে যায়, কিন্তু জ্বোর করে সে রাগ চেপে রাখে। মারামারি করতে সে ভয় পায় না বটে কিন্তু করতেও সে চায় না। ওরাও মারামারি করতে পেছপা নয়, কিন্তু খুশির সঙ্গে মারামারি করতে গেলে একবার মাথা ঠাণ্ডা করে ভেবে দেখতে হবে বইকি। ওদের একজনও গায়ের জ্বোরে তার সমান নয়, এক হয় সবাই মিলে যদি রুখে আসে। কিন্তু সেটা তেমন সম্মানের কথা নয়। 'খুশি মনের রাগ মনেই পুষে রেখে' রিক্সা টানতে লাগল। রিক্সা না কেনা পর্যন্ত এ সহ্যেই হবে, তারপর সে দেখে নেবে। তখনো তো আর বোজকার ভাড়া মিটিয়ে দেওয়ার তাগিদ থাকবে না, সোয়্যারিও ভাঙিয়ে নিতে হবে না। তখন দেখা যাবে।

তার ষা ষাষ্ট্য, তাতে অভবেশি খাটা তার উচিত নয়। শহরে এসে সেই যে অস্থানে পড়েছিল, তার দকল এখনো যায়নি। কি করে যাবে? ভালো

করে সেরে ওঠবার আগেই সে রিক্সাটানা শুরু করে দিয়েছে। শরীর দুর্বল, একথা মানতে সে রাজি নয়, কিন্তু ভয়ানক ক্লান্তি লাগে। তবুও বিশ্রাম সে করে না, ঘাম হলেই ক্লান্তি দূর হয়ে যাবে—এই কথাই সে ভাবে। খাবার না খেয়ে তো পারে না, কিন্তু পেটপুরে খাবার সে খায় না। এখনো তেমনি ঢাঙা আছে, মাংসপেশী এখনো তেমনি শক্ত, কিন্তু ভয়ানক রোগা হয়ে গেছে। অতবড় লম্বা-চওড়া শরীরটা ঠিক রাখতে হলে তেমনি খাবার দরকার—সেকথা সে ভুলে গেছে।

বাধিনী তাকে মাঝে মাঝে বকুনি দিয়েছে, এই ছোকরা এমনি যদি বেশি দিন চলে, তাহলে আর দেখতে হবে না। মুখদিয়ে নির্ধাত রক্ত পড়বে। তখন কিন্তু আমাকে দোষদিও না বলে রাখছি।

সে নিজেও একথা জানে, কিন্তু কি করবে? ব্যাপার যা দাঁড়িয়েছে তাতে আধপেটা খেয়ে থাকা ছাড়া উপায় কি! মেজাজও তিরিক্ষে হয়ে গেছে। বাধিনীর চোখের দিকে তাকিয়ে সে বলেছে, খুব তো বলছ, পয়সা না জমালে রিক্সা আসবে কোথেকে?

অমন কথা অল্প কেউ তার মুখের উপর বললে বাধিনী পুরো আধ দিন ধরে তাকে শাপাস্ত করতো, কিন্তু খুশির উপর খুব সদয় বলেই ঠোট কুঁচকে বলেছে, একটু সবুর করেই রিক্সা কেন না বাপু! তোমার তো আর লোহার শরীর নয়। ছুতিনদিন খাও-দাও, জিরোও; তা না শুধু টো টো করে ঘোরা! খুশি আমোলেই দেয়নি! বাধিনী রেগে বলেছে, নিজের গৌ ছাড়বে না, আমি কি করব। বলে দিচ্ছি বাহা, অক্সা পেলে তখন আমাকে হুঁশো না!

ন'কর্তাও আপত্তি করেছেন। এই রাতদিন রিক্সা টানায় শরীর ক্ষয় হোক কি না হোক যায় আসে না, কিন্তু টায়ারের পরমায় যে বেশ খানিকটা কমবে—এতো জানা কথা। অবিশি, ভাড়া দেওয়ার সময় সমস্ত দিনরাতের করারেই ভাড়া দেওয়া হয়, আর রিক্সাওয়ালারাও যখন খুশি রিক্সা নিয়ে বেরিয়ে পড়ে, যতক্ষণ খুশি টানতে পারে। খুশির মতো সবাই যদি সারা দিনরাত টানে—তাহলেই হয়েছে! রিক্সার আর অগ্নিহুই থাকবে না। যতই মজবুত হোক, চক্লিশ ঘণ্টা টানলে ঝরঝরে হয়ে তো যাবেই। বড়ো ন'কর্তা খুশি হতে পারলেন না, কিন্তু কিছু বলবারও উপায় নেই। মুখ বুজে থাকা ছাড়া উপায় নেই। এক চোখের কোণে অগন্তোষের চিহ্ন দুটিয়ে তোলা যেতে পারে।

একবার তার মনে হোলো, খুশিকে তাড়িয়ে দিলেই লেঠা চুকে যায়। কিন্তু মেয়ের দিকে তাকিয়ে সে ভরসা তিনি পেলেন না। না, খুশি তার হবু জামাই হবে, একথা তিনি কোনোদিন মনেও আনেননি, কিন্তু মেয়ের এই

ছোঁড়াটাকে ভারী পছন্দ। তিনি মেয়েকে ভয় করেন, তাকে ঘাটাবার তার ইচ্ছে নেই, এইতো একমাত্র মেয়ে, বিয়ে হওয়ার আশা নেই—তার একমাত্র বন্ধু এই ছোকরা—একে তাড়িয়ে দিলে কি চলে ?

সত্যিকথা বলতে গেলে ন'কর্তার মেয়েকে বিয়ে দেওয়ার ইচ্ছে নেই। এমন কাজের মেয়ে, বিয়ে দিলে যে সব অচল হয়ে যাবে ? এই স্বার্থপরতার জগতেই তিনি মেয়েকে ভয় করে চলেন। জীবনে বড়ো স্বর্গের বা মতের ভয় কাকে বলে জানতেন না, কিন্তু বড়ো বয়সে মেয়েই হোলো তার ভয়ের কারণ। মাঝে মাঝে একথা ভেবে এই সাহুনাটুকু পান যে, তিনি যখন একজনকেও ভয় করছেন, এর থেকেই প্রমাণ হয় তিনি দেবতা আর মানুষের প্রতি শ্রদ্ধা একেবারেই হারিয়ে ফেলেননি। যাক, তিনি নিজেই মনে মনে স্বীকার করলেন, মেয়েকে তিনি ভয় করেন আর সেই ভয়েই খুশিকে তাড়াতে পারেননি। কিন্তু এ কথাই এই মানে করা উচিত নয় যে, তার মেয়ে খুশিকে বিয়ে করে বোকা বন্ধু, এই তিনি চান। না, তিনি তা চান না। তার মেয়ের অবিশ্বাস, এ মতলব যে নেই তা নয়। কিন্তু খুশি অতদূর যেতে সাহসই করবে না।

একটু সাবধান হতেই হবে। মিথোমিথি মেয়েকে এখন চটিয়ে লাভ নেই।

খুশি কিন্তু বড়োর হাবভাব বুঝতে পারল না। তার সময়ই বা কোথায় ? মানব-মিলন আন্তান্য যদি তাকে ছাড়তে হয় রাগারাগি করে ছেড়ে যাবে বলে সে ভাবতেও পারে না। মাসমাইনের কাজ পেলে সে ছেড়ে যাবে বইকি। আর ছুটো সোয়ারি টেনে টেনে তার ভালোও লাগে না ! প্রথমত অগ্র রিক্সাওয়ালারা সোয়ারি ভাঙিয়ে নেয় বলে তার উপর চটেছে, দ্বিতীয়ত, রোজ কত আয় হবে তারও কোনো ঠিক নেই। আজ হয়তো খুব রোজগার হোলো, কাল হয়তো একেবারে কিছুই না ! কবে যে সে রিক্সা কিনতে পারবে মোটামুটি আন্দাজ করাই মুশকিল হবে। তার চেয়ে বাধাবাদি রোজগার ভালো ! যতই কম হোক না, মাসে মাসে থোক কিছু জমাতে পারবে—মনও হাল্কা হবে।

মাস ঠিকে কাজ সে জোগাড় করে ফেলল। যাক ! এখন আর ছুটো সোয়ারির জন্ত রাস্তায় ঘুরে বেড়াতে হবে না। ইয়াঙ পরিবারে সে কাজ পেল। শ্রীযুক্ত ইয়াঙ সাঙহাই এর লোক, তার বড় বো চিয়েন সিনের মেয়ে, ছোট বো স্থচাই-এর। দুবোয়ের একপাল ছেলেপুলে।

প্রথমদিন কাজ করতে গিয়ে খুশির মুচ্ছা যাবার জোগাড় হোলো। খুব ভোরে বড় বো বাজার করতে বেরুলেন। ফিরে এসেই ছুটিতে হোলো ছেলে মেয়েদের নিয়ে স্কুলে। এক স্কুল তো নয়, নানারকমের স্কুল। কোনোটা নিম্ন প্রাথমিক, কোনোটা মধ্য, কোনোটা বা কিণ্ডারগার্টেন। বয়স অল্পস্বল্পে এক একজনের এক এক স্কুল। ছেলে

মেয়েদের স্কুলে পৌছে দিয়ে শ্রীযুক্ত ইয়াঙকে তার সরকারী অফিসে দিয়ে এল। এবার ফিরে এসে ছোটবোকে নিয়ে বাজারে বা আশ্রয়শ্রমজনের বাড়িতে ঘুরিয়ে আনতে হোলো। এদিকে দুপুরের টিকিনের সময়। ছেলে মেয়েদের স্কুল থেকে নিয়ে এসে খাইয়ে দাইয়ে আবার রেখে আসা হোলো। ফিরে এসে মনে হোলো, এবার দুটো না ধৌলে আর চলে না। কিন্তু তারই কি জো আছে। বড় বৌ চেষ্টায়ে হুকুম দিলেন, কুয়ো থেকে জল তুলে আনতে হবে। খাবার জল বাড়িতে দিয়ে যাওয়ার বন্দোবস্ত আছে, কুয়ো থেকে বাসন মাজার কাপড় কাচার জল আনতে হয়। খুশি যখন চাকরিতে ঢোকে তখন এমন কোনো কথা ছিল না, কিন্তু কি আর করে। মনিবকে খুশি রাখবার জগা কুয়ো থেকে জল তুলে চৌবাচ্চা ভরাল। জল তোলা শেষ করে ভাতের খালা নিয়ে বসেছে এমন সময় ছোট বৌ কি একটা কিনে আনতে ফরমাস করলেন।

বড় বৌ আর ছোট বৌতে একেবারে মিল নেই, কিন্তু ঘরগৃহস্থালীর ব্যাপারে তারা একমত, চাকর বাকরকে কখনো বসিয়ে রাখতে নেই, তাই তারা তাদের খাবার সময়টুকু দিতেও নারাজ। খুশি একথা জানত না, তাই ভাবল, প্রথম দিনটা হঠাৎ এত কাজ পড়েছে, দ্বিতীয় দিন থেকে খাবার আর জিরোবার সময়টুকু নিশ্চয়ই পাওয়া যাবে। তাই সে মুখবুজে ফাইফরমাশ খেটে গেল, নিজের পয়সা খরচ করে কখনো পিঠে কিনে খেল। তা চাকরী রাখতে হলে এমন একটু আধটু করা দরকার বইকি!

ছোট বৌয়ের জিনিস কিনে ফিরে এলে বড় বৌ টিয়েনসিনি ভাষায় উঠোন ঝাঁট দিতে হুকুম দিলেন। মনিব আর তার বৌ বাড়ি থেকে যখন বেবোন বেশ সেজেগুজেই বেবোন, কিন্তু বাড়ির উঠোন একেবারে জঞ্জালে ভরতি, সেদিকে তাদের নজর নেই। উঠোনখানা দেখেই তার গা ঘিনঘিন করছিল, ঝাঁটদিতে সে লেগে গেল। সে ভুলেই গেল যে, সে রিক্সাওয়ালা, সাধারণ চাকর নয়। যখন উঠোন সাফ করা হয়ে গেল, ছোট বৌ এবার ঘরদোর ঝাঁট দিতে বললেন। খুশি আপত্তি করল না। সে অবাক হয়ে গেল, এমন পটের বিবির মতো ওদের চেহারা, অথচ ঘর হয়ে আছে যেন নরককুণ্ড, পা ফেলাই যায় না।

ঘরদোর সাফ হয়ে এসেছে, এমন সময় ছোট বৌ একবছরের কচি থোকাকে তার কাঁধে চাপিয়ে দিলেন। এক বছরের হলে কি হবে, দামাল ঢেলে! হেন কাজ নেই সে করতে পারে না, কিন্তু ধাইগিরি সে কোনো দিন করেনি। ছুঁহাত দিয়ে সে তাকে আঁকড়ে ধরে রইল, কি জানি থোকা যদি পড়ে যায়; আবার শক্ত করে ধরবারও যো নেই, থোকার বাথা লাগতে পারে। সে থোকাকে নিয়ে আমা চ্যাঙ-এর কোলে দিতে গেল। আমা চ্যাঙ বাড়ির বি, লক্ষা চণ্ডা

চেহারা, ইয়াঙ্গুসির উত্তরে তার বাড়ি। আমা চ্যাঙ কোলে তো নিলই না, বরং গালাগাল দিল।

ইয়াঙ পবিত্রবারে চাকর তিন চার দিনের বেশি টেকে না। মনিব আর তার বোঁরা চাকরকে কেনা বলে মনে করেন। তারা ভাবেন, চাকরকে যদি না খাটান যায়, তাহলে টাকাই যে উত্তল হবে না। এক আমা চ্যাঙ পাঁচ ছ'বছর টিকে আছে। তার কারণ, আমা চ্যাঙ সবাইকে গালাগাল দিতে পারে, এমনকি মনিব আর তার বোঁরাও বৃবাদ পড়েন না। মনিবের জ্বিভের খার আছে, টিয়েনসিনের বোঁও কম বাগড়াটে নন, সুচাউ-এর বোঁটিও আস্তে আস্তে পুড়িয়ে পুড়িয়ে কথা বলেন কিন্তু তারা তিনজন একদিকে মিললেও আমা চ্যাঙকে এঁটে ওঠা শক্ত। আমা চ্যাঙ উত্তরে এমন সব কথা ছাড়ে, তারা খেঁই হারিয়ে ফেলেন। যোগ্য প্রতিদ্বন্দ্বীই তাদের মিলেছে।

খুশি যে গ্রামে বেড়ে উঠেছে, সেখানে গালিগালাজের রেওয়াজই বিশেষ নেই। দরকার হলে হাত চালাতেই সে অভ্যস্ত। কিন্তু আমা চ্যাঙকে মারতে সে সাহসই পেল না। তার উপরে সে মেয়ে মানুষ, তাকে মারাও যায় না। তার দিকে সে কটমট করে তাকাল, চ্যাঙ মা চুপ করে গেল, সে বুঝতে পারল, খুশিকে ঘাঁটলে বিপদ আছে।

এবার বড় বোঁ খুশিকে ডেকে ছেলেমেয়েদের স্কুল থেকে নিয়ে আসতে বলল। খুশি ছোট বোঁ-এর কোলে থোকাকে দিয়ে এল। ছোট বোঁ-এর মনে হোলো, খুশি তাকে অবজ্ঞা করেছে। তিনি মুখ খুলে তাকে গালাগাল দিতে শুরু করলেন।

খুশি ছোট বোঁ-এর থোকাকে কোলে নিয়েছে—এ-ব্যাপারটা বড় বোঁ-এর মোটেও ভালো লাগেনি। ছোট বোঁকে মুখ খুলতে দেখে এবার তিনিও গলা খেঁকার দিয়ে গালাগাল দিতে শুরু করলেন। খুশির উপরই চলল গালাগাল, সে সকলের গালিগালাজের লক্ষ্যস্থল হয়ে দাঁড়িয়েছে। খুশি রিক্সা নিয়ে তাড়াতাড়ি বেরিয়ে পড়ল। বেগে উঠতেও সে যেন ভুলে গেছে।

ছেলেমেয়েদের একে একে স্কুল থেকে নিয়ে সে-কিরে এল। উঠোনে গোলমাল হৈ চৈ—যেন বাজার বদেছে। তিনটি স্ত্রীলোকের চিংকার, ছেলেমেয়েদের কান্না, সব মিলে যেন অভিনয় শেষ হবার পর থিয়েটার স্ট্রিটের হল্লাকেও হার মানায়। তাছাড়া এমন হট্টগোলের কোনো কারণও নেই।

খুশি আবার রিক্সা নিয়ে বেরিয়ে পড়ল। এবার সরকারী অফিস থেকে মনিবকে আনতে যেতে হবে। পথে নেমে তার মনে হোলো, রাস্তার হৈ-হল্লা, ঘোড়ার বিদঘুটে চিংকার বাড়ির গোলমালের চাইতে ঢের ভালো।

এমনি করে ছপুর রাত পর্যন্ত চলল আনা আর নিয়ে যাওয়ার পালা, তারপর সে হাঁক ছাড়বার সময় পেল। তখন ক্রান্তিতে শরীর ভেঙে পড়ছে, মাথার ভিতরে বোঁ বোঁ শব্দ শুরু হয়েছে। মনিব আর দুই বোঁ-এর মুখ কিস্ত তখনে খামেনি। কিস্ত ঘুম ছাড়া তখন আর ওসব নিয়ে মাথা ঘামাবার তার সময় নেই। সে তার ছোট্ট কুঠরিতে ঢুকে শুয়ে পড়ল, কিস্ত ঘুম তখন চোখ থেকে বিনায় নিয়েছে।

ঠিক ফটকের পাশেই এই কুঠরিটি, মাঝখানে কাঠের একটা দেওয়াল তুলে দুভাগ করা হয়েছে। চ্যাঙ মা একপাশে ঘুমোয়, সে একপাশে। ঘরে আলো নেই; একটা ছোট্ট জুঁফট মাপের জানালা—কি ভাগ্য যে তারই ভিতর দিয়ে পথের আলোর খানিকটা এসে পড়ে। স্নাতসেঁতে ঘর, দুর্গন্ধভরা—চারিদিকে তামার পয়সার মত পুরু ধুলো জমেছে। ঘর জুড়ে এক নড়বড়ে তক্তাপোশ। খুশির মনে হোলো এখানে শুলে মাথাটা যদি বা তক্তাপোশের উপরে থাকে, পা দুটো দেয়ালে তুলে দিতে হবে। পা দুটো দেয়াল থেকে নামিয়ে রাখলে, আধো বস! অবস্থায় ঘুমাতে হবে। ধহুকের মত বাঁকা হয়ে ঘুমানও অসম্ভব। তাই সে বহুক্ষণ ভেবে তক্তাপোশটাকে ঘরের ভিতরে আড়াআড়ি পাতল। ঘরের এক কোণে মাথা আর এক কোণে পা দিয়ে দিবি ঘুমোন যাবে। পা অশ্রু একটু ঝুলে থাকবেই—তা আর কি করা যায়? এমনিভাবেই রাতটা কাটাতে হবে।

বিছানা এনে পেতে সে শুয়ে পড়ল। পা ঝুলিয়ে ঘুমোবার অভ্যাস নেই—ঘুম এল না। জোর করে চোখ বুজে সে নিজেকে সায়না দিল—ঘুমো না, কাল তো আবার ভোরেই উঠতে হবে। কত কষ্টই তো সহ্য করেছিল, এও তেমনি সহ্য করে গেলেই হয়। শক্ত কাজ, খারাপ খাওয়া-দাওয়া এসব ভাবলে কি চলে? সুরিধেও তো হতে পারে। হয় তো, মাচিয়াঙ খেলবার জন্ত রোজই ওদের এখানে ভিড় হয়, তাহলে কি আর কিছু উপরি মিলবে না! কত! আর গিন্নীরা বাইরে কোথাও ভোজ খেতে গেলেও তো আরো কিছু পাওয়া যাবে। কি জন্ত এখানে এসেছিস? টাকা রোজগারের জঁতাই তো? টাকা যদি পাওয়া যায়, তাহলে সব কিছুই সইতে হবে।

এমনিধারা ভেবে তার মন হালকা হয়ে গেল। ঘরের ভিতরের দুর্গন্ধও আর নাকে লাগল না। ঘুমিয়ে ঘুমিয়ে সে স্বপ্ন দেখল, দুর্গন্ধময় একটা পোকা ফর ফর করে উড়ে বেড়াচ্ছে। নাকে লাগছে এসে দুর্গন্ধ, কিস্ত তাকে ধরবার জন্ত কষ্ট স্বীকারটুকুও সে করতে রাজি নয়।

দুতিন দিন কেটে গেল। খুশির বুক তখন একেবারে ঠাণ্ডা হয়ে গেছে : আশা আকাঙ্ক্ষা গুঁড়িয়ে গেছে। চার দিনের দিন বাড়িতে এলেন কয়েকজন

মহিলা অতিথি, চ্যাণ্ড মা তাড়াতাড়ি তাস খেলার টেবিল এনে পাতল। মনে হোলো ছোট্ট ব্রজের কক্ষটি খা বরফে বসন্তের হাওয়া এসে লাগছে।

ছেলেমেয়েদের চাকরের জিম্মায় ছেড়ে দিয়ে মনিবের দুই বৌ মাচিয়াঙ খেলতে বসে গেল। চ্যাণ্ড মা সিগারেট, চা আর গরম তোয়ালে জোঁগাচ্ছে বলে তার উপর পড়ল এই খুদে বান্দরদের ভার। সে এদের মোটেই দেখতে পারে না, কিন্তু ঘরের ভিতরে তাকিয়ে দেখল, বড় বৌ চাকরদের জ্ঞাত প্রতি বাজিতেই কিছু পয়সা সরিয়ে রাখছে। যাক বড় বৌ কড়া হলেও বোকা নয়। চাকর-চাকরানীদের মুকোত বকশিস দেওয়ার এমন সুযোগ সে কি আর ছেড়ে দেবে? খুদে বান্দরগুলির অত্যাচার সে বকশিসের লোভে মুখ বুজে সয়ে গেল।

খেলা শেষ হয়ে গেল। বড় বৌ তাকে ডেকে অতিথিদের বাড়ি পৌঁছে দিতে বললেন। মহিলা দুজন তাড়াতাড়ি বাড়ি ফেরবার জ্ঞাত ব্যস্ত; এক রিক্সায় গেলে পৌঁছতে দেরি হবে বলে খুশি আর একখানা রিক্সা ডেকে নিয়ে এল। বড় বৌ ট্যাকে গোঁজা পয়সা ভাড়া দেওয়ার জ্ঞাত বার করতে গেলেন। মহিলাটি কয়েকবার আপত্তিও করলেন কিন্তু বড় বৌ এমন চিংকার করে উঠলেন, মনে হোলো তার প্রাণ নিয়ে টানাটানি শুরু হয়েছে। সে কি বোন! তুমি এলে আমার বাড়িতে, আর রিক্সা ভাড়া দেবে তুমি? না, না, তা হবে না। নাও, নাও, উঠে পড়।

দশ সেন্ট বার করে তিনি মহিলাটির হাতে গুঁজে দিলেন। খুশি দেখতে পেল, বড় বোয়ের হাত কাঁপছে।

অতিথিদের বাড়ি পৌঁছে দিয়ে ফিরে এসে তাসের টেবিল সরিয়ে ঘর গোছানোয় সে সাহায্য করতে লেগে গেল। বড় বৌ দাঁড়িয়ে থেকে সব করালেন। খুশি ঘর গোছাতে গোছাতে একবার বড় বোয়ের দিকে তাকাল। বড় বউ চ্যাণ্ড মাকে চায়ের জ্ঞাত গরম জল আনতে বাইরে পাঠিয়ে দিয়ে দশসেন্ট খুশির হাতে গুঁজে দিলেন।

এই নাও, অমন কটমট করে তাকিও না বাপু!

খুশির মুখখানা রাগে লাল হয়ে গেল। মনে হোলো, এখনি সে বড় বোয়ের মুখের উপর দশ সেন্ট ছুঁড়ে মারবে।

আমার চারদিনের মাইনে চুকিয়ে দিন!

কি হোলো? বড় বৌ খুশিকে জিজ্ঞেস করলেন। তারপর কোনো কথা না বলে তার মাইনে চুকিয়ে দিলেন। বিছানা নিয়ে সদর ফটক পেরিয়ে আসতে না আসতেই সে শুনতে পেল পিছনে গালাগাল শুরু হয়েছে।...

ছয়

শরতের রাত, এখনো গভীর হয়নি। উজ্জল চাঁদের আলো। গাছের পাতা প্রায় ঝরে গেছে, যে-কটা বাকি আছে তাদের ছায়া পড়েছে মাটিতে। মৃদু হাওয়া একবার বইছে, চলে যাচ্ছে, আবার ফিরে ফিরে আসছে। খুশি মাথা তুলে আকাশের দিকে তাকাল। মাথার উপরে বহু দূরে স্বর্গের নদী বয়ে যাচ্ছে। দীর্ঘনিশ্বাস বুক ঠেলে বেরিয়ে এল। ‘এমন প্রাণ-জুড়ানো সন্ধ্যা, তার বুকের ছাতিখানাও তো বেশ চণ্ডা, কিন্তু মনে হচ্ছে তাতে হাওয়া ঢুকছে না, দুঃখের ভারে পিষে যাচ্ছে বুক, বসে পড়ে ডাক ছেড়ে কাঁদতে তার ইচ্ছে হোলো। এমন লম্বাচণ্ডা চেহারা আর শাস্ত স্বভাব তার, কিন্তু কি হোলো। সে নিজের অবস্থার উন্নতি করতে চেয়েছিল, কিন্তু লোকে তার সঙ্গে কুকুরের মতো ব্যবহার করেছে, সে চাকরীতে পর্যন্ত বেশিদিন টিকতে পারল না। শুধু ইয়াঙ-পরিবারকে গালাগাল দিয়েই সে ক্ষান্ত হোলো না; তার দুঃখ নিয়ে এল হতাশা আর ভয়—সে বুঝি জীবনে আর কিছুই করতে পারবে না, বিছানা পিঠে নিয়ে সে চলতে লাগল, কিন্তু পায়ে ঘেন আর জোর নেই। এখনই বুঝি ভেঙে পড়বে। আট দশ লি যে অক্লেশে দৌড়তে পারত, সে-খুশি বুঝি আর নেই।

বড় রাস্তায় যখন এসে সে পৌঁছল, তখন অনেক রাত হয়েছে। পথে দু-একজন লোক চলছে; শুধু উজ্জল আলোর সার নিশ্চয় জ্বলছে। কোথায় যাবে জানে না। এক মানবমিলনে যেতে পারে। কিন্তু সেখানে যাওয়া মুশকিল, খুশি অস্বস্তি বোধ করল। সে যে করে হোক একখানা রিক্সা কিনতে চেয়েছিল—তার জন্ত নিজের আত্মসম্মানবোধ সে বিক্রিয়ে দিয়েছে, কিন্তু কি হোলো? সাড়ে তিন দিনের বেশি চাকরীতে টিকে থাকতে পারল না। এখন মানবমিলন রিক্সার আড্ডায় ফিরে গিয়ে মুখ দেখানই ভার হবে। সবাই হেসে বলবে, দেখো দেখো, তিন দিনেই খুশির চাকরী খতম হয়ে গেল।

কিন্তু মানবমিলনে না গিয়ে সে কোথায় যাবে? সে আর ভাবতে পারল না, তাড়াতাড়ি রিক্সার আড্ডার দিকে চলতে লাগল।

একতলা দালান, তিনটে বড় বড় ঘর স্রুমুখে, মাঝের ঘরটায় অফিস; রিক্সাওয়ালরা এখানে হিসেব-নিকেশ চুকিয়ে দিতে বা ব্যাবসা সম্পর্কে কথা বলার জন্ত ঢুকতে পারে, কিন্তু বিনাকারণে ঢোকবার ছকুম নেই। দুপাশের দুটি ঘরের একটিতে থাকে বুড়ো, আর একটিতে তার মেয়ে। পশ্চিম দিকের ঘরের পাশেই ফটক, ফটকের রিক্সাওয়ালা



স্বমুখে শেড-ছাড়া একটা জোয়াল ইলেকট্রিক বাল্ব; তারই নিচে একখানা ফলকে সোনার অঙ্করে খোদাই করা ‘মানবমিলন রিক্সার আন্তান।’ এই ফটক দিয়েই সবাই রিক্সা নিয়ে আসা-যাওয়া করে। ফটকের ভিতরে ঢুকেই একটা সবুজ রংকরা সরজা দেখা যায়—সেটি ঠেলে ভিতরে ঢুকলেই চোখে পড়ে সারি সারি রিক্সা, কোনোটা বা হলদে, কোনোটা বা লাল বা কালো রঙের—সবগুলিই বেশ ঝকঝকে, সববার আসনটির ঢাকনাটি পর্যন্ত বরফের মতো ধবধবে সাদা। রিক্সাওয়ালারাও অগ্রাণু রিক্সাওয়ালাদের থেকে ঢের বেশি ফিটফাট, তার জ্ঞান গর্বেরও তাদের সীমা নেই। রিক্সাওয়ালা গোষ্ঠীর মধ্যে তারা নিজেদের অভিজাত বলেই মনে করে।

এগারোটা বেজে গেছে, খুশি এসে মানবমিলনের ফটকে পৌঁছল। আলোটা ফটকের উপরে ঠিক তেমনি জ্বলছে, তেমনি নিসঙ্গ আর অদ্ভুত। ভিতরে সব অন্ধকার; অফিস বা পুঁবর ঘরের বন্ধ দরজার ফাঁক দিয়ে এক চিলতে আলো এসে বাইরে পড়ছে না। শুধু পশ্চিমের ঘরে এখনো আলো জ্বলছে। ঘরটা বাধিনীর; সে এখনো ঘুমোয়নি। খুশি চোরের মতো পা টিপে টিপে চলতে লাগল; কি জানি বাধিনী যদি দেখে ফেলে। বাধিনীর তার উপরে বেশ উঁচু ধারণাই আছে, বার্থতার প্রথম সাক্ষী তাকে সে করতে চায় না। রিক্সা নিয়ে বাধিনীর জানালার নিচে দিয়ে নিঃশব্দে সে এগিয়ে চলল। কিন্তু বেশি দূর সে এগোতে পারল না। বাধিনী এসে জানালায় দাঁড়িয়েছে।

কে গা; খুশি না? তারপর...বাধিনী কি যেন বলতে গেল, কিন্তু খুশির মুখের দিকে তাকিয়ে সে চুপ করে গেল। মুখে তার হতাশার ছোপ লেগেছে, তার উপরে রিক্সার ভিতরে গুটোনো বিছানা—একটা কিছু ব্যাপার ঘটেছেই।

যা আপনি ভয় করবেন, তা ঘটবেই—এই পৃথিবীর নিয়ম। খুশির নিরাশা আর ভয় জমে যেন বরফের তাল হয়ে গেছে। একটা কথা মুখ দিয়ে তার বেরুল না। বাধিনীর মুখের দিকে ফ্যাল ফ্যাল করে তাকিয়ে রইল।

আজ রাতে বাধিনী যেন বদলে গেছে। জোরালো আলোরই কারসাজি, না মুখে খুব পাউডার ঘষেছে তাই বা কে বলবে, কিন্তু রংটা বেশ ফরশাই দেখাচ্ছে, আর তার দরুন মুখের সয়তানি ভাবটাও ঢাকা পড়ে গেছে। ইঁ, কুজ মেখেছে বইকি ঠোঁটে! নইলে অমন মন কেড়ে নেওয়া চটক আসবে কোথেকে। খুশি অবাক হয়ে গেল। দিনের পর দিন বাধিনীকে সে দেখেছে, কখনো তাকে মেয়ে মানুষ বলেই তার মনে হয়নি। কিন্তু আজ রাঙা টুকটুকে ঠোঁট দুটি দেখে একটু লজ্জিতই হয়েছে। পোশাকেও বেশ বাহার দেখা দিয়েছে। হাঙা সবুজ রঙের খাটো কাঁচুলি তার গায়ে, পরনে ক্রেপ সিল্কের ডিলে পায়জামা।

আলো এসে পড়েছে সবুজ কাঁচুলির উপর, জেল্লা ধরিয়ে দিয়েছে। সব

মিলিয়ে কেমন ঘেন একটা বিষয়টার ইসারা। কাঁচুটি খুবই খাটো, পায়জামার লাদা কিতেটা পর্বন্ত স্পষ্ট দেখা যাচ্ছে; কালো ক্রেপ সিল্কের ডিলে পায়জামা রাতের হাওয়া লেগে ফুলে ফুলে উঠছে—এক অপদেবতা! যেন বার বার তাকে ছলিয়ে দিচ্ছে, এই উজ্জ্বল আলো থেকে তাকে রাতের অন্ধকারে ঘেন সে টেনে নিয়ে যেতে চায়।

খুশি বেশিক্ষণ তার মুখের দিকে তাকিয়ে থাকতে পারল না, মাথা নিচু করল। কিন্তু চোখ ফিরিয়ে নিলে কি হবে, সবুজ কাঁচুলি তখন তার মনের ভিতরে পিলপেগাড়ি করেছে। কতদিন ধরে তো সে বাঘিনীকে দেখেছে, কিন্তু এমনটি তো কখনো দেখেনি। এমন সাজ-পোশাক, টুকটুকে লুল ঠোঁট—সত্যিই বাঘিনীকে সে এমন বেশে কখনো দেখেনি। লিউ-এর টাকাকড়ি বিস্তর। ইচ্ছে করলে বাঘিনী রোজ এমনি দিক আর সাটিন পরতে পারে, কিন্তু সে কোনোদিন ওসবের ধার ধারেনি। রিক্সাওয়ালাদের সঙ্গে হিসেব-নিকেশ করেই দিন কাটিয়েছে, সাধারণ জামা-কাপড়ই পরেছে। কখনো কখনো রংচঙে কাপড় জামাও পরেছে, কিন্তু চোখে পড়বার মতো নয়। খুশির মনে হোলো, এ এক নতুন আবির্ভাব, কিন্তু বহু পরিচয়ের আমেজ লেগে আছে। কি জানি সে ভুল করেনি তো! হয়ত ভুল রাস্তায়, ভুল ঠিকানায়ই সে ঢুক পড়েছে!

একে তো মনটা বেশ ভারী হয়ে আছে, তার উপরে এই নতুন বিষয়—এখন সে কি করবে? সব ঘেন কেমন ওলট-পালট হয়ে যাচ্ছে, কিছুই ভাবতে পারছে না। খুশি ঠায় দাঁড়িয়ে রইল। কিন্তু মেয়েটাই বা ঘরে চলে যাচ্ছে না কেন? ওকে একটা হুকুম দিলেই তো ল্যাঠা চুকে যায়। ছুটে চলে যেতে পারে। অসহ্য হয়ে উঠেছে পরিস্থিতি, নিজের দুঃখ-দুর্দশার উপরে এ আর এক অহুভূতি—এর জাত আলাদা। কিন্তু এর দাহ শতগুণ বেশি।

বাঘিনী দু-এক পা এগিয়ে কাছে এসে নিচু স্বরে বলল, কাঁঠ হয়ে দাঁড়িয়ে রয়েছে কেন? যাও, রিক্সা রেখে তাড়াতাড়ি ফিরে এস। কয়েকটা কথা তোমাকে বলব। আমার ঘরেই এস, বুঝলে?

বাঘিনীকে সে রিক্সার আড্ডা চালানোর সাহায্য করেছে, তার হুকুম তামিল করেছে। আজও তাই করবে। কিন্তু আজ ঘেন সে-বাঘিনী আর নেই, একেবারে নতুন;—খোলস বদলে এসেছে। আজ একটু ভাবনার বিষয় আছে বইকি! খুশি দাঁড়িয়ে দাঁড়িয়ে ভাবতে চেষ্টা করল—কিন্তু মগজটা ঘেন ফাঁকা হয়ে গেছে, কিছুই খিতোতে চায় না।

কি আর করবে? রিক্সা ঠেলে শেডে নিয়ে এল। তাদের ঘর অন্ধকার। হয়তো, সবাই ঘুমিয়ে পড়েছে, কেউ কেউ হয়তো এখনো ফেরেইনি। রিক্সাখানা

জায়গা মতো রেখে সে বেরিয়ে এসে বাঘিনীর দরজার স্তম্ভে দাঁড়াল। বুকের ভিতরে তোলপাড় চলেছে।

ভিতরে এসো! আমি দু-একটা কথা বলতে চাই। বাঘিনী ভিতর থেকে বলল। তার ঠোঁটের কোণে ছেনালি হাসি, চটুল ভঙ্গী।

খুশি আন্তে আন্তে ঘরে ঢুকল। টেবিলে কয়েকটা পিয়ার পড়ে আছে। এখনো ঘন সবুজরঙে লাল আভাস লাগেনি; একধারে মদের বোতল, তার পাশে তিনটে ধবধবে সাদা চীনেমাটির পেয়ালা। একখানা বড় খালায় সয়াবীনের ঝোল আর আধখানা মুরগী ও আরো নানা খাবার সাজানো।

দেখ, বাঘিনী তাকে চেয়ারে বসতে বলল, আজ একটু ভালো খাওয়া দাঁওয়ার বন্দোবস্ত করেছি। হাড়ভাঙ্গা খাটুনির পর মাঝে মাঝে ভালো মন্দ না খেলে চলবে কেন? তা একা খেয়ে কি স্ব্থ আছে, তাই তোমাকে ডাকলাম।

এক পেয়ালা মদ সে পেয়ালায় ঢালল, কাগলিয়াও থেকে এই মদ তৈরী। সয়ার ঝোলের গন্ধের সঙ্গে মদের উগ্র গন্ধ মিশে গেছে, নাকে এসে ঢুকছে।

চটপট শেষ কর। মুরগীটা খেয়ে ফেল। আমি খেয়ে নিয়েছি, আমার জন্ত ভেব না। কিছুক্ষণ আগে ডোমিনো খেলে ভাগ্য পরীক্ষা করছিলাম, তখনই জানি তুমি ফিরে আসছ। শুনে খুব অবাক হচ্ছ তো?

আমি তো মদ খাই না। খুশি পেয়ালাটা হাতে নিয়ে বলল, তার মন চিন্তার উপর মরুভূমিতে হারিয়ে গেছে, মরুমায় পথ খুঁজে পাচ্ছে না।

মদই যদি না খাবে তো, এখান থেকে সরে পড়। ভালো ভেবে ডেকে আনলুম, মদ দিলুম, উনি খাবেন না! বোকা উট, কত আর বুদ্ধি হবে! খাও, খাও, ঐ এক ফোঁটা মদ খেলে তুমি মরে যাবে না! আমি যে মেয়েমানুষ, আমিও তিন-চার পেয়ালা শেষ করে দিতে পারি। ওঃ বিশ্বাস হচ্ছে না বুঝি? দেখ, এক চুমুকেই পেয়ালা শেষ করে দিচ্ছি।

খুশির কাছ থেকে পেয়ালা নিয়ে চোখ বুজে প্রায় অর্ধেকটা চুমুক দিয়ে খেয়ে ফেলল। তারপর পেয়ালাটা খুশির হাতে ফিরিয়ে দিলে।

নাও, শেষ করে ফেল! শেষ না করলে কান ধরে গলায় সবখানি ঢেলে দেব।

খুশি বহু অত্যাচার অবিচার সযেছে, তার বুক পাথরের মতো তারা চেপে বসে আছে—কথার উত্তাপে তাদের গলিয়ে দিতে সে পারেনি। আজও সে মেয়েটার ঢলানি দেখে রেগে উঠল: এমন মেয়েকে সায়ন্তা করবার কৌশল সে জানে; একবার চোখের দিকে কটমট করে তাকিয়ে থাকলেই ওর চটুলতা উবে যাবে। কিন্তু সে তা পারবে না। বাঘিনী তার সঙ্গে ভালো ব্যবহারই করে এসেছে। সকলের সঙ্গেই ও অমনি করে কথা কয়—ওই ওর স্বভাব। ওর সঙ্গে দুর্ব্যবহার

করতে তার ইচ্ছে নেই। তার চাইতে গুর কাছে সব কথা খুলে বললে কেমন হয়? এতদিন সে মুখ ফুটে কিছু বলতে চায়নি, কিন্তু আজ রাতে হাজারটা কথা। দশহাজারটা কথা মনের বিষণ্ণতার আড়ালে জটলা পাকিয়েছে; বেরুতে পথ পাচ্ছে না। তাদের বের করে দিতে না পারলে সে তো কখনো স্বাধী হতে পারবে না। তারা যে মনকে আরো ভারী করে তুলছে।

এমনি ধারা ভাবতে ভাবতে মনে হোলো—না না, বাঘিনী তাকে ঠাট্টা করছে না, বরং সে তাকে ভালোবাসে, তাকে রক্ষা করতেই সে চায়। বাঘিনীর হাত থেকে পেয়ালা নিয়ে এক চুমুকে সে নিঃশেষ করে দিল। • • •

ধীরে ধীরে পানসে মদ দেহের ভিতরে পথ করে চলেছে, জ্বলছে গলা, পাকস্থলীতে অহুভব করছে তার তীব্রতা। পেটে মোচড় দিচ্ছে, শরীরে লাগছে ঝাঁকুনি।

বাঘিনী হো হো করে হেসে উঠল। খুশি ভয়ে ভয়ে পুবেব ঘরখানার দিকে তাকাল। লিউ সেখানে থাকেন।

কেউ নেই গো, হাসি খামিয়ে বাঘিনী বলল, ঠোঁটের কোণে তখনো হাসির আমেজ লেগে আছে। বুড়ো তার বোনের জন্মদিনের নৈমস্ত্রমে গেছে, ফিরতে দু-তিন দিন হবে। কম দূর তো নয়। আমার পিশি নান ইউয়ানে থাকে। কথা বলতে বলতে সে আর এক পেয়ালা মদ ঢালল।

তার কথা শুনে খুশি কেমন সংকুচিত হয়ে গেল। তার মনে হোলো, কোথায় যেন ব্যাপারটার গলদ আছে। কিন্তু টেবিল ছেড়ে উঠে যেতেও মন চাইল না। বাঘিনীর মুখখানা তার মুখের এত কাছে, উজ্জল তার পোশাক, টুকটুক লাল দুটি ঠোঁট—সব মিশে গিয়ে তার মনের ভিতরে উত্তেজনার সৃষ্টি করেছে। এমন উত্তেজনা বুঝি কোনোদিন সে অহুভব করেনি। কিন্তু মেয়েটা বেহদ কুংসিত—এখনো তাকে সুন্দর দেখাচ্ছে না। তবু এমন এক উদ্ভামতা তাকে ঘিরে আছে, মনে হচ্ছে তার শরীরের অঙ্গপ্রত্যঙ্গগুলি যেন আজ রাতে সজীব হয়ে উঠেছে—সে যেন বদলে গেছে, সত্যি বদলে গেছে। না, সে যা ছিল ঠিক তাইই আছে, কিন্তু তার উপরে লেগেছে নতুন রং।

কেন এমন হোলো, খতিয়ে দেখবার তার সাহস নেই, এমন কি তার এই নতুন রূপ তাকে ভয় পাইয়ে দিচ্ছে। তবু উঠে যেতে সে পারছে না, কেমন যেন ভালো লাগছে। লাল হয়ে উঠেছে তার মুখ, পুড়ে যাচ্ছে এক অনহুভূত উষ্ণতায়, বিভ্রান্ত হয়ে পড়েছে সে! সে আড়চোখে তাকিয়ে দেখল, বাঘিনী এক চুমুকে পেয়ালাটা নিঃশেষ করে টেবিলের উপর নামিয়ে রাখল। কি জানি গুরও হয়তো সাহস ফুরিয়ে গেছে, মদ খেয়ে আবার তাকে জাগিয়ে তুলছে।

কিছুক্ষণ আগে খুশি তাকে নিজের দুঃখদুর্দশার কথা বলতে চেয়েছিল, কিন্তু এখন সে সব ভুলে গেছে। অকারণে সে বার বার বাঘিনীর দিকে তাকাচ্ছে, বুকে উঠছে তুফান। বাঘিনীর নতুন রূপ যেন স্পষ্ট হতে স্পষ্টতর হয়ে উঠেছে। মনের মতই পানসে আর উগ্র সে-রূপ। তাকে অভিজ্ঞত করে ফেলেছে, জালা ধরিয়ে দিচ্ছে। আর সে যেন বাঘিনী নয়, তার কামনাময়ী আত্মা এক উত্তপ্ত লাভাসমুদ্র, তার ভিতরে তাকে ডুব দিতে হুকুম দিচ্ছে। লাভার সমুদ্র তার মেহের সমস্ত শক্তি নিংড়ে নিয়ে তার শুক অস্থিপঙ্কর পারে ছুঁড়ে ফেলে দিয়ে চলে যাবে—একটুও ইমতা বুঝি দেখাবে না।

খুশি নিজেকে নাড়া দিয়ে সজাগ করতে চাইল। তাকে সাবধান হতে হবে। কিন্তু ভীকর মত পালিয়ে সে যাবে না, বীরের মত এই লাভাস্রোতকে সে কথন দাঁড়াবে। পর পর তিন পেয়লা মদ সে নিঃশেষ করে দিল। মদের উগ্র তারল্যে তলিয়ে গেল তার সাবধানতার সংকল্প। বাঘিনীর দিকে বিহ্বল চোখে তাকাল। এত সুখী, এত সাহসী সে। সাহস যেন উপছে পড়ছে; নতুন এক অভিজ্ঞতাকে সে যেন মুঠোর চেপে ধরতে চাইছে, নিষ্পেষিত করতে চাইছে। বাঘিনীকে সে এমনি ভয় করে, কিন্তু আজ যেন ভয়ের আর লেশমাত্র নেই। কিসের ভয়?—ওতো সামান্য একটা মেয়ে। বরং তার ভিতরে যে পরিবর্তন এসেছে, যে সাহস এসেছে, তাকেই ও ভয় করবে। দেখ না, কেমন ছোট্ট বিড়ালছানার মতো মেয়েটা কুণ্ডলি পাকিয়ে বসে আছে, ওর গায়ে হাত দিলে বিড়াল ছানার মতোই নরম লোম হাতে লাগবে, ও চোখ মুদবে আরামে, হয়তো ভয়েও।

বাঘিনীর কি আশ্চর্য পরিবর্তন হয়েছে। ঠাট্টার তিক্ত হল আর কথায় নেই, নেই ঘণার আয়েজ; খুশির শক্তির কাছে সে যেন পোষ যেনেছে, তার বুকে সে আশ্রয় খুঁজছে। কখন যে বাঘিনী আলো নিভিয়ে দিয়ে তার পায়জামার ফিতে খুলে দিয়েছে, সে জানতে পারল না। অন্ধকারে বাঘিনীর সিক্কের জামা, আর নরম ক্রোপের পায়জামার দরকার কি? সব খসে পড়েছে, স্তূপাকার হয়ে পড়ে আছে এক পাশে। আদিম মানব আর মানবী—পোশাক মিলনের অন্তরায় হয়ে দাঁড়ায়নি। খুশি বহুক্ষণ ভুলে গেছে বাঘিনীকে কেমন দেখতে, অন্ধকারে সে তার মুখ দেখতে পাচ্ছে না; শুধু অহুভব করছে তার উষ্ণ নিখাস। বাঘিনী হাত দিয়ে এবার দেখিয়ে দিল, সেই বহু-আকাঙ্ক্ষিত স্থান। অমৃতলোভে সে উন্মুখ হয়ে আছে। খুশি সেখানে আরোপ করবে তার পুরুষত্ব, তাকে বিদ্ধ করবে নির্মম পৌরুষ দিয়ে। তার শক্তি, তার উত্তেজনার অর্থ সে খুঁজে পেয়েছে, এমন কি তার বুকে অত্যাচারীর প্রতি আক্রোশের যে আগুন জ্বলছে, তারও বুঝি নিবৃত্তি সেখানে লুকিয়ে আছে।

... বাইরের রাত জানলা দিয়ে ঘরে এসেছে, আকাশ কালোয় কালো। রূপোলী ধারায় বয়ে চলেছে স্বর্গের নদী। একটা গ্রহ খসে পড়ল, নিকষকালো আকাশের বৃকে একটা রেখা—পুচ্ছের আগুন ছড়িয়ে পড়ছে, আকাশে বৃত্ত রচনা করছে। ওর ঝাঁকুনিতে গোটা পৃথিবীটা কেঁপে উঠছে, অন্ধকার খান খান হয়ে যাচ্ছে। হয়তো আকাশ থেকে তারারা এক মহাবিফোরনে খসে পড়ে হৈমন্তী রাতের শূন্যতা কাঁপিয়ে দেবে। হাজার হাজার ফুলিন ছড়িয়ে পড়বে, নিবে যাবে, ছড়িয়ে যাবে, তারপর একদিন উঠবে আর এক নতুন গ্রহ, আকাশ ফুঁড়ে দিয়ে যাবে বহিমান তীব্র জ্যোতি। কিন্তু তারও পালা একদিন শেষ হয়ে যাবে, রাতের অন্ধকার আসবে ঘিরে; তারারা ধীরে ধীরে ফিরে পাবে নিজেদের স্থান; হৈমন্তী রাতের বাতাস জুড়িয়ে যাওয়া গ্রহের দিকে তাকিয়ে হাসবে। ....

... পরদিন খুশি খুব ভোরে উঠেই রিক্সা নিয়ে বেরিয়ে পড়ল। মাথাটা টিপটিপ করছে, গলা জ্বলছে, প্রথম মদ খেলে অমনিই হয়। বাইরের হাওয়া লাগলেই সেরে যাবে। মাথাধরা না হয় গেল, কিন্তু কালকের রাতের ব্যাপারটাতো অত তাড়াতাড়ি মিটেবে না। খুশি একটা সরু গলির মুখে রিক্সা রেখে বসে পড়ল। সত্যিই অত সহজে ব্যাপারটা মিটেবে না। নিজের কাছে নিজেকেই কেমন অপরাধী বলে মনে হচ্ছে। তাছাড়া বিপদও আছে বইকি!

বাঘিনী কি ভেবেছে সেই জানে। খুশি কয়েকঘণ্টা আগেই জানতে পেরেছে, বাঘিনী কুমারি বহুদিন হোলো খুইয়েছে, সে-ই তার জীবনের প্রথম পুরুষ নয়। অথচ তার উপরে কি ভক্তির না ছিল, কোনোদিন তার সম্বন্ধে কানায়ুযোও কিছু সে শোনেনি। সকলের সঙ্গেই বাঘিনী সহজভাবে মিশেছে। কেউ যদি তাকে গালাগালি দিয়েছে, সে নষ্ট মেয়ে বলে নয়, কড়া মনিব বলেই দিয়েছে। সত্যি, ওর সম্বন্ধে এমন ধারণাও কেউ করেনি। কিন্তু কাল রাতে কেন এমন হোলো?

কালকের রাতের ব্যাপারটাই কেমন গোলমলে। খুশির কেমন সন্দেহ হয়েছে, হয়তো ভুলই সে করেছে। কিন্তু মেয়েটা তো জানতো, সে অন্য জায়গায় চাকরী করছে। তাহলে ওর জন্মই বসে ছিল—একথা বলার মানে কি? ধর, এমনও তো হতে পারে, যে-কোনো লোকের জন্ম বসেছিল—যে-কেউ হলোই ওর চলত। খুশি মাথায় হাত দিয়ে বসে অনেকক্ষণ ভাবল। গাঁ থেকে সে এসেছে, এখন পর্যন্ত যদিও বিশ্বের কথা সে ভাববার ফুরসৎ পায়নি, তবু মনে মনে একটা আঁচ করে রেখেছে। ধর, যদি সে রিক্সা কিনে অন্নহাটা ফেরাতে পারে, তাহলে গ্রামে গিয়ে একটি স্তম্ভরী অন্নবয়সী কুমারী মেয়েকে বিয়ে করবে। সে মেয়ে ছুঃখের জীবনে হবে সাধী, কাপড় কাচবে, ঘর গৃহস্থালীর কাজ করবে।

তার বয়েসী ছেলেরা তো হামেসাই 'দাদা বাড়িতে' হানা দিচ্ছে, কিন্তু খুশি কখনো

সেখানে যায়নি। প্রথমত সে তার অবস্থার উন্নতি করতে চায়, পরশা নিয়ে যে সব মেয়ে তাদের দেহ বিক্রি করে, তাদের কাছে গিয়ে পরশা ওড়াতে সে রাজি নয়। দ্বিতীয়ত উনিশ কুড়ি বছরের যেসব ছোকরা ওদের কাছে যায় তাদের অবস্থা সে দেখেছে। প্রস্তাব করতে গিয়ে কি কষ্ট! তাছাড়া আর একটা ব্যাপারও আছে। সে বিয়ে করলে কুমারী মেয়েকেই বিয়ে করবে, অন্যায় করলে তার স্বমুখে সে দাঁড়াবে কি করে? তাই তার মন কখনো টলেনি।

কিন্তু এখন...এখন...বাঘিনী বন্ধু হিসেবে বেশ মেয়ে। কিন্তু বো হিসেবে বড়ই বে-মানান। একে তো কুৎসিত, তার উপরে মেজাজে খাণ্ডারনী। কাউকে রেহাই দেয় না। যারা স্বল্পের রিক্সাখানা কেড়ে নিয়ে গেছে, সেই বেজয়া সৈকতের সঙ্গে বরং মিতালী করতে রাজী আছে, কিন্তু বাঘিনীকে বিয়ে করতে সে নারাজ। গ্রাম থেকে সে এসেছিল নিষ্পাপ, তার দেহে বাঘিনী আজ কলঙ্কের ছাপ মেরে দিয়েছে।

আরো একটা কথা : যদি ব্যাপারটা বেরিয়ে পড়ে আর কত'লিউ-এর কানে যায়? সেতো আর জানে না, তার মেয়ে বছরদিন থেকেই নষ্ট হয়ে আছে। তখন তো খুশির উপরে এসেই সব চাপ পড়বে! তখন তো লজ্জায় কালি-পড়া হাঁড়ির মতোই হবে তার অবস্থা। ধর, যদি এমন হয় যে, কত'লি তার মেয়ের ব্যাপার সব জেনে শুনেও তাকে শাসন করেননি, তাহলে কি হবে? বাবা আর মেয়ের শত ইচ্ছে থাকলেও এমন মেয়েকে সে বিয়ে করতে পারে না—তা বুড়ো লিউ-এর ছটা রিক্সাই থাক আর দুহাজার রিক্সাই থাক।

তার চাইতে মানবমিলন থেকে চলে গেলেই ভালো হয়, এক কোপে ওদের সঙ্গে সম্বন্ধ সে বিচ্ছিন্ন করে দিতে পারে। তার নিজের শক্তি আছে, সামর্থ্য আছে, একখানা রিক্সা কেনা আর বিয়ে করার জ্ঞান কারো উপর তাকে নির্ভর করতে হবে না। আর সেইখানেই তো তার আত্মসম্মান। খাটি লোক সে, কাউকে ডরায় না, তার কোনো ভাবনা চিন্তাও নেই। সে জানে, কাজ করে গেলে সে একদিন জীবন-যুদ্ধে জয়ী হবেই।

কিন্তু বাঘিনী? যতোই খুশি তাকে ঘৃণা করুক, বাঘিনী তার খাবার দাগ রেখে গেছে। তার কথা সে ভাবতে চায় না, তবু তার কথাই বার বার মনে পড়ে। তার কুৎসিত রূপ নিয়ে নির্লজ্জ উলঙ্গতায় সে দেখা দেয়। মাঝে মাঝে তার হৃদয়ের কোমলতার কথাও তার মনে পড়ে।

একরাশ ভাঙা লোহার টুকরো যেন নিলামে চড়েছে! ভাঙা মরচে-ধরা তামা আর লোহার ভিড়ে দু-একটা উজ্জল টুকরোর সন্ধান মিলেছে, না কিনে চলে যেতে তোমার ইচ্ছে হচ্ছে না। এর আগে সে কারো সঙ্গে এমন অন্তরঙ্গ হয়ে উঠতে পারেনি। যদিও

সে প্রতারণিত হয়েছে, প্রলুব্ধ হয়েছে, তবু এমন একটা সম্পর্ক গড়ে উঠেছে, অত সহজে তো তাকে ভুলে যাওয়া যায় না। তুমি যদি সে সম্পর্ক দূরে সরিয়ে রাখতে চাও, তোমার মন ছাড়বে কেন? সে দূলে উঠবে, টলিয়ে দেবে তোমার প্রতিজ্ঞা, ভাসিয়ে দেবে তোমার দৃঢ়তা। সম্পর্ক যে শিকড় চালিয়ে দিয়েছে। এতো শুধু অভিজ্ঞতা নয়, এ যেন আরো কিছু—সব গোলমাল করবে দিয়ে যায়, নিজের উপর মাহুঘ বিশ্বাস হারিয়ে ফেলে। খুশিরও তাই হোলো। সে বুঝতে পারল না, কি সে করবে, কিন্তু পোকা যেমন করে মাকড়সার জালে জড়িয়ে পড়ে তেমনি করে জড়িয়ে পড়ল। নিজেকে মুক্ত করবার চেষ্টা করল, পারল না। সে সময় চলে গেছে।

কয়েকটা সোয়ারি সে পেল। জোরে সে ছুটল বটে, কিন্তু তখন মনে তোলপাড় উঠেছে। ধোঁয়াটে চিন্তা—কোনো আকার নেই, নেই আদি আর অন্ত...শুধু অস্পষ্ট চিন্তা জমে উঠেছে, মাঝে মাঝে পরিচিত ক্ষণ স্বাদ আর গন্ধের রূপ নিয়ে দেখা দিচ্ছে; কখন বা ভুল করে ভেসে উঠেছে এলোমেলো ছেঁড়া খোঁড়া ভাবনা। অস্পষ্ট হলে কি হবে, নিষ্ঠুর বাস্তবের তীক্ষ্ণতা নিয়েই দেখা দিচ্ছে। তার ইচ্ছে হোলো কোথাও গিয়ে সে বোতলের পর বোতল শেষ করে দেয়, তাহলে আর সে কাউকে চিনতে পারবে না, কিছু মনে করতে পারবে না। হয়তো সে শান্তি পাবে। নইলে এ-জালা যে আর সহ্য হয় না।

কিন্তু মদ খেতে সে সাহঁস করল না। ব্যাপারটা ঘটেছে বলেই কি এমন করে নিজের সর্বনাশ করতে হবে? এখনও রিক্সা কেনা বাকি। যদিও রিক্সার চিন্তার জায়গায় অল্প চিন্তা এসে জুড়ে বসেছে, তবুও রিক্সার কথা সে ভুলতে পারছে না। যে-রিক্সা সে কিনবে, তার ছবি আছে তার মনে—কালো টেম্ব যেমন করে সূর্যকে ঢেকে দেয়, তেমনি করে এই চিন্তা তার মানস-রিক্সাকে ঢেকে দিচ্ছে।

সন্ধ্যা হয়ে এল, এবার আড্ডায় ফিরতে হবে। খুশির মনটা বিগড়ে গেল। আড্ডায় যেতে সে ভয় পাচ্ছে। তার সঙ্গে দেখা হলে কি হবে? খুশি শূণ্য রিক্সা নিয়ে আনমনে পথে পথে ঘুরে বেড়াল। দু-তিনবার রিক্সার আড্ডার কাছে এসে সে আবার ফিরে গেল। এ যেন ছোট্ট ছেলে প্রথম স্কুল পালিয়ে বাড়ি ঢুকতে ভয় পাচ্ছে।

অদ্ভুত ব্যাপার এই যে, যতই সে বাঘিনীকে এড়াবার কথা ভাবল, ততই তার সঙ্গে দেখা করবার ইচ্ছে তাকে পেয়ে বসল। সন্ধ্যার আঁধার গাঢ় হয়ে এল, এবার দেখা হোক না, ক্ষতি কি? আর একবার...খুশি বুঝতে পারল, ভাবনা তার বিপথে চলেছে, কিন্তু চলুক। যখন সে ছোট ছিল, বোলতার চাকে লাঠি দিয়ে কত দিন সে খোঁচা মেরেছে! ভয় হতো বইকি! কিন্তু খোঁচা মারবার আগে বুকটা



হুলে উঠত, চঞ্চল হয়ে উঠত—এও ঠিক তেমনি। কোন এক অপবেততা তাকে যেন ঠেলে দিচ্ছে, সে কি করবে? প্রচণ্ড এক শক্তি তাকে যেন দলে চটকে একটা তাল বানিয়ে ফেলেছে, এবার শীগ্গিরই আগুনে ছুঁড়ে ফেলে দেবে। তার বিরুদ্ধে দাঁড়ায়, এমন শক্তি তার নেই।

সে বাক ঘুরল। দেরি করে কি হবে। সোজা সে গিয়ে অফিসে হাজির হবে, তাকে টেনে হিঁচড়ে আনবে ঘরে। এমন কেউ-কেটা কেউ নয়, একটা সামান্য মেয়ে। তার সারাদেহ গরম হয়ে উঠল। সে ছুটে চলল। এক ভদ্রলোক এগিয়ে আসছেন, চল্লিশের উপর তার বয়স হবে। খুশি তাকে দেখেই চিনতে পারল কিন্তু কথা বলতে সাহস হোলো না। শুধু বলল, কত্যা, রিক্সা চাই?

ভদ্র লোকটি হেসে তার দিকে তাকিয়ে বললেন, কে, খুশি নয়?

হাঁ কত্যা, খুশি হাসল। আমি।

ভদ্রলোকটির নাম চাও।

তিনি হেসে বললেন, কোথাও যদি মাস মাইনের কাজ না নিয়ে থাক, আমার ওখানেই চলে এস না? এখন যে লোকটা আছে, একেবারে কুড়ের বেহুদ! রিক্সা ঘণা মাজা করে না, তবে ছোটো খুব জোরে। দেখ, আসবে নাকি?

কি বলছেন কত্যা। আপনি ডাকলে আমি না বলব? খুশি ছোটো তোয়ালেখানা দিয়ে মুখ মুছতে মুছতে বলল। কবে আসব কত্যা?

চাও একটু ভেবে বললেন, পরশু এসো।

যে আজ্ঞে। কত্যা, আপনাকে পৌছে দিয়ে আসি।

না, দরকার হবে না। তোমার মনে আছে তো, আমি সাঙু'হাই চলে গিছলাম? ফিরে এসে বাসা বদলেছি। এখন আছি লণ্ড'নর্থ স্ট্রীটে, রোজই সন্ধ্যায় বেড়াতে বেরুই, আজও বেরিয়েছি। এইটুকু পথ হেঁটেই চলে যাব। তাহলে পরশুই আসছ তো? চাও তাকে বাসার নম্বর বলে দিলেন। আমার নিজের রিক্সাই চালাবে, ভাড়া করতে হবে না।

চাও চলে গেলেন, খুশির এত আনন্দ হোলো, মনে হোলো তার যেন ডানা গজিয়েছে, উড়ে যেতে চাইছে সে। কদিনের দুশ্চিন্তা একেবারে উবে গেল।—প্রবল বৃষ্টিধারায় যেন ধুলো আর আবর্জনা ধুয়ে মুছে গেছে, মারবেল বাধান সড়কের সাদা পাথর দেখা দিয়েছে। শ্রীযুক্ত চাও তার পুরনো মনিব, এতদিন দেখা-সাক্ষাৎ হয়নি বটে, কিন্তু পরম্পরের প্রতি টানটুকু ঠিকই আছে। চাও খুব চমৎকার লোক, তাছাড়া পরিবারও বড় নয়, স্ত্রী আর একটি বাচ্চা ছেলে।

খুশি রিক্সা নিয়ে একছুটে মানবমিলনে পৌছল। চারদিক অন্ধকার, শুধু বাঘিনীর ঘরে এখনো আলো জ্বলছে। সে থমকে দাঁড়াল, বহুক্ষণ ঠায় দাঁড়িয়ে রইল।

কি সে করবে। অনেক ভেবে ভেবে সে ঠিক করল—হ্যাঁ, বাঘিনীর সঙ্গে সে দেখা করবে। দেখা করে মাস-মাইনের চাকরী পাওয়ার কথা বলবে, আর জমানো টাকা চেয়ে নেবে। আর এই দুদিনের রোজগার অবিশ্তি তাকে সে দিয়ে আসবে তারপর সব শেষ—এ ঘেন খারালো ছুরি দিয়ে দড়ি কেটে ছুঁড়ি করে দেওয়া হোলো, এক ভাগের সঙ্গে আর এক ভাগের কোনো সম্পর্কই রইল না। অবিশ্তি মুখ ফুটে সব কথা সে বলতে পারবে না, কিন্তু বাঘিনী চালাক মেয়ে। ঠিক বুঝতে পারবে।

শেডে রিক্সা রেখে খুশি বেরিয়ে এল। বাঘিনীর ঘরে এখনো আলো। জলছে, জানলা দিয়ে উঠোনে এসে পড়ছে। সাহসে ভর করে সে ডাকল।

এস, ভিতরে এস !

দরজা ঠেলে ভিতরে সে ঢুকে পড়ল। বিছানায় শুয়ে আছে বাঘিনী, পরনে সাদাসিধে জামা, পায়ে জুতা নেই। বাঘিনী ওকে দেখে উঠে বসল না, তেমনি শুয়েই রইল।

কি গো ক্ষুদ্রে খোকা? আরো মধু খাবার ইচ্ছে আছে নাকি? কেমন লাগল আমার মধু—খুব ভালো লেগেছে নিশ্চয়ই?

খুশির মুখখানা লজ্জায় লাল হয়ে উঠল, সে অনেকক্ষণ কোনো কথা বলতে পারল না, তারপর আমতা আমতা করে বলল, চাকরী পেয়েছি, পরশু যেতে হবে, ওদের নিজের রিক্সা আছে।

বাঘিনী বিছানায় উঠে বসল। বোকা ছেলে কোথাকার! নিজের ভালো বুঝতে চায় না। খাবার দেব, ভালো কাপড়-চোপড় দেব পরতে, তবু মন উঠল না। ঘামের গন্ধ এত ভালো লাগে? শোন না, বুড়োর সাধি কি আমাকে কিছু বলল। আর আমিই কি আজীবন বিধবা হয়েই থাকব নাকি! আমার বুদ্ধি সাধ আহ্লাদ নেই! বুড়ো যদি বুড়োর মত একগুঁয়ে হয়ে বাধা দেয়, তাতেই বা কি এমন হবে। আমার হাতে যা পয়সা আছে, দুজনের বেশ চলে যাবে। দুতিনখানা রিক্সা কিনে ভাড়া দেব। আশী সেন্ট, কি একডলার তো রোজ ভাড়াই পাব।—সারাদিন রিক্সা টেনে টেনে হয়রান হবার চাইতে তা ভালো নয়? কি, মুখে রা নেই যে? কেন, আমাকে বুদ্ধি পছন্দ হয় না? অপছন্দের কি আছে—শুধু একটু যা তোমার চাইতে ব্যয় বেশি। কিন্তু বিয়ে হলে কি আর এমনি বুড়ি থাকব? তাছাড়া তোমার ঘটে একরকমি বুদ্ধিবুদ্ধি নেই। আমি না চালালে, কে তোমাকে চালাবে বল? কি গো ক্ষুদ্রে খোকা, বল, চূপ করে রইলে যে?

আমি রিক্সাওয়ালা হতে চাই, তার বেশি কিছু আমি চাই না।

একফোটা বুদ্ধি তো নেই, মগজ না ঘেন এক কাঁই ময়দা। বোল না একটু।

রিক্সাওয়ালা

তোমাকে তো আর কামড়ে দেব না। বাঘিনী হাসল, হাসলে দুটো দাঁত বেরিয়ে পড়ে—ঠিক নেকড়ের দাঁতের মত দুটো দাঁত।

খুশি খুশি করে চেয়ারে বসে পড়ল। আমার জমানো টাকাটা?

সে তো বুড়োর কাছে। ভয় নেই—সে-টাকা মারা যাবে না। এখন চাইতে যেও না, তার মেজাজ তো জান! যখন রিক্সা কেনবার মত টাকা হবে, তখন চেও। আমার পয়সাটি পর্যন্ত হিসেব করে ফেরৎ দেবে। এখন চাইলে গালা-গাল দিয়ে বিষ ঝেড়ে দেবে। তোমার উপর কিন্তু বুড়ো খুব খুশি। ভয় নেই, টাকা মারা যাবে না। গেলো লোক আর কতই বা হবে!

খুশি মাথা নিচু করে বসে রইল। পকেটে হাত দিয়ে দেখল, দুদিনের রিক্সা ভাড়ার টাকা রয়েছে, কথায় কথায় দেওয়া হয়নি। সে দাঁড়িয়ে পড়ে ভাড়াটা টেবিলের উপর রাখল।

এই দুদিনের ভাড়া। সে ঘর ছেড়ে চলে যাচ্ছিল, আবার কি মনে করে ফিরে এসে বলল, কাল আর আমি রিক্সা নেব না, কালকের দিনটা জিড়িয়ে নেব।

বাঘিনী তার কাছে গিয়ে দাঁড়াল। ভাড়ার টাকাটা খুশির পকেটে গুঁজে দিয়ে বলল, দুদিনের জ্বালা রিক্সা আর আমি, দুজনকেই মুক্ত পেল, কোনোটারই ভাড়া দিতে হবে না। তোমার বরাত ফিরুক। ক্ষুদে খোকা আমার।

বাঘিনী দড়াম করে দরজা বন্ধ করে দিল।

## সাত

খুশি চাও-পরিবারে কাজে লেগে গেল। বাঘিনীর ব্যাপারটা নিয়ে সে মনে মনে একটু লজ্জাও পেয়েছে। কিন্তু বাঘিনীই তো ফুলিয়ে এই কাণ্ড বাধিয়েছে, ওর দোষ কি? তার টাকার উপর ওর লোভ নেই, স্বতরাং এমন কিছু ঘটেনি যাতে তার মুখের দিকে তাকাতে ও লজ্জা পাবে। কিন্তু ন'কর্তার কাছে টাকা ঘেরয়ে গেল। অবশ্য এখন চাইতে পারে, কিন্তু ন'কর্তা যদি সন্দেহ করেন? এক হয়, কিছু দিন ডুব মেরে থাক। কিন্তু তাতেও বিপদ আছে। যাওয়া আসা না করলে বাঘিনী যা মেয়ে, একদিন হয়তো ক্ষেপে গিয়ে ন'কর্তাকে সব বলে দেবে—তারপর? টাকা পাবার আশাই আর থাকবে না। ঝোলে যেমন সম্মান গলে যায়, তেমনি গলে যাবে টাকাগুলো। বুড়োর কাছে আরো টাকা রাখলে কেমন হয়? কিন্তু সেখানে বাঘিনী আছে, রোজ তার সঙ্গে দেখা হবে একথা ও ভাবতেই পারে না। এমনি ভেবে ভেবে খুশি অস্থির হয়ে উঠল।

শ্রীযুক্ত চাওকে ব্যাপারটা জানালে কেমন হয়? কিন্তু খুলে বলাও তো মুশ্কিল। বাঘিনীর ব্যাপারটা কাউকেই সে বলতে পারবে না। এমন কি মনে মনেও সে যখন ভাবে, শিউরে উঠে। অগ্রায় সে করে ফেলেছে, অহুতাপের আগুনে পুড়ে পুড়ে যাচ্ছে। তখন তো মনে হয়েছিল ধারাল ছুরি দিয়ে এক চোপে দড়ি কাটার মতোই সহজ সে ছিন্ন করে ফেলেছে। কিন্তু দড়ি কাটবার মতো সহজ ব্যাপার এটা নয়। অত সহজে ধুয়ে মুছে যায় না। মাংসের ভিতরে পচানধরা ক্ষতের মতোই জ্বলতে থাকে। রিক্সা সে হারিয়েছে, আর একখানা রিক্সা হবে, কিন্তু একি জ্বালে সে জড়িয়ে পড়ল? এতদিন ধরে নিজের উন্নতি করতেই সে চেয়েছিল, কিন্তু কি তার পরিণাম হোলো? এ এক নিফলা অভিযান, যেখানে সে ছিল ঘুরতে ঘুরতে সেইখানেই সে এসে পড়েছে, মনের উপর চেপেছে জগদল পাথর।

অনেক ভাবল খুশি, একটার পর একটা উপায়—কিন্তু একটা পথই সে খুঁজে পেল। আত্মসম্মান যেটুকু ছিল, খুইয়ে বাঘিনীর কাছে বিয়ের প্রস্তাবই তাকে পাঠাতে হবে—তার টাকায় খান দু-তিনেক রিক্সা কিনে জাঁকিয়ে বসবে। যদি জাতই দিতে হয়, পেট ভরাবার চেষ্টা করতেই হবে। কিন্তু তার মন সায় দিল না। সময়ে হয়তো সায় দেবে। সে এখন ও-চিন্তা দূরে সরিয়ে রেখে কাজ করে যাবে, তার পর যদি ভাগ্য মন্দ হয়, লটকে পড়তেই হবে। তার নিজের

উপরে আঁহাও ঘেন সে হারিয়ে ফেলেছে। তার শক্তি, লক্ষ্য চওড়া জোয়ান চেহারা, চওড়া বুক—কোনো কাজেই এল না। একদিন জীবন ছিল তার নিজস্ব, এখন আর একজনের হাতের মুঠোয় গিয়ে পড়েছে। একটা স্বাদী কুস্তা তাকে নিয়ে খেলাচ্ছে। খুশি উত্তেজিত হয়ে উঠল, তার মন বিচলিত হয়ে গেল।

এমন পরিবারে চাকরী পাওয়া ভাগ্যের কথা। মাইনে অগ্ন্যগ্ন জায়গার চাইতে বেশি নয়; পাল-পার্বন ছাড়া দস্তরীও মেলে না; কিন্তু মনিব আর তার স্ত্রী তাকে খুবই ভালোবাসেন। শুধু সে কেন, সবার সঙ্গেই ভালো ব্যবহার করেন, মাহুষ বলে গণ্য করেন। খুশি টাকা চায়, তার জীবনে অল্প কোনো কামনা নেই, কিন্তু তবু ঘুমোবার জগ্ন এমন 'একটা জায়গা' তার চাই—যেখানে ঘর বলে তার মনে হবে। পেটভরে তাকে খেতেও হবে। চাও-পরিবারের বাড়িখানি পরিষ্কার স্বচ্ছকে। এমনকি চাকরদের ঘরগুলিতেও একটু ধুলো বা আবর্জনা জমতে পায় না। খাওয়াও ভালো—পেট পূরে খেতে পাবে। নিজেরা ভালো খেয়ে চাকরদের জগ্ন পচা খাবার তারা দেন না।

এইতো সে নিজেই একটা ঘর পেয়েছে; খাওয়া-দাওয়াও বেশ ভালোই হচ্ছে। মনিব তো চমৎকার লোক! এমন যে খুশি, টাকা ছাড়া বার অল্প চিন্তা নেই, সেও মনিবের ব্যবহারে মুগ্ধ হয়ে গেছে।

আর একটা কথা, খাওয়া আর খাকার জায়গা যদি ভালো পাওয়া যায় তখন কাজের ক্লাস্তি লাগে না। নিজের পুঁজি ভেঙে খেতে হলে কি আর এত ভালো খেতে পারত? এখন খাবার তৈরি থাকে; কাজও বেশি নয়, ছুটতে ছুটতে কোমরে ব্যথা ধরে যায় না। পুঁজি ভাঙিয়ে খেতে হয় না বলেই বেশি করে সে খায়। খাবে না কেন? এমন ভালো খাওয়ার সুযোগ মেলাই তো ভার!

চাও-পরিবারে মেচিয়াও খেলার রেওয়াজ নেই, অতিথিও বড় একটা আসে না। তাই উপরি পাওনাটা এখানে খুবই কম। কিন্তু বিশেষ কোনো কাজে পাঠালে দশ-বিশ সেন্ট সে পায়। মনিবানী হয়তো ডাক্তারখানায় খোঁকার জগ্ন কুইনিনের বড়ি আনতে পাঠালেন, সঙ্গে সঙ্গে তার হাতে আরো দশ সেন্ট দিয়ে বললেন, রিক্সা করে গিয়ে তাড়াতাড়ি নিয়ে এস। তিনি জানেন, সে রিক্সা করে কখনো যাবে না। ওটা বকশিশেরই সামিল। এমনি বকশিশ সে মাঝে মাঝে পায়। খুব বেশি নয়, তবু মনিব আর মনিবানীর মনের পরিচয় তো এই বকশিশ। সে বুঝতে পারে—তারা তার সন্তকে ভাবেন, তাকে মাহুষ বলে মনে করেন। তাতে উপকারও যে না হয়েছে তা নয়। মনের এতদিনকার বন্ধ দরজাটা খুলে গেছে, আসছে আলোর জোয়ার।

একটা দুটো নয়, বহু মনিবই সে দেখেছে। তাদের দশজনের ভিতরে

জন একদিন দেবি করে মাইনে দিতে পারলে বেঁচে যায়—মোটো না দিতে  
লে তারা খুশিই হয়। চাকরতো তাদের কাছে বেড়াল কুকুরের সামিল—  
বাধ হয় তাদের থেকেও নিকুট জীব।

চাও-পরিবারে কিন্তু এ-রীতি নেই। তাই তার ভালো লাগল। সে  
ট্রেনে নিকোনো, ফুলগাছে জল দেওয়া, আরো টুকটাকি কাজ করে, কিন্তু  
তাকে কেউ এসব কাজ করতে ফরমায়েস করেনি। যখনই তারা এসব কাজ  
করতে দেখেন, প্রশংসা করেন, ছেড়া জামা-কাপড় তাকে দেন, সে তার বদলে  
হ-এক বাক্স দেশলাই পেতে পারে। তারা জানেন, ওগুলোর বদলে সে  
দেশলাই নেবে না, নিজের ব্যবহার করবে। খুশি এদের ব্যবহারে মাহুকের দয়ামায়ার  
খোঁজ পেল।

ন'কর্তা লিউকে দেখে তার মনে হয়, সেই পুরনো হান রাজত্বের অত্যাচারী  
ডাকাত সদাঁর—চাখানায় সে এসব গল্প কত শুনেছে—একরত্তি একটা ছেলে পর্যন্ত  
ও গল্প জানে। ডাকাত সদাঁর হলে কি হবে, খুব মায়্যা দয়া ছিল তার। আর  
একজনের উপরও তার খুব ভক্তি। তিনি ঋষি কনফুসি। তাঁর সম্বন্ধে বহু গল্প  
সে শুনেছে, কিন্তু কেমন লোক তিনি ছিলেন, সে ঠিক ঠাহর করতে পারে না।  
কাগজের উপর কালি দিয়ে হরপ তিনি লিখতে পারতেন, তা ছাড়া খুব বুঝদার  
লোকও ছিলেন তিনি। খুশি বহু বাড়িতে চাকরি করেছে, কেউ বা সেনা বিভাগে  
কাজ করেন, কেউ বা কলম পিষে খান। সেনা বিভাগের লোকের ভিতরে ন'কর্তার  
মতো না হোক, কাছাকাছি যায় এমন লোক সে দেখতে পেয়েছে; কিন্তু কলেজের  
অধ্যাপক কি সরকারী অফিসের কেরানীদের মধ্যে ভালো লোক সে দেখেনি। তারা  
হরফ ফাঁদতে পারেন বটে কিন্তু বুঝদার নন মোটেও। মনিব যদিও বা একটু আধটু  
চাকরদের দুঃখ বুঝতে চান, কিন্তু মনিবানী আর তার মেয়ে একেবারে অবুঝ।

কিন্তু শ্রীযুক্ত চাও সেদিক দিয়ে চমৎকার লোক! অত লেখাপড়া জানেন, স্তম্ভ  
মস্ত বুঝদার। শ্রীমতী চাও-এর স্বভাবটিও নিখুঁত। একটা কড়া কথা কন না।  
তার মনে হোলো, এতদিনে তাহলে ঋষি কনফুসির মতো লোক খুঁজে পেয়েছে।  
কনফুসি কেমন দেখতে ছিলেন সে জানে না, কিন্তু কনফুসির কথা মনে পড়লেই  
শ্রীযুক্ত চাও-এর চেহারা চোখের স্রুখে ভেসে ওঠে। খুশি তাইই মনে করে,  
ঋষি তাতে আপত্তি করলেও ক্ষতি নেই।

আসলে শ্রীযুক্ত চাও ঋষি-পর্ষায়ে ওঠবার মতো লোক নন। সাধারণ সাদাসিধে  
মাহু, স্থল-মাটারি থেকে শুরু করে জীবনে বহু কাজই তিনি করেছেন। নিভেকে  
সোশালিস্ট এবং কলাবিদ মনে করেন। তিনি উইলিয়াম মরিস নামে একজন  
ইংরেজের লেখা একটু-আধটু পড়েছেন, এবং তারই প্রভাব পড়েছে তার উপর।

সরকার বা শিল্পী সম্বন্ধে গভীর জ্ঞান তার নেই বটে, কিন্তু ঘেটুকু বোঝেন, সেটুকু তিনি কাজে খাটাতে চেষ্টা করেন। তিনি জানেন, লোককে চমকে দেওয়ার মতো ক্ষমতা তার নেই, স্বর্গ মত কাঁপিয়ে দিতে তিনি পারবেন না। কিন্তু সোশালিজম বা শিল্পের মূল সূত্রগুলি নিজের জীবনে তো-পরখ করে দেখতে পারেন। আর সেই চেষ্টাই তিনি করছেন। সমাজব্যবস্থায় তাতে অবশ্য কোনো পরিবর্তনই ঘটেনি, কিন্তু তাঁর উপকার হয়েছে। তিনি যখন যেমন, তখন তেমন বলেন না; ভগ্নামি থেকেও তিনি রেহাই পেয়েছেন। এই জগৎ ছোটখাটো ব্যাপারেও তিনি উদাসীন নন। তিনি মনে করেন, নিজের পরিবারের পরিবর্তন তো তিনি এনেছেন, সমাজব্যবস্থা পরিবর্তনের সাধ্য তার নেই, মাঝে মাঝে লজ্জিতও হন। কিন্তু আত্ম-প্রসাদও তার কম নয়। চারদিকে বালির সমুদ্র ধুঁকু করছে। তাঁরই মাঝে তার এই সবুজ পাতা ঢাকা দ্বীপ—যে সে-দ্বীপে এসে আশ্রয় নেবে, তাকে তিনি দেবেন পানীয়, তাকে বাঁচিয়ে রাখবেন—কিন্তু তার বেশি তাঁর সাধ্য নেই।

ভাগ্যক্রমে খুশি এই জামল দ্বীপে এসে ঠিকরে পড়েছে; এতদিন মক্ভুমিতে ঘুরে ঘুরে সে হয়রান হয়ে গিছিল, এবার সে পেয়েছে আশ্রয়। এ এক পরম আশ্চর্য তার কাছে। শ্রীযুক্ত চাও-এর মত লোক সে দেখেনি। তাই কনফ্যুসি বলে গ্রহণ করতেও তার বাধেনি। হয়তো তার অভিজ্ঞতা নেই, নয়তো চাও-এর মতো লোকও পৃথিবীতে বিরল বলেই তার একথা মনে হয়েছে। যখন সে তাকে রিক্সায় নিয়ে যায় তখন সে বার বার তার দিকে তাকিয়ে মুগ্ধ হয়ে যায়। পরিষ্কার ধবধবে পোশাক, একটু আড়ম্বর নেই। সৌম্য, প্রশান্ত মুখ। এমন লোককে সোয়ারি করেও হুখ আছে বইকি। মনে গর্বই হয়।

বাড়িতে এক কণা ধুলো বা জঞ্জাল জমতে পায় না। একটু হল্লা-হল্লোড় নেই, চারদিকে কেমন একটা শান্তির ছোয়াচ। খুশির মনেও তার ছোয়া লেগেছে। গ্রামে থাকতে সে হৈমন্তের সন্ধ্যায় বসে বসে চুপ করে বুড়োদের তামাক টানতে দেখেছে, সে তখন একেবারে ছোট। কতদিন ইচ্ছে হয়েছে, ওদের মতো চুপটি করে বসে তামাক টানে। হয়তো ওরই ভিতরে লুকিয়ে আছে শান্তি। এখন সে শহরে এসেছে বটে, কিন্তু চাও-পরিবার দেখে গ্রামের কথাই বার বার তার মনে পড়ছে। একটা পাইপ পেলে সেও নিরাতায় বসে তামাক টানবে, শান্তি পাবে।

কিন্তু শান্তি কোথায়? বাধিনী আর লিউ-এর কাছে গচ্ছিত টাকা তাকে শান্তিতে থাকতে দেবে না। তার মন যেন একটা সতেজ-সবুজ পাতা—গুটি পোকা তাকে হৃদয় রেশমের সূতার জালে ঘিরে ধরেছে। না, লিউ পরিবার তাকে হৃদয়ে শান্তিতে থাকতে দেবে না। কেমন আনমনা হয়ে গেছে। অগ্ন লোক দূরে থাক, মনিবের প্রত্নেরই সে অসংলগ্ন জবাব দেয়। মনে মনে লজ্জিতও হয়।

গাও-পরিবারের সবাই রাত নটায় ঘুমিয়ে পড়ে। খুশি বসে বসে আকাশ-পাতাল গাবে।

কখনো কখনো তার মনে হয়, বিয়ে করলেই তো ল্যাটা চুকে যায়, বাধিনীর চিন্তা আর তাকে হানা দিতে পারবে না। কিন্তু রিক্সাওয়ালার রোজগারে সে কি বিয়ে করে চালাতে পারবে? সে তো তার বিবাহিত সঙ্গীদের অবস্থা জানে। যন্ত্রিতে তারা থাকে। পুরুষরা রিক্সা চালায় আর মেয়েরা নানা কাজ করে। ছেলপুলেরা রাস্তায় খেলা করে, লুটোপুটি খায়। গ্রীষ্মে ডাস্টবীন থেকে তরমুজের খোলা তুলে নিয়ে চিবোয়, শীতকালে অন্নসত্ত্রে গিয়ে ফেনাভাত খায়। এই তো তাদের জীবন! খুশি সে জীবন চায় না, সত্যিই চায় না।

তার পর বিয়েই না হয় সে করল, ন'কর্তা তখন যদি টাকা না দেন। বাধিনী তখন তো টাকা আদায় করে দিতে চেষ্টা করবে না। তার হকের টাকা সে ছেড়ে দিতে রাজি নয়।

এক বছর আগে, হেমন্তে সে রিক্সা কিনেছিল। একবছর চলে গেছে, আজ তার কোনো সম্বলই নেই : শুধু তিরিশটা ডলার আছে, কিন্তু তাও ফিরে পাবার উপায় নেই। খুশি ভেবে ভেবে কেমন মুগড়ে পড়ল।

হৈমন্তিক উৎসবের আর দশদিন বাকি। শীত পড়তে শুরু করেছে। খুশি খতিয়ে দেখল, কিছু শীত-কাপড় কিনতে হবে। টাকার দরকার। শীত-কাপড় কিনলে কিছুই জমবে না—রিক্সা কেনাও হবে না। তারপর এমনিধারা মাস-মাইনের কাজ করলেই তো চলবে না। জীবনটাই এমনি করে কেটে যাবে যে!

সেদিন একটু রাত করেই শ্রীযুক্ত চাওকে নিয়ে 'স্বর্গের শাস্তি'র ফটকের ভিতর দিয়ে খুশি বাড়ি ফিরছিল। সোজা চণ্ডা সড়ক—লোকজন নেই। গলি ঘাঁজির খানা-খন্দ এড়াবার জগ্গেই সে এই রাস্তায় এসেছে। হাওয়া বইছে, শীতের আমেজ হাওয়ায়। পথে পথে রিক্সা আলোর সার। খুশি যেন কেমন একটা টেন্ডেজনা অনুভব করল, হালকা হয়ে গেল তার মন। সে প্রাণপণে ছুটেতে লাগল। কামিজের বোতাম সে খুলে দিল। ঠাণ্ডা হাওয়া এসে বুকে বিঁধছে, সিঁড়ি সিঁড়ি করে উঠছে বুক, কেমন একটা আনন্দে দুর্লে দুর্লে উঠছে মন। গায়ের শব্দ, রিক্সার টুং টাং সঙ্গত করছে তারই সঙ্গ। তার মনে হোলো, এমনি করে সে অনন্তকাল ধরে ছুটেতে পারে। এমনি সোজা সড়ক দিয়ে ছুটেতে ছুটেতে রাতের আধার পার হয়ে সে চলে যাবে এক অজানা দেশে। মৃত্যুরই সে দেশ। কিন্তু তাকে সে ভয় পাবে না, তার রহস্যের কুয়াশা তখন কেটে যাবে—দেখা দবে মৃত্যুর সত্য স্বরূপ।

জোরে, আরো জোরে সে ছুটে চলল। স্রমুখে রিক্সা চলেছে, সে হাঁক দিয়ে



সরে পথ করে দিতে বলছে। কিছুক্ষণের ভিতরেই খুশি 'বর্গের শান্তি' কটকে এসে পৌঁছল। পায়ে যেন সে ইম্পাতের স্প্রিং মূড়ে নিচ্ছে; পা মাটিতে পড়তেই লাফিয়ে লাফিয়ে উঠছে; রিক্সার চাকা এত জোরে ঘুরছে, দেখাই যাচ্ছে না। মনে হচ্ছে, সোয়ারি শুকু রিক্সা আর রিক্সাওয়ালাকে কোনো এক জীন যেন শূণ্ডে উড়িয়ে নিয়ে চলেছে। ছুটতে ছুটতে খুশি ভাবল, ঘামে শরীর ভিজ়ে জবজবে হয়ে উঠলে সে আজ রাতে ভাল করে ঘুমতে পারবে। দুশ্চিন্তা হানা দেবে না। গতি সে বাড়িয়ে দিল।

লন্ডন নর্থ স্ট্রীটের কাছে তারা এসে পড়ল। এবার বাঁক ঘুরতে হবে, গাছপালায় চারদিক অন্ধকার। খুশি রিক্সার গতি কমিয়ে আনবার জন্য পা ফেলতে যাবে, এমন সময় এক কাণ্ড ঘটে গেল। তার পা যেন কিসের উপর পড়ল। সে পিছলে পথের কাঁকরের উপর পড়ে গেল। শুনতে পেল, রিক্সার কি যেন মটমট করে ভাঙছে।

কি, কি হোলো? শ্রীযুক্ত-চাও চেঁচিয়ে উঠলেন। সঙ্গে সঙ্গে তিনিও ছিটকে এসে রাস্তায় হুমড়ি খেয়ে পড়লেন। খুশি উঠে দাঁড়াল এবার। শ্রীযুক্ত চাও উঠে বসলেন।

কি, হোলো কি?

খুশি পিছন ফিরে তাকাল। রাস্তার ধারে কতকগুলো পাথর স্তূপ করা রয়েছে, রাস্তা মেরামত হবে। কিন্তু লাল আলো জালিয়ে না রেখেই এই বিপত্তি বাধিয়েছে। কত, খুব লেগেছে বুঝি? খুশি জিজ্ঞেস করল।

না। আমি হেঁটেই ফিরব। তুমি রিক্সা নিয়ে পরে এস। শ্রীযুক্ত চাও ঠিকই আছেন। তিনি পকেট থেকে কিছু পড়েছে কিনা বেখে নিলেন।

খুশি রিক্সার ভাঙা জায়গাটায় হাত বুলিয়ে বলল, তেমন কিছু হয়নি। আপনি উঠে বসুন কত, আমি টেনে নিয়ে যেতে পারব। পাথরের ভিতর থেকে সে রিক্সাখানা টেনে বার করল। আপনি উঠে বসুন কত।

শ্রীযুক্ত চাও-এর রিক্সা চড়তে ইচ্ছে ছিল না। কিন্তু তার মনে হোলো, খুশি যেন ফুঁপিয়ে ফুঁপিয়ে কাঁদছে। তিনি আর আপত্তি করলেন না, উঠে বসলেন। তারা এবার লন্ডন নর্থ স্ট্রীটের মুখে এসে পড়ল। জোরাগ ইলেকট্রিক আলোয় শ্রীযুক্ত চাও দেখলেন, তার বাঁ হাতটা ছড়ে গেছে।

খুশি, একটু রাখ।

খুশি ফিরে তাকাল। তার মুখ রক্তে ভরে গেছে।

শ্রীযুক্ত চাও চমকে উঠলেন, জলদি জলদি।

খুশির মনে হোলো মনিব বুঝি তাকে জোরে চালাতে হুকুম দিচ্ছেন। সে এক ছুটে বাড়ি এসে পৌঁছল।

রিক্সা নামিয়ে রেখে সে মনিবের হাতের রক্ত দেখতে পেল। তখনই সে ছুটল মনিবানীর কাছ থেকে ওষুধ আনতে।

শ্রীযুক্ত চাও তাকে বাধা দিয়ে বললেন, আমার জ্ঞাত ভেব না। নিজের ওষুধ লাগাও!

খুশি এবার নিজের দিকে তাকাবার ফুরান্ধ পেল। সারা গা ব্যথা করছে, হাঁটু আর কনুই ছড়ে গিয়ে মাংস বেরিয়ে পড়েছে। মুখে হাত দিয়ে দেখল, রক্ত ঝরছে। সে কিন্তু ভেবেছিল ঘাম। সে ঝুপ করে সিঁড়ির উপর বসে পড়ল। ক্যাল ক্যাল করে ভাঙা রিক্সাখানার দিকে তাকাল। কালো রং করা নতুন রিক্সাখানা ভেঙে গেছে, সাদা লোহা বেরিয়ে পড়েছে। খুব অস্বস্তি সে করেছে আর এখন বোকার মত তাকিয়ে আছে রিক্সাখানার দিকে।

খুশি! কাও-মা ডাকছে। চাও পরিবারের ঝি সে।

খুশি সাড়া দিল না।

খুশি! খুশি, কোথায় গেলে? ওমা কেমন ধারা লোক গা! মুখে রা নেই, এখানে লুকিয়ে আছে। ভয় পাইয়ে দিয়েছিলে আর কি! কতটা ডাকছেন, যাও শুনে এস!

কাও-মার একটা বদ অভ্যাস, বেশি কথা বলে। কিন্তু বড় ভালো মানুষ। বছর বত্রিশেক বয়স হবে। খুব চটপটেও বটে। জ্ঞাত কোথাও এমন লোক হয়তো বেশি দিন টিকতে পারত না, কিন্তু চাও পরিবারে পরিষ্কার পরিচ্ছন্ন লোকের খুব কদর। তারা কাও-মার ছোটখাট দোষগুলোর দিকে নজরও দেন না। দুতিন বছর সে এখানে কাজ করছে। চাও পরিবার বাইরে কোথাও গেলে সেও তাদের সঙ্গেই যায়।

মনিব ডাকছেন যে! খুশি উঠে দাঁড়াল। কাও-মা তার রক্তমাখা মুখ দেখে চিংকার করে উঠল; ওমা! কাও দেখ। এখানে ভূতের মত চুপ করে বসে আছ! এর উপরে ঠাণ্ডা লাগলে আর দেখতে হবে না। যাও, তাড়াতাড়ি যাও, কতটা কাছে ওষুধ আছে, দেবেনখন।

খুশি কাও-মার পিছনে পিছনে লাইব্রেরী ঘরে এসে ঢুকল। এরই মধ্যে কাও-মা গালাগাল যা দেবার দিয়ে নিয়েছে। লাইব্রেরী ঘরে ঢুকে সে দেখতে পেল, কর্ত্রী কতটা হাতে ব্যাণ্ডেজ বেঁধে দিচ্ছেন, খুশিকে দেখে কর্ত্রী চমকে উঠলেন।

দেখুন তো কি ভীষণ কেটে গেছে! কাও-মা কর্ত্রীর দিকে তাকিয়ে বললেন। কর্ত্রী ঠাণ্ডা জল গামলায় ঢালতে ঢালতে বললেন, আগেই জানি একদিন এমনি ঘটবেই। রাত্তার যখন ছোটো তখন ওর হাঁস থাকে না। তখন জ্যান্ত না মরা লোক বোঝাই দায়।

এ আর কি হয়েছে? ছুটতে ছুটতে একদিন রাত্তায় কি কাণ্ড হয় দেখো। ওমা, এখনো দাঁড়িয়ে-রয়েছে? তাড়াতাড়ি রক্ত ধুয়ে ফেল, ওষুধ লাগিয়ে দেবখন।

খুশি চূপ করে দাঁড়িয়ে রইল। লাইব্রেরী ঘরখানা একেবারে ককবাক করছে। কোথাও একটুখু ধুলো নেই, আসবাবপত্র পরিপাটি করে সাজান। বইগুলো তাকে বলমল করছে। শুধু সেই একমাত্র বেমানান। ঢাড়া চেহারা, ধুলো কাদা মাথা পোশাক, মুখ আর হাত দিয়ে রক্ত ঝরছে। সত্যিই তাকে এখানে মানায় না। এমন কি কাণ্ড-মাণ্ড সে কথা বুঝতে পেরেছে।

কত্না, খুশি মাথা নিচু করে আস্তে আস্তে বলল, কত্না আপনি আর একজন লোক খুঁজে নিন। আমার একমাসের মাইনে দিয়ে রিক্সাখানা সারিয়ে নেন। বেশ জখম হয়েছে রিক্সাখানা, লম্পোয় কাঁচখানা ভেঙে গেছে, চাকা দুখানাও গেছে।

ওসব কথা এখন থাক। আগে মুখ ধুয়ে ওষুধ লাগাও। ইস, কিরকম রক্ত ঝরছে। সেদিকে খেয়াল নেই। আচ্ছা আচ্ছা, ওসব কথা পরে হবেখন। শ্রীযুক্ত চাও তার নিজের হাতখানার দিকে তাকালেন। তার স্ত্রী হাতখানা ব্যাণ্ডেজ করে দিচ্ছেন।

ষাও, ষাও, মুখ ধুয়ে এস! ই! করে দাঁড়িয়ে রইলে কেন? কাণ্ড-মা বলল।

খুশি তবু চূপ করে দাঁড়িয়ে রইল। খোয়ার দরকার নেই, এখনই রক্ত থেমে যাবে। আর যে রিক্সাওয়ালা মনিবকে ফেলে দেয়, রিক্সা ভেঙে ফেলে, তার.....খুশি ফুপিয়ে কেঁদে উঠল। কথায় সে প্রকাশ করতে পারছে না, তার বুকের আবেগ কথাকে পিষে মারছে, কান্না হয়ে গলে গলে পড়ছে। চাকরীতে ইস্তফা আর এক মাসের মাইনে তার কাছে আত্মহত্যারই সামিল। কিন্তু আত্মসম্মান রক্ষা করতে হলে তাও করতে হবে বইকি! নিজের সম্মান খুইয়ে বেঁচে থাকতেও সে রাজি নয়।

অন্য লোক হলেও বা কথা ছিল, তার অমন মনিব শ্রীযুক্ত চাওকে সে ফেলে দিয়েছে—এ অপরাধের যে ক্ষমা নেই। ধর, সে যদি ইয়াঙ-গোষ্ঠীর বড় বউ-টাকে কাদায় ফেলে দিত! . ই! , একটা কাজের মতো কাজ হতো বটে! খুব জঙ্ক হতো বটে! বড় বৌকে সে দুচোখে দেখতে পারে না, কাদায় তাকে স্নায়োর মতো ছটোপুটি খেতে দেখলে ও হাততালি দিত, হাসত। কেনই বা হাসবে না, বড় বউটা তো তাকে আর মাহুষ বলে গ্রাহ্য করত না! তার কাছে নম্র হয়ে লাভ কি? সেখানে টাকাটাই ছিল সব, আত্মসম্মানের কোনো কথাই উঠত না। ঠিকই হতো।

কিন্তু, এখানকার ব্যাপারটা একেবারে আলাদা। শ্রীযুক্ত চাও-এর মতো

মনিব হাজারে একজন মেলে কিনা সন্দেহ। আর মনিবের মতো তার ব্যবহারই নয়। কখন চোখ রাঙান না, একটা ধমক পর্যন্ত দেন না। সেখানে আত্মসম্মানের কথাতো উঠবেই। টাকা বরবাদ হয়ে গেলেও ক্ষতি নাই, কিন্তু আত্মসম্মান বাঁচাতেই হবে। বরাত খারাপ, তাই চাও পরিবারে সে টিকতে পারল না। কি হয়েছিল তার? কাঁধে অপদেবতা ভর করেছিল নাকি? নিজের জীবনের না হয় কানাকড়ি দাম নেই—যে কোনো মুহুর্তে দেয়ালে মাথা ঠুঁকে জীবন শেষ করে দিতে পারে, কিন্তু অস্ত্রের জীবন সম্বন্ধে তো সাবধান হতে হয়? ধর, আজ যদি কত'র একটা কিছু হতো, কি হতো তাহলে?

আগে খুশি এসব কথা কখনো ভাবেনি। আজ মনিব চাওকে ফেলে দেওয়ার এমনিধারা নানা ভাবনা তাকে পেয়ে বসল, ছেকে ধরল। হাঁ হাঁ, ভাবনার আছে বই কি! ঘোড়া বা গাধার মতো শুধু রিক্সা টানলেই হয় না। সে ঠিক করল, একমাসের মাইনে তো ছেড়েই দেবে, তাছাড়া রিক্সা আর জীবনে চালাবে না; অস্ত্রের জীবন পিঠে বইবার মতো সামর্থ্য, আর সাবধানতা তার নেই। অথচ, রিক্সাওয়ালা হবে এই ছিল তার জীবনের একমাত্র আশা, একমাত্র আকাঙ্ক্ষা—আজ সেই আশা, আকাঙ্ক্ষা তাকে জলাঞ্জলি দিতে হোলো। আর কোনো উদ্দেশ্যই রইল না। এখন সে জীবনের পথে অস্ত্রের মতো হাতড়ে হাতড়ে চলবে, আলো বাবে দূরে—আরো দূরে সরে। রিক্সাওয়ালা হবার আশা তার নিমূল হয়ে গেছে। বৃথা হয়ে গেছে তার শক্তি, তার স্বাস্থ্য।

যখন সে রাস্তায় রাস্তায় ছোটো সোয়ারি টেনে বেড়াত, তখন কত অন্ত্রায়ই না করেছে। অস্ত্রের কাছ থেকে সোয়ারি ভাঙিয়ে নিতেও দ্বিধা করেনি। ভাই বেরাদাররা গালাগালও দিয়েছে যথেষ্ট। কিন্তু সে ভ্রক্ষেপও করেনি—নিজের রিক্সা কেনবার জন্য গালাগাল সে মুখ বুজে সয়ে গেছে। মনে কোনোদিন এতটুকু অল্পতাপ হয়নি। কিন্তু মাস মাইনেয় রিক্সা টানতে এসে এমন বিপদ হবে একথা কে জানত? এর তো কোনো কৈফিয়ৎ নেই। আর কানা-ঘুষোয় যদি কথাটা ছড়িয়ে পড়ে তার ভাই বেরাদাররাই বা কি-ভাববে? গেল, রিক্সাওয়ালা হিসেবে তার স্তন্যমটুকুও গেল!

খুশির আর কোনো পথই রইল না। মনিব তাকে কখন বরখাস্ত করবেন সেজন্তে বসে থাকলেও তার চলবে না। তার বরখাস্ত করবার আগেই সে চলে যাবে।

খুশি, মুখ আর হাত ধুয়ে ফেল। ইজ্জত দেওয়ার কথাই উঠতে পারে না। তোমার কোনো দোষই নেই। ওরা পাথরের ঢিবি করে রেখেছে, অথচ লাল আলো জেলে রাখেনি—দোষ তো ওদের! শাক ওকথা নিয়ে আলোচনা করে আর কি হবে। মুখ ধুয়ে ওমুখ লাগাও!

হাঁগো, তাই কর—কাও-মা কথা বলবার সুযোগ ছাড়বার পাত্রী নয়, সে মনিবের কথায় শায় দিল। জানেন কত, আপনাকে ফেলে দিয়েছে, একথা খুশি কিছুতেই ভুলতে পারছে না। (তারপর খুশির দিকে তাকিয়ে) তা তোমারই বা বাছা অত ভাবনায় কাজ কি? মনিব তো বলে দিলেন, তোমার কোনো দোষ নেই। এমন লম্বা-চওড়া জোয়ান, অথচ একেবারে ছেলের মতো ব্যাভার। কর্তী ঠাকরুন, আপনি দু-একটা মিষ্টি কথা বলুন না, বেচারীর মনের ভার কমুক। কাও-মার কথা যেন কোনো গ্রাফের রেকর্ডের মতো। কথার শ্রোত ঘুরতে ঘুরতে চলেছে, কিন্তু কোথায় শুরু কোথায় শেষ, বোঝা যায়।

যাও, ধুয়ে ফেলগে। কর্তী বললেন। ওমা দেখে যে ভয় লাগছে।

খুশির মনে গোলমাল চলছিল, ভেবে পাচ্ছিল না সে কি করবে। এবার কর্তীর কথায় সে খেই খুঁজে পেল। তাড়াতাড়ি গামলাটা নিয়ে বাইরে এসে মুখে জলের ঝাপটা দিতে লাগল। কাও-মা দরজায় দাঁড়িয়ে রইল ওষুধ নিয়ে।

মুখ ধোয়া শেষ হতেই কাও-মা তার মুখে, গলায় ওষুধ লাগিয়ে দিল। হাত আর পায়েও লাগাতে হবে নাকি?

খুশি মাথা নাড়ল। না—দরকার নেই।

ওষুধের শিশি রেখে সে বলল, কিছুক্ষণ বাদে আবার ওষুধ দিও। এই শিশি রইল। আর দেখো, ওসব ব্যাপার নিয়ে অতো ভেবো না। আমার সোয়ামি যখন বঁচে ছিল, ঝগড়া করে কতো কাজ ছেড়ে দিয়েছি। কি বদমেজাজই ছিল আমার! তার অবিস্ত্রি কারণও ছিল। আমি খেটে খেটে হয়রান হয়ে যেতাম, আর আমার বুড়ো কত্তাটি চুপচাপ বসে বসে ঝিমোতো। একটা কাজ তাকে দিয়ে করানো যেত না। কার না রাগ হয় বল? তাছাড়া বয়েসটাও তখন কাঁচা, কেউ কিছু বললে সামলাতে পারতুম না। মুখের উপর দুকথা শুনিয়ে দিয়ে কাজে ইস্তফা দিতুম। কি বলতুম জানো? গতর খাটিয়ে পয়সা রোজগার করতে এসেছি বলেইতো আর কেনা বাদী নই। পয়সার গরব দেখিও না। তোমার মতো বুড়ী মাগীর মুখঝামটা সইতে পারব না বলে দিচ্ছি! একটার পর একটা চাকরী এমনি করে ছেড়ে দিলাম। এখন কিন্তু বেশ আছি। সোয়ামি মারা গেছে, এখন আর তার জগে ভাবতে হয় না। মেজাজও একটু ঠাণ্ডা হয়েছে। এই ধরনা, এই বাড়িতেই প্রায় তিন বছর কেটে গেল। ন'য়ুই সেপ্টেম্বর কাজ করতে এসেছি। উপরি পাওনা এখানে নেইই, তবে কত! আর তার পরিবার লোক ভালো। একটা কথা বলতে পার : মিষ্টি কথায় কি পেট ভরে! ভরে না জানি, কিন্তু কথায় কথায় হট করে যদি কাজ ছেড়ে দাও, বছরে ছ'মাস বেকার থাকতে হবে। যা টাকা আসছিল, তাও আর আসবে না। তার চেয়ে

ভোলা মনিব পেলে সেখানে টিকে থাকাই ভালো। মাইনে কম হোক, উপরি পাওনা নাই থাকুক—কিন্তু আখেরে ভালোই তাতে হবে।

আজকের ব্যাপারটাই ধর না। কত কিছই বললে না, ব্যাপারটাও চুকেবুকে গেল। তোমাকে ছোট ভাইয়ের মতো দেখি বলেই বলছি। এখন তেজ দেখিয়ে যদি কাজ ছেড়ে দাও, কার কি এলো গেলো? নিজেরই ক্ষতি। তেজ দেখিয়ে খালি পেটে ঘুরে বেড়ালে তো আর চলবে না। তোমার মতো অমন শক্ত সোমথ ছিলে, দুচার দিন এখানে টিকেই থাক না। সারা আকাশে উড়ে উড়ে মাছ ধরবার চেষ্টায় হয়রান হবার চেয়ে তা বোধ হয় অনেক ভালো; একা তোমার জন্তেই বলছি ভেবো না, দুজনে মিলে মিশে কাজ করতে পারব বলেই বলছি।

একটু হাঁপ ছেড়ে নিয়ে আবার সে বলল, আচ্ছা, কাল ভোরে আবার দেখা হবে। এখন লক্ষ্মি ছেলেটির মতো ঘুমিয়ে পড়। একগুঁয়ে ষাঁড়ের মতো মাটিতে পা দাপালে কিছই হবে না। আমি যা বলি, ঠিক বলি।

খুশি ষাঁ হাতের ব্যথায় আধেক রাত ঘুমোতে পারল না। এলোমেলো ভাবনা এসে জুড়ে বসল মনে। আত্মোপাস্ত সমস্ত ব্যাপারটা সে খতিয়ে দেখল। কাণ্ড-মার বুদ্ধি আছে, সে ঠিকই বলেছে। পৃথিবীতে সবই মিথ্যা, টাকাটাই একমাত্র সত্য। টাকা জমিয়ে আবার সে রিক্সা কিনবে, তেজ দিয়ে কি হবে? তেজ ভাঙিয়ে তো আর খাওয়া চলবে না। ভাবতে ভাবতে সে ঘুমিয়ে পড়ল।

## আট

শ্রীযুক্ত চাও রিক্সাখানা সারিয়ে নিলেন। খুশির মাইনে থেকে সারাবার খরচ কাটলেন না। চাও-গিন্নী দুটো বাড়ি তাকে খেতে দিলেন। বাড়ি খেলেই তার ব্যথা সেরে যাবে। খুশি বাড়ি খেল না, এমনিই সেরে উঠল। এখন তার বুদ্ধি হয়েছে, কাজে ইস্তফা দেওয়ার কথাও আর তোলে না। কাও-মার কথায় কাজ হয়েছে। তবু মাঝে মাঝে মনে হয়; এটা ঠিক হোলো না—না, মোটেও ঠিক হোলো না! কহণ্ডা এমনি করে কেটে গেল। তারপর ঘটনাটাই একেবারে মন থেকে মুছে গেল। নিজের কোটে সে আবার ফিরে এল, ধাতস্থ হোলো খুশি।

শুধু তাই-ই নয়, পুরনো আশা-আকাঙ্ক্ষা আবার কুঁড়ি মেলল তার মনে। এখন সে নির্জনে বসে আবার রিক্সা কেনার চিন্তা করে, সারাদেহে উত্তেজনা আসে। কত খতিয়ে দেখে, কদিনে কমাসে, কবছরে রিক্সা সে কিনতে পারবে; বিড় বিড় করে হিসেব করে। রোগী যেন প্রলাপ বকছে আর কি! হিসেবপত্র করতে সে জানেই না, কিন্তু মনে তার গানের ধূয়ার মত একই কথা বার বার ঘুরে ঘুরে আসে; ছ'-এ ছ'-এ ছত্রিশ, তার পুঞ্জির সঙ্গে এই অঙ্কটার কোনো সম্বন্ধই নেই—এ'য়েন জপমন্ত্র, টাকা বাড়াবার জপমন্ত্র। বার বার সে ঐ কথাই বিড় বিড় করে বলে, বুক-ডরে ওঠে।

কাও-মার স্টপের তার খুব ভক্তি। অনেক মরদের থেকে কাও-মা বেশি বুদ্ধি রাখে, অনেক জানে শোনে। ভাসা ভাসা কথা সে বলে না; একেবারে ব্যাপারটার তলিয়ে দেখতে চায়। সবদময়ে অবিশ্রি, তার কাছ থেকে পরামর্শ পাওয়া যায় না। তার কত কাজ! একদণ্ড ফুরসৎ নেই। দোর-গোড়ায় কি উঠোনে যখনই তার সঙ্গে দেখা হয়, কাও-মা দু-একটা কথা বলে। খুশির বুকটা ঢুলে ওঠে, আনন্দে নেচে ওঠে। তার কথা নিয়ে ভেবে ভেবে সে কতদিন সারা দুপুর কাটিয়ে দিয়েছে। তাই, আজকাল দেখা হলেই খুশি বোকার মত হেসে তাকে শ্রদ্ধা জানায়। কাও-মাও খুব খুশি হয়। বেশি কথা বলার সময় না পেলে দু-একটা কথা বলে খুশিকে চাঙা করে তোলে।

কিন্তু টাকাকড়ি জমাবার ব্যাপারে সে কাও-মার কথা শোনে না। নিজের মত মতোই চলে। কাও-মার বুদ্ধিটা মন্দ নয়। বিধবা হবার পর থেকে, টাকা জমিয়ে সে ভেদ্যারতি কারবারে খাটায়। একডলার হয় তো জমেছে, হাতে না রেখে

এক ডলারই কাউকে ধার দিল! ধার নেবার লোকের অভাব নেই। চাকর বাকর, পুলিশ, ছোটখাট দোকানি—এরা তো ধার নেবার জন্তে মুখিয়েই আছে। স্বদেশ হার শতকরা তিনটাকা তো বটেই—বহুরে কিন্তু নয়, মাসে; হস্তা হিসেবেও সে টাকা খাটায়। যারা ধার নেয়, তারা এমন এক জাতের লোক; এক ডলারের ভাবনায়ও তারা পাগল। তাদের মগজে জাঁতার মত পাক খেতে থাকে ভাবনা, কি করে তারা জোটাবে এক ডলার। কেউ যদি তখন এক ডলার দিয়ে বলে, দুহস্তার ভিতরে দুডলার ফেরৎ দিতে হবে, তাতেও তারা রাজি হয়ে হাত পাতে। টাকার সঙ্গে যে বিবটুকু মেশানো আছে, তারা বুঝেও বুঝতে চায় না; তারা জানে চড়া শুদে টাকা নেওয়া মানে হচ্ছে, নিজেকে সর্বস্বান্ত করা—কিন্তু তবু না নিয়ে উপায় নেই। কদিন তো শান্তির নিখাস ছেড়ে বাঁচা যাবে। এমন করেই তাদের জীবন চলে, তারপর একদিন আর নিখাস ছাড়বার উপায় থাকে না। কিন্তু ওসব ভাবলে কি চলে? আজকের বিপদের হাত থেকে তো রেহাই পাওয়া গেল, কালকের বিপদের কথা কাল তখন ভাবা যাবে। এই তাদের রীতি—বদলাবার কোনো উপায়ই নেই—উপায় খুঁজতেও তারা চায় না।

কাও-মা তার স্বামী বেঁচে থাকতে এ ব্যাপারে বহু ভুগছে। তার স্বামী মাতাল হয়ে এসে তার কাছ থেকে টাকা নিয়ে গেছে। টাকা না পেলে তার মনিবের বাড়ির ফটকে দাঁড়িয়ে অঞ্জলি ভাষায় কাও-মাকে গালাগালি দিতেও ছাড়েনি; হুঁহু শুরু করেছে। কাও-মাকে বাধ্য হয়ে টাকা দিয়ে তার মুখ বন্ধ করতে হয়েছে। যত চড়া শুদে হোক না কেন, টাকা ধার করে এনে স্বামীর হাতে তুলে দিয়েছে সে। সেই অভিজ্ঞতা থেকে এই টাকা খাটাবার অঙ্কিমুখি সে জেনেছে। না, প্রতিশোধের স্পৃহা তার নেই, টাকা ধার নিলে শুধু তো দিতেই হবে! সে একদিন দিয়েছে আজ তাকে দেবার পালা। আর তা ছাড়া এ এক-রকম দয়া-দাক্ষিণ্যও বটে। লোকের অভাবের সময় তাকে বাঁচানো। তোমার টাকা আছে, ধার দিতে চাইছ, অন্তরিকে ধার করার লোকও আছে—এ যেন ‘তিন রাজ্য’ বইয়ের চোট আর হোয়াও কাইর গল্প। যেন তার প্রাণের বন্ধু হোয়াওকে চাবুক মেরে কোউ শত্রু-সেনাপতি জানিয়ে দিল, তারা আর বন্ধু নয়। লোকে যাইই ভাবুক না, তাতে কি আসে যায়।

বিবেকের দাঁত ফোটাবার সাধ্য নাই কাও-মার নীতিতে। সে তো আর টাকা নদীতে ভাসিয়ে দেওয়ার জন্ত রোজগার করে না। সে টাকা কারো অভাবের সময় ধার দেয়, আবার কড়ায় গুণায় আদায় করতেও ছাড়ে না। তেজারতি ব্যাপারে একটু সাবধান হতে হয় বৈকি। না হলেই বিপদ, চোর জোচ্চর তো বাজের মত ছোঁ মারবার জন্তে তৈরী হয়ে আছে। স্ববিধে পেলেই নিয়ে হাওয়া হয়ে যাবে।



ব্যাকের মালিকের মতই ধার দিয়ে অনেকখানি খুঁকি মাথায় নেয়। ব্যাকের মালিকের থেকেও খুঁকি তার একটু বেশিই। মূলধন কম আর বেশি হোক, পুঁজির ব্যবসায়ের পথ এক। আমাদের সমাজ ধনতান্ত্রিক—এ যেন বিরাট এক ফুঁদেল, স্বল্প জাল দিয়ে ঘেরা। উপর থেকে টাকা ঝরে পড়তে থাকে, যত নিচে যায় ততই খুঁকি বাড়তে থাকে। কিন্তু ধনতান্ত্রিক নীতি ঠিকই থাকে—সে তো আর টাকা নয় যে ফুঁদেল গলিয়ে পড়ে যাবে।

সবাই বলে কাও-মা বড় পাকা লোক। সে নিজেও স্বীকার করে। দারিদ্র্যের হাতুড়ী আর জাঁতায় ছেঁচে পিশে সে বেশ কঠোর হয়েছে, উঠেছে। যখনই তার দারিদ্র্যের কথা মনে পড়ে, স্বামীর কাণ্ডজ্ঞানহীনতার কথা মনে পড়ে, সে তার দাঁতে দাঁত চেপে আরো কঠোর হয়ে ওঠে। তাই বলে দয়ামায়া তার নেই যে তা নয়। কিন্তু এই নচ্ছার পৃথিবীতে বাঁচতে হলে কঠোর হওয়া ছাড়া উপায় কি?

সে খুশিকে টাকা ধারে খাটাতে পরামর্শ দিল। এ কথাও বলল, সে তাকে সবদিক দিয়ে সাহায্য করতেও রাজি আছে।

দেখ ভালো মানুষের ছেলে টাকা পকেটে রেখে দিলে কোনো কাজেই আসে না। যা ছিল তাইই থাকে, আর খরচা হওয়ার ভয় আছে। তার চেয়ে টাকা ধার দিয়ে দেখ, টাকা ডিম পাড়বে। এতে কোনো ভুল নেইগো, ভুল নেই। তবে হ্যাঁ, বলতে পার, ঝুঁকি পোয়াতে হয়। তা চোখের মাথা তো আর খেঁষে বসনি। কেউ ধার চাইতে এলে একবার ভালো করে চোখ চেয়ে দেখে নেবে। যে ঈশ্বরের পালক ঝরে গেছে তুমি তার লেজ হাতের মুঠোয় চেপে রাখতে পারবে না, তা জানি। কিন্তু এই পুলিশের কথাই ধর না। যদি সময় মত হুদ বা আসল না দেয়, তাহলে তার উপরওয়ালাকে খুঁজে বার করতে হবে, তখন আর টাকা না শোধ করে পালাবে কোথায়? টাকা ধার দিতে হলে বুঝে শুনেই দিতে হবে। নইলে যাকে তাকে দিলে সে টাকা তো তলিয়ে যাবেই। আমি তোমাকে বলছি, টাকা হুদে খাটাও, কোনো ভয় নেই, সব ঠিক করে দেব।

খুশি কাও-মার দিকে সম্ভ্রম দৃষ্টিতে তাকাল। বুদ্ধি আছে বটে কাও-মার। কিন্তু টাকা ছাড়তে তার মন সরছে না, টাকা হাতে রাখাই ভালো। হাতে রাখলে মরা টাকা আর ছুগুণ কি তিনগুণ হবে না, ডিমও পাড়বে না বটে, কিন্তু হারাবার কোনো ভয় নেই। সে তার পকেট থেকে এই কমাসের রোজগার বার করল। সব টাকা—নোট একখানাও নেই। হাত দিয়ে নাড়তেও ভালো লাগে। টুংটাং মিষ্টি বোল—কেমন যেন ভালো লাগে, আবার ভয়ও হয়। ঝলমল করছে দেখ না। না, কাও-মার বুদ্ধিতে টাকাগুলো সে হাতছাড়া করতে

পারবে না। সময় হলে সে যখন রিক্সা কিনবে, তখন হাতছাড়া করা যাবে। কাও-মার বুদ্ধি তার নিজেরই থাক। আর খুশির নিজেরও বুদ্ধি আছে। ধারে সে খাটাবে না, খাটাতে পারবে না।

এক সময়ে ফেণ্ডপরিবারে সে কাজ করত। তখন দেখেছে, বাড়ির কতর্গ থেকে শুরু করে ঝি-চাকর পর্যন্ত সবাই পোস্ট অফিসের বইয়ে টাকা রাখে, ফেণ্ড গিন্নি একদিন সে কথা শুনে বলেও ছিলেন।

এক ডলার দিয়েই পাস বই খোলা যায়। তুমি এখানে করছ না কেন? কথায় বলে না, রোদের দিনে যদি বর্ষার কথা না ভাব, তাহলে মুশকিলে পড়তেই হবে। তখন হায় হায় করলেও দিন আর ফিরে আসবে না। তোমার ব্যয় এখন কম, এখন যদি দুচার টাকা না জমাও, কবে জমাবে? বছরে তিনশ ঘাট করে দিন, এই তিনশো ঘাট দিনই তো আর একরকম যাবে না। আর এতে টাকা মারা যাবার কোনো ভয়ই নেই। তাছাড়া কিছু হুদুও পাবে। দরকার পড়লে কিছু তুলেও নিতে পারবে। এর চাইতে সুবিধে আর হয় না। যাও, গিয়ে একটা কম নিয়ে এস, আমি তোমার হয়ে ঘরগুলোয় যা লেখবার লিখে দেব। তোমার ভালোর জন্তেই বলছি।

খুশি জানত ফেণ্ড-গিন্নি তার ভালোর জন্তেই বলেছেন। সে রাঁধুনী ওয়াও আর বাচ্চা থোকা চিনমার পাস বইও দেখেছিল। এই নিয়ে সে কদিন ধরে ভাবল। একদিন ফেণ্ডদের বড়মেয়ে পাশ বইতে দশ ডলার রাখতে পোস্ট অফিশে পাঠাল। পথে যেতে যেতে পাস বইখানা নেড়ে চেড়ে সে দেখল। কতকগুলি হরফ, লাল কালিতে তার উপর সিল মারা—এই তো পাস বই! পোস্ট অফিশের খুপরি দিয়ে এইখানা আর টাকা এগিয়ে দিতেই ওরা কি যেন লিখে আবার লাল কালিতে সিল মেরে দিল। এষদি জোচ্চুরি না হয় তো জোচ্চুরি কাকে বলে। টার্টকা ফুলের মতো একমুঠো টাকা তুমি খুপরি দিয়ে গলিয়ে কি পেলে তার বদলে? পাঁচ ছত্তর লেখা, একটা লাল সিল—বাস্ লেন দেনের ব্যাপার শেষ!

না, খুশি অমন জোচ্চুরির ভিতরে সোঁধোতে রাজি নয়। ফেণ্ড পরিবার আর পোস্ট অফিসের মধ্যে একটা ষড়যন্ত্র আছে—দুজনে মিলে লোক-ঠকান ব্যবসা খুলেছে। কিন্তু চার দিকেই পোস্ট অফিস সে দেখেছে—ব্যবসা তাহলে বেশ ফলাও করেই ফেঁদেছে। ফেণ্ডদের নিশ্চয়ই স্বার্থ আছে, নইলে টাকা জমা দেওয়ার জন্তে অতো ঝুলোঝুলি করবে কেন? পোস্ট অফিস জোচ্চুরির ব্যবসা না হলেই বা কি? হাতের টাকা পরের হাতে তুলে দিয়ে সে নিশ্চিত হয়ে বসে থাকতে পারবে না। টাকার বদলে কয়েকটা হরফ আর লাল সিল দেখে মন তার অস্থির হয়ে উঠবে, ঘুম হবে না রাতে।

ব্যাক সম্বন্ধে তার ধারণা নেই। সোয়াবি পাবার লোভে সেখানে সে প্রায়ই যায় বটে, কিন্তু রাস্তার পুলিশটা বড় হজ্জুত করে, কিছুতেই রিক্সা রাখতে দেবে না। কিছু ঘুম দিয়ে মাঝে মাঝে রিক্সা রাখে, সোয়াবিও পায়। ব্যাকের ভিতরে কি হয়, সে জানে না—টাকাকড়ির লেনদেন হয় নিশ্চয়ই। অত বড় বাড়ি, অত লোকজন তা আর হবে না। কিন্তু কেন যে লোকে টাকা রাখতে ওখানে যায় সে তা বোঝে না। অগ্র লোক যদি টাকা মেরে দেয়? তা ছাড়া ব্যাক রাখবার মত টাকা তার কোনো ~~হি~~ই হবে না—তা' নিয়ে তাই সে মাথাও ঘামায় না।

শহরের অনেক জিনিসই সে বুঝতে পারে না। চাখানায় বন্ধুদের কাছে অনেক আজগুবি কথাই শোনে। তারা চিৎকার করে টেবিল 'চাপড়ে তর্কেও' মেতে ওঠে, কিন্তু ঘোঁগ দেওয়া তো দূরের কথা মাথাযুগু কিছুই 'সে বোঝে না, মনে হয়, শহরে এসে সে বুঝি একেবারে বোকা বনে গেছে। তর্ক তারা করে, ঝগড়াও মাঝে মাঝে হয়—আসল ব্যাপারটা চাপা পড়েই যায়, কেউ পরিষ্কার করে বোঝাতে পারে না। তার এসব ভালো লাগে না। কি হবে ছাই ওসব শুনে? তবে একটা কথা সে বুঝেছে, যদি ডাকাতি করতে হয়, তাহলে ব্যাক হচ্ছে ঠিক জায়গা। বুঝেই বা লাভ কি? সে তো আর ডাকাতি করতে যাবে না। তার চাইতে টাকা নিজের কাছে রেখে মাঝে মাঝে নেড়েচেড়ে দেখলেও আরাম আছে। আর সে করবেও তাই।

কাও-মা জানে যে, খুশি একখানা রিক্সা কিনতে চায়। তাই সে একদিন ওর কাছে প্রস্তাব করল খুশি, আমি জানি, টাকা তুমি স্বদে খাটাতে রাজি নও। কিন্তু ওতে রিক্সা কেনার তাড়াতাড়ি একটা সুবাহা হোতো। আমি যদি পুরুষ হতাম, আর রিক্সা চালাতাম, নিজের রিক্সাই চালাতাম। কারো কাছে এক কানাকড়ি সাহায্যও চাইতাম না। স্বাধীনভাবে খেটে রোজগার করতাম, গান গাইতাম, জেলার হাকিমের থেকেও সুখী হতাম আমি। কেউ যদি বলতো, পুলিশে ভরতি হয়ে যাও না, অমন স্থখের চাকরী আর নেই। তাও যেতাম না। অমন একঘেয়ে চাকরী কি আর দুটো আছে? শীত নেই, গ্রীষ্ম নেই, রাস্তায় ঠায় দাঁড়িয়ে থাকো; মাইনেও খুব কম, তার উপর উপর-ওয়ালার চোখ রাঙানি। এমনকি ইচ্ছে হোলো, গোঁপ রাখবে—উপরওয়ালার পছন্দ হোলো না—অমনি বরখাস্ত করবে। তার চেয়ে নিজের গতর খাটিয়ে রিক্সাটানা ঢের ঢের ভালো।

তাইকি বলছিলাম শোনো—নিজের যদি রিক্সা কিনতে চাও, এক কাজ কর, একটা সভা কর—সেই সভায় দশজন থেকে বিশজন লোক থাকবে—প্রতি লোকটা মাসে ছুড়লার করে দেবে। প্রথম মাসে যে টাকা উঠবে তা তুমি নেবে—

তাহলে হবে তোমার চল্লিশ ডলার। এমনি করে শীগগিরই তোমার রিক্সা কেনার বন্দোবস্ত হয়ে যাবে। চমৎকার ফন্দি—তাই না? রিক্সা কিনে সভাটাকে তখন লটারি সভা করে ফেলা হবে। এক পয়সা স্বদ দিতে হবে না। দেখ, সভা তৈরী করবে নাকি? আমি চাঁদা দেবখন। কি, চুপ করে রইলে যে বাছা।

প্রস্তাবটা খুশির কাছে খারাপ লাগল না, বরং বুকটা তার আশায় ঢুলে উঠল। এমনি চাঁদা করে যদি তিরিশ কি চল্লিশ ডলার উঠে, তার সঙ্গে ন'কতাঁর কাছে গচ্ছিত তিরিশ ডলার তো আছেই—সেও ইদানীং কিছু জমিয়েছে—তা সব মিলিয়ে আশী ডলারের উপরেই হবে। অবিশ্রি, ওতে একেবারে দশভাগই নতুন রিক্সা কেনা হবে না—অন্তত আটভাগ নতুন একখানা তো কিনতে পারবেই। আরো একটা সুবিধেও সে পাবে, ন'কতাঁর কাছে গচ্ছিত টাকাটা আদায় করা হবে। আটভাগ নতুন রিক্সা নিশ্চয়ই খুব খারাপ হবে না। আর খারাপ হলেই বা কি, কিছু টাকা হাতে জমলেই বদলে নিতে কতকণ?

কিন্তু বিশজন লোক সে কোথায় পাবে? তাও না হয় জোগাড় হোলো, তারপর কি হবে? সে তো তাদের চাঁদার টাকায় রিক্সা কিনে বসল, তারপর আজ বাদে কাল যখন তাদের টাকার দরকার হবে তখন? অন্তত চক্ষু-লজ্জার খাতিরও তো তাকে চাঁদা দিতে হবে। তখন জমানো টাকাগুলো সব উড়ে যাবে। না, সে তা করবে না, হানের বংশধর সে, কারো সাহায্যে তার প্রয়োজন নেই। তার যদি ভাগ্যে থাকে, সে নিজের রোজগারেই রিক্সা কিনবে। কারো সাহায্য সে চায় না।

কাও-মাও বুঝতে পারল, এ-ছেলে সহজে টলে না। ঠাট্টা করে তাকে চটিয়ে দেওয়ার তার ইচ্ছে ছিল, কিন্তু খুশির আত্মবিশ্বাস দেখে সে অবাক বনে গেল। এ ছেলে ছল ছুতো খুঁজবে না, যা করবে সহজ সরল উপায়েই করবে। ওকে ঘাঁটিয়ে লাভ নেই। কাও-মা হাল ছেড়ে দিল।

তোমার মতো লোক আমি জন্মে দেখিনি বাপু! সে বলল, রিক্সা কেনার চাইতে একদল গুয়ের পোষা না! ওরা বাঁকা পথের ধার ধারে না, সোজা গোঁ ঘেরে চলে যায়, আবার সোজা ফিরে আসে। তোমার বাপু গুয়ের পোষাই ভালো।

খুশি কোনো কথা বলল না। কাও-মা চলে গেলে সে অনেক ভেবে দেখল। না, কাও-মার কথা সে শুনবে না, তার নিজের পথই ঠিক। হাতের মুঠোয় শক্ত করে টাকা ধরে থাকার মতো সম্মানের কাজ আর নেই। আর সে তাই করছে, ভবিষ্যতে করবেও। খুশি উল্লসিত হয়ে উঠল।

আবহাওয়া এরই মধ্যে বদলাতে শুরু করেছে। শীত শুরু হয়েছে, ফেরিওয়ালারা

হেঁকে যাচ্ছে, চাই নকলদানা—টাটকা নকলদানা। মাঝে মাঝে শোনা যাচ্ছে, চাই চীনে মাটির বাসন।

খুশি বাসনওয়ালাকে ভেঁকে, ঠিক কুমড়োর মতো দেখতে একটা ঘটি কিনে ফেলল। ঘটিটার উপরে ঢাকনি দেওয়া। এই তার প্রথম বউনি, ফেরিওয়ালার তাকে টাকার ভাঙানি দিতে পারল না—ঘটিটা চমৎকার দেখতে। ঘন সবজে রং—ঠিক যেন একটা কাঁচা কুমড়া।

ভাঙানির জন্তে ভেব না, আর একটা কিছু নিচ্ছি।

আর একটা ছোট সবজে রঙের ঘটি কিনে নিয়ে সে বাড়ির ভিতরে এল।

ওগো ক্ষুদ্র মনিব আমার, ঘুমিয়ে পড়েছ নাকি? তোমার জন্তে 'কেমন খেলনা' এনেছি দেখ! চাও-গিন্নী আর কাও-মা খোকাকে স্নান করাচ্ছিলেন, তারা তাকিয়ে দেখলেন, খুশি একটা সবজে রঙের ঘটি নিয়ে পাড়িয়ে আছে। ওমা খেলনা এনেছে দেখ না! দুজনেই হাসলেন। শ্রীযুক্ত কাও বা তার স্ত্রী এবিষয়ে আর উচ্চবাচ্য করলেন না। উপহার হিসেবে অদ্ভুত হলও খুশির এই ভালোবাসার দান ছুঁড়ে ফেলে দিয়ে তারা তাকে অপমানিত করতে চান না। তারা দুজনেই মূহু হেসে খুশিকে ধন্যবাদ দিলেন।

কাও-মা কিন্তু চুপ করে থাকবার পাঞ্জী নয়। সে হেসে উঠল; ওমা খুশির বুদ্ধি আছে দেখছি! আমি তো ভেবেছিলাম অমন হৌতকা জোয়ান, ওর মগজে এক ফোঁটা বুদ্ধি নেই!

খোকা খেলনা পেয়ে খুবই খুশি হোলো। সে ঘটিতে জল ভরে খিল খিল করে হেসে উঠল—ছোট ঘটি—কিন্তু হাঁটা কি বড়!

সবাই হেসে উঠল, খুশি একটু লজ্জিত হয়ে বাইরে চলে এল। সত্যিই মন তার আনন্দে ভরে গেছে। ঘরের সবাই ওর দিকে তাকিয়ে হেসেছে, একি কম কথা! এমনি ব্যবহার ওরা হোমরা-চোমরাদের সঙ্গেই করে থাকে। আগে তার এমন অদ্ভুত অভিজ্ঞতা কখনো হয়নি। সে ঘরে এসে আপন মনে হেসে উঠলো, গাঁজে খুলে টাকা বের করে কুমড়োর মতো দেখতে সেই ঘটিটার ভিতর একটা একটা করে টাকা ফেলে দিল। টুং টাং শব্দ হোলো। বিড় বিড় করে সে বলল, এর থেকে ভালো জায়গা আর কোথার পাব—এই খানেই একটা করে ডলার টুং করে পড়বে—ভরে উঠবে ঘট—তারপর যেদিন পুরো টাকাটা জমবে, সেদিন ঘটটাকে দেয়ালে ছুঁড়ে ভেঙে ফেগব। ঝনঝন করে ছড়িয়ে পড়বে, ঝলমল করে উঠবে।

সে ঠিক করল, কারো কাছে সে আর সাহায্য চাইবে না। কার কাছেই বা চাইবে? ন'কত' লিউ-এর মতো তো বিশ্বাসী আর কেউ নেই, কিন্তু তার

উপরও সময় সময় বিরক্তি ধরে যায়। এই তো এতগুলো টাকা তার কাছে গচ্ছিত রয়েছে, কবে যে বার করে আনতে পারবে কে জানে। টাকা অন্তের হাতে পড়লেই গেল। এ যেন স্বন্দর একটা আঙুরের মতো—নিজের আঙুরে পরলেই তো ভালো মানায়। এবার সে খাতস্থ হোলো—বুকখানা তার আত্ম-প্রসাদে ফুলে উঠল।

শীত পড়েছে বটে! ঠাণ্ডা দিনগুলো। খুশির সেদিকে খেয়ালই নেই। মন সে শক্ত করে ফেলেছে, সংশয় এসে আর আবছা করে দিতে পারে না। তাই অন্ধকার, বিষন্ন দিনগুলোও তার কাছে উজ্জ্বল হয়ে উঠেছে। ঠাণ্ডা এসে আত্মত্বের ভিতর দিয়ে গায়ে হুল ফুটিয়ে দিতে পারছে না। তার চোখের স্বমুখে পাপড়ি মেলাচ্ছে, উজ্জ্বল, খটেখটে পরিষ্কার দিন, দিনের পর দিন। বরফ পড়ছে। সবকিছু জমাট বেঁধে যাচ্ছে। মাটির কালো রং চলে গিয়ে দেখা দিয়েছে হলদে আভাস, ঠাণ্ডা হাওয়া টেনে নিয়ে শুকিয়ে ফেলছে মাটি। ভোরে যখন ট্রাকগুলো চলে, ধূলা ওড়ে বটে—কিন্তু তার সঙ্গে মিশে থাকে সূক্ষ্ম সূক্ষ্ম বরফের কণা। ভোরে হাওয়ায় মেঘ কেটে যায়—উড়ে যায়—তখন দেখা দেয় নীল আকাশ। খুশি সূর্য ওঠবার আগেই রিক্সা নিয়ে বেরিয়ে পড়ে। হাওয়া তার মুখের উপর ঠাণ্ডা নিশ্বাস ফেলে চলে যায়, কাঁপিয়ে দিয়ে যায় তার দেহ—মনে হয় এক পশলা বৃষ্টিই বরিষি হয়ে গেল। খুশির কিন্তু ভালোই লাগে, হাওয়ার মাতনের সঙ্গে গলা ছেড়ে গান গাইতে ইচ্ছা করে। কখনো কখনো দমকা ঝোড়ো হাওয়া এসে চাবুকের মত মুখের উপর পড়ে—নিশ্বাস যেন ফুরিয়ে আসে—কিন্তু সে দমে যায় না। মাথা নিচু করে, দাঁতে দাঁত পিষে রিক্সা নিয়ে এগিয়ে যায়। মনে হয়, একটা বিরাট মাছ যেন স্রোতের বিরুদ্ধে সাঁতরে চলেছে। হাওয়ার সঙ্গে সঙ্গে ওরও প্রতিরোধ শক্তি বেড়ে যায়। খুশি যেন হাওয়ার সঙ্গে যুদ্ধে মেতেছে। যে সে যুদ্ধ নয়—জীবন-যুদ্ধ।

দমকা হাওয়া যখন বয়ে যায়, তার নিশ্বাস ফুরিয়ে আসে, অনেকক্ষণ সে মুখ বুজে থাকে, সারা শরীরে ঝাঁকুনি—কোন দিকে হেলে পড়বে কে জানে। বর্ষায় যেন একটা প্রকাণ্ড তিমি সে গাঁথেছে—টাল সামলাতে পারছে না। কিন্তু ঠিক সে সামলে নেয়, হাওয়ার সঙ্গে লড়াই করতে করতেই সে পথে চলে। সে যেন রূপকথার এক বিরাট দৈত্য—পথের বাধা সে পায়ে খেঁতলে চলে যাবে।

ঘামও ঝরে বটে। ঘামে সারা শরীর যেন নেয়ে ওঠে। রিক্সা রেখে সে যখন জিরোয়, ঘনঘন তার নিশ্বাস পড়তে থাকে। মুখের কোণে পথের সূড়কির কণা জমে উঠেছে, সেগুলো মুছে ফেলে, বুক ফুলিয়ে বার বার সিঁধে হয়ে রিক্সাওয়ালা

আলিসিয়া ভাঙে। দেখে মনে হয় তার জুড়ি মেলা ভার, আর তারও তাই বিশ্বাস। সে তাকিয়ে তাকিয়ে দেখে হাওয়ার ঘূর্ণিতে ছাই আর কঁকর পাক খেতে খেতে চলছে। খুশি মাথা নাড়ে। হাওয়া গাছপালা ধ্বংসের মত কুইয়ে দেয়, দোকানের লাল শালুর বিজ্ঞাপন গুলো ছিঁড়ে ফালি ফালি করে দিয়ে চলে যায়। দেয়ালে আঁটা বিজ্ঞাপনগুলোও আশু রাখে না—উড়িয়ে নিয়ে চলে যায়। হাওয়ার কি দাপট। এমন যে সূর্য তাকে পর্যন্ত মেঘে ঢেকে দেয়; আহত পশুর মতো গৌঁ গৌঁ করতে করতে তেড়ে আসে, স্বর্ণ আর মত কাঁপিয়ে দেয়—তারপর দিকবিদিকে ছড়িয়ে পড়ে। এক নিঃস্বর দৈত্য যেন—সব কিছু উচ্চমে দিতে চায়। ডালপালা ভেঙে ছিটকে পড়ে, টালি খসে পড়ে, টেলিফোনের তার টুকরো টুকরো করে ফেলে।

খুশির ভয়ভর নেই। সে তাকিয়ে তাকিয়ে দেখে, মজার আমেজ পায়। হাওয়ার সঙ্গেই সে যুদ্ধ করে এসেছে, তার আর ভয় কি! সে তো বিজয়ী বীর! অল্পকূল হাওয়া পেলো তো সে খুব খুশি! রিক্সা নিয়ে দৌড়তে হয় না—হাতল দুটো ধরে থাকলেই হোলো। বহুর মত হাওয়াই তাকে টেনে নিয়ে যাবে।

সে অন্ধ নয়, তার চোখ দুটো খোলাই আছে। বুড়ো রিক্সাওয়ালাদের সে দেখেছে। হাওয়ায় তাদের কাপড় চোপড় ছিঁড়ে ফালি ফালি করে দেয়, শীতে তারা ঠক ঠক করে কাঁপতে থাকে, চোখ দিয়ে জল ঝরে। কোনো সোয়ারি দেখলে তাদের মধ্যে ঝগড়া বেধে যায়, সে কি তুমুল ঝগড়া। এ বলে আমি আগে ডেকেছি, ও বলে, আমি আগে ডেকেছি। একটা কয়লা করে সোয়ারিকে রিক্সায় চড়িয়ে তবে হাঁক ছেড়ে বাচে। তারপর ছুট ছুট ছুট! ঘাম দর দর করে ঝরতে থাকে। ঝোড়ো হাওয়া হোলেই মুশ্লিল। তখন আর পা চলে না—কোনো রকমে ঘাড় গুঁজে থাকে। স্তম্ভ দিয়ে হাওয়া এলে তবু রক্ষা, কিন্তু শিখন থেকে এলে আর উপায় নেই। তখন টাল সামলানো শক্ত। তবুও চেঁচান ক্রটি করে না, আধমরা হয়ে সোয়ারিকে পৌছে দেয়। কিন্তু কত আর পায়? কয়েকটা তামার পয়সা। জীবনোশক্তি যে নষ্ট করছে সে খেয়াল তাদের নেই।

এমনি দিনে ভাড়া খেটে অবস্থাও যা দাঁড়ায় তা আর বলবার নয়। ধূলো হাওয়া এসে মুখে লাগে, ঘামের সঙ্গে মিশে সমস্ত মুখখানায় ছড়িয়ে পড়ে—মনে হয় কে যেন কাঁদা মেখে দিয়েছে। এই কাদার মুখোশের ভিতর দিয়ে কুতকুতে দুটি চোখ আর মুখখানা যা চমৎকার দেখায়! শীতের দিনগুলি খুব ছোট—পথে লোকজনও তেমন চলে না। সোয়ারির আশায় সারাদিন বসে থেকে হয় তো একটা কি দুটো জোটে—কোনো দিন বা তাও না। তারপর সন্ধ্যাবেলা অনেকখানি

জীবনীশক্তি ক্ষয় করে তারা ঘরে ফেরে। পেট পূরে একবেলা খাবার মতো রোজগারও হয়তো হয়নি। কিন্তু বাড়িতে অনেকগুলো পেট খিদেয় চোঁ চোঁ করছে। বুড়ো হয়েছে এখন, একটি বুড়ী স্ত্রী, গোঁটা কয়েক ছেলে মেয়ে তো আছেই; তা ছাড়া বাপ মা ভাই বোনও থাকতে পারে। সত্যি, শীতকালটায় বুড়োদের ভারি কষ্ট। ভূতের মতই খাটতে হয়, একটু জিরোবার অবসর নেই। শয়তানও এত মেহনৎ করতে পারত কিনা সন্দেহ। শুধু রাস্তার কুকুরছানাগুলোর মত মরলেই তাদের হাড় জুড়ায়, আসে শাস্তি।

হা, খুশি তাদের দেখেছে বইকি! কিন্তু তাদের দুর্দশা নিয়ে কখনো সে মাথা ঘামায়নি। তার সময়ই বা কোথায়? তাগড়া জোয়ান, শরীরখানিও বেশ মজবুত—শীতকে সে ভরায় না। তার উপর রাতে শোয়ার একটা আন্তানা ঠিক আছে, পরনের কাপড় জামাও পরিচ্ছন্ন।—ওদের সঙ্গে তার ঢের তফাৎ; যদিও একই ব্যবসা করে, কিন্তু সে পরিশ্রম করতে পারে, ওরা পারে না। আর সে ওদের মতো দুর্দশায় পড়তেও রাজি নয়। ভবিষ্যতের কথা সে ভেবেছে, বুড়ো হলে সে আর ঝরঝরে রিক্সা টানবে না। ক্ষিধে আর শীতেও সে কষ্ট পাবে না। এখন সে যেরকম খাটছে, ভবিষ্যতে সে জিতবেই।

হাওয়া-গাড়ি দ্বারা চালায়, তাদের সঙ্গে তার মিল আছে। তারা অবিভক্তি, রিক্সাওয়ালা বলে তাকে হেনস্তাই করে; ভাবে, রিক্সাওয়ালার সঙ্গে কথা বললে বুকি তাদের জাত যাবে। ও যেমন বুড়ো রিক্সাওয়ালাদের করুণা করে, তারাও ঠিক ওকে সেই চোখেই দেখে। কিন্তু কেন যে এমন হয়? একই নরকে তো ওরা সবাই পচছে—শুধু একটু বেশি আর কম এই যা! তারা কখনো এক কাঠঠা হওয়ার কথা ভাবে না, নিজের নিজের পথে চলে। তারা আশায় অন্ধ হয়ে ভাবে, এমন করেই বুঝি নিজের নিজের অবস্থা ফিরিয়ে ফেলবে। জীবনযুদ্ধে একা ঝাপিয়ে পড়ে, ক্ষতবিক্ষত হয়—অন্ধকারে হাত্ড়ে বেড়ায়—কিন্তু সংঘবদ্ধ হয়ে দাঁড়াতে জানে না। খুশিও এদেরই সগোত্র। সে কারো কথা ভাবে না। কারো দিকে তাকিয়েও দেখে না। শুধু নিজের টাকা আর ভবিষ্যতের ভাবনায়ই সে মশগুল। কি হবে ভেবে? মরুক না ওরা—সে বাঁচবে, ভালো করে বাঁচবে।

বছর শেষ হয়ে এল। খটখটে শুকনো দিন—উজ্জল দিন। দমকা ঝোড়ো হাওয়া নেই। দোকানে দোকানে নতুন বছরের ছবি, রঙীন কাগজের লগ্নন, সাদা লাল মোমবাতি, মেয়েদের চুলে পরবার জুতো সিকের ফুল, দেবদূতের মূর্তি ধরে ধরে সাজানো। দেবদূতের ছোট ছোট মূর্তি বিক্রির এই মরশুম। সবাই কিনে নিয়ে কুলুঙ্গীতে রেখে দেয়, মধু দেয় তার মুখে। একবছর ধরে পৃথিবীতে ষত অনাচার অবিচার হয়েছে, সেকথা যদি দেবদূত ভগবানকে বলে দেয়—



তাহলে তো সর্বনাশ! তাই মধু দিয়ে মুখ মিষ্টি করে রাখে—বলতে চাইলেও দেবদূত সবকথা বলতে পারবে না। বহু পুরনো কাল থেকে এই রীতি চলে আসছে।

নতুন জীবনের সাড়া পড়ে গেছে। কিন্তু একটু আধটু অশান্তিও মনের কোণে জমে উঠছে বইকি। 'নতুন বছর এল, আমোদ-প্রমোদে কিছু খরচ তো হবেই। কিন্তু খরচ করবে কোথেকে। খুশির ওসব বালাই নেই। বরং মন তার আহ্লাদে ভরে উঠল। চাও পরিবার থেকে মোটা বকশিস পেতে হবেই। নিশ্চয়ই নানা বন্ধুবান্ধবকে উপহার তারা পাঠাবেন—আর ওকেই দিয়ে আসতে হবে সে সব উপহার। কি বারে যদি তিরিশ সেন্ট—না হয় বিশ সেন্ট করেই পায়—তাহলেও রোজগার মন্দ হবে না। তাছাড়া কত লোক তো মনিবের সঙ্গে দেখা করতেই আসবে, তাদের বাড়ি পৌছে দিলেও সে কিছু বকশিস পাবে। সব মিলিয়ে বেশ মোটাই হবে রোজগার। সব রোজগার সে চোনে মাটির ঘটে রেখে দেবে। তারপর অনেক রাতে শুয়ে শুয়ে ঘটের দিকে তাকিয়ে থাকবে। পয়সা রাখবার ফন্দিটা সে ভালোই ঠাউরেছে। পোস্ট অফিসের বই, টাকা হুদে খাটানো—ওসব জোচ্চুরি ছাড়া কিছুই নয়। তার চেয়ে ঘটই ভালো। পয়সা সে মোটা পেটের ভিতরে গিলে ফেলবে বটে, কিন্তু উগরে কখনো দেবে না। এমনি করে গিলতে গিলতে যখন পেট ফুলে ঢোল হয়ে উঠবে, তখন বার করে নিলেই চলবে। এখন থাক, যত খুশি থাক না!

নতুন বছরের উৎসবের দিন এগিয়ে এল। চারদিকে তোড়জোড় চলছে। সবাই নতুন বছরে কি করতে হবে, তারই খসড়া করছে, পুরনো খাতা ঠিক করছে। এখনো চব্বিশ ঘণ্টায়ই দিন কাবার হয়, কিন্তু বছরের অল্প দিনগুলির মতো অকাজে ফুস করে উড়ে যায় না। নিজের পেছাল খুঁশিতে উড়িয়ে দেওয়ারও উপায় নেই। এ পুরনো বছরের হিসেব নিকেশ করতে হবে—তবে তো নতুন বছরের আনন্দ চুনিয়ে উপভোগ করা যাবে। গোঁজামিল দিলে চলবে না। সময়েরও যেন চেতনা ফিরে এসেছে, উদ্দিপনাময় হয়ে উঠেছে—সবাইকে জোর করে টেনে নিয়ে চলেছে, খুশি কাজ করিয়েদের দলে। আনন্দে সে যেন ফেটে পড়ছে। পথে পথে লোকের ভীড়, ফেরিওয়ালার হাঁকডাক—নতুন বছর এলো বলে। উৎসবের ভালো খাবার খাবে, নতুন পোশাক পরবে—এই স্থানন্দে সে খুদে খোকার মতোই নেচে উঠল।

সে ঠিক করল, আটসেন্ট কি একডলার খরচ করে ন'কর্তা লিউর জন্তে একটা উপহার কিনে আনবে: 'সামান্য এই উপহার, কিন্তু ভালোবাসা এতে জড়িয়ে আছে'। হ্যাঁ, একটা কিছু কিনতে হবেই। এতদিন ন'কর্তার সঙ্গে দেখা করতে যায়নি বলে লজ্জা করছে। তা উপহার নিয়ে গেলে লজ্জাও খানিকটা কমবে, তাছাড়া বুড়ার কাছে গচ্ছিত তিরিশ ডলারেরও একটা হিল্লো হয়ে যাবে, এই ভেবে

সে চীনেমাটির ঘটটা কানের কাছে নিয়ে নাড়লশ বনবন শব্দ হচ্ছে, ওর পেটে তিরিশটা ডলার পড়লে আরো মিষ্টি শব্দ বেরবে। একবার টাকাটা ফিরে পেলে হয়, তাহলে আর দুশ্চিন্তা থেকে মন হালকা হয়ে যাবে। \*রোজই সে এমনি করে ঘটটা নেড়েচেড়ে দেখে।

সেদিন সন্ধ্যায় সে নিজের ঘরে শুয়ে শুয়ে ঘটটা নিয়ে নাড়ছিল। এমন সময় কাও-মা এসে খবর দিল।

খুশি, একটা ছুঁড়ী তোমার খোঁজ করছে। ফটকের স্তম্ভে দাঁড়িয়ে আছে।

খুশি তাড়াতাড়ি ঘর থেকে বেরিয়ে এল। কাও-মা ধীরে ধীরে বলল—কি ছিরিই ছুঁড়ীর—একটা ঐকাণ্ড কালো প্যাগোডা—মাগো, দেখলে ভয় লাগে!

খুশির মুখখানা লাল হয়ে উঠল, যেন আগুন ধরে গেছে মুখে। সে বুঝতে পারল, কে এসেছে দেখা করতে। আর উপায় নেই, এত আশা, আকাঙ্ক্ষা সব ভেসে গেল।

খুশি উঠোন পার হয়ে চলল। চলবারও যেন শক্তি তার ফুরিয়ে গেছে? এই মাথা ঘুরছে, কোনো রকমে সে ফটকের কাছে এসে দাঁড়াল। বাঘিনীকে এখান থেকেই দেখা যাচ্ছে। পথের আলোর নিচে দাঁড়িয়ে আছে। মুখে বোধ হয় খুব পাউডার ঘষেছে। আলো পড়ে রংটা কেমন ধূসর দেখাচ্ছে—যেন পচা, শুকিয়ে কালো হয়ে যাওয়া পাতার উপর পড়েছে সাদা বরফের আন্তরন। খুশির কেমন ভয় হোলো। চোখ তুলে বাঘিনীর মুখের দিকে সে তাকাতে পারল না।

বাঘিনীর ভাবখানাও বোঝা যায়। চোখে খুশিকে দেখার আনন্দ বলসে উঠছে; ঠোটে হাসি, ন'কত' একটু কুঁচকে আছে—হয়তো তার মতো সস্তাস্ত মেয়েকে খুশির সঙ্গে দেখা করতে এসেছে বলেই এই অবজ্ঞা, চোখের তারা দুটি জ্বল জ্বল করছে; মুখে একগাদা পাউডার বরফের গুঁড়োর মতো লেগে আছে, কেমন একটা মাদকতা যেন জড়িয়ে আছে। কিন্তু শয়তানি ভরা মুখ, ঠোটে দৃঢ়তা, কি একটা ব্যাপারে হেস্তুনেস্ত করতেই সে এসেছে।

খুশিকে দেখে তার ঠোঁট দুটো চিরে হাসির ঝলক বেরিয়ে এল। একটু ঢোক গিলে সে ঠাট্টা করেই বলল: ভালো লোক বাহোক! একতাল মাংস নিয়ে কুকুরটার দিকে ছুঁড়ে দিলাম, কুকুরটা কিন্তু পালিয়ে গেল, আর ফিরে এল না! তেমনি উত্তেজিত, কর্কশ তার স্বর। রিক্সাওয়ালাদের সঙ্গে পাওনা নিয়ে বচসা করবার সময় এমনি স্বরই খুশি শুনেছে। কথাটা বলে বাঘিনী চুপ করল। মুখের হাসি নিবে গেছে, নিজেই সন্তা করে ফেলছে বলেই বৃষ্টি লজ্জিত হচ্ছে। বাঘিনী ঠোঁট কামড়ে চুপ করে গেল।

দোহাই তোমার, টেচিয়ো না! খুশি তার সমস্ত শক্তি উজাড় করেই বৃষ্টি বলল। আন্তেই সে বলল, কিন্তু বেশ কড়া শোনাল।

হাঁ! ভয় পাইয়ে দিলে যে। বাঘিনী হাসল, তারপর নিচুস্বরে বলল, তা এখন তো এড়াতে চেষ্টা করবেই—এখানে বোধ হয় আর একটা জুটিয়েছ। আমি আগেই জানি, তুমি খেলার পুতুলটি নও। ওই বোকা বোকা চেহারা নিয়ে আকর্ষণ চোখেই ধুলো দাও, আমার চোখে ধুলো দিতে পারনি বাছা। গলা তার ধাপে ধাপে চড়তে লাগল।

টেঁচিয়ো না খলছি ! খুশির ভয় হোলো, কাও-মা বোধ হয় দোরের আড়ালে দাঁড়িয়ে তাদের কথা শুনেছে। টেঁচিয়ো না, চলো যেতে যেতে কথা হবে'খন।

ওঃ, ভয়েই মলাম ! অতো ভয় আমার নেই। আমি জোরেই কথা বলি, অমন ইনিয়েবিনিয়ে বলতে পারিনে। বাঘিনী ওর সঙ্গে সঙ্গে চলতে লাগল।

ওরা বড় সড়ক ছাড়িয়ে একটা গলিতে ঢুকে পড়ল। গলির গায়েই পার্কের নাল দেয়াল। খুশি একবার চারদিকে তাকিয়ে দেখে জিজ্ঞেস করল : কি জন্ত এসেছ ?

কি জন্ত এসেছ ? ওঃ সোহাগে একেবারে গলিয়ে দিলে দেখ না ! কারণ আছে ইকি, নইলে তোমার মতো মিনসের কাছে ধরনা দেব কেন ? শুখুনি তাকিয়ে দেখল বাঘিনী পেটে হাত দিয়েছে। পোশাকের ভেতর দিয়ে ধনুকের মত বেকে আছে পেট। বাঘিনী চোখ নিচু করে কি যেন ভাবল, তারপর আন্তে আন্তে বলল, খুশি, বড় অল্পবয়সী ব্যাপারেই তোমার সঙ্গে দেখা করতে এসেছি।

অমন মিষ্টি 'খুশি' ডাক সে কখনো শোনেনি, তার রাগ গলে জল হয়ে গেল। সে বাঘিনীর দিকে তাকিয়ে দেখল। বাঘিনীর এমন কিছু দেহ সৌষ্ঠব নেই, সে গালোবাসতে পারে, কিন্তু কানে এখনো ঘুরছে সেই মিষ্টি ডাক—অমন ডাক সে আগে যেন কোথায় শুনেছে। এ যেন এক অল্প বাধন—ছিঁড়তে ইচ্ছে করলেও ছেঁড়া যায় না, মন চায় না। খুশি জিজ্ঞেস করল। তার পর এখনো নিচু, কিন্তু ভাবাবেগে  
৪।

কি ব্যাপার, বল ?

খুশি। বাঘিনী তার কাছে এসে ঘন হয়ে দাঁড়াল, খুশি, আমার—

কি হয়েছে তোমার ?

এই যে। বাঘিনী পেটে হাত দিয়ে দেখাল, বলে দাও, এখন আমি কি করব ? খুশির মাথায় হাত দিল, তার মুখ থেকে একটা অস্ফুট শব্দ বেরিয়ে এল। সে সব বুঝতে পেরেছে। হাজার হাজার এলোমেলো ভাবনা উড়ে আসছে তার চেতনায়—এত দ্রুত তাদের গতি, এত বিশৃঙ্খল তারা যে বুকে শুক হয়েছিল প্রচণ্ড আলোড়ন ম যেন কেমন হয়ে গেছে। একতাল শুভ্র শূন্যতা—না, তার চাইতে বেশি কিছু নয়। একটা ছায়াছবির পর্দা যেন, ছবি হঠাৎ মিলিয়ে গিয়ে শূন্যতা ফুটে উঠেছে। পথ ঘনশূন্য, উপরে আকাশে চাঁদ ধূসর মেঘে ঢাকা, শুকনো পাতা উড়িয়ে দিয়ে জোরে ইচ্ছে হাওয়া। বিড়ালের কান্না ভেসে আসছে, অশুভ কান্না।

খুশির মন একেবারে ফাঁকা—তার চারধারে প্রকৃতি যেন শুক হয়ে গেছে। মাথা ইট করে চিবুক ধরে সে অনেকক্ষণ বসে রইল। মাটি যেন ছলে ছলে উঠছে। কিছুই সে ভাবতে পারছে না, ভাবতে চাইছে না। এই একটি মুহূর্তের উপরই

নির্ভর করছে তার জীবন, এর পিছনে শুধু শূন্যতা থা থা করছে। হাত পা ঠাণ্ডা হয়ে আসছে।

এখানে বসে থেকে কি হবে! ওঠ! বাঘিনীরও বুঝি ঠাণ্ডা লেগেছে, সে পথ চলতে চায়।

খুশি উঠে পড়ল। বাঘিনীর স্বরে ঠাট্টার আয়েজ সে সইতে পারছে না। দুজনে চলতে লাগল উত্তর দিকে। কি সে বলবে, ভেবে পেল না। সারা দেহ ঘেন ঠাণ্ডা মেরে গেছে। কোনো ব্যবস্থাই তুমি করবে না খুশি? বাঘিনী খুশির মুখের পানে তাকাল। তার স্বরে ভালোবাসা ঝরে পড়ছে।

খুশি চুপ করে রইল, কিছু বলতে পারল না।

সাতাশে তারিখ আসছে, সেদিন বুড়োর জন্মদিন। তুমি অবিশি অবিশি, এসো কিন্তু—

তখন যে ভারী ব্যস্ত থাকব, নতুন বছর আসছে না? খুশির সব গোলমাল হয়ে গেলেও আসলে সে ঠিকই আছে। নিজের কাজের কথা সে ভুলতে পারেনি।

তা আসবে কেন—আদর করে নেমস্তন্ন করলুম কিনা! গালাগাল না দিলে তোমাকে দিয়ে কোনো কাজ করানো যাবে না। বাঘিনীর স্বর আবার কর্কশ হয়ে উঠল। রাতের নিস্তব্ধতা খানখান হয়ে গেল। খুশির মনে হোলো, এ তো স্বর নয়, পাগলের চিৎকার।

ভেবেছ আমি ভয় পেয়েছি। এখন যা বলবে, মুখ বুজে সব সয়ে যাব? আমাকে তেমন মেয়ে পাওনি বাপু। আমার কথা না শুনলে, কি হয় দেখো। এ-বাড়িতেই কি টিকতে পারবে ভেবেছ! তিনদিন তিন রাত্তির গালাগাল দিয়ে ভূত ভাগিয়ে দেব না। না না, আমি তর্ক-বিতর্ক করব না—কার দোষে ব্যাপারটা ঘটেছে খতিয়ে দেখতেও যাবো না।

না চেষ্টিয়ে কথা বলতে পারো না? খুশি একটু দূরে সরে গিয়ে বলল।

ওঃ, আবার ধমক দিচ্ছেন! আমার চেষ্টানো আজকে তো ভালোই লাগবে না, কিন্তু সেদিন তো ওসব কথা মনেই ছিল না, তখন মুফোত পেয়েছিলে? আজ আমি চেষ্টিয়ে কথা বলি, আমার গায়ে গল্প অসহ্য হবেই। তারমানে পেটের কাঁটা আমিই বয়ে বেড়াব, তোমার গায়ে কোনো আঁচই লাগবে না। চোখের মাথা কি খেয়েছ, একবার তাকিয়েই দেখ না ছাই।

বেশ, তোমার যা বলবার আছে বলে যাও। খুশি এতক্ষণ বাঘিনীর কথা শুনছিল বটে, কিন্তু উত্তেজনা বোধ করেনি। এবার সে উত্তেজিত হয়ে উঠল। প্রতি রোমকূপ দিয়ে ঘেন গরম চুইয়ে পড়ছে, সমস্ত শরীরে জ্বালা ধরে গেছে, মাথাটা ঘুরছে।

ব্যাপারটা এইখানেই শেষ হবে না। শুধু শুধু ঘোরালো করে করে লাভ কি বল? বাধিনী হাসল, ওর নেকড়ে-দাঁত দুটো বেরিয়ে পড়েছে। আমাকে বুঝি বিশ্বাস হচ্ছে না তোমার? তোমাকে আমি খুব ভালোবাসি। আর তাছাড়া তোমার ভালোর জন্যেই তো বলছি বাপু! বাঁড়ের মতো গর্দান ফুলিয়ে থাকলে কোনো ফলই হবে না—একথা বলে দিচ্ছি।

দেখো—খুশি বলতে চাইলে, আমার গালে খাবড়া কষিয়ে দিয়ে তারপর বারবার হাত বুলিয়ে দিলেও কোনো লাভই হবে না, কিন্তু পুরো কথাটা মনে করতে পারল না। পিকিঙ-এ প্রচলিত অপভাষা সে একটু-আধটু জানে, কিন্তু বলতে গেলে কেমন গোলমাল হয়ে যায়। অল্প কেউ বললে সে বুঝতে পারে, কিন্তু নিজেকে কিছুতেই মুখ ফুটে বলতে পারে না।

কি বলবে বল? বাধিনী কথেকে দাঁড়াল।

না না, আমি কিছু বলতে চাই না, তুমিই বল?

দেখ, আমার মাথায় একটা ফন্দি এসেছে। বাধিনী ওর কাছে এসে মুখের কাছে মুখ নিয়ে বলল; তুমি মামুলি প্রথামতো ঘটক পাঠিয়ে বাবার কাছে প্রস্তাব কর, বুড়ো ঠিক অমত করবে। সে বছরিকার মালিক, আর তুমি একজন সামান্ত রিক্সাওয়ালা—সে অতো নিচে নেমে তোমাকে জামাই করতে রাজি হবে না। আমার কথা অবিশ্রি আলাদা—আমি ওসব কেয়ার করি না। তোমাকে ভালোবাসি, সেই তো যথেষ্ট। তুমি কি কর না কর তা দিয়ে আমার কি দরকার?

কিন্তু বুড়ো ভারী সেয়ানা। নানা ফঁকড়া তুলতে ওস্তাদ। আগে তো দেখেছি, যখনই কেউ আমার বিয়ের কথা পেড়েছে, বুড়ো তাকে হাঁকিয়ে দিয়েছে। তার ভারী ভয়, আমাকে বিয়ে দিলেই খানকয়েক রিক্সা বেহাত হয়ে যাবে। তোমার চাইতে ঢের ঢের বড়োলোকের সঙ্গে সখস্ব এসেছে, ভেঙে গেছে, আমার যেমন বরাত, আইবুড়োই রয়ে গেলাম। তাই এবার ঠিক করেছি, নিজেই একটা গোয়ামী ঘোগাড় করে নেব, তা তোমাকেই আমার পছন্দ। তাছাড়া তুমি তো আমার সর্বনাশ করে ছেড়েছ—এখন তো আর ছেড়ে পালাতে পারবে না!

কিন্তু তাই বলে এখনি তোমার হাত ধরে বাপের বাড়িতে গিয়ে ঢুকছি না। বুড়োর আজকাল ভীমরতি ধরেছে। কোনো রকমে ব্যাপারটা ঢের পেলে, কি জানি হয়তো একটা ছুঁড়ীকেই বিয়ে করে বসবে। তখন তো একুল ওকুল দুইই যাবে। সস্তর বছর বয়স হলে কি হবে, এখনো বেশ শক্ত। বিয়ে করলে এখনো দু-তিনটে ছেলে মেয়ের জন্ম দিতে পারে—একথা আমি তোমাকে হালফ করে বলতে পারি।

চলো, হাটতে হাটতে কথা বলি, খুশি দেখতে পেল বীটের পাহারাওয়ালারা  
আশেপাশে ঘুরঘুর করছে।

না, এইখানেই কথা বলব। একে বাধা দেয় দেখি? এবার পাহারাওয়ালার দিকে  
তার নজর পড়ল। কি হয়েছে? তুমি তো আর এখন 'রিক্সা' চালাচ্ছ না যে  
ওকে ভয় করতে হবে? বিনা কারণে ও এসে আমাদের কামড়ে দেবে না।  
যা বলছিলাম শোনো, মিছে সময় নষ্ট করে লাভ নেই।

এখন আমার ফন্দিটা তোমাকে বলি। বুড়োর জন্মদিন সাতাশে তারিখে,  
সে দিন তুমি অবিশ্রি অবিশ্রি যাবে। নতুন বছরের দিনও গিয়ে একবার দেখা  
করে আসবে। 'তোমার উপর এমনই বুড়ো খুশি, আরো খুশি হয়ে যাবে।  
আমিও থাকব, স্ত্রীসংগে বুড়োকে কয়েক পেয়লা মদ খাইয়ে দেবখন, বুড়ো  
মদ খেলে একেবারে গলে জল হয়ে যায়। তুমি তখন কথা পাড়বে যে, তোমার  
বাবা নেই, সে-ই তোমার ধর্মবাপ।

তারপর কয়েকদিন গেল আমি ব্যাপারটা ভেঙে বলব। বুড়ো খুঁটিয়ে খুঁটিয়ে  
সব কথা জিজ্ঞেস করবে? আমি গল্পের সেই জেনারেল চাও-এর কাছে বন্দী করে  
আনা সেনাপতির মতোই ভাণ করব। প্রথমটায় এমন চূপ করব, যেন লজ্জায়  
কোনো কথাই বলতে পাচ্ছি না, তখন বুড়ো নিশ্চয়ই খেপে যাবে। তখন  
চিয়াওর নাম বলব। দিন কয়েক হোলো সে মারা গেছে। তার আত্মীয় স্বজনও  
নেই, বুড়ো তাকে আর ধরবে কোথেকে?

বুড়ো ভেবে কুলকিনারা করতে পারবে না, ঠিক এমনি সময় হাওয়াটা তোমার  
দিকে বইল্ল দেব, যাতে তুমি আমাকে বিয়ে করতে পার। তার পথও তখন  
খানিকটা তৈরী হয়ে গেছে, বুড়োকে তুমি ধর্মবাপ ডেকেছ, তোমাকে জামাই  
করতে দোষ কি! এমনি করেই এই বিচ্ছিন্ন ব্যাপারটার স্তরাহা হবে। কি,  
ফন্দিটা মনে ধরেছে তো?

খুশি কোনো কথা বলল না, চূপ করে রইল।

বাণিনী কথা শেষ করে উত্তর দিকে চলতে শুরু করল। মাথা নিচু করেই  
সে চলছে, মনে মনে নিজের অভিনয়ের নিজেই তারিফ করছে। খুশি তার পেছনে।

হঠাৎ হাওয়া ধূসর মেঘের আন্তরগে ফাটল ধরিয়ে দিল, চাঁদের আলো  
চলকে পড়ল পথের উপর। নিষিদ্ধ নগরী। চারদিক নির্জন, কোথাও একটি  
টু শব্দ নেই—অন্ধকারে মাথা উচু করে দাঁড়িয়ে আছে প্রাচীর, প্যাগোডার চূড়া  
দেখা যাচ্ছে, জ্যোৎস্নায় তারা যেন স্বর্গীয় কোনো বাণীর প্রতিধ্বনির শেষ বেশটুকু  
স্নানবার জন্ত কান পেতে উন্মুখ হয়ে আছে। দেয়ালের উপর দিয়ে বাতাস  
বয়ে গেল, নিষিদ্ধ নগরীর কন্দরে কন্দরে তারই সাড়া জাগল। কি বলছে

বাতাস কে জানে? হয়তো কোনো পুরনো দিনের রূপকথাই ফিস ফিস করে বলে গেল।

বাঘিনী পশ্চিম দিকে চলেছে, তাকে অমস্বরূপ করছে খুশি। মমর সেতু নির্জন—পথিকের পদধ্বনির শব্দ উঠছে না। রাতের আলো-আঁধারে সেতুর দুপাশে বরফের বিরাট বিস্তৃতি জ্যোৎস্নায় ঝলসে উঠছে। পথিককে যেন সে বলছে, ওরে তুই একা, একা। খুশি শিউরে উঠল, এগুবার আর তার সাহস নেই।

যখন সে রিক্সা নিয়ে সেতুর উপর দিয়ে চলে যায়, পা পিছলে যাওয়ার ভয়ে দুপাশে তাকিয়ে দেখে না। কিন্তু আজ চারিদিকে সে তাকিয়ে দেখল। দুপাশে ভড়িয়ে আছে বরফ—চাঁদের আলো এসে পড়েছে—হৃন্দর বটে কিন্তু ভয়ে বুক কঁপে ওঠে। ঠাণ্ডা ঠাণ্ডা বরফ; গাছের ছায়া ছলে ছলে উঠছে, বিষন্ন শ্রুতি নিয়ে দাঁড়িয়ে আছে বিরাট প্যাগোডা—সবই যেন কেমন নিঃসঙ্গ। খুশির ভয় হোলো, এখুনি হয়তো ওরা চিৎকার করে উঠবে, পাগলের মত তার উপর ঝাঁপিয়ে পড়বে। এমন কি সাদা সেতুটাও যেন অপরিচিত, নিতান্ত অবাস্তব; পথের আলোগুলোর চাউনি কি করণ। সে আর এক পা নড়বে না, চারদিকে তাকাবেও না। বাঘিনীর সঙ্গে যেতে তার ইচ্ছে নেই। কিন্তু কি সে করবে? খুশি ভেবে শিউরে উঠল। সেতুর উপর থেকে সে ঝাঁপিয়ে পড়তে চায়, বরফের ভিতরে মাথা গুঁজে পড়ে থাকতে চায়, প্রকাণ্ড মরা মাছের মত বরফে জমে যেতে চায়।

হঠাৎ সে ঘুরে দাঁড়িয়ে বলল, কাল দেখা হবে। তারপর জোরে চলতে লাগল। খুশি, সাতাশে আসছ তো? বাঘিনী ছুড়ে মারলে কথাটা। তারপর প্যাগোডার দিকে তাকিয়ে একটা দীর্ঘনিশ্বাস ফেলে পশ্চিম দিকে চলতে শুরু করল।

খুশি একবার ফিরেও তাকাল না। তার পাশে পাশে যেন সময়মান চলছে, হঠাৎ একটা দেয়ালে তার মাথা ঠুকে গেল। সে কাঠের মতো ঠায় দাঁড়িয়ে রইল।

খুশি, খুশি, এদিকে এস। আবার বাঘিনীর স্বর। কয়েক পা সে এগিয়ে গেল, বাঘিনীও ফিরে এসেছে।

একটা জিনিস দেবার জন্তেই ফিরে এলাম। বাঘিনী তার কাছে এসে দাঁড়াল। তোমার সেই কিছু দিয়ে পুরোপুরি তিরিশ ডলার করে দিয়েছি। এই যে নাও। এবার ভেবে দেখ, আমি ভালো না মন্দ। সত্যি তোমার কথাই তো সারাক্ষণ ভাবি, তোমার জন্তে আমার ভাবনার অন্ত নেই। যাক মুখে বলে আর কি হবে, কিন্তু সময়কালে এই উপকারটুকু ভুলে যেও না। এই নাও, এখন হারালেও আর আমাকে ছুষতে পারবে না।



খুশি নোটগুলি নিয়ে ফ্যাল ফ্যাল করে তাকিয়ে রইল। কথা বলতে সে বুঝি তুলে গেছে।

যাক্ সাতাশে তো দেখা হচ্ছেই—দেখা না হলেও তোমাকে সহজ ছাড়ছিনে। বাঘিনী হাসল। তা তুমিতো বাপু জিতে যাচ্ছ। ভালো করে ভেবে দেখ, বুঝতে পারবে। বাঘিনী চলতে শুরু করল।

নোটের তাড়া নিয়ে খুশি ঠায় দাঁড়িয়ে রইল। বাঘিনীকে আর দেখা যায় না, সেতুর আড়ালে পড়ে গেছে। ধূসর মেঘ চাঁদকে ঢেকে দিচ্ছে, উজ্জলতর হয়ে উঠছে পথের আলোর সার; সেতুটা আরো সাদা, আরো শূন্য দেখাচ্ছে। সে তাড়াতাড়ি চলতে লাগল। বাড়ির ফটকে এসেও মনে হোলো, সেই ঠাণ্ডা সাদা সেতুটা বেন তার কাঁখে চেপে বসেছে, চোখ ফেরালেই তাকে সে দেখতে পাবে।

নিজের ঘরে গিয়ে সে নোটগুলি গুনে দেখল। তিন তিনবার গুনল, মাথার ঘাম নোটের উপর ঝরে পড়ল, চটচটে হয়ে উঠল নোটের তাড়া, কিন্তু তবু গুনতিতে তুল হতে লাগল। গোনো শেষ করে চীনেমাটির ঘটে নোটগুলি গুঁজে রাখল। চিন্তা সে করল না। টাকা যখন আছে, পথ একটা সে হবেই। সব সমস্তার সমাধান করে দেবে তার সঞ্চয়। ভেবে কি হবে। সাদা প্যাগোডা, মর্মর সেতু, বাঘিনী, তার প্রকাণ্ড পেট—ও সব কিছু নয়, স্বপ্ন। স্বপ্ন ভেঙে গেলে তার চীনা মাটির ব্যাক্সের সাঁইক্রিশ ডলার সত্য হয়ে থাকবে।

ষট্টা সে লুকিয়ে রাখল। এবার ঘুমানো দরকার। বিপদ তোমার ঘট বেশিই হোক, ঘুম ঠিক সময় মত পাবেই। আজ সে ঘুমিয়ে নেবে, ও সব নিয়ে আলোচনা করার সময় তো বহু পড়ে আছে।

খুশি বিছানায় শুয়ে পড়ল, চোখে ঘুম এসে না। বোলতার চাক ঘেন মনটা—ভাবনা আসছে যাচ্ছে। কিন্তু হল ফুটিয়ে দিয়ে যাচ্ছে ঠিক।

না, ভাবতে সে চায় না, আর ভাববারও কিছু নেই। বাঘিনী সমস্ত পথ বন্ধ করে দাঁড়িয়ে আছে, তার হাত থেকে পালানো মুশকিল।

সবচেয়ে ভালো হয়, সে যদি শহর ছেড়ে চলে যায়। কিন্তু খুশি শহর ছাড়তে পারবে না। কেউ যদি বলেন, শহরে থাকতে হলে সাদা প্যাগোডা দিন রাত্রি পাহারা দিতে হবে, সে তাতেও রাজি, তবু শহর ছেড়ে একপাও নড়বে না। গাঁয়ে সে যাবেই না। অন্য শহরে যাবে? পিকিঙের মতো শহর আছে না কি? সে পিকিঙ-এ আজীবন থাকবে, এখানেই সে মরবে।

ছেড়েই যখন যেতে মন নেই, তখন ওসব ভেবে লাভ কি? বাঘিনী যখন যেতে বলেছে, যেতেই হবে। তার কথা মতো না চললে, এই ব্যাপার নিয়ে সোরগোল না তুলে ছাড়বে না। পিকিঙ-এ থাকলে বাঘিনী তাকে খুঁজে বার

করবেই। ওর হাত এড়াবার কথাই ওঠে না। ওকে চটালে হয়তো ন'কর্তাকেই সবকথা বলে দেবে। তার তাঁবে আবার সেরা গুণ্ডার দল আছে—যে কোনো সময়ে খুশির দফা রফা করে দেবে।

খুশি আগাগোড়া ব্যাপারটা খতিয়ে দেখল, সে ফাঁদে পড়েছে; হাত পা যেন ইস্পাতের বেড়ি দিয়ে বাঁধা—বাঘিনীর জালে সে জড়িয়ে পড়েছে, ছোট্ট মাছের মতো ফাঁক দিয়ে লাফিয়ে পড়বে—সে উপায়ও নেই।

বাঘিনী তার বিরুদ্ধে ফন্দি এঁটেছে বটে! ভাবতে গেলেই মাথা ঘুরে যায়। মনে হয়, হাজার মণ ভারী পাথর যেন তার কাঁধে চেপে বসেছে, তাকে পলে পলে পিষে ম্লরতে চাইছে। প্রতিরোধের কোনো উপায় নেই। তা রিক্সাওয়ালার বরাত আর কতোই বা ভালো হবে? রিক্সা টেনে টেনেই জান দিতে হবে, অল্প কিছু করবার কাজ নেই। এমনকি একটা মেয়ে তাকে ঠকিয়ে গেল! এখন তাই নিয়ে ভেবে সারা হচ্ছে। ন'কর্তা দশগুণা রিক্সার মালিক, আর তার মেয়ে তো পরলা নব্বয় ধড়িবাঁজ। কেমন জোচ্চুরীর কল পেতেছে! খুশির কাছ থেকে সবকিছু কেড়ে নিয়ে তবে সে খুশি হবে।

না, ভেবেও লাভ নেই। আচ্ছা, ওর কথা মতোই যদি সে কাজ করে? ন'কর্তার কাছে গিয়ে তাকে ধর্মবাপ ডাকবে, তারপর ঐ শয়তানটাকে বিয়ে করে ফেলবে—কেমন হয় তাহলে? আর তাছাড়া উপায়ও নেই—বাঘিনী ওকে সহজে ছেড়ে দেবে না। এ যে বিয়ে করলেও সর্বনাশ, না করলেও সর্বনাশ।

সে যেন তোমার একটা কুকুর, মার খাওয়াই যার অভ্যাস। আশেপাশের ছেলেমেয়েরাও অকারণে তাকে লাঠিপেটা করে যায়। এই তো বরাত—ভেবে আর কি হবে? সে গুড়িয়ে যাবে, রেগু রেগু হয়ে যাবে—এই যখন তার বরাত তখন আর পালাবার চেষ্টা করে লাভ নেই। যা আছে বরাতে তাইই হোক।

ঘুমুতে সে পারল না। কবলটা ছুঁড়ে ফেলে দিয়ে উঠে বসল। এখন মদ চাই, চোঁ চোঁ করে এক বোতল মদ খেয়ে সে এই ভাবনা তলিয়ে দেবে, মাতাল হবে। তাহলে বুঝি সব ভাবনা চিন্তা, রীতি নীতি সে জলাঞ্জলি দিতে পারে। হাঁ হাঁ, মাতাল হবে, বেহঁস হয়ে পড়ে থাকবে! সাতাশে তারিখ? না না, সে কারো পায়ে মাথা খুঁড়তে যাবে না, কাউকে ধর্মবাপ বলতেও পারবে না, তা সে সাতাশে কি আটাশে যে তারিখই আশ্বক না। দেখি তাকে দিয়ে কেমন করে বাপ বলায়?

কামিজটা গলিয়ে হাতে চায়ের বাটি নিয়ে সে বেরিয়ে পড়ল।

হাওয়া আরো জোরে বইছে; আকাশে এক ঢিলতে মেঘ নেই; সব হাওয়ায় উড়ে গেছে। চাঁদ আকাশের এক টেরে ফ্যাকাসে হয়ে গেছে, কেমন মরাচাউনি যেন। কনকনে ঠাণ্ডা। সবে সে গরম বিছানা থেকে উঠে এসেছে, ঠাণ্ডা যেন রিক্সাওয়াল।

কামিজ ফুঁড়ে শরীরে ঢুকছে, নিশ্বাস ঘন ঘন পড়ছে। \* গুথু একজন লোকও চলছে না, একধারে খানকয়েক রিক্সা থেমে আছে। রিক্সাওয়ালারা জোঁরের হেঁটে গা গরম করে নিচ্ছে, কান হাত দিয়ে ঢেকে রেখেছে।

এক ছুটে খুশি দক্ষিণ দিকের দোকানটায় ঢুকে পড়ল। জানলা দরজা বন্ধ, একটা ছোট ফোঁফর তার ভিতর দিয়েই বেচাকেনা চলছে। খুশি কিছু বাদাম আর মদ কিনল। তার পর পেয়ালাটা নিয়ে পা টিপে টিপে নিজের ঘরে ফিরে এসে বিছানায় এলিয়ে পড়ল।

মদের পেয়ালাটা টেবিলের উপর রয়েছে, পানসে গন্ধে ভরে গেছে ঘর। খেতে ইচ্ছে করছে না।

অনেকক্ষণ সে চুপ করে শুয়ে রইল। মদের পেয়ালাটা টেবিলের পাশে রয়েছে। হাত বাড়িয়ে নিজে এক চুমুকে শেষ করে দিলেই হোলো। না, সে নিজের সর্বনাশ করতে পারবে না। জড়িয়ে পড়েছে তো কি হয়েছে? মদ সে ছোঁবে না বলেই প্রতিজ্ঞা করেছিল—সে প্রতিজ্ঞা ভাঙবার তার সাধ্য নেই। ব্যাপারটা খুবই ঘোরাল বটে, কিন্তু এতটুকু একটা ছেঁদাও কি মিলবে না, যার ভিতর দিয়ে সে বেরিয়ে আসতে পারে? আর বেরিয়ে আসতে না পারলেও, মদ খেয়ে সে আরো সর্বনাশ টেনে আনতে চায় না—একটা গর্ত থেকে বাঁচতে গিয়ে আর একটা গর্তে পড়তে সে রাজি নয়। দেখাই যাক না ব্যাপারটা কি দাঁড়ায়?

আলোটা নিবিয়ে দিয়ে কয়ল মুড়ি দিয়ে পড়ে রইল। সে ভাবল, এইভাবে কিছুক্ষণ থাকলেই ঘুম পাবে। কিন্তু ঘুম এল না। কয়ল ছুড়ে ফেলে উঠে বসল। চাঁদের আলো কাগজের শাঙ্গির উপর আবছা হয়ে এসেছে, শীগ্‌গিরই ভোর হবে। নাকের ডগা ঠাণ্ডা হয়ে গেছে, মদের গন্ধ উঠছে, স্বীন গন্ধ। হঠাৎ সে হাত জড়িয়ে পেয়ালাটা নিয়ে এক চুমুকে শেষ করে দিল।

## দশ

লড়িয়ে ফড়িঙ লড়াইয়ে তার গোদা গোদা ঠ্যাঙ-এর সাহায্যে কোনোরকমে গড়িয়ে গড়িয়ে চলে—খুশির হোলো ঠিক সেই দশা। জীবনের কোনো মানেই সে আর খুঁজে পেল না। এখন দিনের পর দিন কোনোরকমে কাটিয়ে দিলেই হোলো। জীবনের লক্ষ্য সে হারিয়ে বসে আছে, লাফিয়ে চলার পথে পড়েছে বাধা। এ যেন ঠ্যাঙ হারানো ফড়িঙ। একদিন সাহস ছিল, ছিল শক্তি; আজ আর কিছুই নেই।

সাতাশে তারিখের এখনো দশ দিন বাকি—কিন্তু এরই মধ্যে ঐ দিনটার ভাবনা তাকে আচ্ছন্ন করে ফেলেছে, আর কিছু সে ভাবতে পারে না, বিড়বিড় করে সে শুধু ঐ নামটাই উচ্চারণ করছে, সাতাশে তারিখেরই স্বপ্ন দেখছে। কোনো রকমে ঐ সর্বশেষ দিনটা যদি সে পার হয়ে যেতে পারে, সে উদ্ধার পাবে, জীবনের পথ সহজ সরল হয়ে যাবে। কিন্তু উদ্ধার কি পাবে? সে তো জানে, উদ্ধার পাবার তার কোনো উপায়ই নেই।

আচ্ছা, যদি এখান থেকে দূর চলে যায়? যে কটা টাকা হাতে আছে নিয়ে সে সরে পড়তে পারে, টিয়েন্টসিনে যেতে পারে? সেখানে গিয়ে রিক্সা টানা ছেড়ে দিয়ে অল্প কিছু করবে—ভাগ্যে থাকলে ফেঁপেও উঠতে পারে। আচ্ছা, বাঘিনী যদি সেখানেও ধাওয়া করে? দূর—অত দূর সে আর যাবে না। খুশির বিশ্বাস, ট্রেণে দূরের পথেই যেতে হয়, বাঘিনী অতদূর যেতে সাহসই করবে না।

ফন্দিটা চমৎকার বটে! কোনো উপায় না থাকলে টিয়েন্টসিনেই সে পালাবে। কিন্তু পিকিঙ-এ থাকতেই তার ইচ্ছে। কোনো রকমেই কি এখানে থাকা যায় না। অনেক সে ভাবল, ভাবতে ভাবতে মাথা গরম হয়ে গেল। সাতাশে তারিখ এগিয়ে আসছে। কোনো রকমে সে যদি এড়িয়ে যেতে পারে তাহলে বেঁচে গেল। আর যদি তা সম্ভবও না হয়, সাতাশে তারিখ তাড়াতাড়ি চলে গেলেই ভালো, যা হবার হবে। এই অবস্থি সে আর পোয়াতে পারে না। তারিখটা চলে গেলে আর তো ফিরে আসবে না!

কিন্তু কি করে সে এই তারিখটাকে পাশ কাটিয়ে যাবে? দুটো ফন্দি তার মাথায় ঘুরছে। এক হয়, বুড়োর জন্মদিনের নিমন্ত্রণে যদি সে না যায়। আর একটা উপায়ও আছে। তেমন তেমন বৃহলে বাঘিনীর কথামতোই সে

কাজ করবে। দুটো ফন্দি যদিও একেবাহে আসাদা, কিন্তু ফল বোধ হয় একই হবে। সে নিমন্ত্রণ রাখতে না গেলে ব্যাপারটার যতসই কোনো ফলসাহায্যই হবে না; আর গেলে তো কথাই নেই। বাঘিনী ছেড়ে দেবে না, শাস্তি তাকে দেবেই।

তার মনে আছে, যখন প্রথম রিক্সা চালাতে শুরু করে, অল্প রিক্সাওয়ালাদের সে নকল করত। গলি ঘূঁজি দেখলেই সে রিক্সা নিয়ে ঢুকে পড়ত—ভাবতো এতে পথ অনেকখানি সোজাই বুঝি হবে। একবার মুশকিলেও পড়েছিল। গলির গোলক ধাঁধায় পড়ে হারান হয়েছিল। সে এক মজার ব্যাপার। যেতাই সে ছোট্টে, দেখে সেই একই জায়গায় বার বার এসে পড়েছে। এমনি একটা গোলক ধাঁধায়ই সে পড়েছে। যেদিকেই সে ছুটুক, একই জায়গায় তাকে ফিরে আসতে হবে।

অল্প কোনো সমাধান খুঁজে না পেয়ে, ব্যাপারটার ভালো দিকটাও ভেবে দেখেছে। ধর, বাঘিনীকে বিয়ে করে সে যদি ব্যাপারটা মিটিয়ে ফেলে? আর তা করবেই বা না কেন? কিন্তু যতবার সে এইদিক দিয়ে ব্যাপারটা ভেবেছে, সব গোলমাল হয়ে গেছে। দম বন্ধ হয়ে এসেছে, মেয়েটার স্বভাব, তার চাউনি, তার ধরন-ধারণ—উছঁ মোটেই তার পছন্দ হয় না। চেহারার কথা চুলোয় যাক—ওর স্বভাবের জন্তেই ওকে বিয়ে করা চলে না!

তার মতো ছেলে, কত আশা আকাঙ্ক্ষা তার, তাছাড়া এমনিই বেশ শাস্তিশিষ্ট—সে কিনা—নিলামে কেনা মালের মতোই বহু হাত ঘোরা একটা মেয়েকে বিয়ে করবে। তাহলে যে কারো সঙ্গে আর চোখ তুলে কথা বলতে পারবে না। এমনকি মরবার পর বাপ-মার আত্মার কাছে মুখ দেখানোও শক্ত হবে। কে জানে, ওর পেটের সম্ভান? হয়তো খুশিরই নয়। অবিশি, কয়েকখানা রিক্সা সে যৌতুক হিসেবে পেতে পারে—কিন্তু তারই বা ঠিক কি? ন'কর্তাকে তো সে চেনে। হয়তো, মেয়েকে একগাছা ঝাঁটাও তিনি দেবেন না। আর যৌতুক পেলেই বা কি? অমন একটা ধাড়ী মাগিকে নিয়ে সে দিন কাটাতে কি করে?

বাঘিনীর সঙ্গে মিলে মিশে সংসার করা খুব সহজ নাকি? তার হুকুমে ছুটতে ছুটতেই তো বেচারার প্রাণ বেরিয়ে যাবে। মনটা বাঘিনীর বড় নীচু, তাছাড়া জিভেও খুব ধার। সংসার করতে হলে অমন বো নিয়ে চলে না! ওকে বিয়ে করলে দুদিনেই জাহি জাহি ডাক চাড়তে হবে।

নিজের উপর তার ঘেরা হোলো। ছিঃ ছিঃ, সে একি কাণ্ড করে বসল। নিজের গাল নিজেই চড়াতে ইচ্ছে করছে। তা তারই বা এমন কি দোষ? সমস্ত ব্যাপারটা বাঘিনীর সাক্ষানো। সে ফাঁদ পেতে খুশির জন্তেই বসেছিল। তার মনে

হোলো, সে ভালো মানুষ হয়েই গোল বেঁধেছে। ভালো মানুষরাই তো পদে পদে এমন করে ঠেকে।

সব চাইতে খারাপ লেগেছে : এমন একটা বিপদ, অথচ মুখ ফুটে কাউকে বলবার উপায় নেই। বললেও তো খানিকটা মনের ভার কমে। কিন্তু কে আছে তার ? বাপ মা, বড় ভাই, ছোট ভাই, এমন কি একটা বন্ধু পর্যন্ত নেই—যার কাছে সে সব কথা খুলে বলতে পারে, পরামর্শ চাইতে পারে। অবিশ্টি, পরামর্শের এতদিন তার দরকার হয়নি। তাগড়াই চেহারা নিয়ে হানের বংশধর সে মাথা উঁচু করেই চলছে, কিছুই কেয়ার করেনি। কোনো বন্ধনই তার ছিল না। ছিল না কোনো উদ্বেগ। সে যেন ছিল রূপকথার এক দৈত্য—স্বর্গে ঠেকেছে মাথা—পা রয়েছে মাটিতে। আজ কিন্তু সে হাড়ে হাড়ে বুঝেছে, কেউ একা থাকতে পারে না, সকলের সঙ্গে মিলে মিশেই থাকা উচিত।

তার ভাই-বোঁদার রিক্সাওয়ালারাও একেবারে কেলনা নয়। তাদের মধ্যেও এমন জিনিস মেলে, যার জন্তে তাদের ভালোবাসা যায়, বন্ধু বলে কাছে টেনে নেওয়া যায়। ধর, সে যদি আগে তারই মত জোয়ান দু-একজন রিক্সাওয়ালার সঙ্গে মিতালি পাতাত, তা হলে আগ ভয়ে তাকে কঁকড়ে যেতে হতো না। এমন দুটে বাঘিনীকে সে দেখে নিত। তার বন্ধুত্বই উপায় বাতলে দিত, এমন কি দরকার হলে সাহায্য করতেও পেছপা হতো না। কিন্তু প্রথম থেকেই সে একা। এখন বিপদের সময় বন্ধু জোগাড় করাও সহজ নয়। খুশির কেমন ভয় হোলো। এমনি নিঃসঙ্গ জীবন কাটালে ভয় তো হবেই। একা মানুষ কি করতে পারে ? তাকে যে-কেউ ঠকাতে পারে, তার উপর হুকুম চালাতে পারে। আর বাঘিনী তো একা পেয়ে তাইই করে গেল।

নিজের উপরও তার আর বিশ্বাস নেই। শীতের দিনে মনিব নিয়ন্ত্রণ খেতে বা অভিনয় দেখতে গেলে, পথে অপেক্ষা করতে হতো। খুশি তখন কারবাইড বাতির নিচের জল রাখবার পাত্রটা খুলে এনে নিজের কামিজের উপর রাখত। কি জানি, শীতে যদি জল জমে বরফ হয়ে যায়, তাহলে বাতি আর জলবে না। জলের পাত্রটা কামিজের উপর রাখতেই কাঁপুনি লাগত তার শরীরে। কিন্তু খানিকক্ষণ পরে জলের পাত্রটা যখন একটু গায়ের গরমে গরম হয়ে উঠত, তখন সে ভাবত ঝরঝরে পুরনো রিক্সা টানে যারা, তাদের তো আর কারবাইড বাতি নেই।

কিন্তু এখন সে বুঝতে পারছে, একি ভূয়ো গর্ব। সে বুঝতে পারছে একটা কারবাইডের বাতিদানের সে যা মূল্য দিত, ততটুকু মূল্যও তার চওড়া ছাতিখানার নেই। প্রথম সে রিক্সাটানাকেই জীবনের একমাত্র আদর্শ করে নিয়েছে। সে একদিন

ব্যবসা ফেঁদে নিশ্চিত হয়ে বসতে পারবে এই ছিল তার আশা। খুশি মাথা নাড়ল। সে আশা তার গুঁড়িয়ে গেছে। তার কাঁধে চেপেছে বাঘিনী। একটা টিনের বাতির যা দাম, সে দামও তার নেই।

বাঘিনী চলে যাওয়ার তিন দিন পরের কথা। খ্রীষুস্ত চাও বন্ধুদের নিয়ে রাতে সিনেমা দেখতে গেছেন। খুশি রিক্সা খামিয়ে একটা কারখানায় বসে তার জগ্ন অপেক্ষা করতে লাগল। কারবাইডের পাত্রটা রইল তার কাছে। দুঃস্থ শীত পড়েছে, কারখানার সমস্ত দরজা জানালা বন্ধ। ভিতরে কয়লার ধোঁয়া, ঘামের গন্ধ আর সস্তা সিগারেটের ধোঁয়ার কুণ্ডলী উঠছে। শার্পিতে বরফ জমে উঠছে, ফুলের মতো সাদা বরফ।

চা-খানায় যারা ভিড় করছে, তার মধ্যে বেশির ভাগই মাইনের রিক্সাওয়ালা। কেউ কেউ চেয়ার নিয়ে দেয়ালে ঠেস দিয়ে বসছে। কারো হাতে মদ ভরতি পেয়ালা, আন্তে আন্তে চুমুক দিচ্ছে, ঠোঁট চাটছে, ঘন ঘন নিশ্বাস ছাড়ছে। শীত তাড়াবার এ যেন এক অমোঘ ঔষধ। একজনের হুঁশুখে প্রকাণ্ড এক ডেলা কেক, ভেঙ্গে ভেঙ্গে মুখে দিচ্ছে। মাঝে মাঝে গলায় বেঁধে যাচ্ছে, কে একজন নিজের কথা বলছে, অগ্ন সবাই কান খাড়া করে শুনছে। সেই ভোর থেকে এই পর্যন্ত তার পা একবারো জিরোয়নি, ঘাম ঝরে কতবার যে শুকিয়ে গেছে তার ঠিক নেই। যারা খোশগল্প করছিল, তারাও কিরে তাকাচ্ছে, চুপ করে গেছে। নিজের দুঃখের কথা মনে পড়ছে। এবার সবাই নিজের দুঃখের কথা বলতে লাগল। এক ঝাঁক পাখী যেন বাসা ভেঙে গেছে, পরস্পরকে দুঃখের কথা বলছে।

যে লোকটা কেক খাচ্ছিল, সে কেক উগরে ফেলে ওদের সঙ্গে এসে জুটেছে। কপালের পিরা স্পষ্ট হয়ে উঠেছে, কেকের টুকরো গিলতে গিলতে কথা বলছে।

সেই ভোর থেকে ছুটছি তো ছুটছিই। এক বালতি জল তোলা বা এক হাঁড়ি ভাত রাখবার সময় হয়নি। বেটা বেজন্মার হুকুম—এ-ফটক থেকে সে-ফটকে ছুটে ছুটে হায়রান হয়ে গেছি লাভাং! একেবারে জমে গেলাম ভাই।

শ্রোতাদের দিকে তাকিয়ে সে মাথা নাড়ল তারপর কেকের আর একটা ডেলা মুখে পুরে দিল।

এবার কথার মোড় ফিরল আবহাওয়ার দিকে, কিন্তু সেও দুঃখ-দুর্দশারই কথাকে কেন্দ্র করে।

খুশি দুঃখ বুঝে বসে রইল, শুধু কান রইল সজাগ! তাদের ভাষা আলাদা, স্বর আলাদা, দুঃখ-দুর্দশার কাহিনীও তাই—কিন্তু এই ভাগ্যের অসাম্যের বিরুদ্ধে তারা ফুঁসে উঠছে, এই অবিচারের জগ্ন দিচ্ছে অভিশাপ।

শুকনো খটখটে মাটি যেমন বৃষ্টিধারা শুষে নেয়, তেমনি করে খুশির বুকের

ফত কথাগুলো শুধে নিল। তার নিজের বুকেও যে অমনি জ্বালা ফুঁসে উঠছে, চাকে বার করে দেওয়ার পথ সে খুঁজে পাচ্ছে না। শুধু অন্ধের কাহিনীর জ্বালা এসে তার বুকের জ্বলুনি আরো বাড়িয়ে দিচ্ছে। ওরা সবাই নিপীড়িত, বিপন্ন; সও ওদের একজন। ওদের জ্ঞান আজ তার সহায়ভূতি জেগেছে। নিজেকে রাজ্য সে চিনেছে, চিনেছে নিজের জাতকে! ওদের কাহিনী শুনতে শুনতে তার চাখ ছলছল করে এসেছে, মাঝে মাঝে জ্বালা কুঁচকে গেছে উত্তেজনা; হাসির কথায় তারও ঠোঁট চিরে বেরিয়েছে হাসি, সে এখন ওদেরই একজন—দুঃখ-দুঃখী ওদের একমুখে বেঁধেছে। খুশি কোনো কথা বলল না, কিন্তু তার মনে হোলো—হাঁ ওদেরই একজন, সে ওদেরই একজন।

আগে আগে সে ভাবত, না, ওদের সঙ্গে মিশে কাজ নেই। ওরা শুধু গালাগাল দার দিনরাত নিজের দুঃখের ফিরিস্তি দিতেই জানে, ওরা কি কখনো অবস্থা ফেরাতে পারবে? সে যেমনি ওদের কাছ থেকে দূরে সরে গেছে। আজ কিন্তু সেদিন আর নেই। আজ তার মনে হোলো, ওরা যেন সমন্বরে তার নিজের কথাই বলছে—সকথা ওদেরও কথা, সত্তা তাদের এক হয়ে গেছে। তারা মিলিত সত্তা নিয়ে মত্যাচার, অবিচারের বিরুদ্ধে রুখে দাঁড়িয়েছে।

ইঠাং দমকা হাওয়ায় দরজাটা খুলে গেল, ঠাণ্ডা হাওয়ার ঝাপটা এসে লাগল। বাই উত্তেজিত হয়ে চিৎকার করে উঠল, কে, কে দোর খুলল? উঠানে একজন লোককে দেখা গেল। দেরি করেই ঘরে ঢোকবার ইচ্ছে তার। চা-খানার একটা লোক চিৎকার করে বলল, তাড়াতাড়ি ঢুক পড় না খুড়ো! ঘরের গরমটুকু ঘেঁষে গেল।

লোকটি এবার এসে ঘরে ঢুকল। সেও রিক্সাওয়াল। পঞ্চাশ বছরের উপরে যেস হবে। গায়ে তুলোর কোতর্, ছিঁড়ে বেতের ভাঙা বাক্সের মতোই হয়ে গেছে, হাতের তুলো বেরিয়ে পড়েছে, মুখ দেখে মনে হয় বছরদিন স্নান হয়নি; গায়ের রং বোঝবারও উপায় নেই—শুধু কান দুখানা গাছপাকা আপেলের মতো টুকটুক লাল হয়ে আছে। মাথায় ছোট্ট টুপি; তার চারপাশ দিয়ে পাকা চুল ঝুলে পড়েছে, পাড়িতে বরফের গুড়ো। ঘরে ঢুকেই একটা বেঞ্চের উপর চূপ করে বসে পড়ে বলল, এক পান্তর চা নিয়ে এস!

এই চা-খানাটা মাস মাইনের রিক্সাওয়ালাদের আড্ডা। এখনে ছোটো রিক্সাওয়ালারা বড় কেউ বিশেষ কারণে ছাড়া আসে না। তাই সবাই নিঃশব্দে চোখ তুলে তাকিয়ে দেখল। অল্প সময় হলেই দু'একটা চ্যাংড়া ছোঁড়া হয়তো কিছু বলে বসত। ওদের জ্ঞানগম্যি বড় কম কি না! কিন্তু আজ রাতে তারাও চূপ করে রইল।

চা আনতে দেরি হচ্ছে। বুড়ো এরই মধ্যে ঝিমুতে শুরু করেছে নাকি! মাথাটা হুতে হুতে বেঞ্চের উপর মুখ নের্মে এসে, বুড়ো বেঞ্চি থেকে মাটিতে পড়ে গেল।



সবাই উঠে দাঁড়াল। কি হোলো? কি হোলো? চারদিকে গোলমাল। সবাই বুড়োর কাছে ছুটে গেল।

ভিড় জমিওনা, যে যেখানে ছিলে সেইখানেই গিয়েই বোসো। চা-খানার মালিক ভিড় সরিয়ে দিয়ে নিজেই বুড়ো রিক্সাওয়ালাকে তুলে ধরে বসিয়ে দিলেন। তিনি, চেষ্টা করে বললেন, জলদি তিনি মিশিয়ে খানিকটা জল নিয়ে এস।

তারপর তার বুকে কান পেতে কি শুনলেন। না, ঠিকই আছে।

সবাই চুপ করে দাঁড়িয়ে রইল। ঘর ঘোঁষায় ভরে গেছে, তারই ভিতর দিয়ে বুড়োকে দেখা যাচ্ছে, স্তূপের মতো পড়ে আছে, টুপি ঠিকরে পড়েছে ঘরের এক কোণে, পাকা চুপ এলোমেলো হয়ে ছড়িয়ে আছে। সবাই তাকিয়ে তাকিয়ে দেখল, তাদের মনে একই চিন্তা:

আমাদেরও তো এই দশাই হবে। যখন চূলে পাক ধরবে, জীবনে এমনি করেই নিজেকে বিক্রি করে দিতে হবে। কয়েকটা পয়সার জন্তে একদিন সোয়াদি নিয়ে ছুটতে ছুটতে পা হড়কে রিক্সাখানা আর প্রাণটা—হুইই চলে যাবে। এই তো জীবনের দাম।

চিনির জল মুখে দিতেই বুড়ো দুতিনবার নিশ্বাস ফেলল, গলায় ঘড় ঘড় করে শব্দ হোলো, বুড়ো হাত তুলল—কি হয়ে গেছে হাতখানা—কে যেন আল্কাতিরার পোচ দিয়ে দিয়েছে।

বুড়ো, আর একটু জল খাও, চা-খানার মালিক তার কানের কাছে মুখ নিয়ে বললেন। বুড়ো চোখ খুলল। উঠে বসবার চেষ্টা করছে।

আগে এই জলটুকু খাও, অত তাড়া কিসের? মালিক বললেন।

সবাই এবার ছুটে এল তার কাছে।

বুড়ো বাটিটা নিয়ে আন্তে আন্তে চুমুক দিল। খাওয়া শেষ হয়ে গেলে চোখ তুলে বলল, তোমাদের সবাইকে খুব কষ্ট দিলাম। কথায় ফুটে উঠেছে ভদ্রতা, উষ্ণ অহুভূতি—

এমন কথা যে ঐ বৈকে ষাওয়া গুঁফো মুখ থেকে বেরুতে পারে একথা কি কেউ ভাবতে পারে! সে আবার উঠে বসতে চেষ্টা করল। তিন-চারজন তাকে সাহায্য করতে ছুটে এল। বুড়ো হেসে বলল, আমি নিজেই উঠতে পারব। এমন কিছু তো হয়নি। খিদে পেয়েছিল, ঠাণ্ডা কালিয়ে গিছিলাম। তাই মাথা ঘুরে পড়ে গেছি। ও আর এমন কি ব্যাপার!

মুখে তার সাতপুরু ময়লা পড়ে বটে, কিন্তু তার হাসি আর ব্যবহার কি চমৎকার। সবার মনে হোলো, ঐ ময়লার নিচে লুকিয়ে আছে খাটি মাছ। সে উষ্ণ অহুভূতির ছোঁয়া এসে লাগছে, তাদের ভিতরে সংক্রামিত হচ্ছে।

সবাই যেন গলে গেল। আধাবয়েসী যে লোকটি মদ খাচ্ছিল, সে তার লাল চোখ তুলে তাকাল। চোখ জলে ভরে গেছে। ওহে, আমাকে আরো দুবোতল দিয়ে যাও। মদ আসবার আগেই ওরা বুড়োকে ধরে তার পাশের চেয়ারে বসিয়ে দিল। আধাবয়েসী লোকটি একটু মাতাল হয়েছে বটে, কিন্তু তাই বলে ভদ্রতা হারায়নি। বুড়োর স্তম্ভে বোতল রেখে সে তাকে অহরোধ করল :

এস বুড়ো কতর্থা, তোমার সঙ্গে বসে একটু মদ খাওয়া যাক। চল্লিশ বছর তো বয়েস হোলো, এখন আর নিজের চোখে নিজে ধুলো দিয়ে তুলে থাকতে ইচ্ছে হয় না। জানি তো, মাস্ত্র মাইনের কাজও কি আর চিরদিন থাকবে? একটা বছর থাকছে, আর পায়ের জোঁর কমে আসছে। তিন চার বছরেই তোমার মতো অবস্থা হবে। কত হোলো তোমার বয়েস? ষাট?

না, কম। পঞ্চাশ হোলো। এক ঢোক মদ খেয়ে বুড়ো বলল। কি ঠাণ্ডাই পড়েছে ভাই। একটা সোয়ারি জোটেনি। পেটে একটা দানা পড়েনি। হাতে যে পয়সা ছিল মদ কিনে খেয়েছি। গরম না হলে ছুটবো কি করে? এখানে যখন এলাম, আর সইতে পারছিলাম না ভাই! কি জানি, ঘরটা গরম দেখে লোভ সামলাতে পারলাম না। এসে তোমাদের সব কুঁতি মাটি করে দিলাম তো?

বুড়োর সাদা গৌপ, কাদা মাথা মুখ, ছেঁড়া জামা আর টুপি সকলের কাছে এক নতুন রূপ নিয়ে দেখা দিল। এতো অনাদরের জিনিস নয়, এ যে সম্মানের শিরোপা। তার মুখ থেকে যেন জ্যোতি ঠিকরে পড়ছে। তুমি যেন ভাঙা দেউলের ভিতরে এক অনাদৃত বিগ্রহের স্তম্ভে দাঁড়িয়ে আছ; ভেঙেচুরে গেছে বটে, কিন্তু ভগবান বুদ্ধের সে মহিমা এখনো তোমার শ্রদ্ধা জাগায়, মাথা হুইয়ে দেয়।

সবাই তার দিকে তাকিয়ে রইল, মনে হোলো, সে চলে গেলে ওরা হুংখিতই হবে। খুশিও চুপচাপ। কোনো কথাই সে বলেনি। বুড়োর খুব খিদে পেয়েছে শুনে সে ছুটে বাইরে গিয়ে আবার ফিরে এল। হাতে তার প্রকাণ্ড একটা বাঁধাকপির পাতা, 'আট ন' টুকরো রান্না মাংস তাতে রয়েছে। বুড়োর সামনে এনে মাংস রেখে সে বলল, খাও বুড়ো কতর্থা, খেয়ে নাও। এবার সে নিজের জায়গায় ফিরে গিয়ে বসে পড়ল। মাথা নিচু করে সে বসে রইল। দুর্বলতায় সে যেন ভেঙে পড়ছে।

বুড়ো খুশি হয়ে চিংকার করে বলল, আমরা সবাই ভাই ভাই, রিক্সা টানতে কতখানি মেহনত ওরা কি বুঝবে, তাই দু'একটা পয়সা ছুঁড়ে ফেলে দিয়েই ওরা ভাবে, খুব দিয়েছি।

বুড়ো উঠে দাঁড়াল।

না খেয়েই উঠে পড়লে যে? খেয়ে যাও! সবাই চিংকার করে উঠল।

টাট্টুকে ডেকে আনতে যাচ্ছি। আমার নাতি। রিক্সা পাহারা দিচ্ছে।

আমি ডেকে আনছি। তুমি বোসো দেখি। আধাবয়েসী রিক্সাওয়ালা বলল, ভয় নেই, রিক্সা চুরি যাবে না, রাস্তার ওপাশে ফাঁড়ি, এখান থেকে চুরি করবে কার এমন বুকের পাটা গো কত'?

দরজাটা একটু খুলে বাইরে মুখ বাড়িয়ে আধাবয়েসী রিক্সাওয়ালা ডাকল, টাট্টু, তোমার ঠাণ্ডা ডাকছে, রিক্সাখানা নিয়ে চলে এস।

বুড়ো বাঁধাকপির পাতাটা হাতে নিয়ে চুপ করে বসেছিল, নাতি ঘরে ঢুকতেই তার সামনে এগিয়ে দিল। টাট্টু, খাও তো দাদা!

টাট্টুর বয়েস-বার তের বছর হবে। মুখখানা শুকিয়ে আমসি হয়ে গেছে। ছেঁড়া কাপড় জামা তার পরনে। নাক ঠাণ্ডায় লাল হয়ে উঠেছে, শোঁটা জমে আছে নাকে, বেয়ে বেয়ে ঠোঁটে এসে পড়ছে। বুড়োর কাছে এসে শৈ পাতা থেকে ছুটুকরো মাংস তুলে মুখে পুরে দিল। এমনি ভাব—যেন এখুনি কেউ ছৌ মেরে কেড়ে নেবে।

আস্তুে থা! বুড়ো নাতিকে জড়িয়ে ধরে বলল, নিজেকে সে একখানা মুখে পুরে দিল, আমি মাত্র দুখানা খাব, আর সব তুই খেয়ে ফেল। খাওয়া-দাওয়া হলে রিক্সা নিয়ে বাড়ি ফিরে যাব। আজ আর বেরব না। কাল যদি ঠাণ্ডাটা কম পড়ে, তাহলে তাড়াতাড়ি বেরিয়ে পড়ব, কি বলিস টাট্টু, তাই ভালো।

টাট্টু দায় সারা গোছের একবার মাথা নাড়ল। চোখ তার মাংসের উপর। নাক টেনে বলল, না দাদু, তুমি তিনটে খাও, আমি আরগুলো খাবোখন। তারপর তুমি রিক্সায় চেপে বসবে, আমি তোমাকে টানতে টানতে বাড়ি নিয়ে যাব।

নারে তার দরকার নেই। বুড়ো হাসল, আমরা দুজনেই হেঁটে বাড়ি ফিরব। এই ঠাণ্ডায় কি আর রিক্সা চাপতে ভালো লাগে? হাঁটলে গা গরম হবে।

বুড়ো নিজের ভাগটুকু খেয়ে মদটুকু একচুমুকে শেষ করে ফেলল, টাট্টু তখনো চিবুচ্ছে। বুড়ো একখানা ছেঁড়া কানি বার করে মুখ মুছে সকলের দিকে তাকিয়ে বলল, ছেলেটা তো সেই কবে লড়িয়ে গেছে, আজও ফিরল না।

দাদু, ফের তুমি—টাট্টু গোয়ালে খাবার গিলতে গিলতে চেঁচিয়ে উঠল। তার গাল দুটো টোপা পিঠের মতো ফুলে উঠেছে।

ওদের কাছে বলব না তো কার কাছে বলবেরে ছোঁড়া—বুড়ো উত্তর দিল, ওরা আমার ভাই বোদাদার না? বুড়ো এবার গলার স্বর নামিয়ে বলল, নাতিটার মনে বড় লাগে, ওর খুব অভিমান আছে। বউটা চলে গেল—এই বুড়ো আর ঐ এক ফোঁট্টা ছেলেটাকে ফেলে, কি আর করি, কোনোরকমে রিক্সা টেনে দিন

চালাচ্ছি। বিক্সাখানাও গেছে। তবে একটা স্থখ, ভাড়া গুনতে হয় না। কখনো বা  
৭, কখনো বা কম রোজগার হয়। কি আর করব, টেনে টেনে চলছে।

টাট্টুর খাওয়া প্রায় শেষ, সে বললে, দাদু, আরো কিছুক্ষণ বিক্সা টানতে হবে।  
রে কয়লা নেই, কাল ভোরেই তো কয়লা চাই। হাতে তো একটা কানা কড়িও  
নাই। তোমারইতো দোষ, তখন সেই সোয়্যারিটা নিলে না কেন?

ওরে, কয়লার জন্তে তোর আর ভাবনা নেই। একরকম চালিয়ে নোবখন।

চালিয়ে নেবে! কি করে চালাবে?

তোক ভাবতে হবে না। তুই খেয়ে নে।

বুড়ো এবার উঠে দাঁড়িয়ে বলল; ভাই সব, আমরা এখন উঠি। এই বলে  
৫২ হাত ধরল। টাট্টুর খাওয়া শেষ হয়নি। একটুকরা মাংস তখনও পাতে পড়ে  
ছে। সে তাড়াতাড়ি মাংসটুকরা মুখে পুরে দিয়ে উঠে দাঁড়াল।

কেউ কেউ ওদের সঙ্গে বাইরে এল। খুশিও বাইরে এল। সে বিক্সাখানা  
দ্বার দেখতে চায়।

এমন ভাড়া বিক্সা সে জীবনে দেখেনি। রং চটে গেছে, হাতলের লোহা দেখা

। একটা পুরনো বাতি, বিক্সার ছাউনিখানা ছোঁদায় ভরতি, বৃষ্টি হলে জল  
সোয়্যারিকে ভিজিয়ে দেয়।

টাট্টু একটা দেশলাইয়ের কাঠি জ্বলে বাতি ধরাল। বুড়ো হাতল দুটো তুলে  
ওদের দিকে তাকিয়ে বলল, কাল আবার দেখা হবে।

খুশি দরজায় দাঁড়িয়ে রইল, ওরা চলে যাচ্ছে। বুড়ো কি ঘেন বলতে বলতে  
হচ্ছে। কালো রাত, ঘন আঁধার, রাস্তার দুপাশের বাতিগুলো থেকে আলো  
ধরে পড়ছে। খুশির বুকখানা এক অব্যক্ত ব্যাথায় দুলে উঠল, নিজের জন্তেই  
দিন সে ভেবে এসেছে, অন্তের কথা সে ভাবেনি। আজ কিন্তু না ভেবে  
পারল না।

এ ছোট্ট ছেলেটা—টাট্টু না ওর নাম—ও যেন তার ছেলেবেলা, তার অতীত  
মন। আর ভবিষ্যৎ সে দেখতে পেয়েছে বুড়োর মধ্যে। হাঁ, তারই ভবিষ্যৎ!  
কোনোদিন নিতান্ত প্রয়োজন ছাড়া এক আখলাও খরচ করেনি। আজ তার  
হোলো? বেশ কিছু খরচ করেই ওদের জন্ত ছুটে মাংস কিনে নিয়ে এল,  
এমন হোলো? কই, তার জন্তে তো তার একটুও আপশোষ হচ্ছে না! বরং  
নন্দই হচ্ছে। খুশি দাঁড়িয়ে দাঁড়িয়ে দেখল, ওরা দূরে, আরও দূরে চলে যাচ্ছে,  
মিলিয়ে গেল। সে চা-খানার ভিতরে এসে ঢুকল। সবাই এবার হজা  
দিয়েছে, বিস্ত্রিখাস্তা করছে, কিন্তু তার ওসব ভালো লাগে না। দাম চুকিয়ে  
সে বেরিয়ে এল। ছবিষয়ের কাছে বিক্সা নিয়ে মনিবের অপেক্ষায় বসে রইল।

রাতটা সত্যিই ঠাণ্ডা। দমকা হাওয়া বইছে ধুলো উড়িয়ে—যেন পৃথিবীর উপর দিয়ে একদল সৈন্তের দাপাদাপি শুরু হয়েছে। আকাশে বড় তারাগুলোকেই দেখা যাচ্ছে, তারাও যেন শীতে কঁপে কঁপে উঠছে, হাওয়ায় বরফের রেশ। পথ, বরফে ভরে গেছে, মাঝে মাঝে ফাটল ধরছে। মাটির রংও সাদা হয়ে গেছে।

ছবিঘরের স্তম্ভে বসে সে ঠক ঠক করে কাঁপতে লাগল। কিন্তু কারখানায় ফিরে যেতে আর তার মন চাইছে না। সে আজকের ব্যাপারটা নিরালায় বসে ভাবতে চায়। তার জীবনের একমাত্র আশা—বুড়ো আর তার নাতি গুঁড়িয়ে বেগু বেগু করে দিয়ে গেছে। বুড়ো নিজেই রিক্সার, মালিক। খুশির স্বপ্ন, সে নিজের রিক্সা নিজে টানবে। আজও সে স্বপ্ন স্বপ্নই আছে, সে না খেয়ে না দেবে টাকা জমাচ্ছে। সে ভাবছে, রিক্সা কিনলেই জীবনের বাঁকা পথটা সোজা হয়ে যাবে। পৃথিবীকে সে হাতের মুঠোয় পাবে, কিন্তু বুড়ো আজ তার সে স্বপ্ন ভেঙে দিয়ে গেল।

এই রিক্সা কেনবার আশায়ই না সে বাঘিনীকে বিয়ে করতে চায় না? সে নিজে রিক্সার মালিক হবে, তারপর টাকা জমিয়ে গাঁয়ের একটি মেয়েকে বিয়ে করবে—এই না তার ইচ্ছে? কিন্তু টাট্টুর নিকে তাকিয়ে দেখ। কে বলবে পারে একদিন তার ছেলের ঐ টাট্টুর মত অবস্থা হবে না? নানুনা, তার আশ ভরসা যা ছিল, সব গুঁড়িয়ে গেছে। আর কিছুই নেই।

বাঘিনীর দাবী মেনে নিতেই বা ক্ষতি কি? কেনই বা সে তাকে ফিরিয়ে দেবে? এক দুষিত বৃত্তের মধ্যে সে পড়েছে, সেই বৃত্ত সংকুচিত হয়ে তাতে পিষে ফেলবে। নিকৃতি তার নেই, তবে কেন সে বাঘিনীকে বিয়ে করবে না? বাঘিনী আর গাঁয়ের একটি নিষ্পাপ, সরলা কুমারী—তার কাছে কোনো প্রভেদ নেই। বরং দুতিনখানা রিক্সা সে যৌতুক হিসেবে পাবে, আর সেই বা ছাড়া কেন? জীবনের আশা ভরসাই যখন ফুরিয়ে গেল তখন যা পাওয়া যায় নি নেওয়াই ভালো। কাউকে ঘেন্না করারও কোনো মানে নাই। সে ঠিক কর বাঘিনীর হাতেই সে নিজেকে সঁপে দেবে।

খুশি হঠাৎ বদলে গেল। আশা-আকাঙ্ক্ষা তার নেই, কাজও সে আর মন দিয়ে করে না। কাজ করবে কি? সব সময়েই তার চোখের স্রুখে ভাসে বুড়ো আর টাটুর ছবি। তারা যেন তার আশা ভরসা ছিনিয়ে নিয়েছে। সে ঠিক করল ফুটি শূঁজে বেড়াবে। এগাটা দিনটায় যতটুকু পারে ফুটি লুটে নেব, কালকের জন্তে ভাববে না। কি হবে দাঁতে দাঁত চেপে সারাদিন খেটে, আখেরের চিন্তা করেই বা লাভ কি? গরীবের ভাগ্য বাদামের খোলার মতো—হৃদিকেই ধার। না খেতে পেয়ে মরতে মরতে যদি কোনোরকমে ছেলেবেলাটা কাটিয়ে দিলে তাহলেই যথেষ্ট। দশ হাজারে একটা লোকের পক্ষেই তা সম্ভব। কিন্তু তাতেও রেহাই নেই। আবার বুড়ো ব্যয়স আসছে যে! সে খাক্সা সামলানোই দায়। শুধু এর মাঝখানকার সময়টা না একটু ভালো। ব্যয়সও তখন কম থাকে, থিদে তেষ্ঠারও তেমন বালাই থাকে না। কোনোরকমে তখন মাছষের মতো থাকা যায়, একটু আধটু গর্বও যে না হয় তা নয়। কিন্তু জীবনের এই সময়টা, যখন স্বাস্থ্য আর মন দুইই তাজা থাকে, তখন যদি তার সদ্যবহার না করলে তাহলে মুখ ছাড়া আর কি বলা যায়। এ যেন ঘুরতে ঘুরতে তুমি একটা গ্রামে এসে পড়েছ, সেখানে চটি মিলেছে। গ্রাম ছাড়িয়ে চলে গেলে আর চটি মিলবে না। স্রুখে শুধু ধুধু করবে পথরেখা, ধুকতে ধুকতেই চলতে হবে সেই পথ ধরে। খুশি ভেবে দেখল, এইই সময়। জীবনের ঠিক সে চটিতে এসে পৌঁছেছে, এখন যদি সে একটু ফুটি লুটে না নেয়—সারা জীবন এমন করেই কেটে যাবে। বাঘিনীর কথা তার মনে পড়ল। দূর হোক, ওকথা সে ভাববে না। প্রতিটা মুহূর্ত সে বাঁচতে চায়, চায় আনন্দ; কালকের চিন্তা সে করবে না। দূর হোক বাঘিনী!

চীনে মাটির ঘটটার দিকে তাকালেই আবার চিন্তা মনে ঘুরপাক খায়। নিজের ফুটির কথা ভাবলেই কি চলবে? রিক্সা কেনবার জন্তে কটা টাকাই বা বাকি! নিজের এতদিনের পরিশ্রম সে এক নিমিষে পণ্ড করে দেবে না; প্রাণ ধরে ঘট থেকে টাকা নিয়ে সে মজা লুটতে পারবে না। টাকা জমানো চাঞ্চিখানি কথা নাকি? না, এখনো তাকে সংঘর্ষ হয়েই চলতে হবে। কিন্তু বাঘিনী? কোনো উপায়ই সে খুঁজে পেল না। এদিকে সাতাশে এগিয়ে আসছে।

আবার নিরাশ! এসে তাকে ছেয়ে ফেলে, সাতাশে—সাতাশে তারিখ এগিয়ে

আসছে। উপায় নেই। চীনে মাটির ঘটটা বৃকে নিয়ে ফিস ফিস করে বলে, ওরা যা খুশি তাই করুক না, আমার টাকা কটা তো ঠিক আছে। কেউ তো আর কেড়ে নিতে পারবে না। টাকা যখন আছে, কাকে ভয় করি? তেমন তেমন কিছু হলে পালিয়ে যাব। টাকা আছে, ভাবনা কি আমার!

উৎসবের দিন এগিয়ে আসছে। পথে ভিড়; উহুনের দেবতার পূজার জন্তে দোকানীরা নানা মেঠাই মণ্ডা সাজিয়ে রেখেছে। ফেরিওয়ালারা হাঁকছে: চাই মিঠাই চাই, মণ্ডা চাই! খুশি এই নতুন বছর আসার আশায়ই এতদিন উন্মুখ হয়েছিল, কিন্তু এখন তার উৎসাহ একেবারে নিবে গেছে। দিন যাচ্ছে, আর পথে ভিড় বাড়ছে, সঙ্গে সাতাশের কথা তার মনে পড়ে। সাতাশে তারিখ কি হবে কে জানে! পথের ভিড়ের দিকে আর সে তাকিয়ে দেখে না, মুখের কত দাগটায় জালা ধরে যায়।

আজকাল পথে ভিড় বলেই রিক্সা টানতে গিয়ে খুব সাবধান হতে হয়। তার উপর বরফ পড়ে পথও পিছল হয়ে গেছে! মনের ভাবনা আর পথ চলার সতর্কতা দুয়ে যেন লড়াই বেঁধেছে, সে আর যুক্তিতে পারে না। তার শক্তিও নেই। পথের দিকে নজর দিতে গিয়ে ভাবনা এলোমেলো হয়ে যায়, ভাবতে গেলে পথের কথা মনে থাকে না। হঠাৎ হৌচট খেয়ে চমক ভাঙে, এই তো তার অবস্থা, এমন করেই কেটে চলল দিন।

উহুনের দেবতার পূজার দিন বিকেল থেকে পুবাল বাতাস ছাড়ল। আকাশে দেখা দিল কালো মেঘের মিছিল। কাগজের লঠন টাঙাবার দিন যতই এগিয়ে এল, বাতাসের জোর ততই কমে গেল। আকাশ থেকে বরফ ঝরা শুরু হোলো। দোকানীরা মেঠাই মণ্ডা সাজিয়ে বসেছিল, তারা এবার বিপদেই পড়ল। আবহাওয়ার মরজি বদলে গেছে। গরমে মিঠাই মণ্ডা গলে যাবে, শক্ত হয়ে যাবে, তাই তারা সাদা বালি ছড়িয়ে দিল। বেশি বরফ ঝরছে না, কিন্তু পথঘাট সাদায় সাদা হয়ে গেছে।

সন্ধ্যা সাতটায় ঘরে ঘরে, দোকানে দোকানে উৎসব শুরু হোলো। ধূপকাঠি জ্বলে উঠল, বাজি পুড়ল, অন্ধকার খান খান হয়ে গেল। বরফ তখনো ঝুর ঝুর করে পড়ছে। পরিবেশ হয়ে উঠছে রহস্যময়। এই ক্ষণিকের উৎসবের এ যেন এক কালাতীত গভীর পটভূমিকা।

পথে রিক্সা, সেডানচেয়ার আর মোটরের আর মাহুঘের ভিড় লেগেছে, সবাই হস্তদস্ত হয়ে ছুটেছে, উৎসব শুরু হবার আগে বাড়ি ফিরবে। পথ ভিজে আর পিছল, ব্যস্ত হলে কি হবে, তারা এগুতে পারছে না। ছোটখাটো দোকানীরা মেঠাই মণ্ডা বিক্রি করার জন্তে ব্যস্ত হয়ে উঠেছে। আজই বিক্রি করা চাই; কাল তখন উৎসব চলে গেলে কে কিনবে? সবই নষ্ট হয়ে যাবে। তারা হাঁক

ডাক শুরু করেছে, নিশাস ফেলবার সময় পাচ্ছে না। কিন্তু মজা এই যে তাদের হাঁকডাকে কেউ বিরক্ত হচ্ছে না, বরং ভালোই লাগছে।

নটার সময় খুশি মনিবকে নিয়ে বাড়ির পথে চলছিল। পথে বাজারের ভিড় কাটিয়ে ওরা এবার চিরশান্তির স্ট্রীটে এসে পড়ল। শহরের এই দিকটায় লোক চলাচল কম, গাড়িঘোড়ার ভিড়ও নেই। পিচের রাস্তার উপর বরফের পাতলা আস্তরণ জমে উঠেছে, চাদের আলো এসে পড়েছে তার উপরে। কেমন যেন চোখ ধাঁধিয়েই দিচ্ছে। মাঝে মাঝে একটা মোটর চলে যাচ্ছে, হেডলাইট রাতের বুকে আলো ছড়াতে ছড়াতে চলেছে; আলোয় বরফের কণাগুলো হলদে দেখাচ্ছে—মনে হচ্ছে অযুত সোনালী বালিকণা কে যেন ছড়িয়ে রেখেছে।

নতুন টানা ফটকের কাছে চওড়া রাস্তাটা বরফ ঢেকে গেছে। ধুঁকরছে সাদা পথ! চারদিকে কেমন এক সমাহিতভাব, এক গাঢ় প্রশান্তি। এমনি পথে চলতেও মনে খুশি ঘনিয়ে আসে, নিজেকে স্বাধীন বলে মনে হয়। চিরশান্তির খিলান, নতুন চীন ফটক, বাইরে দেয়ালগুলিকে যেন শোকের সাদা টুপি পরিয়ে দিয়েছে। পথের আলোগুলি ঘোলাটে আলো ফেলে তাকিয়ে আছে। পুরনো নগরীর মহিমা সে প্রকাশ করে দিচ্ছে।

এমনি সময়, এমনি জায়গায় এলে পিকিঙ-এর হৃৎস্পন্দন অনুভব করতে পারবে। এ যেন দিনের আলোর সে পিকিঙ নয়। আজব এক শহর, জনমানব সেখানে নেই, শুধু বিরাট সৌধের সার চলে গেছে, উপরে জেগে আছে অনন্ত আকাশ। ফার গাছগুলো নিঃশব্দে দাঁড়িয়ে আছে বরফ মুড়ে। সত্যিই এ যেন আর এক পিকিঙ। খুশি এই নির্জন শহরের ভিতর দিয়ে চলেছে। তার চারপাশে সৌন্দর্যের এত সমারোহ আছে সে তা তাকিয়েও দেখছে না। সাদা পথ দেখে তার শুধু মনে হচ্ছে, কখন সে এই পথ পার হয়ে বাড়ি গিয়ে পৌঁছবে। সে পা চালিয়ে দিল।

কিন্তু দৌড়তে সে পারল না। দৃষ্টি ঝাপসা হয়ে এল, বরফে বারবার পা পিছলে গেল। দেখতে দেখতে তার কাঁধে আর জামায় বরফ জমে গেল। খুশির কাছে এ কিছুই নয়, কিন্তু ঠাণ্ডা হাড়ে ঢুকছে; কাঁপুনি শুরু হয়েছে।

এদিকটায় রাস্তার পাশে দোকানপাট তেমন নেই। দূর থেকে বাজি পোড়াবার আগুয়াজ ভেসে আসছে। মাঝে মাঝে আকাশের অন্ধকারে আলোয় আলো করে দিয়ে হাউইয়ের ফুল ঝরে পড়ছে, এই হাউইগুলোকে কি যেন বলে? ওঃ হাঁ, পাঁচটা সন্ধ্যাতন শেষ বিকারের বিরুদ্ধে রুখে দাঁড়িয়েছে। আকাশ আবার আধার হয়ে এল, ঘন আধার। তাকাতেও কেমন গা ছমছম করে ওঠে। বাজিতে খুশির



বুকটা অজানা আশঙ্কায় কেঁপে উঠল। সে ডাবল, তাড়াতাড়ি বাঁকি ফিরে যাবে। কিন্তু পা যে চলতে চায় না! কি ব্যাপার?

আরো একটা ব্যাপারে সে কেমন ঘাবড়ে গেছে। অনেকক্ষণ একটা সাইকেল পিছনে পিছনে আসছে। এতক্ষণ ছিল সন্দেশ, চিরশান্তি স্ট্রীটে পড়ে তার ধারণা দূর হোলো। হাঁ, লোকটা তাকেই অনুসরণ করছে, সাইকেলের চাকায় বরফ গুঁড়িয়ে যাচ্ছে, অস্পষ্ট শব্দ কানে এসে বাজছে। খুশি কান খাড়া করে শুনল। 'অন্ত রিক্সাওয়ালাদের মতোই সাইকেলের উপর সে হাড়ে হাড়ে চটা। মোটরের উপরও তারা কম চটা নয়, কিন্তু মোটরের একটা গুণ আছে, দূর থেকে ভেঁপু বাজালে সরে যাওয়ার সময় পাওয়া যায়। সাইকেলের কিন্তু ব্যাপার বোঝাই ভার, হেলে হলে চলেছে, একবার যাচ্ছে পূবে, আর একবার পশ্চিমে। কখন যে ছড়মুড় করে গায়ে এসে পড়বে কে জানে!

সাইকেলের সঙ্গে যদি একবার রিক্সার ধাক্কা লেগে যায়, তাহলে তো মহা ফ্যাসাদ। লোকে সাইকেলওয়ালার কোনো দোষ খুঁজে পাবে না, বলবে, বেটা রিক্সাওয়ালারই ষত দোষ। পুলিশগুলোও হয়েছে তেমনি! তারাও নানা ফাঁকড়া তুলবে। তারা জানে, রিক্সাওয়ালাদের ধমক-ধামক দিলেই ছুঁচর পয়সা পাওয়া যায়। খুশি একবার চারদিকে তাকিয়ে দেখল, কেউ নেই। তার ইচ্ছে হোলো সাইকেলওয়ালাকে এক ধাক্কা মেরে সে পথে ফেলে দেয়। কিন্তু সাহস হোলো না। রিক্সাওয়ালা জাতটাই অমনি। অত্যাচার অবিচার সঙ্গে সঙ্গে সাহস তাদের উবে গেছে।

এবার তারা এসে পড়ল দক্ষিণ সমুদ্র ফটকের কাছে। সড়ক এখানে চওড়া হয়ে গেছে। সাইকেলটা তখনো পিছনে পিছনে আসছে, খুশি কেমন ফেপে গেল। সে রিক্সা থামিয়ে কামিজের বরফ ঝেড়ে ফেলতে শুরু করল। সাইকেলওয়ালা পাশ কাটিয়ে চলে যাবার সময় পিছন ফিরে একবার তাকিয়ে দেখল। খুশি ইচ্ছে করে খানিকক্ষণ বসে রইল। এবার সাইকেলওয়ালা দূরে চলে গেছে; খুশি মাটিতে থুথু ফেলে আবার হাতলছুটো তুলে নিল।

শ্রীযুক্ত চাও একজন মানব সমাজের হিতৈষী ব্যক্তি। তিনি রিক্সায় পদার্পনশীল হয়ে যেতে রাজি নন। খুব বৃষ্টি না হলে তিনি খুশিকে কখনো পদা ফেলে দিতে বলেন না। তিনি জানেন পদা ফেলে দিলে রিক্সাওয়ালাদের রিক্সা টানতে খুবই কষ্ট হয়। এমন কি উপরের চাকনা ফেলে দিয়েই তিনি রিক্সায় চলেন। তাছাড়া বরফ পড়া দেখতে তার ভালোই লাগে। রাতের বৃক ফুলের মতো ঝরছে বরফ—সৌন্দর্য তিনি চুনিয়ে চুনিয়ে উপভোগ করতে চান—হাঁরাতে তিনি রাজি নন।

শ্রীযুক্ত চাও-ও সাইকেলওয়ালাকে দেখেছেন। খুশির কথা শুনে তিনি আশ্বে  
আশ্বে বললেন, অনেকক্ষণ থেকে সাইকেলটা আমাদের পিছনে পিছনে আসছে।  
বাড়ির সামনে থেম না, কিছুটা গিয়ে শ্রীযুক্ত চো-র বাড়ির কাছে রিক্সা রাখবে।  
ঘাবড়ে যেও না।

খুশি সত্যি ঘাবড়ে গেল। সাইকেল সে কোনোদিনই পছন্দ করে না, কিন্তু  
তার উপর মনিবের কথা শুনে তার ভয় হোলো, কি ব্যাপার? মনিব বাড়ি  
ফিরতে সাহস করছেন না! সাইকেলওয়ালারা কে? এর পেছনে নিশ্চয়ই অনেক  
গোপন ব্যাপার আছে! খুশি চলতে শুরু করল। খানিক দূর গিয়েই সাইকেল-  
ওয়ালার সঙ্গে দেখা। সে তাদেরই অপেক্ষায় দাঁড়িয়ে ছিল। খুশি রিক্সা নিয়ে  
এগিয়ে যেতেই সে পিছন পিছন চলতে লাগল।

খুশি পাশ কাটিয়ে যেতে যেতে একবার তার দিকে তাকিয়ে দেখল। হঁ,  
লোকটাকে সে চিনতে পেরেছে। গোয়েন্দাই হবে। চা-খানায় প্রায়ই তো  
গোয়েন্দাদের সে দেখে। কথা না বললেও তাদের ধরনধারণ, তাদের পোশাক,  
হাবভাব দেখেই সে তাদের চিনতে পারে। ওরা সবাই নীল আচকান আর  
টুপি পরে—টুপিটা তাদের চোখ পর্যন্ত নামানো।

লঙ্ সাউথ স্ট্রিটের বাঁকে এসে খুশি জোরে ছুটতে শুরু করল। নিজের ঘোলাটে  
আলোর সার স্নান আলো ছাড়াচ্ছে—পেছনে সাইকেলের টুংটাং শব্দ। এমন ঘটনা  
তার জীবনে আগে কখনো ঘটেনি। ঘামে ভিজে উঠল তার শরীর। পার্কের  
কাছে এসে সে পিছন ফিরে তাকাল। গোয়েন্দাটা ঠিক পিছনে আসছে।

বাড়ির ফটক ছাড়িয়ে এবার সে এগিয়ে চলল। শ্রীযুক্ত চাও চূপ করে  
রিক্সায় বসে আছেন। একটা শব্দও তিনি করলেন না। উত্তর দিকে সৈ চলল,  
সাইকেল এখনো পিছনে পিছনে আসছে। খুশি একটা গলিতে ঢুকে পড়ল;  
সাইকেল পিছনে পিছনে এল। শ্রীযুক্ত চো-র বাড়ি যেতে হলে গলিতে ঢোকায়  
কোনো দরকার নেই, গলির শেষে এসে খুশির মনে হোলো, সে ভুলে গলিতে ঢুকে  
পড়েছে। মগজে আর তার কিছু নেই, নিজের উপর রাগই হোলো।

স্বদৃশ পাহাড়ের কাছে এসে পড়তেই সাইকেলটা মোড় ঘুরে অগ্নিদিকে চলে  
গেল। খুশি হাতের চেটোয় কপালের ঘাম মুছে কেলল। বরফ আর তেমন  
পড়ছে না, মাঝে মাঝে ফুলের মত টুপটাপ করে একটু আধটু পড়ছে। খুশি  
তাকিয়ে তাকিয়ে দেখল। মন তার আনন্দে ভরে গেছে।

সে ঘাড় কিরিয়ে জিজ্ঞেস করল, কোথায় যাব কত্তা?

চো-র বাড়ির দিকে যাও। কেউ যদি আমার সম্বন্ধে পথে কোনো কথা জিজ্ঞেস  
করে, বোলো, তুমি আমাকে চেনই না।

যে আক্ষে। ব্যাপারটা বড়ই ঘোরাল ঠেকছে। কিন্তু মনিবকে তো আর বেশি কিছু জিজ্ঞেস করা যায় না।

চো-র বাড়ির কাছে এসে তারা পৌঁছল। শ্রীযুক্ত চাও তাকে রিক্সা নিয়ে ফটকের ভিতর ঢুকে ফটক বন্ধ করে দিতে হুকুম দিলেন। চাও বেশ শান্তই আছেন, কিন্তু মুখ যেন কেমন ফ্যাকাসে হয়ে গেছে। তিনি এখার রিক্সা থেকে নেমে বাড়ির ভিতরে চলে গেলেন।

খুশি রিক্সাখানা রেখে পাদানির উপর বসে পড়ল। শ্রীযুক্ত চাও আবার বেরিয়ে এলেন, সঙ্গে শ্রীযুক্ত চো-ও আছেন। খুশি শ্রীযুক্ত চোকে চেনে, তার মনিবের বিশেষ বন্ধু তিনি।

খুশি—শ্রীযুক্ত চাও ব্যস্ত হয়ে বললেন, তুমি চট করে 'একখানি ট্যাক্সি ডেকে বাড়ি চলে যাও। তোমার মনিবানীকে বলগে, আমি এখানে আছি, তারাও যেন তাড়াতাড়ি চলে আসেন। যে গাড়িটায় যাবে, সেটা ছেড়ে দিও কিন্তু। কি বললাম, বুঝেছ তো? ওকে বোলো, দরকারি জিনিস ছাড়া আর কিছু সঙ্গে নেবার দরকার নেই, শুধু লাইব্রেরীতে যে পটখানা আছে সেইখানা যেন নিয়ে আসে। কি, মনে থাকবে তো? ওকে আমি ফোন করে দিচ্ছি, তোমাকেও বললাম, কি জানি উনি ভয়ে ঘাবড়ে গিয়ে হয়তো সবই ভুলে যাবেন। ভুলে গেলে, তুমি মনে করিয়ে দেবে।

আমিই তো গিয়ে ওকে নিয়ে আসতে পারি। শ্রীযুক্ত চো বললেন।

দরকার নেই, লোকটা গোয়েন্দা কিনা তারই বা ঠিক কি? কিন্তু সাবধানের তো আর মার নাই।

ভাই, তুমি আমার সঙ্গে একটা ট্যাক্সি ডেকে যাও।

শ্রীযুক্ত চো গাড়ি ডাকতে চলে গেলেন। শ্রীযুক্ত চাও আবার খুশিকে সব কথা বললেন, কি জানি যদি সে ভুলে যায়।

ট্যাক্সি এখানে এলে আমিই ভাড়া চুকিয়ে দেবখন। তাড়াতাড়ি জিনিসপত্র নিয়ে এখানে কর্তীকে চলে আসতে বলবে। দরকারী ছাড়া অন্য জিনিসপত্র পড়ে থাকে ক্ষতি নেই। শুধু খোকার সব জিনিসই যেন আনেন। হ্যাঁ, আর লাইব্রেরী ঘরের পটখানা—বুঝলে? কর্তীর সব গোছানো হলে কাও-মা যেন ফোনে একটা ট্যাক্সি ডেকে এখানে চলে আসে। ওরা চলে এলে তুমি ফটকের তালা বন্ধ করে লাইব্রেরী ঘরে গিয়ে ঘুমিও। ফোন করতে পার?।

ফোন করতে পারি না কত্তা, কিন্তু ফোন এলে ধরতে পারি। খুশি ফোন করতে ভালবাসে না, কেমন যেন গোলমাল হয়ে যায়। কিন্তু মনিবকে উত্তেজিত হতে দেখেই সে ওকথা বলল।

আচ্ছা, ওতেই চলবে। চাও বললেন, খুব দ্রুত তিনি বলে গেলেন, যদি কিছু হয়, বাইরে যদি কোনো গোলমাল হয়, ফটক খুলো না। আমরা পালিয়ে গেছি জানলে ওরা তোমাকে ছাড়বে না। যদি তেমন বোঝা তাহলে আলো নিবিয়ে দিয়ে ভিতরের উঠোন পেরিয়ে চলে যেও। গিয়ে দেয়াল দেখতে পাবে। দেয়ালের ওপাশে ওয়াওঁ পরিবার থাকেন। দেয়াল টপকে চলে যেও। তুমি ওদের চাকরদের চেন, চেন না? বেশ। কিছুক্ষণ ওদের ওখানেই লুকিয়ে থেকো। আমার বা নিজের জিনিসপত্রের জগ্ন ভেব না। দেয়াল টপকে চলে যেও। তোমার জিনিস হারালে আমি কিনে দেব। এই নাও, এই পাঁচ ডলার এখন রাখ।

আমি এবার কর্তৃত্বকে ফোন করতে যাচ্ছি। তুমিও গিয়ে সব কথা খুলে বলবে। সাইকেলওয়ালার গোয়েন্দা হতেও পারে নাও হতে পারে। দেখো, ঘাবড়ে যেও না।

ট্যাক্সি এল। খুশি চেপে বসল ট্যাক্সিতে। মাথাটা যেন তার ঘুরছে, শরীর ঠাণ্ডা হয়ে গেছে। বরফ ঝরছে, বাইরে সব কিছু আবছা হয়ে গেছে। সে সোজা হয়ে গাড়ির ভিতরে বসে রইল, মাথা তার গাড়ির ঢাকনায় গিয়ে প্রায় ঠেকেছে। ব্যাপারটা সে একবার ভেবে দেখতে চেষ্টা করল, পারল না। রেডিওস্টেরের ঢাকনায় আঁকা লাল তীরটার ওপর তার চোখ বার বার গিয়ে পড়ছে, সব কিছু তাল-গোল পাকিয়ে যাচ্ছে। এমন চমৎকার গাড়ি! কি জোরেই না ছুটেছে! খুশি অবাক হয়ে তাকিয়ে রইল। গাড়ি এসে এবার বাড়ির দরজায় থামল। খুশি বেরিয়ে এল। উৎসাহ তার নিবে গেছে।

দরজার কলিং বেলটা টিপতে যাবে, এমন সময় এক কাণ্ড হয়ে গেল। কোথেকে একটা লোক ছুটে এসে তার হাত চেপে ধরল। মনে হোলো, দেয়াল ফুঁড়েই যেন বেরিয়ে এসেছে সে। খুশি ভাবল, হাতটা সে ঝটকা মেরে ছাড়িয়ে নেবে, কিন্তু গায়ে জোর য়া ছিল যেন ফুরিয়ে গেছে। লোকটাকেও সে চিনতে পেরেছে। এই সেই সাইকেলওয়ালার গোয়েন্দা।

খুশি, আমাকে চিনতে পারছ না? গোয়েন্দা তার হাত ছেড়ে দিয়ে হাসল।

খুশি ঢোক গিলল, কি বলবে ভেবেই পেল না।

কি, চিনতে পারছ না? পশ্চিম পাহাড়ে আমরাই তো তোমাদের ধরে নিয়ে গিচ্ছলাম। আমি লেফটেন্যান্ট সান। কি, এখন চিনেছ? .

লেফটেন্যান্ট সান! খুশি ঠিক ঠাहर করতে পারল না। পশ্চিম পাহাড়ে যখন সৈন্যরা ওদের ধরে নিয়ে গিচ্ছল, তাদের হাতে বহু কষ্টই সহ্য করেছে। সেই কথাই মনে আছে! লেফটেন্যান্ট কি ক্যাপটেনের কথা নিয়ে সে কখনো মাথা ঘামায়নি।

ও, তুমি আমাকে চিনতে পারছ না বুঝি? আমি তোমাকে কিন্তু ঠিক চিনেছি। তোমার মুখের ঐ দাগটা কি একবার দেখলে আর ভোলা যায়। তোমার পাশ

কাটিয়ে যখন সাইকেল চালিয়ে গেলাম, তখনই আমার মনে হোলো এ খুশি না হয়ে যায় না। বারবার তাকিয়ে দেখলাম, হাঁ হাঁ খুশিই তো। অমন জ্বর দাগ!

কোনো দরকার আছে নাকি আপনার? খুশি বেল টিপতে গেল।

আছে বই কি। খুব জরুরী দরকার। চল না, ভিতরে গিয়ে, বসা থাক।  
লেকটেন্যান্ট—গোয়েন্দা সান, এবার বেল টিপল।

আমি খুব ব্যস্ত। খুশির কপালে মিনমিনে ঘাম দেখা দিল। মন তার ঘুণায় কাটা দিয়ে উঠেছে, জিজ্ঞেস করছে, বলছে, কোনো রকমে লোকটাকে তাড়ান যায় না? ওকে বাড়ির ভিতরে নিয়ে যেতে সে পারে কি?

ঘাবড়ে যেও না, তোমার ভালোর জন্তই এসেছি। গোয়েন্দার মুখে ধূর্তামির হাসি ফুটে উঠল। কাও-মা দরজা খুলতেই বাড়ির ভিতরে ঢুকে পড়ল।

ধন্যবাদ! অনেক অনেক ধন্যবাদ। খুশিকে সে কাও-মার সঙ্গে কথাই বলতে দিল না, তাকে টেনে নিয়ে উঠোনে এসে দাঁড়াল।

কোথায় থাক তুমি?

খুশি ঘর দেখিয়ে দিল। দুজনে ঘরে এসে বসল এবার। বাঃ, বেশ পরিষ্কার ঘরটি তো! এখানে ভালোই আছ তাহলে?

কি কাজ আছে বলুন, বলেছি তো আমি এখন খুব ব্যস্ত আছি। খুশি বলল।

আমার যে বহু জরুরী কাজ আছে খুশি। সান হাসল। হাসির আড়ালে যেন ক্রুরতা লুকিয়ে আছে।

সব ব্যাপারটাই খুলে বলছি। তোমার এই মনিব সরকারের বিরুদ্ধ-দলের লোক। ধরা পড়লে ওকে তারা গুলি করে মারবে, আর ধরাও সে পড়বেই। আমি সেই কথাই তোমাকে জানিয়ে দিতে এলাম। হাজার হোক, চেনা লোক তো বটে, তা তুমি স্বীকার করতে চাও বা না চাও। তুমি ছাউনিতে আমার কাজকর্ম করে দিতে, সে কথা তো আমি ভুলিনি। তাছাড়া তুমি আমি দুজনে নিচু তলার লোক। তাই তোমাকে সব কথা জানাতে এলাম। আমরা কয়েক ঘণ্টার ভিতরেই পুলিশ নিয়ে ফিরে আসছি, তার আগে যদি না পালাও তো আর কোনো উপায়ই থাকবে না। পুলিশের বেড়া জালে পড়লে ছাড়া পাওয়া শক্ত। তাছাড়া তুমি আমি গতর পাটিয়ে খাই, মনিবের জন্ত আমরাই বা কেন বিপদে পড়তে যাব? কি খুশি, আমি ঠিক বলিনি।

কিন্তু কোনোদিন তো আর মনিবের কাছে মুখ দেখাতে পারব না, খুশি বলল।

কাকে মুখ দেখাতে পারবে না? গোয়েন্দা হো হো করে হেসে উঠল। এমন প্রভুভক্তি তো কখনো দেখিনি বাপু! আরে ওরা যদি নিজেদের বিপদ নিজেরা টেনে আনে, আমরা কি করতে পারি? মুখ দেখানোই বা ভার হবে কেন আমি

তো বুঝি না। তাদের বিপদ তাঁরাই বুঝুক না। তাদের হয়ে আমরা শাস্তি পাব কেন? আচ্ছা, ধরই না, প্রভুভক্তি দেখিয়ে তিন-মাস তোমার মেয়াদ হোলো, কি হবে তখন? বেশ বুনো পাখীর মত স্বাধীন ভাবে ঘুরছিলে, তখন থাক অন্ধকার ঘরে বসে। কি যে সে কষ্ট, এখন বুঝতে পারবে না।

তাছাড়া আরো একটা কথা। মনিবরা জেলে গেলে তাদের কিছু যায় আসে না। তাদের মেলাই টাকা, ঘুস দিলে জেলে বসে কি না পাওয়া যায়। কিন্তু তোমার আমার এক কাণাকড়িও সম্বল নেই—আমাদেরই মুশকিল। হয়তো 'প্রশ্রাবের' বালতি বইয়েই 'প্রাণ' অতিষ্ঠ করে তুলবে। আর তাছাড়া চাও উপর-ওয়ালাকে টাকাকড়ি ঘুস দিয়ে বেরিয়ে আসতে পারবে—কিন্তু তোমাকে আমাকে জেলেই পচতে হবে। জেল থেকে যখন বেরিয়ে আসবে, দেখবে পিঠ কুঁজিয়ে গেছে, কোমর ভেঙে গেছে। তখন আর খাটবার শক্তিটুকুও থাকবে না।

খুশি, তুমি আমি কেন এই কষ্ট ভোগ করতে যাব? আমরা তো কারো কোনো ক্ষতি করিনি, সরকারের বিপক্ষেও কোনো কথা বলিনি, তবে আমাদেরই কেন স্বর্গের সাঁকোর কাছে নিয়ে গিয়ে ফাঁসি লটকে দেবে? এর চাইতে অবিচার আর কি আছে? ব্যাপারটা নিজেই ভেবে দেখ না। তুমি তো মনিবের জন্তে ভেবে সারা হয়ে যাচ্ছ—কিন্তু আমরা যারা খেটে খাই, তাদের জন্তে পৃথিবীতে কেউ তো মাথা ঘামায় না। তবে আমরাই বা ভাবব কেন বল?

খুশি ডয় পেল। সৈন্তেরা যখন তাকে ধরে নিয়ে যায়, কি কষ্টই না তাকে সহিতে হয়েছে। জেলে সে যায়নি, কিন্তু জেলের কষ্ট সম্বন্ধে সেই থেকেই তার ধারণা হয়েছে। তাহলে মনিবকে এই বিপদে ছেড়ে চলে যাব?

কেন যাবে না? তোমার বিপদে কি মনিব তোমাকে দেখবে?

খুশি নিরুত্তর। ফ্যাল ফ্যাল করে খানিকক্ষণ সে তাকিয়ে রইল, তারপর বলল, ঠিকই বলেছেন! আমি চলেই যাব!

তাই বলে এমনি ঝাড়া হাত পা বেরিয়ে পড়বে নাকি।

খুশি ঘাবড়ে গেল।

খুশি, তুমি একটা আন্ত বোকা! আমি গোয়েন্দা, অতো সহজে কি আর তোমাকে ছেড়ে দেব?

আপনি—খুশি কি বলবে ভেবে পেল না।

ওরকম বোকা সেজো না! গোয়েন্দা সান কটমট করে তাকাল। এতদিন চাকরী করলে, নিশ্চয়ই কিছু জমিয়েছ বন্ধু, যাও জমানো টাকা নিয়ে এস, তারপর যে চুলোয় খুশি চলে যাও। তুমি মাসে বা রোজগার কর, আমি তার অর্ধেকও করি না। আমাকে একটা গোটা সংসার চালাতে হয়, ভদ্র কাপড় চোপড় পরতে

হয়, কিন্তু মাইনেতে কুলোয় না। তাই মাইনে ছাড়াও মাঝে মাঝে এমনি কিছু রোজগার করি। কি করব, উপায় নেই। তুমি আমার বন্ধু বলেই কথাগুলো বললাম। তোমাকে ছেড়ে দিয়ে আমার লাভ কি বল। বন্ধু বলেই না তোমাকে সাবধান করতে এলাম। কিন্তু জান তো, বন্ধু হলেও ব্যবসার দিকটো ভুললে চলবে না। সংসারের কথাও ভাবতে হয়। কিছু রোজগার না হলে প্লোটো পরিবার কি পুবাঁল হাওয়া খেয়ে থাকবে নাকি। যাক মেনাই বকছি; এইবার কাজের কথা পাড়া যাক।

কত চাই আপনার। খুশি বিছানার উপর বসল।

যা আছে, সব বার কর—কোনো বাঁধা ধরা দার্ম নেই।

তার চাইতে আমি জ্বলেই যাব।

কথাটা ভুলো না বন্ধু। পরে দুঃখ করলে কোনো ফলই হবে না বলে দিচ্ছি।

গোয়েন্দা সান তার জামার পকেটে হাত ঢুকিয়ে দিল। শোন খুশি, আমি তোমাকে এখনি গ্রেপ্তার করতে পারি। পালাবার চেষ্টা করলে গুলিও করতে পারি—একথা ভুলে যেও না।

খুশি রাগে কিছুক্ষণ কথা বলতে পারল না, তারপরে চিংকার করে উঠল: মিতা বলেই বুঝি এমনি করে টাকা আদায় করছ? কই আমার মনিবকে তো পারলে না?

তোমার মনিব বড় আসামী। তাকে ধরলে সরকার থেকে পুরস্কার পাব। ছেড়ে দিতে তো আর পারব না? কিন্তু তোমাকে ইচ্ছে করলে আমি ছেড়ে দিতে পারি। তাছাড়া তোমাকে গুলি করে মেরে হাত গন্ধ করতেও চাই না। টাকা নিয়ে এস, তারপর যেখানে খুশি চলে যাও। টাকা না আনলে যা ফল হবে বুঝতেই পারছ। ঠিক খুন করে ফেলব। কিগো অমন তাগড়াই চেহারা তোমার অত ঘাবড়ে যাচ্ছ কেন? তোমার টাকা একা তো আর হজম করতে পারব না, আরো কয়েক জনকে ভাগ দিতে হবে। আমার ভাগে আর ক'পরস পড়বে। অত্বে কেউ হলে এত সন্তায় পার পেয়ে যেত না। কই কি আছে বার কর?

খুশি উঠে দাঁড়াল। হাত তার মুঠো করা, মাথা গরম হয়ে গেছে।

সাবধান, গোয়েন্দা বলল, সাবধান! হাত তুলেছ কি মরেছ। বাইরে আমার লোকজন দাঁড়িয়ে আছে। যাও, তাড়াতাড়ি টাকা নিয়ে এস। আমি তোমাকে বাঁচাতে চাই। নিজের ভালো বুঝতে শেখ বন্ধু।

কার কি করেছি যে আমার এমন দশা হলো। খুশি ফোঁপাতে ফোঁপাতে বিছানার উপর বসে পড়ল। তুমি কিছু করনি, কিন্তু পৃথিবীতে জন্মানোটাই যে একটা মস্ত বিপদ। আমার তো মনে হয়, মাছুষ যতদিন মার পেটে থাকে

ততদিনই সে স্থখী। আমরা নিচু, তলার লোকরা তো তলায়ই পড়ে আছি বন্ধু, আমাদের ওসব নিয়ে মাথা ঘামিয়ে কোনো লাভ নেই। গোয়েন্দা সান মাথা নাড়ল। কি হবে ভেবে, টাকা কটা এনে দাও, নিয়ে চলে যাই।

খুশি কিছুক্ষণ ধরে ভাবল, কিন্তু কোনো উপায়ই খুঁজে পেল না। এবার ছানার ভিতর থেকে চীনা মাটির ঘটটা বার করল। তার হাত ঠক ঠক করে কাঁপছে।

দেখি দেখি! গোয়েন্দা সান হেসে ঘট কেড়ে নিয়ে দেয়ালে আছড়ে ভেঙে ফেলল।

বনবন করে নতুন টাকাগুলো ছড়িয়ে পড়ছে। খুশির বুক দুঃখে ফেটে গেল।

মাত্র এই কটা টাকা।

খুশি চুপ করে রইল। তার কাঁপুনি এখনো থামেনি।

বেশ বেশ! আমি কথায় কথায় মাহুষ খুন করা পছন্দ করি না। তাছাড়া তুমি তো বন্ধুলোক। কিন্তু এই কটা টাকার বদলে তোমাকে ছেড়ে দিতে হোলো—এবড় আফশোস রয়ে গেল। সত্যি খুশি, তুমিই জিতলে দেখছি।

খুশি তবুও চুপ করে রইল। তার হাত পা কাঁপছে। সে বিছানার কবলটা তুলে নিতে গেল।

খবরদার, ছুঁয়ো না বলছি!

শীত করছে যে...খুশি তার দিকে তাকাল। চোখ দিয়ে যেন আগুন ঠিকরে পড়ছে।

বিছানা ছুঁয়ো না বলছি যাও, এখান থেকে চলে যাও!

খুশি ঢোক গিলল। সে রাগ হজম করে ফেলেছে। দাঁতে দাঁত এখনো চেপে আছে। কিন্তু কি করবে, উপায় নেই। দরজা খুলে সে ঘর থেকে বেরিয়ে গেল।

পথঘাট বরফের কার্পেটে ঢাকা। এক ইঞ্চি পুরু বরফ পড়ছে। খুশি মাথা নিচু করে চলতে লাগল, চারদিক সাদা সাদা হয়ে গেছে, শুধু বরফের উপর পড়ছে তার কালো পায়ের দাগ।



## বারো

খুশি কোথাও বসে ব্যাপারটা ভালো করে মনে মনে খতিয়ে দেখতে চাইল। কেমন যেন জট পাকিয়ে গেছে—আদি-অন্ত সে খুঁজে পাচ্ছে না। ভাবতে ভাবতে যদি সে কাদে তাতেই বা ক্ষতি কি? কাদলে বুকের ভার অনেকটা কমবে। সব কিছু যেন তার বিরুদ্ধে ষড়যন্ত্র করেছে; তার চারপাশে একটার পর একটা কাণ্ড 'ঘটে চলেছে তো চলেছেই—তাকে' ভাববার ফুরসৎ পর্যন্ত দিচ্ছে না। না না, সে ভেবে দেখবে। খুশি চারদিকে তাকাল। বসবারও জায়গা নেই। যতদূর চোখ যায় শুধু বরফ আর বরফ। চা-খানাগুলোর দরজা বন্ধ। আর খোলা পেলেও সেখানে সে ঢুকবে না। নিরিবিলিতে বসে সে ভাবতে চায়— হৈ হুল্লার ভিতরে যেতে তার মন চাইছে না, চোখের কোণায় কান্না জমে আছে, কখন ঝরে পড়বে কে জানে। লোকের স্তম্ভে কেঁদে ভাসালে ওরাই বা বলবে কি?

খুশি বসবার জায়গা খুঁজে পেল না। ঠিক করল পথ চলতে চলতেই সে ভাববে। কিন্তু কোথায় যাবে? রূপোর মতো সাদা পৃথিবী বিছিয়ে আছে— অনন্ত হিমবিস্তার—এর বৃকে বসবার জায়গা তো নেইই, এমনকি ষাবার জায়গাও বুঝি মিলবে না। কোথাও কেউ নেই, দু'একটা ছোটপাখী খিদের জ্বালায় উড়ে বেড়াচ্ছে: খুশির মনে হোলো, ঐ ছোট পাখীগুলোর মতোই সেও নিকরপান। এই বরফ ঢাকা পৃথিবীতে এমনি করেই তাকে ঘুরে বেড়াতে হবে, আশ্রয় সে পাবে না। হাওয়া বুঝি তারই দুঃখে দীর্ঘনিশ্বাস ফেলছে, গোড়িয়ে উঠছে।

সত্যি কোথায় সে যাবে? এই তো এখন সমস্তা—এই সমস্তার সমাধান না করে আজ্ঞেবাজে কথা ভাবলে তো চলবে না। ছোটখাট কোনো হোটেলে ঢুকে পড়বে নাকি? না, সেখানে সে মরে গেলেও যাবে না। কি নোংরা জায়গা! পুরু হয়ে ধুলো জমে আছে, চারদিক থেকে পচা গন্ধ ভেসে আসছে। বসতে গেলে তার সাক কাপড় চোপড় ময়লা হয়ে যাবে। তাছাড়া বসবার কি ঘো আছে? ছারপোকার তো গাদি লেগে আছে চেয়ার আর বেঞ্চিতে। এক হয় যদি সে কোনো বড় হোটেলে যায়? কিন্তু ট্যাক যে খালি। শুধু পাঁচ ডলারের একখানা নোট আছে—এই তো তার সম্বল। একটা হামামে অবিশি সে ঢুকে পড়তে পারে। কিন্তু ওরা আবার ছপ্পুর রাতেই দোকানের দরজা

বন্ধ করে দেয়। রাত কাটাবার ওখানে সুবিধে নেই। খুশি ভেবে ভেবে হেদিয়ে গেল, কিন্তু রাত কাটাবার আস্তানা খুজ পেল না।

হতাশ হয়ে পড়ল খুশি। এতদিন সে পিকিঙ শহরে কাটিয়ে দিল অথচ আজ তার মাথা গোঁজবারও একটা ঠাই নেই। পুঞ্জির মধ্যে পরনের এই কাপড়-জামা আর পাঁচ ডলারের একখানা নোট, এমনকি তার বিছানা পর্যন্ত সে হারিয়েছে। যাক, আজ রাতটা না হয় কাটিয়ে দিল, কাল কি হবে? আবার রিক্সা টানবে! আবার রিক্সা! এতদিন ধরে রিক্সা টেনে এই তো ফল হোলো—মাথা গোঁজবারও ঠাই নেই। যে কটা টাকা জমিয়েছিল—তাও চলে গেছে।

আচ্ছা, অল্প ব্যবসা করলে কেমন হয়! ফেরিওয়ালার ব্যবসা সে করতে পারে কিন্তু পুঞ্জি তো মাত্র পাঁচ ডলার। ওতে কি হবে? মায় কাঁধে চুপড়ি ঝুলোবার বাকুটা পর্যন্ত কিনতে হবে। আর তাতে রোজগারই বা কত হবে? পেটও ভরবে না। সহায়-সম্মল না থাকলেও একজন রিক্সাওয়ালার তিরিশ কি চল্লিশ সেন্ট দিনে রোজগার করতে পারে। আর ফেরিওয়ালার বেলায় তো তা হবে না। তার যতো কমই হোক কিছু মূলধন চাই, তাছাড়া রোজগারেরও কিছু ঠিক নেই। ফেরি করার ব্যবসায় মূলধন উড়িয়ে দিয়ে তারপর যদি আবার রিক্সার হাতল ধরতে হয়, তার চাইতে লজ্জা আর কি আছে। টাকা তো গেলই, ভাই-বোয়াদারদের কাছে মানও আর বাঁচল না। না, সে ফেরি করে শেষ সম্মল উড়িয়ে দিতে রাজি নয়।

আচ্ছা, কারো বাড়িতে চাকর হলে কেমন হয়? কিন্তু ও কাজ কখনো সে করেনি। কাপড় ধুতে সে পারবে না, তাছাড়া রান্না তো জানেই না। না, কোনো কাজেরই সে উপযুক্ত নয়। টাউস একটা জিনিস যেন গাড়িয়ে গাড়িয়ে চলেছে, কোনো উপকারেই লাগছে না।

কখন যে সে এসে মধ্যসাগরে এসে পৌছল তার নিজেরই খেয়াল নেই। সেতুর উপর সে উঠে এল, দুপাশে শূণ্যতা থা থা করছে, যতদূর চোখ যায় সব ফাঁকা শুধু মিহি বরফ ঝরছে। এতক্ষণ সে পথ চলছিল—বরফ পড়ছে কি পড়ছে না সে সম্বন্ধে তার খেয়ালই ছিল না। এবার খেয়াল হোলো। মাথায় হাত দিল সে; উলের টুপিটা ভিজ জবজবে হয়ে গেছে, কামিজের উপর জমেছে বরফ। আগোপাশে কেউ নেই, বাটের পুলিসটাও পালিয়ে গেছে। পথে আলোর শাষের উপর ঝরছে বরফ, কৈপে কৈপে উঠছে আলো। খুশি চারদিকে একবার ভালো করে তাকিয়ে দেখল। তার বুকখানা কেমন ফাঁকা ফাঁকা ঠেকছে।

বহুক্ষণ সে সেতুর উপর দাঁড়িয়ে রইল। চারদিক মরার মতো নিস্তব্ধ :

টু শব্দটি নেই, নেই জীবনের একটু সাড়া। শুধু বরফ ঝরছে, এখানে এখানে ছড়িয়ে পড়ছে, ঢেকে দিচ্ছে। সাধা কবর তৈরী হচ্ছে। মুহূর্ত পরেই পৃথিবী সেই কবরে সটান গুয়ে পড়বে। নাড়ির স্পন্দন তার থেমে যাবে।

খুশি এই প্রশান্তির ভিতরে বিবেকের স্বর শুনতে পেল। নিজেকে কথা সে ভাববে না; চাও পরিবারের কি হোলো আগে খোঁজ করতে হবে। শুধু কত্ৰী আর কাও-মা এরা সেখানে রয়েছে, একটা পুরুষও নেই! মনিবের উপর সে অবিচার করতে পারবে না, কত ভালো মনিব তার! এখনও যে সে নিঃস্বল হয়নি, সে তো মনিবের জন্তেই, আর সে ভাবতে পারল না। সে ফিরে চলল।

দরজায় কয়েকখানা পায়ের ছাপ, পথে মোটরের দাগ বরফের উপর ফুটে উঠেছে। তবে কি কত্ৰী আর কাও-মা চলে গেল।

উঠানের দরজার কাছে সে এসে দাঁড়াল। দরজায় ধাক্কা দিতে সাহস হচ্ছে না, কি জানি, গোয়েন্দা বেটা যদি আবার ধরে ফেলে! চারদিকে তাকিয়ে সে দেখল—না, কেউ নেই, বৃক ঢুলে উঠল। ধাক্কা মেরেই সে দেখবে দরজায়—তারপর যা হয় হবে। তার তো বাড়িঘর নেই—গ্রেফতার করলেই বা কি এস গেল। আস্তে আস্তে সে দরজায় ধাক্কা মারল। দরজা খুলে গেছে। পা টিপে টিপে সে দেয়াল ঘেঁসে চলতে লাগল। তার ঘরের আলোটা এখনো জলছে। তার ঘর! ফুঁপিয়ে তার কাঁদতে ইচ্ছে হোলো। গুঁড়ি মেরে জানলার সামনে গিড়ে দাঁড়াল, কান রইল খাড়া। কে বেন কাশছে। খনখন আওয়াজ বেরুচ্ছে। কাও-মাই অমনি করে কাশে। দরজা ঠেলে সে ঢুকে পড়ল।

কে কে? ওমা তুমি! ভয় ধরিয়ে দিয়েছিলে বাছা! কাও-মা বৃকে হাত দিয়ে বিছানায় বসে পড়ল। কি হয়েছে তোমার খুশি?

খুশি উত্তর দিতে পারল না, চূপ করে রইল। ঘেন কত বছর পরে কাও-মার সঙ্গে তার দেখা। বৃকের স্পন্দনও থেমে গেছে।

কি হয়েছে তোমার? কাও-মার স্বরে কান্না, তোমার আসার আগে মনিব এই বলে ফোন করলেন, আমরা ঘেন তাড়াতাড়ি চোর বাড়িতে চলে আসি। তিনি আরো বললেন, তুমি এখানে এখুনি এসে পড়বে। তুমিতো এসেও ছিলে, আমি নিজে দোর খুলে দিলাম যে! তোমার সঙ্গে কে একটা লোক ছিল বলে তখন কোনো কথা বলিনি। কত্ৰীর স্বরে গিয়ে সব গোছগাছ করলাম। কিন্তু তোমার দেখাই নেই।

এদিকে খোকা ঘুমিয়ে পড়েছিল, তাকে গরম কাপড়ে জড়িয়ে কোলে নিতে হোলো। তারপর লাইবেরী ঘরে গিয়ে পট নিলাম, তোমার তখনো দেখা নেই। কি করছিলে তখন? সব জিনিসপত্র কোনো রকমে তো গুছিয়ে নিলাম, তারপরে

তোমার খোঁজ করলাম। ওমা, কোনো পাত্তাই নেই—কর্ত্তী তো বেগে আগুন। একে তো কত'র কোন এসেছে, তার উপরে তোমার দেখা নেই। তিনি ঠক ঠক করে কাপতে লাগলেন। কি আর করি, নিজেই গাড়ি ভেঙে আনলাম কিন্তু বাড়ি চোঁ আর একেবারে সেই তিন রাজ্যের রূপকথার মতো ফেলে যেতে পারি না। তাই কর্ত্তীকে বললাম, আপনি চলে যান, আমি বাড়িতে পাহারা দেব। খুশি এলে তখন আমি যাব। না এলে, এইখানেই আমার থাকতে হবে। কি হয়েছিল তোমার? বল, চুপ করে রইলে কেন?

খুশি চুপ করে রইল, কি বলবে ভেবে পেল না।

দু'একটা মুখের কুখাই খসাক্সা বাছা! বোবা হয়ে থাকলে তো চলবে না! কি, হয়েছিল কি?

তুমি এখন চলে যাও! খুশির মুখ দিয়ে কথা কটা বেরিয়ে গেল।

তুমি বুদ্ধি বাড়িঘর দেখবে? কাও-মা বেগে গেল।

কত'র সঙ্গে দেখা হলে বলবে, আমাকে গোয়েন্দায় ধরেছিল, কিন্তু...কিন্তু ধরেনি।

এ আবার কেমন ধারা কথা গো? কাও-মা হেসে উঠল।

শোন, খুশি বেগে গিয়ে বলল, কত্তাকে তাড়াতাড়ি এখান থেকে সরে পড়তে বলবে। গোয়েন্দা বেটা বলেছে, শীগ'গিরই ওরা তাকে ধরবে। চো-র বাড়িও খুব ভালো জায়গা নয়। পালিয়ে যেতে বলবে। যাও, আমি দেওয়াল টপকে ওয়াউয়ের বাড়ি গিয়ে আত্মকের রাতটা কাটাব, কাল আবার কাজের খোঁজ করতে হবে। কত্তাকে বোলো, উনি যেন আমাকে মাফ করেন।

তোমার কথা শুনে সব যেন গুলিয়ে যাচ্ছে বাছা! কাও-মা দীর্ঘনিশ্বাস ফেলল। আচ্ছা, আমি যাচ্ছি। কি জানি, গিন্নী আবার বেরকম লোক, হয়তো গাড়িতে যেতে যেতে খোকার গায়ে কাপড় ভালো করে টেনে দেয়নি—ঠাণ্ডাই হয়তো লেগেছে। যাই; দেখিগে, খোকা কেমন আছে। আচ্ছা, আমি বলব'খন খুশি কত'রকে তাড়াতাড়ি সরে পড়তে বলেছে। আর সে আজ দেওয়াল টপকে ওয়াউয়ের বাড়ি রাত কাটাবে, কাল কাজের খোঁজে বেরবে—কি, এই কথাগুলো বলব'তো?

খুশি ঘাড় নাড়ল।

কাও-মা চলে গেল। খুশি ফটকে তালা লাগিয়ে নিজের ঘরে চলে এল। ঘরের টুকরোগুলো চারিদিকে ছড়িয়ে আছে। একটা টুকরো সে তুলে নিল, আবার কি ভেবে ছুঁড়ে ফেলে দিল। তার বিছানা ঠিকই আছে, চাদরটা পর্যন্ত একটু কুঁচকে যায়নি। কি ব্যাপার! তবে কি সান গোয়েন্দা নয়? না, না, তা সম্ভব নয়। বিপর না ঘটলে মনিব কি তার বাড়িঘর ফেলে এমনি করে

বিস্মাওয়ালা

পালাবে? খুশি ব্যাপারটা ঠিক বুঝতে পারছে না। হ্যাঁ, বড় গোলমালে ব্যাপার—  
ঠিক বোঝা যাচ্ছে না। বিছানার একপাশে সে বসে পড়ল। কিসের শব্দ না?  
লাফিয়ে আবার সে বিছানা থেকে উঠে পড়ল। বেশিক্ষণ সে এখানে থাকতে  
পারবে না; কি জানি, গোয়েন্দাটা আবার যদি ফিরে আসে? তার মনে শুধু  
ঘুরপাক খাচ্ছে ভাবনা:—বাড়ি ছেড়ে পালালে মনিবের কাছে সে আর মুখ  
দেখাতে পারবে না। কিন্তু কাণ্ড-মা তো খবর দেবে? না, তাহলেও চিন্তার আছে  
বইকি।

সে কখনো জীবনে কাউকে ঠকানি, কারো কাছ থেকে সুবিধে আদায়  
করেনি, নিজেই সে ঠকেছে। এই তো আবার তার শেষ সম্বল হারিয়ে বসল।  
এখন এই শূন্য বাড়িতে বসে থেকে কি করবে? বিড়বিড় করে আপন মনে  
বকতে বকতে বিছানাটা বেঁধে ফেলল।

বিছানার মোটটা কাঁধে নিয়ে আলো নিবিয়ে দিয়ে সে দেয়ালের কাছে এসে  
দাঁড়াল। মোটটা রেখে দেয়ালের উপরে উঠে আস্তে আস্তে ডাকল: চেঙ,  
অ-চেঙ, বড় কি ঘুমিয়েছ নাকি? চেঙ ওয়াওদের বাড়ি মাস মাইনেন্ন রিক্সা টানে।

কেউ সাড়া দিল না। খুশি ঠিক করল, যা থাকে বরাতে, সে লাফিয়ে তো  
পড়বে। বিছানার মোটটা নিয়ে আগে ছুড়ে ফেলে দিল। বরফের উপর ঝুপ  
করে পড়ল মোট। খুশির বকের ধুকধুকানি বেড়ে গেছে। এবার সে নিজে  
লাফিয়ে পড়ল। বিছানাটা কাঁধে নিয়ে সে চলল বড় চেঙের খোঁজে। চেঙ  
কোথায় থাকে সে জানে, নিরুন্ম বাড়ি সবাই ঘুমিয়ে পড়েছে, খুশির হঠাৎ মনে  
হোলো, চুপি করা তো খুব সহজ। কিন্তু তার সে মতলব নেই। সে এবার  
জোরে পা চালিয়ে চেঙের ঘরের হুমুখে এসে দাঁড়াল। গলা খেঁকারি দিতেই  
ভিতর থেকে সাড়া পাওয়া গেল।

কে, কে?

আমি, খুশি। দরজাটা খোল, খুশি বেশ স্বাভাবিক ভাবেই বলল। চেঙের  
ঘর শুনে তার বুকটা বেন খানিকটা হাল্কা হয়ে গেছে। চেঙ তার বন্ধু, তার  
কাছে পাবে সে দুঃখে সাহায্য।

বড় চেঙ আলো জ্বলে একটা ছোঁড়া কোট পরে দরজা খুলে দিল।

আরে, এই দুপুর রাতে কোথেকে এলে?

খুশি বিছানার মোটটা ঘরের এক কোণে রেখে তারই উপর বসে পড়ল।  
মুখে তার কথা নেই।

বড় চেঙের বয়েস ডিরিশ কি তার কিছু বেশি হবে। সারা গাল খুদে খুদে  
বিচিত্তে ছেয়ে গেছে। খুশির সঙ্গে তার বন্ধুত্ব নেই, দেখা হলে কথা বলে এই

পথন্ত। মাঝে মাঝে তার মনিব আর ক্রীযুক্ত চাও এক সঙ্গে বাজার করতে  
 যেতেন। তারা বাজারে ঢুকে ওরা চা-খানার কুকে ছ এক পাত্র চা একসঙ্গে  
 খায়, বিশ্রাম করে নেয়। খুশির বড় চেঙের উপরে তেমন শ্রদ্ধা নেই।  
 লোকটা জোরে ছুটতে পারে বটে, কিন্তু কেমন করে হাতল ধরে যেন!  
 মনে হয়, গায়ে এক ফোটা জোর নেই। তাই বলে চেঙ লোক খারাপ নয়।  
 কিন্তু অমন রগ-টিলে লোককে মিতে বলতে কেমন যেন বাধ-বাধ ঠেকে।

কিন্তু আজ রাতে চেঙকে তার খুব ভালোই লাগল। খুশি চুপ করে  
 বসে রইল, তার বৃকে উল্লে উঠছে কৃতজ্ঞতা। কিছুক্ষণ আগে সে মধ্যসাগরের  
 সেতুর উপর দাঁড়িয়েছিল, নিঃসঙ্গ অবস্থায়; বরফ ঝরছিল; এখন সে আশ্রয়  
 পেয়েছে, পেয়েছে চেনা মুখের দেখা।

বড় চেঙ কবলের ভিতরে ঢুকে পড়ে আঙুল দিয়ে ছেঁড়া কোটটা দেখিয়ে  
 বলল, নাও, কোটটার পকেট থেকে সিগারেট নিয়ে খাও।

খুশি এমনি সিগারেট খায় না, কিন্তু আজ সে না বলতে পারল না।  
 একটা সিগারেট নিয়ে ঠোঁটের ফাঁকে পুরে দিল।

কি হয়েছে? বড় চেঙ জিজ্ঞেস করল, চাকরী ছেড়ে দিলে নাকি?

না। খুশি বিছানার মোটটার উপর বসেই বলল। খুব বিপদ! কতরা  
 সব পালিয়ে গেলেন, একা বাড়ি পাহারা দিতে পারব না বলেই তোমার এখানে  
 এসেছি।

কি বিপদ ঘটল? বড় চেঙ উঠে বলল।

ঠিক বোঝাতে পারব না, কিন্তু বিপদ যে খুব সে কথা আমি বলতে পারি।  
 কাও-মাও চলে গেছে।

বাড়ি খালি পড়ে আছে?

হাঁ, দরজায় তালা মেরে এখানে চলে এসেছি।

হঁ! বড় চেঙ খানিকক্ষণ ভেবে বলল, আচ্ছা, আমার মনিবকে ব্যাপারটা  
 জানালে কেমন হয়? বড় চেঙ উঠে পড়ে ছেঁড়া কোটটা গায়ে দিল।

কাল বোলো। আজ রাতে আমিই সব শুনিয়ে বলতে পারব না। খুশির  
 ভয় হোলো ওরাও-কত! হয়তো খুঁটিয়ে খুঁটিয়ে সব কথা জিজ্ঞেস করবেন, সে  
 কোনো উত্তরই দিতে পারবে না। কি উত্তরই বা দেবে? মাথাটার যেন কেমন  
 গোলমাল হয়ে গেছে।

শুধু একটা জিনিস সে জানে, মনিব, তার স্ত্রী, বাচ্চা খোকা, কাও-মা—  
 সবাই পালিয়ে গেছে। এক সেইই এখানে পড়ে আছে। সকলেই উপায় খুঁজে  
 পেয়েছে;—সে যেমন উপায়ই হোক না—সবেরও তারা পড়েছে। কিন্তু তার

কোনো উপায় নেই, তাই সে পালাতে পারেনি। রিক্সাওয়ালাকে আবার উপায় বাতলে দেবে কে? রিক্সাওয়ালাদের এমনিই বরাত। হাড়-ভাজা খাটুনি খেটে বা পায় তা দিয়ে দিন চলে না। সমাজের একেবারে নিচু তলার বাসিন্দে সে, ভাগ্যের চড় চাপড়, আইনের চাবুক তার উপর এসে অনবরত পড়ছে, কিন্তু মুখ বুজে সয়ে যাওয়া ছাড়া তো তার উপায় নেই!

সিগারেটটা সে শেষ করে ফেলল, কিন্তু তখনো ভাবনা খিতিয়ে যায়নি মগজে। বাড়ি ছেড়ে এসে সে ভালো না খারাপ করেছে—সে কথা সে বুঝতে পারল না। সে যেন একটা মুরগীর ছানা, বাঁধুনি তাকে শক্ত করে চেপে ধরে আছে; আর একবার নিশ্বাস ফেলতে পারলেই সে তো'ষখেষ্ট! মরা-বাঁচার চিন্তা—কে করে এখন? বড় চেঙের সঙ্গে পরামর্শ করতে তার খুব ইচ্ছে হোলো, কিন্তু পরামর্শ করবে কি? ভালো করে সে কথাই বলতে পারছে না। সত্যিই, কথা বলতে গেলে কেমন গোলমাল হয়ে যায়। জীবনে সে বহু দুঃখ সহ্য করেছে, কিন্তু মুখ ফুটে কাউকে বলতে পারেনি। সে যেন বোবা মানুষ। রিক্সা সে কিনল, তারপর একদিন রিক্সাখানাও গেল। টাকাও জমাল; টাকা গেল; এমনি করেই চলেছে তার জীবন। তার পরিশ্রম পণ্ড হয়ে গেছে। তার শেষ সম্বল কেউ না কেউ ঠকিয়ে নিয়ে গেছে। কারো উপর সে রেগে উঠতে পারেনি—কুকুর দেখলেও সে পথ ছেড়ে দিয়েছে—আর তার ফল কিনা এই হোলো! এখন আর কোনো আশা-ভরসাই নেই!

পুরনো কথার জবাব কেটে কি হবে? কালকের কথাই সে ভাববে। কাল কি করবে? চাঁও-বাড়িতে ফিরে যাওয়ার তো উপায় নেই—কোথায়ই বা সে যাবে?

আজ রাতটা তোমার এখানে কাটিয়ে দেব ভাবছি—কি বল? এ যেন পথের নেড়িকুত্তা বাছি করবার জন্তে কোণ খুঁজে পেয়েছে! এই কোণটায় বসেই সে মিনিট খানেক অন্তত আরাম করে জিরিয়ে নেবে। কিন্তু দেখতে হবে, অন্তের অসুবিধে না হয়।

—কি ঠাণ্ডাই পড়েছে! আর বাইরে বরফে তো ঢেকে গেছে। এমন রাতে কোথায় আর যাবে? মেঝের শুতে পারবে তো? না পার, বিছানায় এস, কোনো রকমে দুজনের জায়গা হবে'খন।

—খুশি বিছানায় শুতে চাইল না। মেঝেই সে শুতে পারবে।

বড় চেঙ ঘুমিয়ে পড়ল। খুশির চোখে ঘুম এল না। সে বারবার এপাশ ওপাশ করল, ঘুম যে ছাই আসেই না! ঠাণ্ডা হাওয়া ঘরে এসে ঢুকছে, বিছানা যেন ঠাণ্ডা লোহার পাত, গা ঠেকানো যায় না। কোনোরকমে হাঁটু দুটো কুঁচকে ঘন হয়ে সে শুয়ে রইল। দোরের ফাঁক দিয়ে ছুঁচের মতো ঠাণ্ডা হাওয়া

এসে গায়ে বিধছে, অস্থির করে তুলছে। খুশি জোর করে চোখ বুজল, কিন্তু ঘুমোতে পারল না। চেঙের নিখাসের শব্দ শোনা যাচ্ছে, অঘোর ঘুমোচ্ছে চেঙ। খুশির হিংসে ছোলো। ওকে ঠেলে জাগিয়ে দিলে কেমন হয়? কিন্তু উচিত হবে কি? খুশি আবার ঘুমোতে চেষ্টা করল। ঠাণ্ডা হাওয়া গলায় ঢুকছে, বেদম কাশি আসছে। কিন্তু কাশবারও উপায় নেই। কাশির শব্দে চেঙ হয়তো এখনি জেগে উঠবে।

ঘুমোতে সে পারল না। উঠে পড়ে, নিঃশব্দে একবার মনিবের বাড়ি ঘুরে আসবে কিনা—এই কথাই সে ভাবতে লাগল। চাকরি তো সে ছেড়ে এসেছে; বাড়িতেও এখন কেউ নেই; এখন গিয়ে দুচারটে জিনিস নিয়ে এলে কেমন হয়? নিজে খেটেখুটে ষে কটা টাকা সে জমিয়েছিল, তা তো চুরি হয়ে গেল। আর মনিবের জন্তেই তো ব্যাপারটা ঘটল। এখন সে যদি মনিব বাড়ি থেকে গোটা কয়েক জিনিস চুরি করে নিয়ে আসে তাতে ক্ষতি কি? চাও বাড়িতে কাজ করতে এসেই তো সর্ব্ব খোয়াল, এখন চাও বাড়ির জিনিস দিয়ে ক্ষতি-পূরণ করাই তো তার উচিত। এর থেকে ভালো উপায়ও আর নেই। এমনি ধারা চিন্তা করতে করতে সে উত্তেজিত হয়ে উঠল। হ্যাঁ, সে এখনি যাবে। অত কষ্টের রোজগার গোয়েন্দাটা চুরি করে নিয়ে গেছে, বাক না, টাকারটা সে সহজেই ফিরে পাবে। হ্যাঁ হ্যাঁ, সে আর দেরি করবে না!

খুশি বিছানায় উঠে বসল, কিছুক্ষণ পরেই আবার শুয়ে পড়ল। বড় চেঙ যদি জেগে থাকে—যদি ব্যাপারটা দেখে ফেলে? কে জানে হয়তো ঘাপটি মেঝে ঘূমের ভাগ করেই ও পড়ে আছে। বৃকে ধুকধুকানি বেড়ে চলেছে। না, চোর সে হতে পারবে না। কিছুক্ষণ বাগেই তো সে ভাবছিল, মনিবের কাছে কি করে মুখ দেখাবে। সে তার পরামর্শ মতো কাজ করতে পারেনি। তার তবু ওজুহাত আছে, চাইকি মনিবের সঙ্গে দেখা হলে সবকথা সে খুলেও বলতে পারে, কিন্তু চুরি করলে তো আর তা সম্ভব হবে না। না না, অসম্ভব। সে না হয় টাকার অভাবে মরে যাবে, কিন্তু চুরি করতে পারবে না।

কিন্তু অল্প কেউ যদি খালি বাড়ি পেয়ে চুরি করে? সান কিছু নিয়ে গেছে কি না তাই বা কে বলবে? তবে তার ঘাড়ো দোষ চাপিয়ে দেওয়া চলতে পারে। খুশি আবার উঠে বসল। দূরে একটা কুকুর ডাকছে। আবার সে শুয়ে পড়ল। যেতে সে পারবে না। অন্তে চুরি করবে বলে কি সেও দলে ভিড়ে পড়বে তারপর বিবেকের বিষদাত ফুটবে না? লজ্জায় মুখ দেখানোই তো ভার হবে। পৃথিবীতে গরীব হওয়াটাই এক মন্তবড় অভিশাপ, তার উপর চুরির কলঙ্ক চেপে বসলেই হয়েছে আর কি?

আর একটা কথা, কাও-মা জানে সে ওয়াঙদের বাড়িতে এসেছে। কিন্তু চুরি করুক বা না করুক, কিছু চুরি গেলে তার উপরই দোষ পড়বে। চুরি



করা চুলোয় থাক, তার ভয় হোলো, রাতে কিছু চুরি না যায়। তখন গীতনদীতে বার বার ঝাঁপিয়ে পড়লেও সে কলক ধুয়ে বাঁবে না। এতক্ষণ শীত করছিল, এখন ভাবনায় ভাবনায় গায়ে ঘেন জ্বর এসেছে, হাত ঝামছে, জ্বাইতো এখন কি করবে? মনিব বাড়িতে গিয়ে পাঠারা দেবে নাকি! সে সাহস তো নেই। নিজের শেষ সখল দিয়ে কোনোরকমে বেঁচে গেছে; আবার ফাঁদে পড়তে সে রাজি নয়। কিন্তু যদি কিছু চুরি যায়, কি হবে তখন!

কোনো পথই সে খুঁজে পেল না। খুশি আবার উঠে বসল। মনের উপর পাথর চেপে বসেছে, চোখ বুজে আসছে, তবু ঘুমতে সাহস নেই। লম্বা রাত কিন্তু খুশির চোখে ঘুম আসছে না।

কতবার সে মঁতলব ভাঁজল আর বদলাল তার ঠিক ঠিকানা নেই। হঠাৎ সে ঘেন আলো দেখতে পেল! ধাকা মেরে বড় চেঙেকে জাগিয়ে দিল। বড় চেঙে, অ-বড় চেঙে, ওঠ, ওঠ।

কি হয়েছে? বড় চেঙে চোখ না মেলেই বলল, প্রস্‌দাব করবে বুকি? ঐ খাটের তলায় ডাবর রয়েছে।

ওঠ, ওঠ! আলো জালো।

কি, চোর এসেছে নাকি? বড় চেঙে ধড়মড়িয়ে উঠে বসল।

ঘুম টুটে গেছে তো? এখন আমার কথাগুলো শোনো।

বড় চেঙে হাই তুলল।

বড় চেঙে, একবার ভালো করে দেখে নাও। এই আমার বিছানা, এই আমার জামা-কাপড়। মনিবের দেওয়া নোটখানাও দেখালাম, আমার যা কিছু আছে, সব দেখলে তো?

হাঁ, দেখলাম তো, কিন্তু ব্যাপারটা কি? চেঙে আবার হাই তুলল।

ভালো করে দেখ, ঘুমিয়ে ঘুমিয়ে দেখলে চলবে না। এই আমার জিনিসপত্তর। মনিবের একগাছা কুটোও আমার কাছে নেই—তাই না?

তাতো দেখতেই পাচ্ছি! আমরা মনিবের মুন খাই, তার জিনিসপত্র ছুঁতে যাব কেন? চুরি করা আমাদের ব্যবসা নয়। যতদিন পোষাবে কাজ করব, যেদিন পারব না ইস্তফা দিয়ে চলে যাব। তাই বলে চুরি করতে যাব কেন? এই জ্বত্বেই কি জাগিয়ে দিলে নাকি?

ভালো করে দেখে নিয়েছ তো?

বড় চেঙে হাসল। নিশ্চয়। ভালো করে দেখেছি। তোমার ঠাণ্ডা লাগছে না?  
না, না, আমি এইখানেই বেশ আছি।

## তেরো

ভোর ঘেন একটু তাড়াতাড়ি হোলো। বছর শেব আসছে। সবাই জোড়ায় জোড়ায় মুরগী কিনছে, খাইয়ে দাইয়ে একটু মোটা করে নিতে হবে তো! চারদিকে মুরগী ডাকছে, বেচাকেনা চলছে। প্রথম তুষার মুখে করে প্রাচূর্ষ আর সমৃদ্ধি দিয়ে এসেছে।

কিন্তু সারারাত ঘুমোতে পারিনি। ভোরের দিকে সে চোখ বুজল। ঘুম এল না, তন্দ্রায় ঢুলতে লাগল। এ ঘেন নদীর ঢেউয়ের মতো একবার তোমাকে উপরে নিয়ে যাচ্ছে, আবার নিচে তলিয়ে দিচ্ছে। ঘুম বটে, কিন্তু ঘুমের প্রশান্তি নেই। এমনি করে বহুক্ষণ সে পড়ে রইল, শরীর হিম হয়ে গেছে। বাইরে মোরগের ডাক কানে আসছে—অসহ্য হয়ে উঠছে ডাক। খুশির বেদম কাশি পেল। কিন্তু বড় চেঙ যদি কাশির আওয়াজে জেগে ওঠে? সে মুখে ভালো করে কব্বলের একটা কোণ গুঁজে দিল। এখনো রোদ ওঠেনি, পথে গাড়ির চাকার শব্দ, ফেরিওয়ালাদের হাঁকডাক শুরু হয়নি।

খুশি উঠে বসল। সারা শরীর হিম হয়ে গেছে। খানিকক্ষণ চুপ করে বসে রইল, তারপর দরজাটা ফাঁক করে একবার বাইরে তাকিয়ে দেখল। তেমন বেশি বরফ পড়েনি। হয়তো মাঝরাতেই বন্ধ হয়ে গিছিল। আকাশ পরিষ্কার হয়ে আসছে। ভোরাই কুয়াশায় এখনো পথঘাট ভালো করে চেনা যাচ্ছে না, পথঘাট ছেয়ে আছে কুয়াশায়। তার নিজের বড় বড় পায়ের ছাপ রয়েছে দোর গোড়ায়—বরফ পড়ে পড়ে আবছা হয়ে গেছে, কিন্তু মুছে যায়নি। এখনো স্পষ্ট দেখা যাচ্ছে।

খুশি ঘরের ভিতর থেকে একটা ঝাঁটা এনে বরফ সাফ করতে শুরু করল। একটা কাজও করা হবে, তাছাড়া নিজের পায়ের ছাপটাও মুছে যাবে'খন। কিন্তু ঝোঁটিয়ে সাফ করা খুব সহজ ব্যাপার নয়। ঝোঁটাটাও ছোট, তার উপর মাটিতে একেবারে ছুয়ে পড়তে হয়। বাহোক, ক্লোনোরকমে উপরের স্তরটা পরিষ্কার করে ফেলল, নিচে মিহি চাদরের মতো আর এক আঁস্তরণ জমে আছে, মটির সঙ্গে এক হয়ে গেছে। তবুও সে ক্ষান্ত হোলো না, ব্যুর দুই জিরিয়ে নিয়ে কিছুক্ষণের ভিতরেই, আঙিনায় দুটো চারা উইলো গাছের গোড়ায় সে বরফের টিবি তৈরী করে ফেলল। ঘাম ছুটছে, শরীরটাও বেশ তাপ লাগছে। খুশি এবার হাঁপ ছাড়ল।

ঘরে গিয়ে জায়গামতো ঝাঁটা রেখে দিয়ে বিছানা গুটিয়ে ফেলল। চেঙের ঘুম এবার ভেঙেছে। সে হাই তুলে জিজ্ঞেস করল, খুব দেবী হয়ে গেছে বা কি? অডানো স্বর। চোখ মুছে জামার পকেট থেকে একটা সিগারেট বার করল। দু'এক বার কষ্টে টেনে ধোঁয়া ছাড়ল। একবার সে পুরোপুরি জেগে উঠেছে।

খুশি, এখনি চলে যেও না! গরম জল নিয়ে এসে একটু চা খেয়ে নেওয়া যাক! কাল রাতে তোমার উপর দিয়ে অত ধকল গেছে, নিশ্চয়ই ঘুম হয়নি?

আমিই গরম জল নিয়ে আসছি—বলতে গিয়ে খুশি থামল। রাতের ভয় এখনো, কার্টেনি, আবার তাকে ছেয়ে ফেলেছে, সব কিছু তাল গোল পাকিয়ে যাচ্ছে।

না না, আমিই যাচ্ছি! তুমি আমার বাড়িতে এসেছ, তুমি কি যাবে? বড় চেঙ উঠে পড়ে জামা কাঁধে নিয়ে বেরিয়ে গেল।

আরে, উঠোন এরই ভিতরে সাফ করে ফেলেছ যে! সত্যিই তুমি বড় ভালো লোক। তোমাকে কিছু না খাওয়ালে আপশোষ থেকে যাবে। যাই কিছু নিয়ে আসিগে।

কিছুক্ষণ পরেই বড়চেঙ একগাদা কেক, বিস্কুট আর দুর্ভাড়া কান্ডি নিয়ে ফিরে এল।

চা করতে একটু দেরি হবে। এস, তার আগে গলাটা একটু ভিজিয়ে নেই। ফুরিয়ে গেলে আরো দু'একভাড়া আনা যাবে'খন। পয়সা না থাকলেও ধারে নিয়ে আসবো। আমরা হাড়ভাড়া খাটুনি খেটে রোজগার করি, ভালো মন্দ খাবার না খেলে চলবে কেন? কিসের জোরে খাটব বল দেখি। এস, শুরু করে দি!

কুয়াশা কেটে গেছে, বোদ উঠেছে; ঘরের ভিতরে স্বচ্ছ আলো। ওরা ভাঁড় মুখের কাছে নিয়ে চুমুক দিয়ে যাচ্ছে—কেমন একটা চুক চুক শব্দ হচ্ছে—মিষ্টি মিষ্টি শব্দ! শুনতে বড় ভালো লাগে। কারো মুখে কথা নেই। শুধু কেক আর বিস্কুট চিবুচ্ছে, কান্ডি দিয়ে গলা ভেজাচ্ছে।

কি করবে এখন? বড় চেঙ দাঁত থেকে কেকের টুকরো খুঁটে বার করতে করতে বলল। আমি চলে যাব। খুশি তার গোটানো বিছানাটার দিকে তাকাল।

আচ্ছা, কি হয়েছিল বল দেখি? আমার যেন কেমন গোলমালে ঠেকছে। বড়চেঙ একটা সিগারেট খুশির দিকে এগিয়ে দিল। খুশি সিগারেটটা নিল।

খুশি লজ্জা পেল। বড় চেঙকে ব্যাপারটা খুলে না বলে সে অত্যাঁই করেছে। সে ব্যাপারটা যেমন যেমন ঘটেছিল বলল, খুঁটিনাটি কিছুই বাদ পড়ল না।

বড় চেঙ ঠোঁট চুষতে চুষতে শুনে গেল। যেন সে গল্পের কেমন তার হয়েছে চেখে পরখ করে দেখছে।

আমার তো মনে হয়, চাও কতাকেই তোমার খুঁজে বার করা উচিত এমন করে চাকরীতে ইস্তফা দেওয়া ঠিক নয়। তাছাড়া টাকা কটাও এমন করে যেতে দেবে নাকি? তুমিই তো বলেছ, 'চাও-কতা' তোমাকে বিপদ দেখলে সরে পড়তে বলেছিলেন? গাড়ি থেকে নামতেই তো গোয়েন্দাটা ধরে ফেলে! 'তোমার আর দোষ কি? তুমি তো আর অবিশ্বাসী নও, ব্যাপারটা বা দাঁড়াল, তাতে প্রাণ নিয়ে পালানো ছাড়া অন্য কোনো উপায়ই ছিল না। চাও-কতার কাছে মুখ দেখাতে পারবে না, ভীষণ লজ্জা করছে—ওসব কথা আর আমি কোনো মানেই খুঁজে পাই না। আমার পরামর্শ যদি শোনো, চাও-কতাকে খুঁজে বার কর, তাকে সব খুলে বল। তিনি নিশ্চয়ই তোমাকে গালাগাল দেবেন না, তাছাড়া তোমার টাকাটাও তিনি দিয়ে দিতে পারেন। এখন চলে যাও—বিছানা পতর এইখানেই থাকুক না। দিন আজকাল হুস হুস করে চলে যায়, সূর্যই ওঠে বেলা আটটায়। যাও, তাড়াতাড়ি যাও, দেরি করো না।

খুশির ঘড়ে আবার যেন প্রাণ এল। কিন্তু এখনো মনটা খুঁত খুঁত করছে মনিব কি বলে বসবেন কে জানে! কিন্তু বড় চেঙের বুদ্ধি আছে, ঠিক কথাই সে বলেছে। গোয়েন্দাটা ধরে রেখেছিল, পিস্তল বার করবে বলে ভয়ও দেখিয়েছিল। তা খুশি কি করবে?

যাও, দেবী করো না! বড় চেঙ আবার বলল। কাল রাতে তোমার মাথার ঠিক ছিল না। কি যে মাথামুগ্ধ বললে, বুঝতেও পারলুম না। তা অতো বড় বিপদে মাথা ঠিক আর কজনের থাকে? কিন্তু আমি যে পথ বলে দিলাম, এইই ঠিক পথ। তোমার থেকে আমি কিছুটা তো বড়, তাছাড়া জীবনে বহুঁ দেখেছি-শুনছি, আমার কথা শুনলে তোমার ভালোই হবে। রোদ উঠেছে—তুমি এখনি বেরিয়ে পড়।

সূর্য উঠেছে, শহরে ছড়িয়ে পড়েছে আলো। আকাশ নীল, নিচে সাদা বরফ বিছিয়ে আছে—আকাশের আলো আর বরফের আলো মিশে একাকার হয়ে গেছে। দেখা যায় না, চোখ ধাঁধিয়ে দেয়। খুশি ঘর থেকে বেরোতে যাবে এমন সময় ফটকে কে ঘা দিল।

বড় চেঙ কে এসেছে দেখতে গেল। ফটক থেকে চিংকার করে বলল, খুশি, খুশি, তোমার খোঁজে কে একজন এসেছে।

চো-র বাড়ি থেকে ছোটওয়াঙ এসেছে। ঠাণ্ডায় তার নাক দিয়ে জল গড়িয়ে পড়ছে, মাঝে মাঝে জুতো থেকে বরফ ঝেড়ে ফেলেছে। খুশিকে দেখে বড় চেঙ বলল, চল, ওকে নিয়ে ভিতরে গিয়ে বস। যাক। তিনজন ঘরে ফিরে এল।

ছোটওয়াঙ হাত ঘষতে ঘষতে বলল, আমি বাড়িটা দেখে যেতে এলাম। ভিতরে যেতে পারলাম না, ফটক ভালো বন্ধ। উঃ, কি ঠাণ্ডা পড়েছে ভাই!

চাও-কত্তা আর গিল্লি আজ ভোরে বওনা হয়ে গেছেন। টিয়েনলিন না সাংহাই কোথায় যাবেন ঠিক বলতে পারি না। আমাদের বলে গেছেন বাড়ির তব্ব তালাস করতে। উঃ, কি ঠাণ্ডা ভাই!

খুশির মনে হোলো, সে ঝরঝর করে কঁদে ফেলবে। বড় চেঙের কথা মত সে মনিবের সঙ্গে দেখা করতে যাচ্ছিল, কিন্তু মনিব তো চলে গেছেন, এখন কি হবে? সে বহুক্ষণ বোকার মত দাঁড়িয়ে রইল, তারপর জিজ্ঞেস করল, কত্তা আমার কথা কিছু বলে যাবনি?

না, ভোর হবার আগেই ওরা উঠে পড়লেন কিনা। তখন কি আর কথা বলার ফরসৎ আছে? ট্রেন সাতটা চলিশে। বাড়িতে কি করে ঢুকব ভাই?

দেয়াল টপকে চলে যাও। খুশি বিছানা গোটাতে শুরু করল।

কোথায় যাচ্ছ? বড় চেঙ জিজ্ঞেস করল।

মানবমিলনেই যাচ্ছি—আর যাই বা কোথায়? বারে বারে হতাশা। অচ্ছ কোনো উপায় তার আর নেই—সব পথ বন্ধ হয়ে গেছে। এখন এই বরফ ঢাকা সাদা পৃথিবী পার হয়ে বাঘিনীর কাছে, সেই কালো প্যাগোডার কাছেই, তাকে ফিরে যেতে হবে। আত্মসম্মান, আশা-ভরসা সব কিছু খুইয়ে নিঃশ্ব, রিত্ত হয়েই সে চলেছে। কুকুরের মতোই তার বরাত।

বড় চেঙ তার কাছে এসে বলল, তুমি যে মনিবের একটা কুটো পর্যন্ত নাওনি, ছোট ওয়াঙের কাছে একথা বলে কোনো লাভ নেই। তোমার বরাত ফিরক ভাই, যদি কখনো এই পথে আস, একবার দেখা দিয়ে যেও। ভালো কাজের খবর পেলে তোমাকে জানাতে পারব। তুমি চলে গেলে ছোটওয়াঙকে নিয়ে ওবাড়ি যাব'খন। ওবাড়িতে কয়লা পাওয়া যাবে?

কয়লা আর জ্বালানি কাঠ উঠোনের পাশে ছোট ঘরটার গাদা করা আছে। খুশি বিছানার মোটটা কাঁধে তুলে নিল।

পথের বরফ এখন আর সাদা দেখাচ্ছে না। গাড়ির চাকায় ঘোড়ার খুরে কালো হয়ে গেছে, মাঝে মাঝে সাদা রং ফুটে উঠছে। খুশি তাকিয়েও দেখল না, বিছানাটা কাঁধে নিয়ে সে এগিয়ে চলল। কোথাও না থেমে সে পৌছল মানবমিলনে। ফটকে এসে থামল না, একবার, থামলে ঢোকবার সাহসই হয়তো হারিয়ে ফেলবে। সে সোজা ঢুকে পড়ল। মুখ তার পুড়ে যাচ্ছে।

সে ঠিক করল, বাঘিনীর সঙ্গে দেখা হলেই বলবে :

আমি এসেছি। তোমার এখন যা খুশি করতে পার। তুমি যা ঠিক করবে তাইই হবে। আমার আর কোনো উপায় নেই।

কিন্তু বাঘিনীর সঙ্গে দেখা হতে তার সব কথা কেমন গুলিয়ে গেল। কিছুই সে বলতে পারল না, চুপ করে রইল। বাঘিনী সবে ঘুম থেকে উঠেছে, চুলগুলো এলোঁমেলো, চোখ ফুলো, মুখের উপর দু'একটা ব্রণ ঠেলে উঠেছে।

এসেছ, তুমি এসেছ তাহলে? তার স্বরে উজ্জ্বলতা, চোখে হাসি।

আমাকে একখানা রিক্সা ভাড়া দিতে হবে। খুশি মাথা নিচু করে জুতোয় লাগা বরফের দিকে তাকিয়ে বলল।

যাও; বুড়োকে বল না। বাঘিনী নিচু গলায় বললে। পুবের ঘর দেখিয়ে দিল সে। ন'কর্তা লিউ ঘরে বসে চা খাচ্ছেন। হুমুখে আগুনের কুণ্ড জ্বলছে। খুশি ঘরে ঢুকতেই তিনি খানিকটা বিরক্তি আর ঠাট্টার বাঁক মিশিয়ে বললেন, কিহে, আর যে দেখাই নেই! কাজকর্ম কেমন চলছে? রিক্সা কিনলে নাকি?

খুশি মাথা নাড়ল। ন'কর্তা আমাকে একখানা রিক্সা ভাড়া দিতে হবে।

সেকি! মাসমাইনের কাজ চুকে গেল? কোথাও ধোপে টিকছ না দেখছি! কাজ পাচ্ছ আর মোমবাতির মতো ফুঁদিয়ে শেষ করে দিয়ে চলে আসছ? যাও, দেখে শুনে একখানা রিক্সা বেছে নাওগে। ন'কর্তা লিউ পেয়ালাটা চুমুক দিয়ে শেষ করলেন। এস, এক পেয়ালা চা খেয়ে যাও।

খুশি এক চুমুকে চা খেয়ে ফেলল। গরম চা; আগুনের কুল থেকে উত্তাপ ছড়িয়ে পড়ছে ঘরে, আঁচ গায়ে লাগছে। কেমন ঘেন ঘুম পাচ্ছে তার। পেয়ালাটা রেখে সে চলে যাচ্ছিল, এমন সময় ন'কর্তা তাকে বাধা দিলেন।

দাঁড়াও। অতো তাড়াতাড়ি চলে যাচ্ছ কেন? তুমি ঠিক সময়েই এসে পড়েছ। সাতাশে তারিখ আমার জন্মদিন, আমি বহু লোককে নেমন্তন করেছি। মেরাপ বাধা হবে। তোমাকে ঐ কদিন একটু খাটতে হবে। তাই বলছিলাম, ঐ কদিন না হয় রিক্সা নাই টানলে। ওদের উপরওতো—আঙিনার দিকে হাত দিয়ে দেখিয়ে তিনি বললেন, আর নির্ভর করা যায় না! আর আমি ঐ হতচ্ছাড়াদের ভাকতেও চাই না। ওরা কাজ তো করবেই না, বরং সব পণ্ড করে দেবে। এক তোমার উপরেই নির্ভর করা যায়, তাই তোমাকেই বলছি। দেখছি তো, কোনো কাজ পড়লে তুমিই এগিয়ে যাও, মুঁখ ফুটে একবার বলতেও হয় না। তুমি গিয়ে উঠোনের বরফ প্রথমে সাফ করে ফেল। ছপুকে আমার এখানেই থাকে, বুঝলে?

যে আজ্ঞে কত্তা। খুশি আগেই ভেবে রেখেছিল, বাপ-বেটি যা বলবে, তাই করবে। সে হুকুম তামিল করে যাবে, তারপর বরাতে যা আছে তাই হবে।

বাধিনী এমন সময় ঘরে ঢুকে বলল, বলিনি বাবা ? খুশিই তো একমাত্র লোক, যার উপর কাজের ভার দিলে তুমি নিশ্চিন্ত হতে পার। ওর মতো লোক এখানে আর একটাও নেই।

ন'কর্তা হাসলেন। খুশি মাথা হেঁট করে রইল।

এস, এস, বাধিনী তাকে বাইরে ডাকল, আমি পয়সা দিচ্ছি, ভালো দেখে একটা ঝাঁটা কিনে নিয়ে এস, বাঁশের শলা হলেই কিন্তু—নইলে বরফ সাফ করা শক্ত হবে। তাড়াতাড়ি কিনে নিয়ে এসে ঝেঁটিয়ে সাফ করে ফেল। মেরাপ বাঁধবার লোক এখুনি এসে পড়বে।

খুশিকে নিয়ে বাধিনী তার ঘরে এসে পয়সা গুনে দিল। একটু চটপটে হও! বোকার মতো অমন ফ্যাল ফ্যাল করে তাকিয়ে থেকো না! বুড়োকে খুশি কর, তাহলেই আমাদের ব্যাপারটার একটা সুরাহা হবে।

খুশি চুপ করে রইল। বেগে উঠতে যেন সে ভুলে গেছে। কোনো চিন্তাই সে আর করে না। কোনো রকমে দিন কেটে গেলেই হোলো। খাবার পেলে খাবে, কাজ পেলে কাজ করবে। হাত পা এখনো মজবুত আছে, কাজ করতে করতেই দিন শেষ হয়ে যাবে। কলুর চোখ বাঁধা খচরগুলোকে সে ঘানিতে ঘুরতে সে দেখেছে, ঘুরছে তো ঘুরছেই—ক্লান্ত হলেও বাঁচোয়া নেই। ঠিক তেমনি চোখ বাঁধা খচরের মতো সেও কাজ করে যাবে। কাজের আনন্দ তো চলে গেছে, কি করবে না করবে ভেবে কি হবে? কিন্তু মন বশ মানে কই? কথা কইবার আর তার ইচ্ছে নেই, ভাবতেও সে চায় না, এমনকি বেগে উঠতেও সে পারে না—তবু বুকটায় যেন কেমন দমদম লাগে, মনে হয় অনেক কিছু যেন আটকে আছে, বেরিয়ে আসার পথ পাচ্ছে না। এ যেন সরু গলা একটা বোতল—মাঝ পথে ছিপিটা আটকে গেছে। কাজের সময় কিছু তার মনে থাকে না, কিন্তু বিশ্রামের সময় আবার সেই নিরুদ্ধ ভাবনার স্রোতের ধাক্কা এসে লাগে—তুলোর মতো নরম সে স্রোত...কোনো স্বাদ নেই, গন্ধ নেই—কিন্তু নিশ্বাস ফুরিয়ে ফেলে—মনে হয় গলার কোথায় যেন একখানা স্পঞ্জ বিঁধে আছে।

কাজ করে সে ক্লান্ত হয়ে যায়, তাহলেই তো ঘুম পাবে, নিরুদ্ধ ভাবনার স্রোতে তার দম বন্ধ করে দিতে পারবে না। রাতে সে স্বপ্নের হুকুমবরদার হয়ে আর দিনে হাত পাড়ের শাসন মেনে নেবে। আর সে তাইই করল। তাকে দেখে মনে হয়, সে যেন মরা মানুষ, শুধু জ্যান্তলোকের মতো খাটতে পারে। উঠোন ঝেঁটিয়ে বরফের গুপ করল, জিনিসপত্র কিনতে ছুটল বাজারে, কেরোসিনের লম্পোর ফরমায়েস দিয়ে এল, রিক্সা ধবে মেজে পরিষ্কার করল, টেবিল চেয়ার সরাই; তারপর মিলল ছুটি। ন'কর্তার দেওয়া খাবার খেয়ে ঘুমিয়ে পড়ল।

আবার ভোরে উঠল, আবার কাজ! ভুতের মতো সে কাজ করে গেল। মুখে তার বা নেই, মনে নেই কোনো ভাবনা। শুধু মাঝে মাঝে স্পঞ্জের মতো ঠেলে ঠেলে সেই নিরুদ্ধ শ্রোত। তার উৎসাহের শ্রোতে ভাঁটা পড়ে।

মেরাপ বাধা শুরু হয়েছে। ঘরামি বাঁশের মাচাটা উপরে তুলে দিল—এক উপরে ছাউনি দেওয়া হবে। সমস্ত উঠোনটা জুড়েই মেরাপ বাধা হবে। চারদিক ঘিরে দেওয়া হবে, যাতে ছাউনিটা গরম থাকে। ছাউনির ভিতরে কাঠের পার্টিশন থাকবে, ছবি টাঙানো হবে দেয়ালে, পাশে শালু দিয়ে মুড়ে দেবে দেয়াল। দরজায় ঝুলাবে নানা রঙের কাপড়। মুরগীর খোপটা উঠোন থেকে সরিয়ে নেওয়া হবে। ন'কর্তার উনসত্তর বছরের জন্মদিন, সত্তর বছর হতে আর এক বছর বাকি—তিনি বেশ ঘটা করেছে সব কিছু করছেন। মেরাপ বাধা দেখেই তো বোঝা যাচ্ছে, একটা এলাহি কাণ্ড হবে।

শীতের দিন ছোট। তাই বাঁশের কাঠামোটা তুলে নানা রঙের হরফ লেখা কাপড় ঝুলিয়ে দিয়েই ঘরামি চলে গেল। কাল আবার এসে ছবি টাঙাবে, বাকি কাজগুলো করবে। ন'কর্তা লিউ রেগে উঠলেন, মুখ তার লাল হয়ে গেল। বেটা সারাদিন বসে বসে এই কাজ করেছে! তিনি খুশিকে ডেকে এনে হুকুম দিলেন, বেটা তো কাজে ফাঁকি দিয়ে পালাল। যাও এবার দেখে এসো লম্পো-গুলোর কি ব্যবস্থা হোলো। আর রাঁধুনিকেও বলবে—সে যেন কাজে ফাঁকি না দেয়। ন'কর্তা জানেন তার ফাঁকি দেবে না—তবু তিনি নিশ্চিন্ত হতে পারছেন না।

খুশি খবর দিয়ে ফিরে আসতেই তিনি আবার তাকে মেচিয়াঙ খেলার হাতির দাঁতের টেবিল আনতে পাঠালেন। দুতিনটে টেবিল আনতে হবে। একদিন তো জুয়ো খেলা—তাও যদি মনের সাধে না খেলা গেল তো কি আর হোলো? খুশি প্রতিবেশীদের কাছ থেকে টেবিল নিয়ে ফিরে এল। এবার তিনি তাকে পাঠালেন গ্রামোফোন আনতে—জন্মদিনের উৎসব করছে একটু সোরগোল না হলে জমবে কেন? খুশি একবারও জিরোবার সময় পেল না, রাত এগারোটা পর্যন্ত এমনি ফাইফরমায়েস তাকে খাটতে হোলো। সে রিক্সা টানে, এমনি ছুটোছুটি করা তার অভ্যাস নেই। শেষ বার ফিরে এসে তার মনে হোলো, সে আর পা তুলতে পারছে না।

সাবধান ছোকরা! বুড়া বললেন, তোমাকে দিয়ে চলবে দেখছি, আমার যত্ন তোমার মতো একটা ছেলে থাকত। নিশ্চিন্তে চোখ বুজতে পারতাম। যাও, জিরিয়ে নাও গে—কাল আবার খাটাখাটুনি আছে।

বাঘিনী এক পাশে দাঁড়িয়ে ছিল। খুশির দিকে তাকিয়ে সে চোখ টিপল।



পরদিন ভোরেই ঘরামি কাজ করতে এল। ছবি আঁকা কাপড় দেয়ালে টাঙানো হোলো—তিনি রাত্রির রূপ কথার যুদ্ধের ছবি। এ লিউ-পির সঙ্গে লু-পুয় সে কি ভীষণ যুদ্ধ! তারপর চাও-উন পরাজিত লিউ-পির ছেলেকে ঝাটালেন। লিউ-পির শিবির পুড়ে গেল। তিনি কোনো রকমে রক্ষা পেলেন। আরো বহু গল্পের ছবিও সেখানে দেখা গেল। কতো বড় বড় বোকা ঢাল তলোয়ার আর বর্শা নিয়ে ঘোড়ার পিঠে টগবগিয়ে চলেছেন। ন'কর্তা ঘুরে ঘুরে সব দেখলেন। দেখে মনে হোলো তিনি খুশিই হয়েছেন।

ঘরামির পরেই আসবাবের দোকান থেকে আসবাব নিয়ে এল। ছাউনির ভিতরে আটটা টেবিল পাশাপাশি পড়ল; 'টেবিলের উপর সাদা ঢাকনি। চেয়ারগুলো গদি মোড়া। উৎসবের ঘরের মাঝখানেই দীর্ঘজীবনের দেবতার বেদী তৈরী হয়েছে। ঝড়লঠন বুলছে মাথার উপরে। 'টেবিলের উপরে লাল গালচে পাতা আছে। লাল গালচে দেখেই বুড়োর মনে পড়ল, আপেল তো আনা হয়নি। তিনি খুশিকে তাড়াতাড়ি আপেল আনতে পাঠালেন। বাঘিনী বুড়োকে না জানিয়ে দু'ডলার তার হাতে গুঁজে দিয়ে বলল ঐ দিয়ে সে যেন কেক কিনে নিয়ে এসে বুড়োকে উপহার দেয়।

সে আপেল নিয়ে কিরে আসতেই ওরা আপেল টেবিলে সাজিয়ে রাখল। আপেলের পিছনে সাজিয়ে রাখল তার দেওয়া উপহার।

বাবা, দেখ, দেখ, খুশি তোমার জন্তে কেমন উপহার এনেছে! ওমা, ওর যে এমন চমৎকার পছন্দ তাতো জানি না। বাঘিনী ন'কর্তাকে ডেকে খুশির দেওয়া উপহার দেখাল। ন'কর্তা খুশির দিকে চেয়ে হাসলেন।

বুড়োর জন্মদিনের উৎসবের সবই তৈরী, শুধু একটা জিনিস এখনো এসে পৌছয়নি। লম্বা টেবিলটায় ধুতুচি রাখা হয়েছে, তারই পিছনে 'দীর্ঘায়ু হও' এই কথাটা বড় বড় হরকে লেখা থাকবে। প্রথা এই যে, যার জন্মদিন, সে এই হরকগুলো নিজে লেখাবার বন্দোবস্ত করবে না, তার কোনো বন্ধু তাকে হরকগুলো কাপড়খানা উপহার দেবে। ন'কর্তা এক বন্ধুকে বলেও দিয়েছেন, কিন্তু এখনো তার দেখা নেই। ন'কর্তা রাগে জলে উঠলেন।

বন্ধুবান্ধবের বিয়ে, জন্মদিন, এমনি কি কেউ মরলেও আমাকেই ওরা স্মৃতি ঠেলে দেয়—আর আজ আমার জন্মদিন কিনা! বেজয়া বেটারা সব খসে পড়েছে!

কাল তো ছাব্বিশে, টেবিল তো তার আগে সাজানো হবে না। অতো তাড়া কিসের? বাঘিনী তাকে শান্ত করবার জন্তে বলল।

আমি সবকিছু তৈরী করে রাখতে চাই। একটু একটু করে সব বোগাড় করা আমার খাতে পোবায় না। খুশি, কারবাইড ও আলো আজ রাতেই

জালাতে হবে। বিকেল চারটের ভিতরে যদি না এসে পৌঁছায়, বোটাদের কি করি দেখ না। টুকরো টুকরো করে কেটে ফেলব।

খুশি, তুমি আর একবার গিয়ে একটু তড়া দিয়ে এস। বাধিনী বাপকে শুনিয়ে খুশিকে, অহরোধ করল। আজকাল বাপকে দেখলে সে খুশিকে কোনো না কোনো ফরমারেস করে। খুশি কোনো কথা বলে না, মুখবুজ খাটে।

এ শুধু মুখের কথা নয় বাবা, বাধিনী বলল, এ খুশির মতো ছেলে হল তোমার বেশ হোতো। আমার এমন বরাত, মেয়েমানুষ হয়ে জন্মালুম! খুশির মতো ছেলে পুষ্টিপুতুর নেওয়া যায় বটে—এই দেখ না—কদিন একটু জিরোয়নি—কিন্তু আলিস্তি নেই—খেটেই চলেছে।

ন'কর্তা কোনো কথা বললেন না, খানিকক্ষণ কি ভাবলেন, তারপর হঠাৎ চিৎকার করে উঠলেন, ওরে কলেরগান এসেছে না? নিয়ে আয় তো, গান শুনি।

পুরনো ভাড়া একটা গ্রামোফোন রেকর্ড খরাপ হয়ে গেছে, এমনকি পিন-গুলো পর্যন্ত মরচে ধরা। কোথেকে বুড়ো এমন জিনিস ধার করে এনেছে, কে জানে। দম দিয়ে গ্রামোফোন চালিয়ে দেওয়া হলো। শব্দ বেক্ষে বটে! বিড়ালের লেজ মাড়িয়ে দিলে যেমন চিৎকার বেরোয় ঠিক তেমনি। চামারের জুতো সেলাইয়ের ছুঁচের মতোই বুক গিয়ে বেঁধে। কিন্তু ন'কর্তার সে খেয়াল নেই, আওয়াজ বেক্সলেই হলো—তা যতো বিদকুটেই হোক না কেন।

বিকেলের দিকেই সাজানো-গোছানো হয়ে গেল। সব তৈরী, কাল রাঁধুনী এসে খাবার তৈরী করবে। ন'কর্তা নিজে ঘুরে ঘুরে তদারক করে বুড়াচ্ছেন। হাঁ, হাঁ, সবই ঠিক আছে।

সন্ধ্যারদিকে তিনি কয়লার দোকানে গেলেন। দোকানের ম্যানেজার কেউকে বললেন, তিনি এই উৎসবের হিসেব রাখেন এই দেবতাদের ইচ্ছে। কেউ হিসেব রাখতে ওস্তাদ। শানসি প্রদেশের লোক সে। কেউ ন'কর্তার অহরোধে রাজি হয়ে গেলেন। খুশিকে দিয়ে দুখানা প্রকাণ্ড খেরো বাঁধানো খাতা আর কিছু হলদে কাগজ বাজার থেকে আনিয়ে নিলেন। হলদে কাগজে তিনি বড় বড় করে লিখলেন—দীর্ঘায়ু হও; তারপর প্রতিটা হরফ ভিন্ন করে কেটে দেয়ালের এখানে ওখানে এঁটে দিলেন। এবার ন'কর্তা আরো দুজন অতিথিকে ডেকে এক হাত মেচিয়াঙ খেলায় প্রস্তাব করলেন। কেউ রাজি হলেন না। তিনি জানান বুড়ো জুয়া খেলায় ওস্তাদ।

ন'কর্তা রেগে গেলেন, তিনি এবার কয়েকজন রিক্সাওয়ালাকে ডেকে বললেন, এস না এক হাত খেলা যাক। কি ধক আছে?

রিক্সাওয়াল

সবাই খেলবার ইচ্ছে আছে, কিন্তু ন'কর্তার সঙ্গে নয়। কে ন' জানে, ন'কর্তা একসময়ে জুরোর আজ্ঞাধারী ছিল ?

তোরা একেবারে অপদার্থ। তোরা যে এখনো বেঁচে আছিস, এইতো আশ্চর্য। অথচ তোদের মতো বয়েসে, পকেটে পয়সা না থাকলেও খার করে খেলতে বসে গেছি। আগে হার তবে তো হারবার কথা বলবি, তা না আগেই হারবার কথা ভাবছিস ? আয়, বসে যা !

পয়সা দিয়ে খেলা চলবে ? কে একজন জিজ্ঞেস করল।

রেখে দে, ট্যাকে শুঁজে রেখে দে কাজ দেবে। লিউ তোদের মতো লোকদের সঙ্গে 'খেলতেও ঘেম্বাবোধ করে। বুড়ো চায়ে চুমুক দিতে দিতে টাকে হাত বুলাল। শোন, তোরা সবাইকে বলে দে, কাল আমার বন্ধুবান্ধব আত্মীয় স্বজন আসছে, কাল যেন বেলা চারটের ভিতরে সবাই ফিরে আসে।

অতিথি লোকজনে বাড়ি গিস্গিস্ করবে, ওর ভিতরে রিক্সা নামানো বা শেডে রাখতে গেলে গোলমাল হবেই। কালকের রিক্সাভাড়া মাপ করে দিলাম। ভোর থেকে বেলা চারটে পর্যন্ত যত খুশি টানো, একটা পয়সা দিতে হবে না। শুধু আমার হয়ে তোমরা সবাই দেবতার কাছে হাতজোড় করে বলবে, আরো যেন ধন দৌলত বাড়ে—এইটুকু আমি চাই, আর কিছু না। আশা করি, এইটুকু তোমরা করবে।

কাল বাদে পরশু আমার জন্মদিন। সেদিন কেউ রিক্সা নিয়ে বেরুতে পারবে না। বেলা সাড়ে আটটার সময় আমি সবাইকে ভোজ দেব। ছ'রকম খাবার পাকানো হচ্ছে, মদও থাকবে বইকি ! কিন্তু তোমরা যে, যেমন তেমন পোশাকে এসে পাত পেতে বসে যাবে—তা হবে না। তোমাদের ধোপহরত পোশাক পরে ফিটকাট হয়ে আসবে। যে ময়লা জামা কাপড় পরে আসবে তাকে লাথি মেরে দূর করে দেব। তোমাদের খাওয়া-দাওয়া চুকে গেলে তবে আমার আত্মীয় স্বজনরা খেতে বসবে। ওদের জন্তে আলাদা খাবার তৈরী হচ্ছে। মাংসই হবে তিনরকম, ছ'রকম শাকসব্জি, তাছাড়া মের্ঠাইমণ্ডা তো আছেই। আমি আগেই বলে দিছি, ওদের খাওয়ার সময় জুল জুল করে তাকিয়ে থেক না, খাবারের উপর দৃষ্টি দিও না।

যারা আমাকে ভালোবাসে তারা জন্মদিনের উপহার হিসেবে দশটা করে তোমার পয়সা দিয়ে যেও। তোমরা মনে করতে পারো, দশটা তোমার পয়সা কি আর ন'কর্তাকে হাতে ধরে দেওয়া যায়। কেন দেওয়া যাবে না ? ভালোবেসে যা দেবে তাইই আমি নেব। যারা দশটা পয়সা দিতে পারবে না, তারা যদি তিনবার আমার সম্মুখে মাটিতে মাথা ঠুকে প্রণাম করে, তাহলেও চলবে। শুধু সন্ধ্যার দিকে কারো যদি ইচ্ছে হয়, এসে খেয়ে যেতে পার। ভোজের পর বাকি যা থাকবে, সে তো

রিক্সাওয়ালা

তোমাদেরই। কিন্তু সন্ধ্যার আগে ফিরে এসে আমার অভিযানের জালিও না, কি শুনছ তো?

কাল কেউ কেউ রাতে রিক্সা নিয়ে বেরুবে, তাদের জন্তে কি ব্যবস্থা করবেন ন'কর্তা? একজন আধাবয়সী লোক জিজ্ঞেস করল।

রাতে ঝাঝা বেরুবে, তাদের এগারোটার মধ্যেই ফিরে আসতে হবে। পরশু এখানে ব্যাপার, হাঙ্গামা পোয়াতে পারব না বাপু, তাই আগেভাগে সাবধান করে দিচ্ছি।

সবাই চুপ করে রইল। কি বলবে তারা? তারা যেন এক উঁচু মাচার চড়ে বসেছে, সিঁড়ি নেই যে তরতর করে নেমে যাবে। সবাই ঠায় দাঁড়িয়ে রইল—যেন একদল ময়ীকে এনে সাজিয়ে রেখেছে। ন'কর্তার কথায় সবাই রেগে উঠেছে, সবাই বুঝতে পেরেছে তাদের অবস্থার অসমতা। কিন্তু সুবিধেও তারা পাচ্ছে : একদিনের রিক্সাভাড়া তাদের মাপ করে দিয়েছে, তার উপরে বিনে পয়সায় ভোজও তারা খাবে। অবিশ্রি নামেই বিনে পয়সা, ন'কর্তা ঠিক উপহার হিসেবে ভোজের দাম আদায় করে নেবে। কথার ছিরি দেখ না ন'কর্তার? ওরা যেন মাহুঘই নয়। জন্মদিনে তিনি ওদের আত্মীয়-স্বজনের কাছে ঘেঁসতে দিতেও রাজি নন। ইদুরের মতো গর্তে গিয়েই লুকোতে হবে।

তাছাড়া নতুন বছর আসছে, সোয়ারিও খুব মিলছে। এখন একদিন রিক্সা নিয়ে না বেরুলে বেশ ক্ষতি। অথচ ন'কর্তা হুকুম দিলেন : তার জন্মদিনে কেউ রিক্সা নিয়ে বেরুতে পারবে না। কি অগ্নায় ন'কর্তার? মনে মনে রিক্সাওয়ালারা কেপে উঠল, ন'কর্তাকে অকথা গালাগাল দিল, কিন্তু মুখ ফুটে একটা কথাও বলতে পারল না।

খুশিও ওদের মধ্যেই দাঁড়িয়ে ছিল। বাঘিনী এসে তাকে জামার হাতা ধরে টানতেই সে তার সঙ্গে বেরিয়ে গেল।

সবাই নিঃশব্দে চোখ তুলে খুশির দিকে তাকাল। চোখ থেকে তাদের আগুন টিকরে পড়ছে। ন'কর্তার প্রতি পুন্নিভূত বিষেষ যেন বেরিয়ে আসবার পথ খুঁজে পেয়েছে। এই দুদিন ধরে তারা লক্ষ্য করেছে, খুশি জুজুর মতো ন'কর্তার কাই-ফরমায়েস খাটছে, এক মুহূর্তের জন্তেও আপত্তি করেনি। কিন্তু কেন? চাকর খেতাব পাবার জন্তেই কি খুশি এতো খাটছে? খুশির উপর তারা রেগে উঠল।

খুশি অত খতিয়ে দেখেনি। সে লিউ পরিবারের এই এলাহী ব্যাপারে ভুতের মতো খাটছে শুধু তার নিজেরই জন্তে। যন তার হুশিস্তায় ভারী হয়ে উঠেছে, খাটলে হুশিস্তার হাত থেকে রেহাই পাওয়া যাবে—এই ভেবেই সে খাটছে। সন্ধ্যায় সে যখন জিরোয়, তখনো কারো সঙ্গে কথা বলে না। বলবে কি, বলার মতো

কিই বা তার আছে। অস্ত্র রিক্সাওয়ালারা ভাবে, ন'কর্তার ফাইকরমায়েস খেটে খেটে খুশির দেমাক হয়েছে। কিন্তু তারা তার মনের খবর তো আর রাখেনা।

বাঘিনীর খুশির সঙ্গে এতো ঢলাঢলিও তাদের ভালো লাগেনি, বরং মন ঘেন কেমন তেতো হয়ে গেছে। ন'কর্তা তো হুকুম জারী করেই বসলেন তারা তাদের খুশিমতো আগুনায় আসতে যেতে পারবে না—আর খুশিটার কি মজা! রিক্সা নিয়েও বেরুতে হবে না, তাছাড়া দুদিন খাবে-দাবেও ভালো। কিন্তু ওর বেলায় বা এ ব্যবস্থা হোলো কেন? ও তো ওদেরই একজন। দেখ না, বাঘিনীটা এসে ভেকে' নিয়ে গেল! দরজা দিয়ে বাইরে ঘাবার পথে তারা দেখল কেরোসিনের আলোটার নিচে, দাঁড়িয়ে খুশি আর বাঘিনী কথা কইছে। তারা চোখ তুলে একবার তাকিয়ে দেখল তারপর সবাই বেরিয়ে এল।

## চৌদ্দ

লিউ পরিবারের উৎসব খুব জাঁকজমকের সঙ্গেই সম্পন্ন হোলো। ন'কর্তা খুব খুশি হলেন। কত লোক এসে তার পায়ে মাথা ঠুকল। তাকে অভিনন্দন জানাল, তাছাড়া বন্ধু-বান্ধব দিল নানা উপহার। হবার কথাও বটে। ষ্ঠেসব আত্মীয়-স্বজন তাকে এতদিন ভালো চোখে দেখেনি তারাও এসে উপহার দিয়ে গেল, জানিয়ে গেল অভিনন্দন। ন'কর্তা গর্বে ফুলে উঠলেন। হাঁ, তাহলে তারাও স্বীকার করতে বাধ্য হয়েছে যে, ন'কর্তা একেবারে বদলে গেছেন! ফার দেওয়া নতুন কামিজ পরে তাকে মানিয়েও ছিল বেশ। সবাই তাকিয়ে দেখেছে, তারিপও করেছে মনে মনে। অথচ একদিন তার চাইতে ঢের ঢের ভালো অবস্থা ছিল এদের—আর আজ? ভাগ্যের চাকা এই বিশ ত্রিশ বছর ধরে অনবরত ঘুরেছে—জীবনের পঙ্কিল শ্রোত বয়ে গেছে—এরা এখন এসে ঠেকেছে চাকার একেবারে নিচে। কারো কারো একবেলাও ভালো করে খাওয়া জোটে না। তাদের দিকে ন'কর্তা তাকিয়ে দেখলেন, তার চোখ পড়ল মেরাপ আর দীর্ঘায়ু দেবতার বেদীর দিকে :—ধূপ ধুনো জ্বলছে, টেবিলে টেবিলে খাবার, মদের পেয়ালাগুলো চক চক করছে—ওদিকে দেয়ালে যুদ্ধের ছবি—লোকজনের হজা-হজোড়। ন'কর্তার মনে হোলো তিনি এদের চাইতে অনেক বেশি উপরে উঠে গেছেন, বদলে গেছেন। মেটিয়াড খেলার ঝকঝকে সাদা টেবিলগুলো এনে যখন পাতা হোলো, তখনও তার এই কথাই বার বার মনে পড়ল।

এই আচমাদ আহ্লাদের ভিতরে আর একটা জিনিস তিনি বেশি করে অনুভব করলেন—সে তার নিঃসঙ্গতা। অবাঁক লাগল, কি করে এতদিন তিনি এই নিঃসঙ্গতা সহ্য করলেন! এতদিন তিনি একাই কাটিয়েছেন, তার বন্ধুবান্ধব বলতে কেউ নেই। যাদের তিনি নিমন্ত্রণ করেছেন, তারা অধিকাংশই পাড়ার যে সব দোকান থেকে জিনিসপত্র কেনেন, তারই ম্যানেজার বা কর্মচারীর দল। দূরসম্পর্কিত আত্মীয়ও কিছু এসেছে, তাদের সঙ্গে রক্তের একটা সংস্ক আছে ঐ পর্যন্ত; তাছাড়া আছে পুরনো দিনের সাঙাংরা। বাউগুলো, লম্বীছাড়ার দল—এখন উড়ে উড়েই বেড়াচ্ছে—সংসারে ওদের দামই বা কি! কিন্তু এরই মধ্যে যে দু'একজন মেয়ে আসবে একথা ন'কর্তা ভাবতেই পারেনি। মেয়েরা এলে বাধিনী তাদের অভ্যর্থনা করল, তাদের যত্ন করা, খাওয়াদাওয়ার তদারক কোনো কিছুতেই ক্রটি

না, কিন্তু ন'কর্তার মন কেমন যেন ফাঁকা হয়ে গেল। তার বাড়িতে মেয়ে বলতে আছে বাধিনী। তাকে মেয়ে বলে তো মনেই হয় না। ষা দিন দিন মোষের মতো বেড়ে উঠছে। বাধিনী যদি ছেলে হতো, এতদিনে নিজের সংসার পাতিয়ে বলত, একপাল ছেলেগুলোও হতো তার। ন'কর্তার বোঁ না থাকলেও নাতি-নাতনী নিয়ে দিন কেটে যেত, এতটা ফাঁকা ঠেকত না। সত্যি; কিছুই তো তার অভাব ছিল না। একটা ছেলে হলেই তার সব অভাব মিটত। এই যে এত কষ্ট করে তিনি সব গুছিয়ে রেখে যাচ্ছেন, কার জন্তে? নিজে চোখ বুজলে একে এসব দেখবে? থাকবার মধ্যে তো এক মেয়ে। না, সবই বুঝি ব্যর্থ হয়ে গেল।

ভোর বেলা থেকে তার মেজাজটা বেশ খুশিই ছিল। কত লোক এল, তার পায়ে মাথা ঠুকল, দীর্ঘায়ু কামনা করল; গর্বই হয়েছিল। হ্যাঁ, অবশেষে ভাগ্যের দেবতা সমুদ্রের কচ্ছপের কাছ থেকে তিনি তার সম্মান আদায় করে নিয়েছেন—এতদিনে সাধনা তার যেন সার্থকই হয়েছে। তিনি যেন রূপকথার বীর—সবাই তার কাছে নিয়ে এসেছে পাণ্ড অর্থাৎ, সবাই তার পায়ের উপর লুটিয়ে পড়ছে।

কিন্তু বিকেল হতেই গর্বের যে হাওয়াটুকু তাকে ফুলিয়ে ফাঁপিয়ে দিয়েছিল, হঠাৎ ফুল করে বেরিয়ে গেল। ন'কর্তা কেমন চুপসে গেলেন। নিমন্ত্রিত মেয়েরা এল, তাদের সঙ্গে ফুটফুটে ছেলেমেয়ের দল। সত্যিই ওদের দেখে আনন্দও হয়, আবার হিংসে করতেও ইচ্ছে করে। ন'কর্তা তাদের দিকে তাকিয়ে রইলেন। আর এক সমস্তা দেখা দিল। এদের কোলে পিঠে তুলে নিয়ে আদর করতে ইচ্ছে হোলো, কিন্তু লোকে কি মনে করবে এই ভয়ে তিনি তা পারলেন না। কিন্তু নিরুদ্ধ ইচ্ছা অন্তরিক দিয়ে তার শোধ তুলল। তার মেজাজ তিরিকি হয়ে উঠল। কিন্তু মেজাজ দেখাবেন কোথায়? নিমন্ত্রণ করে বাদেয় এনেছেন, তাদের হুমুখে কি আর মেজাজ দেখানো চলে! ন'কর্তা শুধু কামনা করতে লাগলেন, দিনটা তাড়াতাড়ি শেষ হয়ে যাক, নইলে এ শান্তি আর সম্ব হয় না।

খুশিরও এদিকে কাহিল অবস্থা।

রিক্সাওয়ালাদের ভোজ শুরু হোলো আটটার কিছু পরে। একদিনের ভাড়া রেয়াত পেয়েছে তার উপরে বিনে পয়সার ভোজ—আর চাই কি। কিন্তু কেউ খুশি মনে ভোজে আসেনি। তার কারণ, বুড়োর জন্তে সবাইকেই উপহার আনতে হয়েছে। তারা মজুর, খেটে খায়, রিক্সার আড্ডার মালিক ন'কর্তার বহুনি মূখ বুজে সয়ে যায়। কিন্তু আজ ন'কর্তার নিমন্ত্রিত অতিথি হয়েছে রেহাই নেই। নিজের সাথার স্নান পায়ে ফেলে রোজগার করা টাকা ন'কর্তাকে উপহার দিতে হবে। খাওয়ার পরে আস্থানা ছেড়ে চলে যেতে হবে—কি জানি মানী অতিথিরা

ওদের দেখলে বিরক্ত হতে পারেন। এদিকে আবার বিজ্ঞা নিয়ে বেকনোও নিষেধ। নতুন বছর আসছে, এই সময়ই তো তাদের মরশুম—এই সময়ে একদিনে যা রোজগার হবে, অল্প সময়ে এক হুণ্ডায় তা হবে কিনা সন্দেহ।

খুশির কথা অবশ্য আলাদা। খেয়ে দেয়ে চুল বাঁওয়ার দলে সে পড়ে না। তবু ভাই-বোয়ালদের সঙ্গেই সে খেতে বসবে ঠিক করল। তাড়াতাড়ি খাওয়াটা চুকিয়ে নিলে কাজ করবার যেমন সুবিধে হবে, তেমনি সেও যে ওদেরই একজন একথাও বুঝিয়ে দেওয়া হবে। সে ভিড়ের ভিতরে বসতে গেল, এমন সময় কে একজন বলে উঠল, তুমি তো মানী লোক! আমাদের সঙ্গে এক টেবিলে বসবে কি করে?

খুশি বোকার মতো হাসল, কথাটার মানে সে বুঝতে পারেনি। ক’দিন কারো সঙ্গে কথা না বলে বলে তার মন নিষ্ক্রিয় হয়ে গেছে।

খাবার এসে গেল। মাংস বা শাক-সবজির রকমারি ব্যাঞ্জন তারা পেল না, কিন্তু মদ তারা আশা মিটিয়েই খেল। ন’কর্তা এখানে রূপণ হতে পারেননি। নীর্ঘায়ু কামনা করতে হলে মদ চাই বৈকি। তাই আগেই তিনি বন্দোবস্ত করে রেখেছিলেন!

খাবার না থাকুক, মদ তো আছে। সবাই মদ খেতে শুরু করল। কেউ বা পেয়ালার পর পেয়ালো উজাড় করে নিয়ে গুম হয়ে গেল, কেউ বা হুলা শুরু করল। বুড়ো লিউ তাদের থামাবার চেষ্টা করে হাল ছেড়ে দিলেন। খুশি মদ খায় না, কিন্তু দলে পড়ে তাকেও হুতিন পেয়ালো গিলতে হোলো। কি জানি, না খেলে ওরা হয়তো আবার কি ভাববে। খানিকক্ষণ চলল মদ খাওয়া; চোখ এবার লাল হয়ে এল, জিভও বুঝি আর শাসন মানছে না।

কে একজন বলে উঠল, এই বেটা খুশি উট, বেড়ে চাকরী জোগাড় করেছিস মাইরি! দুবেলা পেট পুরে খাওয়া আর মনিব আর তার মেয়ের ফাইফরমায়ের খাটা! আমি বলে দিলাম, তাকে আর বিজ্ঞা টানতে হবে না।

খুশি চুপ করে রইল। মানবমিলনে কিরে আসার পর থেকে সে যেন কেমন হয়ে গেছে! কেউ কিছু বললে সে জবাব দেয় না, এমন কি রাগও চেপে রাখে। এখন একমাত্র দেবতা তার ভরসা। 'তারা যা ক্রাবেন সে তাই করবে।

আবার কে একজন ফোঁড়ন দিল, খুশির রাস্তাই আলাদা ভাই। আমরা গতর খাটিয়ে টাকা রোজগার করি, কিন্তু খুশি গতর খাটায় অল্প ব্যাপারে। কি বরাত মাইরি! টাকাকে টাকাও এল আবার সুখও হোলো। সবাই হো হো করে হেসে উঠল। খুশি বুঝতে পারল, সবাই তাকে ঠাট্টা করছে কিন্তু যে দুঃখ বিজ্ঞাওয়াল



সে সয়েছে তার কাছে এই ঠাট্টার দাম কি। কয়েকটা হালকা কথা বই তো নয়  
খুশি মুখ বুজে রইল, উত্তর দিল না।

ওরা এবার খুশিকে ছেকে ধরল। আশেপাশের টেবিলের লোকরাও এসে  
যোগ দিল। কে একজন ডেকে বলল, খুশি কাল থেকে তুমিই তো আমাদের  
মনিব। তখন কিন্তু ভাই-বেরাদারদের ভুলে যেও না।

খুশি তবু চুপ। অল্প টেবিল থেকে আর একজন বলল, কাল না হয়  
মনিবই হবে, তাই বলে একটা মুখের কথা খসাতে নেই?

খুশির মুখ লাল হয়ে উঠল, সে আস্তে আস্তে বলল, কি যা তা বকছ তোমরা।  
আমি মনিব হব কি করে?

কেন হবে না শুনি! ভেঙ্কি দেখনি! ফুস মস্তুরে রিক্সাওয়ালা আর রিক্সাওয়ালা  
রইল না। খুশি মাথামুণ্ডু কিছুই বুঝতে পারল না। ভেঙ্কি ঘাবার কিসের?  
তবে এইটুকু স্পষ্ট বুঝতে পারল, বাঘিনীর সঙ্গে তার নাম জড়িয়ে তারা ঠাট্টা  
করছে। মুখ তার ফ্যাকাসে হয়ে গেল, মনে ভিড় করে এল জীবনের দুঃখ-  
দুর্দশার স্মৃতি। তারা যেন বুকে চেপে বসেছে; সে আর সহ্য করতে পারছে  
না। বস্তার মতো বুকের ভিতরে তোলপাড় তুলেছে, ছাপিয়ে উঠেছে, হয়তো  
যে কোনো মুহূর্তেই প্রবল বস্তার বেগে উৎসারিত হয়ে পড়বে।

ঠিক এমনি সময়ে একজন রিক্সাওয়ালা খুশিকে ডেকে বলল, খুশি ভাই, কথায়  
আছে না বোবা লোকরাই ভালো ভালো মাংস খায়। তোমার ভাগ্যে মাংস জুটল,  
আমরা তো শুধু কামড়াকামড়ি করলুম, ভাগ পেলুম না। কি ঠিক বলিনি?

খুশি এক লাফে উঠে দাঁড়াল। মুখ তার উত্তেজনার লাল হয়ে গেছে।  
সে ঘুবি পাকিয়ে চিংকার করে বলল, আয়, বাইরে এসে যা বলেছিস আর  
একবার বল! আয়, চলে আয় বাইরে! সবাই ঘাবড়ে গেল। কারো মুখে  
রা নেই। সময় কাটাবার জন্তে ঠাট্টা-তামাসা করছিল মাত্র, মারামারি করবার  
উৎসাহ তাদের নেই।

সবাই চুপ চাপ। একদল পাখী বনে কিচিরমিচির করছিল। হঠাৎ ঈগল এসে  
দেখা দিল, শুক হয়ে গেল পাখীদের কলরব। খুশি একা দাঁড়িয়ে আছে, সকলের  
চেয়ে ঢাঙা সকলের চেয়ে জোয়ান। বুকে তার ধুঁইয়ে উঠছে ক্রোধের আগুন,  
আত্মবিশ্বাসে সে উদ্দীপ্ত হয়ে উঠেছে। সবাই যদি একসঙ্গে তার উপর ঝাঁপিয়ে  
পড়ে, তাহলেও তার সঙ্গে এঁটে উঠতে তারা পারবে না। সে আবার বলে উঠল,  
কথা তো নয় যেন হাতুড়ী দিয়ে পেরেক ঠুকছে : আয়, কে আসবি আয়! কার  
কতো মরদ আছে বেশি!

ব্যাপারটা স্ববিধে নয় সবাই বুঝতে পারল। তারা একসঙ্গে চেষ্টা করে উঠল : হয়েছে, হয়েছে এবার খাম, আমরা তোমাকে ঠাট্টা করছিলাম।

ন'কর্তাও গোলমাল শুনে ছুটে এলেন। তিনি এসেই বললেন, খুশি, তুমি বসে পড়! তারপর দলের দিকে তাকিয়ে বললেন, নিরীহ গোবেচারী পেয়ে খুব ঠাট্টা করছিলে বুঝি। দেখো, আবার যদি গোলমাল শুনতে পাই সব লাথি মেরে দূর করে দেব কিন্তু। চটপট মুখ বুজে থেয়ে নাও! খুশি টেবিল ছেড়ে উঠে গেল। সবাই বুড়োর দিকে তাকিয়ে নিঃশব্দে বোখনা থেকে ভাত ভুলে নিল। চলল খাওয়া-দাওয়া। বুড়ো চলে যেতেই আবার হাসি ঠাট্টার শ্রোত-বয়ে গেল।

খুশি ফটকের স্মৃতি বহুক্ষণ দাঁড়িয়ে রইল। আবার কেউ যদি বেরবার সময় ঠাট্টা করে, তার উপর ঝাঁপিয়ে পড়বে। তারপর যা হয় হোক, সে গ্রাহ্য করে না। বেজায় বেটাৱা!

কিন্তু সবাই কেউ একা বেরল না, দুজন, তিনজন করে তারা বেরিয়ে গেল, খুশির দিকে একবার ফিরেও তাকাল না। খুশির লড়াই করাও হোলো না। তবু তার মনে হোলো, খানিকটা বুক হাল্কা হয়েছে, রাগের ঝাঁঝ সে কিছুটা বার করে দিতে পেরেছে। কিন্তু তবুও কি ছাই মনে শান্তি আছে? কতগুলো লোককে চটানো কি ভালো হোলো? তার বন্ধু বলতে কেউ নেই। তাই শত দুঃখ দুর্দশায় পড়লেও মুখ ফুটে কারো কাছে সে কিছু বলতে পারেনি। আজ আবার এতগুলো লোককে সে চটিয়ে দিল। কি হবে কে জানে!

খুশির মনে এল অহুতাপ। খুব কমই সে খেয়েছিল, কিন্তু পাকস্থলীতে যেন আটকে আছে খাবার, পেটে মোচড় দিচ্ছে। ফটক থেকে সে ভিতরে এল। দৃষ্টিস্তা করে কোনো লাভ নেই। এই তো ওর ভাই-বোদাররা দিনে দুবার করে ঝগড়া করে, মারামারি করে, কিন্তু আবার হাসিঠাট্টায় মশগুল হয়ে ওঠে, সব ভুলে যায়। মুখ গোমরা করে ভেবে লাভ কি? তাতে কিছু স্ববিধে তো আর হবে না!

খুশি এমনি খারা ভেবে ভেবে ঠিক করল, সে নতুন পথে চলবে। একেবারে নতুন মানুষ সে হবে। যাকে দেখবে তার সঙ্গেই পাতাবে মিতালি। হার কাছ বতটুকু স্ববিধে পাওয়া যায় আদায় করে নেবে। পরের বাড়ি ভেঙে চা সিগারেট খাবে, টাকা খাবু নিয়ে শোধ দেবে না, পুলিশের চোখে ধুলো দেবে। খরা পড়লে দুতিন দিন হাজত বাস করে আসবে।

হা, তাই সে করবে। সেই তো বিপ্লবোদ্ভাসের সত্যিকারের জীবন! আর তাতেই তারা স্বাধীন। সেই বা অল্প পথে গিয়ে অস্বাধীন হবে কেন? নিরীহ

গোবেচারী হয়ে থাক্কা, আইন বাচিয়ে চলা, উচু নজর—ওসবের কানো দামই নেই। তার চেয়ে এই অশরার্থদের দলে ভিড়ে পড়া টের ভালো। ওদের মধ্যে ভালোমানষি নেই, আছে কাউকে গ্রাহ্য না করার নেশা, আছে বীরত্ব। খুশি ঠিক করল ওদের দলেই ভিড়ে পড়বে। স্বর্গে মর্ত্য কাউকে লে ডরাবে না, কারো কাছে সে মাথা হেঁট করবে না। সে হবে খাঁটি মাহুষ, খাঁটি গুণ্ডা!

তার কেমন আপশোষ হোলো। মারামারি বাধলে সে এক হাত দেখিয়ে দিতে পারত, হ' সেও কম যায় না। যাক ভবিষ্যতের জন্তে তোলা রইল। সে বখশ্কারো কাছে মাথা নোয়াবে না ঠিক করেছে তখন মারামারি তো আজ বাদে কাল বাধবেই।

ন'কর্তার চোখে ধুলো দেওয়া খুবই শক্ত। তিনি সব দেখে শুনে ব্যাপারটা আঁচ করে নিলেন। তিনি লক্ষ্য করেছেন, বাঘিনী এই কদিন কথায় উঠেছে বসছে। খুশি ফিরে এসেছে বলেই কি ও এত বাধ্য হয়েছে? খুশির দিকেই সারাক্ষণ তাকিয়ে আছে মেয়েটা? ব্যাপার খানা কি? বুড়ো মুখে কিছু বললেন না, কিন্তু মনে মনে বেজার চটে গেলেন। তার ছেলে নেই, ছট করে এক পাল ছেলের জন্ম দেওয়াও সম্ভব নয়। তারপর মেয়েটা যদি কারো সঙ্গে বেরিয়ে যায়, তাহলেই তো হয়েছে আর কি! এতদিন ধরে খেটেখুটে যা কিছু করলেন, সব পণ্ড হয়ে বাবে।

খুশি ছেলেটা বেশ ভালো, কিন্তু ছেলে বা জামাই হিসেবে একেবারে অচল। বেটা রিক্সাওয়ালা! গায়ে বোটকা গন্ধ ছাড়ছে! ন'কর্তা সারা জীবন ধরে যুদ্ধ করেছেন। কতোবার জেলখানায় আটক রয়েছেন—তবে না তার এত সম্পত্তি ধনদৌলতের মালিক তিনি হয়েছেন। আর সেই ধনদৌলতে ভাগ বসাবে এক ছোঁড়া গেঁয়ো ভূত! না, না, অতো সস্তা নয়, অতো সস্তা নয়! যদি সেই মন্তলব নিয়েই বেটা এসে থাকে, তাহলে টের ও পেয়ে যাবেখন! এ যে-সে লোক নয়, ন'কর্তা লিউ!

বেলা তিনটে-চারটের সময় বুড়ো লিউকে জন্মদিনে অভিনন্দন জানাতে আরো কয়েকজন নিমন্ত্রিত অতিথি এল, কিন্তু বুড়োর তখন মেজাজই খারাপ হয়ে গেছে।

তার চেহারার স্ততি, বাড় বাড়ন্তের কামনাই তার করল। এমনি ফাঁকা বুলি শুনে তিনি উতাক্ত হয়ে উঠলেন।

সন্ধ্যা হয়ে এল এবার, মেরাপের এখানে ওখানে জলে উঠল, কাগজের লণ্ঠন। অতিথিরা একে একে বিদায় নিল। পাড়াপড়শী আর অন্তরঙ্গ বন্ধুরা মেচিয়াঙ খেলতে বসে গেল। বিরাট মণ্ডপ প্রায় ফাঁকা হয়ে গেছে, টেবিলের ঢাকনাগুলো তুলে নেওয়া হয়েছে, গ্যাসের বাতির আবছা নীল আলো এসে পড়ে কেমন এক

প্রতাপুরীর আবহাওয়া জাগিয়ে তুলেছে। ন'কর্তা তাকিয়ে রইলেন। তার মনে হালো দীর্ঘায়ুর এই উৎসব আর শোকের অস্থানে কোনো তফাৎ নেই। শুধু ঐ রকুণ্ডো বদলে দিতে হবে, আর নানা রঙের কাপড় খুলে ফেলে সাদা কাপড়ে মুড়ে দিতে হবে চারদিক। ব্যস, তাহলেই দীর্ঘায়ু উৎসবের আসর হবে শোকবাসর। তার ছেলে বা নান্টি নেই যে শোকের পোশাক পরে শবাধারের কাছে হাঁটু গেড়ে এসে থাকবে, তখনো এমন কয়েকজন পড়শী বা বহুদিনের বন্ধু বসে বসে মেচিয়াঙ খলবে আর সারারাত শবাধার পাহারা দেবে। ন'কর্তা উভেক্তিত হয়ে উঠলেন। এদের এখনি তাড়িয়ে দিলে কেমন হয়? তার ফুসফুসে এখনো ষতটুকু জীবনীশক্তি আছে, ওদের ঘাবড়ে দেওয়ার পক্ষে যথেষ্ট। দু'এক পা করে ন'কর্তা এগিয়ে গেলেন, তারপরে ফিরে এলেন। না, বন্ধুবান্ধবের সঙ্গে এমন অভদ্রতা তিনি করতে পারবেন না।

তার রাগ এবার অস্থানিকে মোড় ঘুরল। মেয়ের দিকে কটমট করে তিনি তাকালেন। দেখলেও গা জ্বলে যায়! খুশিটাও মগুপের ভিতরে বসে আছে। হাদা ছোকরা, মুখখানা ঠিক কুকুরের মতো দেখতে। গ্যাসের বাতির নীল আলো কাটা গগটার উপর এসে কিস্তু দেখাচ্ছে। ন'কর্তা মুখ ঘুরিয়ে নিলেন। মানিকজোড়ের দিকে তাকালেও পিতি জ্বলে যায়!

এমনি বাঘিনীর পোশাকের দিকে নজর নেই, আদব-কায়দারও ধার ধারে না—সে যেন বুন্দাদের গান, ছন্দ নেই, তাল নেই। আজ কিস্ত সে ভোল বদলে ফেলেছে। হাহারে পোশাক পরে অতিথিদের কেমন অভ্যর্থনা করছে? সবাই তার প্রশংসা করুক হয়তো এই সে চায়—তাছাড়া খুশিকেও দেখিয়ে দিতে চায় গৃহিনীপনায় সে কমন ওস্তাদ। প্রথম প্রথম আদর অভ্যর্থনা তার ভালোই লাগছিল, কিন্তু পদ্মপালের মতো পিল পিল করে ক্ষতিগ্রস্ত আসছে তো আসছেই, কাঁহাতক সামলানো যায়! সে বিরক্ত হয়ে উঠল। এমন মাপা কথা আর মাপা হাসি তার পোষাবে কেন? তার মনে হোলো, চিংকার করে কাউকে বাপাস্ত না করতে পারলে আর কিছুক্ষণ পরেই তার দম বন্ধ হয়ে যাবে! অস্থির হয়ে উঠল বাঘিনী। কিস্ত তখনো তার আঁকা একটু কুঁচকে যায়নি, রুজমাখা মুখখানা মুখোশের মতো তার স্বরূপ ঢেকে রেখেছে।

সাতটার পরে ন'কর্তা বিমূর্তে শুরু করলেন। তা'বুড়ো বয়েসে অত ধকল পোষাবে কেন? কিস্ত ন'কর্তা তবু শুতে গেলেন না, মেচিয়াঙ টেবিলে বসে গেলেন। কয়েক বাজি খেলা হোলো, ন'কর্তা এবার প্রস্তাব করলেন, 'ন' তাসের খেলা হোক। কিস্ত কেউই অস্থ খেলা খেলতে রাজি হোলো না। কি আর করেন, তিনি খেলা দেখতেই বসে গেলেন! কতক্ষণ চুপ করে বসে থাকা যায়? চোখ বুজে আসছে, হাই উঠছে। তিনি পেয়ালার পর পেয়الا মদ খেয়ে কোনোরকমে চোখ

খুলে রাখতে চেষ্টা করলেন। মদের একটু নেশা হতেই তার মস্তিষ্ক হোলো, তিনি আজ বড় ঠকে গেছেন। মেরাপওয়ালা থেকে রাধুনি পর্যন্ত সবাই ঠাকে ঠকিয়েছে। এমন কি নিজের গাঁটের কড়ি ভেঙে ভোজ দিলেন, আর তার নিজের পেট ভালো করে ভরল না! এই সব কথা তিনি অনর্গল বকে গেলেন। সবাই জোচ্চোর, সবাই তার মাথায় কাঁঠাল ভেঙে সরে পড়েছে।

এমন সময় শ্রীযুক্ত ফেড হিসেবপত্র নিয়ে এসে মণ্ডপে ঢুকলেন। কারা কি উপহার দিয়েছে তারই হিসেব। দীর্ঘায়ু কামনার স্তোত্র লেখা পটিশথানা পট, তিনটে বড় বড় দীর্ঘায়ু কেক, এক ভাঁড় মদ, কয়েকখানা মোমবাতি আর বিশ ডলার।—এই সারা দিনে উপহার! অথচ অতিথি তো পালে পালে পঙ্ক-পালের মতো এসেছে।

ন'কর্তা তো ক্ষেপে গেলেন। এই কটা উপহার পাবেন জানলে কে অতো বটা করে নেমস্তনের জোগাড় করত। দু'একটা ভাজাভুজি, কি শাক সবজি হলেই তো চলতো। আকর্ষণ গিলে কিনা বেটারা এই কটা সামান্য উপহার দিয়ে গেল! বুড়োকে বোকা পেয়ে খুব ঠকিয়েছে তো! এর পর তিনি আর এমন বোকাষি করবেন না। টাকা তো বানে ভেসে আসে না যে ওদের পেট ভরাবেন। এমন কি বন্ধুবান্ধব আত্মীয় স্বজনরাও এসে বিনে পয়সার ভোজ ঘেরে তাকে বুড়ো আঙ্গুল দেখিয়ে চলে গেল। উনসত্তর বছর ধরে বুদ্ধির পরিচয় দিয়ে একি করলেন তিনি। বেজন্মা কচ্ছপের ডিমগুলো তার চোখের উপর দিয়ে এমন কাণ্ডটা করে চলে গেল। বুড়ো ভাবতে ভাবতে প্রায় পাগল হয়ে গেলেন। তার মনে হোলো দিনের বেলা অতো খুশি মেজাজ দেখিয়েই তিনি ভুল করেছেন। অতো আদর-আপ্যায়ন না করলেও চলতো! তাহলে বোধ হয় এমনি করে নিমন্ত্রিতরা ফাঁকি দিয়ে যেতে পারত না। ছিঃ ছিঃ, কি বোকাষিই হয়েছে। ন'কর্তা জিভকে আর বাগ মানাতে পারলেন না। অকথ্য গালাগাল করতে লাগলেন।

অতিথিরা সবাই এখনও বিদায় নেয়নি, তারা কি ভাববে—বাঘিনী বাপকে থামাতে ছুটে এল। কিন্তু অতিথিদের খেয়ালই নেই, তারা মেচিয়াঙ খেলায় মেতে আছে। শুনেও শুনছে না গালাগাল। বাঘিনী সব দেখে শুনে চূপ করে গেল! হয়তো থামাতে গেলে বুড়ো ক্ষেপে গিয়ে এক কাণ্ড বাঁধিয়ে বসবে। তার চেয়ে কলক না বকবক, সবাই চূপ করে থাকলে, কতক্ষণ, নিজে গজগজ করে ঠাণ্ডা হয়ে যাবে।

বেচারী বাঘিনী! সে তো আর জানে না যে বুড়ো থামবার পাত্র নন। আসল কথায় পৌছবার জন্তেই এতক্ষণ ধরে ধানাই-পানাই বকছেন। এবার

বাঘিনীকে নিয়ে পড়েছেন। বাঘিনী ঠিক করল, গালাগাল সে হজম করে থাকে না। বুড়োর জন্মদিনে সেই কি কম খেটেছে নাকি। আবার তাকেই উলটে গালাগাল! না, না, সে হজম করবে না। উনসত্তর-সত্তর বয়েস হোলো, বুড়োর ভিন্নরতি দেখ না! সে আর চুপ করে থাকতে পারুল না, হঠাৎ ঘুরে দাঁড়িয়ে বলল, তুমিই তো জন্মদিনের উৎসব জাঁকিয়ে করলে? এখন আবার আমাকে বলতে এসেছে দেখ না।

বাধা পেয়ে বুড়ো আরো উগ্র হয়ে উঠলেন। তাকে বলব না তো কাকে বলব? তুই তো ভেবেছিল বুড়ো চোখের মাথা খেয়ে বসেছে, কিছুই দেখতে পাবে না। না—আমি সব দেখেছি।

কি দেখেছ বল না? সারাদিন খেটে খেটে হায়রাণ হলুম, এখন কিনা আমার উপরই তমবি শুরু হয়েছে। বল না, কি দেখেছ, বাঘিনী রাগে গজ্ঞে উঠল।

—আহা, কি দেখেছ বল না! নেকি ছুঁড়ি। চোখ দুটো জুল জুল করে কোনদিকে তাকাচ্ছ জানিস না?—জুল জুল করে কোনদিকে তাকান গো! কি দেখেছ বল না?

কি দেখিনি তাই বল না। ঐ যে—ন'কত! লিউ মণ্ডপের দিকে আসুল দিয়ে দেখালেন। মুগি পিছন ফিরে ঝাঁট দিচ্ছে।

বাঘিনী কৈপে উঠল। বুড়োর চোখ এতো সজাগ সে কল্পনাও করতে পারেনি। দেখেছি তো—তা কি বলতে চাও?

অতো জাঁক দেখাসনে। এখনি হাতে হাঁড়ি ভেঙ্গে দেব। ক্রাকা ছুঁড়ি, কিছুই যেন জানে না! বুড়ো এবার উঠে দাঁড়ালেন। ওকে যদি চাসতো, আমাকে পাবি নে, আমাকে পেতে হলে ওর কাছে ঘেঁসতে পাবিনে—বুলি তো? আমার বাপু স্পষ্ট কথা। তোর বাপ আমি, আমার ব্যাপারে কাউকে নাক ঢোকাতে দিতে আমি রাজী নই।

বাঘিনী হতভম্ব হয়ে গেল। তার এমন ফন্দি মাঝপথে আসতে না আসতেই বোটা বুড়ো ভেঙে দিল! এখন সে কি করবে? লাল হয়ে উঠল তার মুখ, পাউডারের সাদা আস্তর ভেদ করে বেগুনী রং ফুটে উঠল: কারবাইডের নীল আলোতে বাঘিনীকে দেখে পোড়া পোড়া করে ভাজা শুওরের মেটে বলেই মনে হোলো। ঠিক তেমনি নানারঙের বিবর্ণ সমারোহ, ঠিক তেমনি বিজী। বাঘিনী খেটে খেটে ক্লান্ত হয়ে পড়েছিল, হঠাৎ সে জলে উঠল। মাথাটা যেন কেমন গোলমাল হয়ে গেছে, কোনো ফন্দিই সে খুঁজে পেল না। কিন্তু খেদান জন্তর মতো গর্তে ফিরে যেতেও সে পারল না। এই গোলমালের ভিতরেই তাকে একটা উপায় খুঁজে বার করতে হবে। কোনোদিন কোনো পুরুষের কাছে সে মাথা নোয়ায়নি,

আজও তা সে করবে না। কথাটা যখন বুড়া খুঁচিয়ে ধার করেছে, তখন হেস্তনেস্ত একটা হয়েই থাক না।

বেশ, বেশ! বাঘিনী বলল। আজই ব্যাপারটা পরিষ্কার হয়ে যাক। ধরলাম, তুমি ঠিকই আন্দাজ করেছ কিন্তু এখন কি করতে চাও বল? শুনি, শুনে কান জুড়াই। কিন্তু একটা কথা বলে দিচ্ছি, কৈচো খুঁড়তে গিয়ে সাপ তুমিই বার করেছ—এর পরে আমার ঘাড়ে দোষ চাপিও না।

ঘারা মেচিয়াঙ খেলেছিল, তারাও বাপ-মেয়ের ঝগড়া শুনতে পেল। কিন্তু কি দরকার পরের ঝগড়ায় কান দিয়ে। তারা টেবিল চাপড়ে চিৎকার করে ঝগড়া ডুবিয়ে দিল। বাপ-মেয়ের গলা ছাপিয়ে চিৎকার উঠল।

খুশি কান খাড়া করে সবই শুনল, কিন্তু কি করবে? মাথা নিচু করে ঝাঁট দিতে লাগল। দাঁতে দাঁত পিষে অশ্রুট স্বরে সে বলল—যত বেজন্মার দল! তুই তো আমাকে রাগাবার চেষ্টা করবিই! বুড়া হুকার ছাড়লেন; তার চোখ দিয়ে ঘেন আগুন ঠিকরে পড়ছে, ভেবেছিল এমনি রাগিয়ে দিলে দমবন্ধ হয়ে আমি মারা যাব, তারপর আমার টাকায় একবেটাকে রেখে সুখে স্বচ্ছন্দে থাকবি! না, না, তা হবে না। বুড়োর হাড় এখনো শক্ত আছে, এখনো বহুবছর বাঁচব!

—যা তা বোকো না বলে দিচ্ছি! কি বলছিলাম যেন? হাঁ, তুমি এখন কি করতে চাও? বাঘিনী চীৎকার করে বলল। তার বৃকের ভিতরটা এখনো কাঁপছে, কিন্তু মুখের জোর আরো বেড়ে গেছে।

কি করতে চাই? একশবার তোকে বলিনি, ওকে চাইলে আমাকে পাবিনে, আমাকে চাইলে ওর কাছেও ঘেঁসতে পারবিনে। আমার টাকা-কড়ি মান-সম্মত একটা রিক্সাওয়ালার হাতে তুলে দিতে আমি পারব না, কিছুতেই পারব না!

খুশি ঝাঁটা ছেড়ে ফেলে দিয়ে সিঁধে হয়ে দাঁড়াল। তারপর ন'কত' লিউর দিকে তাকিয়ে বলল, কার কথা বলছেন?

ন'কত' পাগলের মতো হো হো করে হেসে উঠলেন, হাঃ হাঃ হাঃ ঠিক কথের এসেছে? কার কথা বলছিলাম? আবার কার কথা, তোমাদের মানিক জোড়ের কাণ্ডকারখানার কথাই বলছিলাম। ভালো ভেবে থাকতে দিলাম, আর বেটা কিনা আমারই ঘরে সিঁধ কাটতে আসছে! বাঃ—দূর হয়ে যা! আর কখনো যেন তোর মুখ দেখতে না হয়। বেটা বেজন্মা কোথাকার!

বুড়োর গলা ধাপে ধাপে চড়ে উঠল, কয়েকজন রিক্সাওয়ালা ব্যাপার দেখতে এরই মধ্যে ছুটে এসেছে। মেচিয়াঙ-খেলুড়াদের কিন্তু জ্রঞ্জেপও নেই। ন'কত' এবার কোনো রিক্সাওয়ালার উপর ঝাল ঝাড়ছেন এই ভেবে তারা আবার মাথা শুঁজে খেলতে লাগল।

খুশি মুখ ফুটে কিছু বলতে পারল না। অনেক কিছুই সে বলবে ভেবেছিল, কিন্তু বুড়োর স্বমুখে এসে সব গুলিয়ে গেল, একটা কথাও বেরল না। সে বোবার মতো ঠায় দাঁড়িয়ে রইল।

হা, এখান থেকে দূর হয়ে হা! হা! আমার সঙ্গে চালাকি করতে এসেছিল হোঁড়া? তোর জন্মবার আগে থেকে আমি ওসব হজম করে বসে আছি তা জানিস? বুড়ো থেকিয়ে উঠলেন বটে কেমন যেন ফাঁকা শোনাল চীৎকার : আসলে খুশির উপর তিনি চটেননি। ছোকরা তো নিরীহ ভালো মানুষ, বাঘিনীটাই যত নষ্টের গোড়া!

আচ্ছা, আমি চলে যাচ্ছি। খুশি আর বেশি কিছু বলতে পারল না। মানে মানে সরে পড়া ছাড়া তার উপায়ই বা কি? বুড়ো আর তার মেয়ে মুখ ছোটাতে শুরু করলে তার এখানে তিষ্ঠানোই দায় হয়ে উঠবে।

রিস্তাওয়ালারা ন'কর্তার চিংকার শুনে ছুটে এল। তিনি খুশিকে গাল দিচ্ছেন দেখে তারা খুব খুশিই হোলো। ভোরবেলার ব্যাপারটা তারা এত তাড়াতাড়ি ভুলে যায়নি। কিন্তু যখন তারা শুনল, ন'কর্তা তাকে মানবমিলন থেকে তাড়িয়ে দিচ্ছেন; তারা খুশির পক্ষ নিল। ছোকরা খেটে খুটে কাজ উদ্ধার করে দিল, এখন নদী পার হয়ে বুড়ো সাঁকো ভেঙে ফেলতে চাইছে! খুশির তো আর দরকার নেই, এখন মুখ ফিরিয়ে নিয়ে না চিনতে পারা তো খুবই সহজ! কয়েকজন খুশির কাছে ছুটে এল।

কি হয়েছে খুশি?

খুশি কোনো জবাব দিল না, শুধু মাথা নাড়ল।

যেও না; একটু দাঁড়াও! বাঘিনী স্পষ্ট বুঝতে পারল, তার ফন্দি ভেঙে গেছে। এখন খুশিও যদি হাতছাড়া হয়ে যায় তাহলে তো আর উপায় নেই! মুরগীর ছানাগুলো ভয়ে পালিয়ে গেছে বলে, রাগে ডিম ভেঙে ফেলা তো আর বুদ্ধিমানের কাজ নয়! আমরা তো একই স্বতোয় বাঁধা ফড়িঙ। একজন আর একজনকে ছেড়ে কি একটু নড়বার ঘো আছে! একটু দাঁড়াও, বুড়োর সঙ্গে ভালো করে বোঝাপড়া করে নি।

বাঘিনী মুখ ফিরিয়ে বুড়োর দিকে ছুরির মতো ধারাল কথা ছুঁড়ে মারল—তবে স্পষ্ট করেই বলি—আমার পেটে খুশির বাচ্চা। ওকে তো আমি ছাড়তে পারি না। ও যেখানে যাবে আমাকেও সেখানে যেতে হবে। এখন কি করবে বল?

বাঘিনী তার শেষ অস্ত্র ছাড়ল। ন'কর্তা কেমন হকচকিয়ে গেলেন। ব্যাপার এতটা গড়িয়েছে তিনি আশাও করতে পারেননি, কিন্তু এতগুলো লোকের স্বমুখে চূপ করে থাকলে তো চলবে না। তিনি চিংকার করে উঠলেন। ওরে কালামুখি,

রিস্তাওয়ালো



লজ্জার মাথা কি খেয়ে বসে আছিল যে এমন কথা সবার হৃদয়ে বলতে পারলি ?  
তোমর জন্মে বুড়ো বয়সে আমার মুখ নিচু হয়ে গেল। বুড়ো ক্রিজেব গাল চড়াতে  
শুরু করলেন। নচ্ছার, নচ্ছার বেটি !

খেলুড়ে এবার খেলা বন্ধ করল। ব্যাপারটা বেশ ঘোরাল হয়ে উঠেছে।  
এ ওর মুখের দিকে তাকাল। কেউ কেউ উঠে দাঁড়াল, কেউবা ফ্যাল ফ্যাল  
করে হাঁদার মতো তাকিয়ে রইল।

সব কথা খোলসা করে বলে বাঘিনী স্বস্তির নিশ্বাস ছাড়ল।

‘আমি তো নচ্ছার বুঝই এখন ! বেশি ঘাটিও না বলছি, সব ফাঁস করে দেব।

যতো নষ্টের গোড়া তো তুমি ! ছেলে বড় হলে তাকে বিয়ে দিয়ে লোক  
বৌ ঘরে আনে, মেয়ে বড় হলে তাকে ভালো পাত্র দেখে বিয়ে দেয়—এই তো  
জানি। কিন্তু বুড়ো, উনসত্তর বছর তোমার বয়স হয়েছে, এখনো কিছুই শিখলে  
না। এইতো এত লোকজন রয়েছে, বাঘিনী আঙুল দিয়ে দেখিয়ে বলল, এদের  
সামনেই ব্যাপারটা পরিষ্কার হয়ে যাক তোমার জন্মদিনের উৎসবের মেরাপ তো বাঁধাই  
আছে, এইখানেই আর একটা উৎসব করে ফেল, ভালোয় ভালোয় গোলমাল  
মিটে যাক। কি, আমি ঠিক পরামর্শ দিইনি ?

কি আমি উৎসব করব ? ন’কত’ লিউর মুখখানা সাদা হয়ে গেল। সভা  
ভব্য মানবমিলনের মালিকের খোলস খসে পড়েছে, ন’কত’ যেন পুরনো দিনের  
ডাকাত সদাঁবে রূপান্তরিত হয়েছেন। উৎসব করব না কচু করব। তার আগে ঐ  
মেরাপ পুড়িয়ে দেব না !

বেশ তো পুড়িয়ে ফেল। বাঘিনীর চোঁট কেঁপে উঠল। বিছানা পত্তর গুছিয়ে  
নিয়ে আমি বাড়ি ছেড়ে চললাম। কিন্তু কত টাকা আমাকে তুমি দেবে আমি  
জানতে চাই ?

টাকা আমার। যাকে খুশি দান খয়রাত করব। তোকে এক পয়সাও  
দেব না !

তোমার টাকা ! এতদিন যে খাটলুম, তোমাকে সাহায্য করলুম, তা বুঝি কিছু  
নয় ? থাক তোমার টাকা নিয়ে ! পাঁচটা বেবুশে বেখে উড়িয়ে দিলেও বলতে  
আসব না। তবে ধম্মে ‘সইবে তো ? বাঘিনী খুশির মুখের দিকে তাকাল, তুমিই  
বা মুখ বুজে রইলে কেন গো—কিছু বল ?

খুশি চুপ করে দাঁড়িয়ে রইল।

## পনেরো

চুপ করে থাকে ছাড়া খুশির উপায় নেই। বুড়াকে সে তো আর দুধা বসিয়ে দিতে পারে না। মেয়ে মাছবের গায়ে হাত তোলাও তার অভ্যেস নেই। গায়ে জোর আছে বটে, কিন্তু জোর খাটাবার কোনো সুবিধেই সে পেল না। ফিচেল বদমায়েসের মতো বাপ-বেটিতে ঝগড়া লাগিয়ে দিয়ে কিছু আদায় করে নেবার ফিকির করলে মন্দ হয় না। খুশি একবার মনে মনে যে না ভাবল তা নয়, কিন্তু ঐ পর্যন্তই; সাহসে কুলাল না। বাঘিনীর কাছ থেকে কেটে পড়তে পারলে সে বেঁচে যায়। কিন্তু এতগুলো লোকের সম্মুখে বাঘিনী যে আত্মত্যাগের অভিনয় করে গেল, তাতে এখন সরে পড়াও বিপদ! বরং তাকে আগলে দাঁড়ানো ভালো। খুশি চুপ করে দাঁড়িয়ে রইল। যে পর্যন্ত না এই ঢেউ সরে গিয়ে নিচের পাথর দেখা দেয়, ততক্ষণ পর্যন্ত তাকে দাঁড়িয়েই থাকতে হবে, আর তাইতো সত্যিকারের হানের বংশধরের কাজ।

বাপ-বেটির মুখের বুলি ফুরিয়ে এসেছে, এখন তারা পরস্পরের দিকে কটমট করে তাকিয়ে আছে। সত্যিই বলবার আর কোনো কথাই খুঁজে পাচ্ছে না। খুশি কিছু বললে বোধ হয় ওরা এমন ধারা চুপ করে যেত না। কিন্তু খুশিও মুখ বুজে আছে, একটা কথা তার মুখ দিয়ে বেরুচ্ছে না। রিক্সাওয়ালাদের অবস্থাও তেমনি। তারা যে কোন পক্ষ নেবে ভেরেই পাচ্ছে না। মেচিয়াও খেলুড়েরাও চুপ করে আছে। তারা বুঝতে পারছে, এই অবস্থায় একটা কিছু বলা উচিত। কিন্তু কি বলবে? ব্যাপারটা তারা ভালো করে জানেই না। বাইরে ভাসা ভাসা দু'একটা মন্তব্য কি ঝগড়া থামিয়ে দেওয়ার চেষ্টা করা ছাড়া তাদেরও কিছু করার উপায় নেই। আর তাতে বিপদও আছে। হয়তো বাপ-বেটির সমস্ত রাগ গিয়ে তাদের উপরই পড়বে। তার চেয়ে চুপ করে থাকাই ভালো। তারপর সুবিধে বুঝে একে একে খসে পড়লেই হবে।

বাঘিনী বেগতিক দেখে কয়লার দোকানের শ্রীযুক্ত কেউকে ধরল। আপনার দোকানে জায়গা হবে কি? খুশি কয়েকদিন আপনার ওখানে গিয়েই থাকবে। ভয় নেই, বেশিদিন আপনার ওখানে আমি ওকে ফেলে রাখব না। বিয়ের উয়ুগ আমি এমিকে তাড়াতাড়ি করে ফেলছি। খুশি, তুমি ওর ওখানে যাও। আমি কাল তোমার সঙ্গে দেখা করব। বাপের বাড়ি থেকে যদি আমাকে বিদায় নিয়েই

যেতে হয় তো ফুল দিয়ে সাজানো গাড়িতে করেই বাব। আপনার হেফাজতে খুশিকে আমি রাখলুম, দেখবেন ঠিক ঠিক যেন আবার ওকে ফিরে পাই।

শ্রীযুক্ত ফেঙ কয়েকবার ঢোক গিললেন। মেয়েটা আবার ক্লার ঘাড়ে একি দারিদ্ৰ চাপালে। খুশি আর দেয়ি না করে বিদায় নিল। যাত্রার সময় শুধু বলে গেল, ভয় নেই, পালাতে চাইলেও আমি পারব না।

শ্রীযুক্ত ফেঙ এবং আরো কয়েকজন অতিথি এবার ন'কর্তাকে ঘরের ভিতরে যেতে অনুরোধ করলেন। কিন্তু ন'কর্তা তাদের কথায় কান না দিয়ে বললেন, আপনারা এখনি যাবেন না। কয়েক পেয়লা মদ আনাচ্ছি। বহুন, বহু কথা আছে।

মদ এল। ন'কর্তা এবার জাঁকিয়ে বসে বললেন, শুনুন এবার আমার কথা, বেশ মন দিয়ে শুনুন। আমার মেয়ের কাণ্ডকারখানা সব আপনারা নিজের চোখে দেখলেন তো? আজ থেকে ও আর আমার মেয়ে নয়। আমাদের সমস্ত সম্পর্ক চূকে গেল। এখন থেকে ও ওর নিজের পথে চলবে, আর আমিও মনে করব, এক বেটি বি ছিল তাকে বাড়ি থেকে দূর করে দিয়েছি। এতদিন আপনাদের ভিতরে মাথা তুলে আমি চলেছি, আজ আমার সেই মাথা হেঁট হয়ে গেল। বিশ বছর আগে এই ব্যাপার ঘটলে দুটো পাগলা ঘোড়ার মাঝখানে দুটোকে বেঁধে ছেড়ে দিতাম, তারপর দেখতাম কি হয়। কিন্তু এখন বুড়ো হয়ে পড়েছি, শরীরে সে ক্ষমতা নেই। তাই কিছু না বলে ওদের ছেড়ে দিলাম। কিন্তু ও যদি আমার কাছ থেকে টাকাকড়ির আশা করে থাকে, তাহলে বলে দেবেন, এক কানা কড়িও পাবে না! দেখি, কি করে সংসার চালায়? তখন বুঝতে পারবে, ওর বুড়ো বাপ ভালো না বাউণ্ডলে ঐ ছোঁড়া ভালো! বহুন উঠবেন না। আর এক পান্ডর চলুক না।

সবাই উঠে পড়বার জন্তে ব্যস্ত হয়ে উঠল। কে আর পরের বাড়ির কলঙ্ক নিয়ে মাথা ঘামাতে চায়! দায় সারা গোছেয় দু'একটা হাঁ-হঁ দিয়ে তারা উঠে পড়ল।

খুশি কয়লার দোকানেই রইল।

বাঘিনীও চূপ করে বসে রইল না। সে বিয়ের আয়োজন করতে লেগে গেল। মাও পরিবারের বাড়িতে দুটো ছোট কুঠরি সে ভাড়া নিল। কুঠরি তো নয় যেন পায়রার খোপ—উত্তর দিকে বিরাট উঠোন, সেই উঠোনটা বাড়ির ভাড়াটেরা সবাই ব্যবহার করে। পায়রার খোপ দুটির দেয়াল আর মেঝে সাদা কাগজ দিয়ে মুড়ে দেওয়া হোলো। বাঘিনী এবার শ্রীযুক্ত ফেঙকে অনুরোধ করল, গোটা কয়েক মন্ত্র লিখে দিতে। ফেঙ গোটা কয়েক মন্ত্র কাগজে লিখে দিলেন। বাঘিনী দেয়ালে আটা দিয়ে এঁটে দিল। ঘর সাজানো গোছানো হোলো, এবার বাঘিনী গাড়ি ভাড়া করতে ছুটল। যে সে গাড়ি হলে চলবে না, সারা গায়ে আঁকা থাকবে রূপালি তারা

—তাছাড়া বোলেটা বাস্তবসম্মত সঙ্গ সঙ্গ বাজবে। শুধু সোনার গঠনই এক সে ভাড়া ফরল না, ওতে বহু খরচ। অনেক দর কষাকষির পর ভাড়া ঠিক হোলো, এবার বাঘিনী তার তোরঙ থেকে লাল সাটিনের কাজকরা পোশাক বার করল। বছরের প্রথম পাঁচদিন তো আবার ছুঁচ ধরা নিষেধ, তাই নতুন বছরের ষষ্ঠদিনের উৎসবের জন্তে আগেই পোশাক তৈরী করে রেখেছিল। পাজির মতে এই দিনটাই বছরের সব চাইতে ভালো তাই এই দিনেই বিয়ের দিন ধার্য করে ফেলল।

সব জোগাড় করে সে এবার খুশিকে ডেকে বলল, জীবনে একবারই এদিন আসে। যাও একপ্রস্থ নতুন পোশাক কিনে নিয়ে এস।

খুশি বিপদে পড়ল। তার হাতে পুঁজি তো মাত্র পাঁচ ডলার।

বাঘিনী খেঁকিয়ে উঠল। সে কি গো! এই তো সেদিন তিরিশটা কড়কড়ে ডলার গুনে দিছ। কি হোলো সে টাকাগুলো?

খুশি চাও পরিবারের সমস্ত ঘটনাই তাকে খুলে বলল। বাঘিনী চোখ মিটমিট করে খুশির দিকে তাকাল। কথাটা যেন সে পুরোপুরি বিশ্বাস করতে পারেনি। কি আর হবে? তোমার সঙ্গে ঝগড়া করবার আমার সময় নেই। তোমার বিবেক বা বলেছে তাই করেছে। নাও, এই পনেরটা ডলার নাও। উৎসবের দিন যদি নতুন পোশাক না দেখি তাহলে অনর্থ করব কিন্তু বলে দিচ্ছি।

নতুন বছরের ষষ্ঠ দিনে বাঘিনী লাল সাটিনের পোশাক পরে ফুল দিয়ে সাজানো গাড়িতে চড়ে বসল। বাপের সঙ্গে একটা কথাও সে বললে না। আত্মীয় স্বজন কেউ তাকে বিদায় দিতে এল না, তার সঙ্গে কেউ গেল না। আর কেই বা সঙ্গে বাবে? তার তো আর ভাই নেই! ঘন্টা বেজে উঠল, ঢাকে বাড়ি পড়ল—বাঘিনীর গাড়ি চলতে লাগল। শান্তির দরজা পেরিয়ে চলল গাড়ি। হুপাশে দোকানপাট, পথে নতুন পোশাকপরা লোকজন গিস্গিস্ করছে। সবাই গাড়ির দিকে তাকিয়ে দেখল। অতীতের স্মৃতি সবার মনে গুনগুন করছে, কেউ বা বহু আকাজক্ষিত এই দিনটার কথাই ভাবছে।

স্বর্গের সেতুর কাছে দোকান থেকে খুশি এক প্রস্থ নতুন পোশাক কিনে পরল। মুখানা ঘষে ঘষে লাল করে ফেলল, মাথায় দিল তিরিশ সেন্ট দামের মখমলের ছোট টুপি। একেবারে খাসা বর সে সেজেছে। কিন্তু মনে তেমন জোর পাচ্ছে না। সবই যেন কেমন ফাঁকা অচেনা-অচেনা ঠেকছে। কয়লার দোকান থেকে এখন সে নতুন ঘরে এসেছে। পায়রার খোপের মতো ঘরখানি, কিন্তু বরফের মতো সাদা কাগজে মোড়া দেয়াল, কি তার জেজ্ঞা! সে ঠিক বুঝতে পারে না কেমন করে এই ঘরে এসে হাজির হোলো। আগে বা ঘটেছে সেতো কহভব্য নয়। কয়লার দোকানের কয়লার স্তুপের মতোই কালো সে কাহিনী। এখন সে কালো জীবন পেরিয়ে এসে ঠাই পেয়েছে এই

ঘরে। দেয়ালের সাদা কাগজ চোখ ঝলসে দিচ্ছে, লাল অক্ষরগুলো চোখ ঠারছে। সত্যিই কি নতুন জীবনের কুলে এসে সে পৌঁছল?

না না, নতুন জীবন এ নয়। এ এক গুরু অভিসন্ধী : তাকে নিয়ে ঠাট্টা করছে, তাকে লোকের চোখে খেলো করে ফেলছে। তাই এক অস্পষ্ট, ধোঁয়াটে নিরাশার অন্তর্ভুক্তি তাকে পেয়ে বসেছে, তারই সাদা জেন্নায় তার চোখ ঝলসে গেছে।

ঘরে চেয়ার, টেবিল, তক্তাপোশ বাপের বাড়ি থেকে বাধিনী নিয়ে এসেছে, নতুন শুধু স্টোভ আর রান্নাঘরের টেবিলটা। দেয়ালের এককোণে ছুরগীর নানা রঙের পালকের ঝাঁপটী ঝুলছে। খুশি পুরনো চেয়ার টেবিলগুলো দেখে খুশি হোলো। কিন্তু নতুন জিনিসগুলো বয়দাস্ত করতে পারল না। পুরনো জিনিসগুলোতে যেন অভীতের চেনা দিনের স্পর্শ লেগে আছে : আর নতুনগুলো নিয়ে এসেছে ভবিষ্যতের অনিশ্চয়তা আর ভয়। জীবনে সে অন্তের কথা মতোই চলেছে ; সেও যেন এই নতুন আর পুরনো আসবাবগুলিরই সামিল ! অদ্ভুত, অদ্ভুত সে ! পুরনো দিনের সঙ্গে তার যোগাযোগ আছে, আবার নতুনকেও সে এড়াতে পারছে না। সত্যি, সে কি রকম লোক ? নিজেকে সে চিনতে পারছে না, নিজের অস্তিত্বে তার বিশ্বাস নেই। খুশি ভাবতে পারছে না, সে কাদবে না, হাসবে। ছোট্ট ঘরটার ভিতরে সে ঘুরে বেড়াল। সে যেন এক মস্তবড় ধরগোস, একটা নড়বড়ে বাঁশের খাঁচার ধরা পড়েছে—বাইরের দিকে একবার তাকিয়ে দেখছে, আবার খাঁচার ভিতরে ফিরে আসছে চোখ ; একদিন পায়ে ভর করে কি জোরেই না সে ছুটেতে পারত, আজ আর সে শক্তি তার নেই—আজ সে বন্দী—বেরুতে পারছে না, কিছুতেই বেরুতে পারবে না।

বাধিনী এসেও পৌঁছেচে। পরনে তার লাল জ্যাকেট। মুখে পাউডার জ্যাক। তার চোখ জলের মতই ছলাংছলাং করে খুশির সঙ্গে সঙ্গেই ফিরছে। তার চোখের দিকে তাকাতেই সে পারছে না। সেও যেন কেমন বদলে গেছে। নতুন আর পুরনো পরিচয় আর অপরিচয়ের অদ্ভুত সমাবেশ দেখা দিয়েছে বাধিনীর ভিতরে। সে যেন ছোট্ট মেয়ে, আবার পরিপূর্ণ নারী ; সে যেন একাধারে পুরুষের সন্তাবনার পূর্ণ ; সে যেন একদিকে মানুষ আর অন্যদিকে বর্বর হিংস্র পশু। লাল জ্যাকেট পরা পশু নী তার তার উপর ঝাঁপিয়ে পড়ে তাকে বন্দী করেছে। এখন ধীরে ধীরে টুকরো টুকরো করে তারিয়ে তারিয়ে খাবে ! সে নিরীহ গোবেচারী, সবাই তার উপরে এমনি ধারা অত্যাচার করতে পারত, কিন্তু এই পশুটা যেন আরো বর্বর, আরো নিষ্ঠুর ; সে তাকে অষ্টগ্রহর পাহারা দিচ্ছে, এক মুহূর্তও দৃষ্টির বাইরে যেতে দেবে না, কটমট করে তাকাবে, তাকে ঠাট্টা করবে, দরকার হলে কাছে টেনে নেবে। তারপর জোর করে তাকে দুহাতে আঁকড়ে ধরবে, পা দিয়ে পা দুখানা জড়িয়ে ধরবে, ঠোটে ঠোটে চেপে ধরে বোবা করে দেবে তাকে।

না, তার হাত থেকে নিষ্কৃতি নেই। খুশি তার মথমলের টুপিটা খুলে নিয়ে টুপির উপরে বসান লাল বোতামটার দিকে বোকার মতন তাকিয়ে রইল। চোখে বাপসা দেখছে, মনে হচ্ছে দেয়াল জুড়ে সারি সারি লাল বোতাম ছোটোপুটি খেতে খেতে চলেছে। এবার একটা লাল বোতাম সারা দেয়ালটা ঢেকে দিল—দেয়াল লাল হয়ে গেছে আর তার ভিতরে একখানা মুখ হাসছে। কি অলীক তার হাসি! কে—ও কে? খুশি চিনতে পারল, সে আর কেউ নয় বাঘিনী।

রাত হয়ে এল, বিবাহের প্রথম রাত। খুশি এবার বুঝতে পারল, বাঘিনী গর্ভবতী নয়। বাহুরের মতো বাঘিনী তাকে সব কথা খুলে বলল, তেমোকে অমন করে না ভুলালে কি আর তোমার উঁচু মাথা কখনো ভুয়ে পড়ে? আমি পেটের নিচে বালিস বেঁধে তোমাকে কেমন ঠকিয়ে দিলাম। হাঃ হাঃ হাঃ। হাসতে হাসতে বাঘিনীর চোখ দিয়ে জল বেরুল। হাদারাম! ও নিয়ে এখন আর ভেবে কি হবে? আর এমন ফিছু লজ্জার কাজও করিনি। বরং দেবতাদের তুমি এই বলে ধন্যবাদ দাও যে, আমার মতো মেয়ে অমন বাপের সঙ্গে ঝগড়া করে তোমার মতো একটা লোকের সঙ্গে ঘর করতে এসেছে।

পরদিন খুব ভোরে উঠেই খুশি বেরিয়ে পড়ল। কয়েকদিন ছুটির পর প্রায় সব দোকানগুলোই আজ খুলেছে। বসন্ত বাড়িগুলির সদর ফটক বন্ধ। নতুন বছরের শুভাশীর্বাদ লেখা লাল কাগজগুলো এখনো দরজার গায়ে আঁটা, শুধু হলদে কাগজের শেকলগুলো হাওয়ায় ছিঁড়ে গিয়ে চারদিকে ছড়িয়ে আছে। পথঘাট শান্ত, কন কনে হাওয়া বইছে। দুচারজন রিক্সাওয়ালা এরই মধ্যে রিক্সা নিয়ে বেরিয়ে পড়েছে। নতুন বছরের উত্তেজনা এখনও উবে যায়নি। প্রায় সকলের পায়েই নতুন জুতো, রিক্সার পেছনে ছোট লাল কাগজ আঁটা—নতুন বছর যাতে ভালো ভাবে কাটে তাই ভাগ্যের দেবতাকে প্রসন্ন করার জন্তে লাল কাগজ লাগিয়েছে। খুশি ওদের দিকে তাকিয়ে দেখল। হিংসে হোলো তার! নতুন বছরের স্পর্শ পেয়েছে তাইতো ওরা অমন তেজিয়ান। আর সে বছরের ছোঁয়া তো পেলই না, বরং এই কটা দিন যেন একটা পচা কুমড়োর ভিতরে সে গুমিয়ে গুমিয়ে মরছিল, আজ সব ছাড়া পেয়ে হাঁপ ছেড়ে বৈচেছে। ওরা কেমন রিক্সা টেনে আপন খেয়ালখুশি-মাকিক চলেছে। আর সে! কোনো কাজ নেই তার, সদর সড়ক দিয়ে উদ্দেশ্যহীন ভাবে চলেছে। সে যেন পথের পাশের দোকানির কাঠের ফলক হাওয়ায় ঢলে ঢলে ঢলে উঠছে। কোনো কাজ নেই, কোনো উদ্দেশ্য নেই।

মনেও তো ছাই শাস্তি নেই। সে ঠিক করল, কাল সে বাঘিনীর সঙ্গে পরামর্শ করবে। বাঘিনী—তার স্ত্রী বাঘিনী! তার স্ত্রী তাকে পুছে, তারই

ভাতে সে আছে। এত চাঙা সে, এত শক্তি তার কিন্তু কোনো কাজেই এল না! তার বাচার কোনো সার্থকতা আছে? আছে বইকি! লাল জামা পরা, নেকড়ে বাঘের মত দাঁত, সেই না-পুরুষ, না-পশু মেয়েটাকে পুষতে হবে তো? ঐ মেয়েটাই তো তার রক্ত চুর্থে খেল, চুষে খেল তার পুরুষত্ব! সে তো আর মানুষ নেই, একখানা হাড় এসে ঠেকেছে। নিজের সত্তা হারিয়ে বসে আছে। এখন সে বাঘিনীর শীকার, বাঘিনী তার ধারালো দাঁত বসিয়ে দেবে, ইঁহরের মতো তার দাঁতের সঙ্গে সে ঝুলবে। এই তার নিয়তি।

না, সে তার সঙ্গে পরামর্শ করবে না। নিজের উপায় নিজেই খুঁজে বার করবে, তারপথ বিদায় না নিয়েই বাঘিনীর কাঁছ থেকে সরে পড়বে। ওঃ, তার কাছে মুখ দেখাতে পারবে না তো বয়েই গেল! অমন মেয়ের জগ্নে বিবেকে লাগবে না। সে তো মেয়ে নয়, ভাইনী। একটা বালিস নিয়ে কেমন সস্তা হাতের কসরৎ দেখিয়ে দিল। সে বোকা বলেই না তার ফাঁদে পড়েছে।

হৃদয়ের গুহার অস্থির হয়ে উঠল তার আত্মা, ক্ষত বিক্ষত করে দিল কামড়ে কামড়ে তার বুক। তার ইচ্ছে হোলো, নতুন পোশাক সে টুকরো টুকরো করে ছিঁড়ে ফেলে কোথাও গিয়ে স্নান করে শুদ্ধ হয়ে আসে। শরীরটা তার অশুদ্ধ হয়ে গেছে, তেমনি গেছে তার মন। সারা দেহে ঘেন পচা গলা কি লেপ্টে আছে, গা বমি বমি করছে, মন অস্থির হয়ে উঠেছে। না, সে আর বাঘিনীর মুখ দেখতে চায় না।

কিন্তু কোথায় সে যাবে? কোনো উদ্দেশ্যই তার নেই। ব্রিদ্ধাখানা টানে, সোয়ামির নির্দেশ মতোই সে চলে। আজ কোনো নির্দেশ নেই, যেখানে সে যেতে পারে—কিন্তু কোথায় যাবে? মনে কেমন গোলমাল শুরু হয়েছে। দক্ষিণ মুখে সে চলতে লাগল। কুচকাওয়াজ ফটক পেরিয়ে সে এল। সোজা সড়ক—গলি ঘূঁষিতে ঢুকে পড়তে তার ইচ্ছে নেই। সে চলতে চলতে এসে দাঁড়াল একটা হামামের স্বর্ণমুখে, এইখানেই সে ঢুকে পড়বে ঠিক করল।

পোশাক ছেড়ে সে একবার নিজের নগ্ন শরীরটার দিকে তাকাল। কেমন ঘেন লজ্জা করছে। এবার সে চৌবাচ্চায় নেমে পড়ল, গরম জলের ধারা গায়ে পড়ছে, সমস্ত শরীর কেমন অবশ হয়ে গেছে। চোখ বুজে সে শুয়ে পড়ল, সারা শরীরে মাদকের অবসাদ, শিথিল হয়ে গেছে অঙ্গ প্রত্যঙ্গ, ক্রন্দ ঝরে পড়ছে ঘাম হয়ে। সাবান মাখতে তার ভয় হোলো; মনটা ফাঁকা হয়ে গেছে, কপালে মূক্তোর মতো বড় বড় ফোঁটায় ঘাম দেখা দিচ্ছে। নিশ্বাস-প্রশ্বাস এবার ঘন হয়ে এল, এত ঘন ঘেন ফুরিয়ে যাবে নিশ্বাস, দম আটকে যাবে! আর সে সহ্য করতে পারল না, কোনোরকমে চৌবাচ্চা থেকে উঠে পড়ল। সত্ত্বজাত

শিশুর মতো সারা গা লাল হয়ে গেছে এমনি জাঙটো। বাইরে বেরনো যায় না। সে তাড়াতাড়ি একটা তোয়ালে জড়িয়ে নিল। ঘাম ঝরে ঝরে মেঝের বিছানো মাদুরে পড়ছে, অদ্ভুত শব্দ! বী-ভা-বাই-ভা। তার মনে হোলো, এখন সে সম্পূর্ণ শুষ্ক হতে পারেনি, এখনো তার মনের অপবিত্রতা ঘোচেনি। সে কি আর ঘুচবে, অনন্ত, অনন্ত কাল ধরে থাকবে সে অপবিত্রতা। ন'কর্তার কাছে, বাইরের আর দশজনের কাছে সে তো অপরাধী হয়েই রইল। মেয়ে ফুলে ঘরের বার করে এনেছে, এর চাইতে বড় অপরাধ আর কি হতে পারে?

ঘাম শুকোতে না শুকোতেই পোশাক পরে সে তাড়াতাড়ি বাইরে বেরিয়ে এল। কি জানি কেউ যদি টের পায়, সে এমন কলকভরা জীবন কাটাচ্ছে! বাইরে পথের ঠাণ্ডা হাওয়ায় তার মন শান্ত হোলো। হালকা লাগছে, নিজেকে স্বাধীন মনে হচ্ছে। পথে ভিড়, উজ্জ্বল আকাশ। আকাশ থেকে উজ্জ্বলতা চুইয়ে পড়ে সকলের মুখে খুশির রং বুলিয়ে দিয়েছে। কিন্তু তার মনে এখনো আলোর স্পন্দন জাগেনি। কোথায় যাবে, কি করবে সে জানে না।

দক্ষিণদিকে চলতে চলতে পূর্বদিকে মোড় ঘুরল, আবার দক্ষিণ দিকে ফিরে এসে স্বর্গের সেতু পার হয়ে গেল। নটা বাজে। নতুন বছরের উৎসবের পর আজ প্রথম দোকান খুলছে, কর্মচারীরা তাড়াতাড়ি ভাত খেয়ে কাজে এসেছে। দোকানপাঠ খুলছে, কিছু দূরে একটা সার্কাসের তাঁবু পড়েছে। লোকের ভিড় জমেছে সেখানে। ভিড়ের মাঝখানে কয়েকটা লোক ঘণ্টা শাঁখ, ঢাক পেঁটাচ্ছে। খুশি একবার ভিড়ের ভিতর গিয়ে দাঁড়াল, কি ভেবে আবার ফিরে এল। তামাসা দেখবার মতো তার মেজাজ নেই; এমনকি হাসতেও যেন সে ভুলে গেছে।

সার্কাসের লং মুখভঙ্গী করে লোক হাসাচ্ছে, তিস্ততী ভালুকের নাচ দেখাচ্ছে একটা লোক; ওপাশে বাতুর ভোজবাজি দেখাতে বসে গেছে; একদল গান গাইছে, কেউ বা পুরনো পুঁথি খুলে গল্প শোনাচ্ছে; একধারে যুদ্ধের নাচ দেখাচ্ছে একদল—এক হৈঁচৈ ব্যাপার! খুশির এসব দেখতে ভালোই লাগে, কতোবার সে প্রাণ খুলে হেসেছে। এই স্বর্গের সেতুর জন্তেই কতবার সে ছাড়িছাড়ি করেও পিকিঙ থেকে যেতে পারেনি। এমন মজা বুঝি দুনিয়ার আর কোথাও মিলবে না! কিন্তু আজ যেন কেমন বিষাদ হয়ে গেছে সব! ভালো লাগছে না, ভিড় থেকে সে আন্তে আন্তে সরে পড়ল। একটা নিরালা জায়গায় গিয়ে দুদু বসতে চায় সে, কিন্তু এমন হৈ হজা, আমোদ প্রমোদ ছেড়ে যেতে মন চাইছে না। সে আবার ফিরে এল। সে স্বর্গের সেতু ছাড়তে পারবে না; ছাড়তে পারবে না এই পিকিঙ।



এসব ছেড়ে কোথায় যাবে? পথ রুদ্ধ হয়ে গেছে। তার কাছেই তাকে ফিরতে হবে—তার কাছে! পরামর্শ চাইতে হবে। এমনি নিকর! জীবন কাটালে তো চলবে না। অনেক অবিচার সে করেছে, কোনোদিন মুখ ফুটে কারো কাছে কিছু বলেনি। আজই বা টিংকার করে বলতে যাবে কেন? অতীতের অনেক ভুলই তো সে করেছে, আজও না হয় ভুলের অলিতে-গলিতেই সে ঘুরে বেড়াবে। পিকিও ছেড়ে যাওয়া তার হবে না—সে যেতে পারবে না।

খুশি দাঁড়িয়ে পড়ল। হল্লা-হল্লোড়, গান, ঢাকের শব্দ কানে ভেসে আসছে, চোখের স্রুমুখে ঢেউয়ের মতো আসছে আর যাচ্ছে গাড়িবোড়া আর লোকের মিছিল। বিরাম নেই, নেই তার অন্ত। খুশি ভাবিয়ে তাকিয়ে দেখল, হঠাৎ তার মনে পড়ল ছোট্ট দুখানি কুঠির কথা। পায়রার খোপের মতো দুখানি কুঠরি, দেয়ালে বরফের মতো সাদা কাগজের জেল্লা! লাল আশীর্বাণী তাকিয়ে আছে। দেখতে দেখতে বাইরের হল্লা, জনতার ভিড় তার চোখের স্রুমুখ থেকে মুছে গেল। ছোট্ট দুখানি কুঠরি! এক রাত সে সেখানে কাটিয়েছে, কিন্তু এত পরিচিত, এত ঘনিষ্ঠ তারা। এই লাল জ্যাকেট পরা মেয়েটাকেও যেন দূরে সরিয়ে রাখা চলে না, মনের একটা কোণ সে জুড়ে বসেছে। এই তো স্বর্গের সেতুর উপর সে দাঁড়িয়ে আছে, কি আছে তার এখানে? এই আমোদ প্রমোদের ভিড়ে তার সত্তা হারিয়ে গেছে। অথচ ঐ ছোট্ট কুঠরিতে তো তার সব আছে। সে ফিরেই যাবে। ফিরে গিয়ে বলবে, ‘কতৃৎ নিতে এলাম, আমাঝে কে রাখবে এগিয়ে এস। ঐ ছোট্ট কুঠরিতেই তো তার আগামী কালের সম্ভাবন লুকিয়ে আছে। লজ্জা, ভয় ওগুলো তো কিছু নয়—তাকে বাঁচতে হলে এখানেই ফিরে গিয়ে উপায় খুঁজে বার করতে হবে।

এক ছুটে সে বাড়ি ফিরে এল। ঘরে যখন ঢুকল এগারোটা বেজে গেছে। বাধীন সকালের রান্না শেষ করে বসে আছে। নানারকম খাবার সে তৈরী করেছে—মাংস দিয়ে বাঁধাকপির ঘন্ট, ডুমুরের তরকারি আরো কতকি! সবই টেবিলের উপর সাজানো—শুধু বাঁধাকপির ঘন্ট এখনো উত্তনের উপর চড়ানো রয়েছে। পোসবাইতে ঘর ভরে গেছে। লাল জামা সে খুলে পরেছে সূতীর জামা, পরনেও সূতীর পায়জামা, শু এখনো চুলে গৌজা রয়েছে মখমলের লাল ফুল, ভিতরের সোনালি কাগজ চক্ চক্ করছে। মূষখানাও বেশ হাসি-খুশি! মনের মানুষকে পেয়েছে, খুশি হবে না?

খুশি তার দিকে একবার তাকিয়ে দেখল। নতুন বোঁ বলে তাকে মনে হয় না। একটু লজ্জা-সরম নেই। মনে হয় যেন, এক যুগ হোলো তার বিয়ে হয়েছে। একেবারে পাকা গিলিটি। খুব চটপটে আর অভিজ্ঞ। নতুন বোয়ের মতো না হলেও খুশির যেন তাকে নতুন বলেই মনে হোলো। এমন রূপ

বাঘিনীর কখনো দেখিনি। খুশির জন্তে সে রাগা করেছে, ঘর দোর পরিষ্কার করেছে, কেমন একটা ত্রী এসেছে যেন। এ ত্রী তো আগে তার ছিল না। বাঘিনীর স্বভাব নিয়ে মাথা ঘামিয়ে লাভ নেই—বাঘিনী তাকে বাড়ি দিয়েছে, স্থখ স্বাচ্ছন্দ্য দিয়েছে এই তো যথেষ্ট!

কোথায় গিছিলে? বাধাকপির ঘট পরিবেশন করতে করতে বাঘিনী জিজ্ঞাস করল।

হামামে—কামিজটা খুলে রেখে উত্তর দিল।

যখন কোথাও যাবে আমাকে বলবে। অমন হাত পা ছুঁড়তে ছুঁড়তে বেগ্নিয়ে যেও না। আমি তো ভেবেই মরি, বুঝি রাগ করেই বেরিয়ে গেলে!

খুশি জবাব দিল না।

কালো না বোবা! অন্তত হঁ হাঁ করেও একটা জবাব দাও। তবু বুঝি যে কথা কানে গেছে। কি করে জবাব দিতে হয় শিখিয়ে দেব না কি।

হঁ! খুশি মুখে অক্ষুট শব্দ করল। এর বেশি কি করতে পারে সে ভেবে পেল না। সে জানে সে এক থেকি কুকুরকে বিয়ে করেছে। এমনি থেকি কুকুররাই নাকি ছানা বিয়োয়—আর সেই ছানাগুলো নরকের দূত হয়ে আকাশে ধূমকেতুর মতো উড়ে বেড়ায়। কিন্তু থেকি কুকুর হলে কি হবে, ভালো রাখতে জানে, ঘরদোর সাফ করে; গালাগাল অবিদ্রি দেয়, তাই বলে সাহায্যও কম করে না। কিন্তু যাই করুক, তার বরাতের গুণে সবই উল্টো দাঁড়ায়। এই তো মাংস রেখেছে, গরম মাংস মুখে দিতে গিয়ে জিব পুড়ে গেল! খুশি কোনো রকমে ঘাড় গুঁজে খেয়ে গেল। চিবুচ্ছে বটে কিন্তু নেকড়ের মতো সে খিদে যেন কোথায় উবে গেছে। এ যেন কোনো রকমে গিলে চলেছে, কোনো স্বাদ পাচ্ছে না। অথচ সামান্য খাবার খেয়ে সেদিনও কেমন দরদর করে ঘাম ছুটত! হাঁ, কিছুটা খেয়েছে বলে মনে হতো।

খাওয়া সেরে খুশি বিছানায় হাতে মাথা দিয়ে সটান গুয়ে পড়ল, চোখ রইল ছাত্তর দিকে।

এস না! বাসন-কোসনগুলো ধুতে হবে না। আমি তো কারো দাসী বানী নই যে একা এককাড়ি বাসন মাজব! বাইরের ঘর থেকে বাঘিনীর স্বর শোনা গেল।

অনিচ্ছা সত্ত্বে খুশি উঠে পড়ে বাসন মাজতে বসে গেল। খাটুনিকে সে কোনোদিন ডরায় না, কিন্তু আজ কোনোরকমে মুখ বুজে সে কাজ করে গেল। মানবমিলনে সে বাঘিনীকে ঘর-গৃহস্থালির কাজে বহু সাহায্য করেছে, কিন্তু এখন তাকে দেখলেই তার পিঙ্গি জলে যায়। জীবনে বোধ হয় এত ঘেরা সে কাউকে কোনোদিন করেনি। সে নিজেই বুঝতে পারে না, কেন বাঘিনীর উপর

তার এই বিতৃষ্ণা! এই কাজ করতে করতে বারবার মনে ফেলো, তার বরাতই দুঃখের। এমন পোড়া বরাত নিয়ে বেঁচে থেকেই বা লাভ কি?

বাসনগুলি সাজিয়ে রেখে বাঘিনী এবার হাঁক ছাড়ল। তারপর ফিক করে হেসে ফেলল। কি গো?—

কি? খুশি উঠনের ধারে হাত সেকতে সেকতে জিঞ্জিঙ্গ করল। হাত তার ঠাণ্ডা হয়নি, তবু সে হাত সেকতে লাগল। এই দুখানা কুঠরি তার বাড়ি অথচ কোথাও যে নিশ্চিন্ত হয়ে সে বসবে তারো উপায় নেই।

আমাকে বাইরে নিয়ে চলো না গো। কত মজার মজার জায়গা রয়েছে। চলো না সাদা মেঘের মঠে বেরিয়ে আসি। না, না, আজ দেবী হয়ে গেছে। তার চেয়ে চলো রাস্তায় একটু বেড়িয়ে আসি?

নতুন বৌ-এর সবটুকু আনন্দই বাঘিনী পেতে চায়। বুড়ো বয়েসেই তার বিয়ে হয়েছে, কিন্তু তাই বলে মোটে সাদ-আহ্লাদ তার নেই এমন কথা বলা যায় না। এতদিন বাপের বাড়িতে সে ভালো খেয়েছে-পয়েছে, টাকা কড়িরও অভাব হয় নি। শুধু অভাব ছিল এমন একজন মনের মাহুষের। মনের মাহুষ সে পেয়ে গেছে, এত বছরের আকালের শোধ সে চুটিয়ে নেবে না তো কে নেবে! সে খুশিকে নিয়ে পথে ঘাটে মন্দিরে হাটে বাজারে ঘুরে লোককে দেখিয়ে দেবে সে কারো পরোয়া রাখে না, সেও মনের মাহুষ জুটিয়েছে।

খুশি কিন্তু যেতে রাজি হোলো না। বুড়ী বউকে পিছনে বেঁধে সারা পৃথিবী ঘুরে বেড়ানো তার ধাতে নয় না। তারপর যে কাণ্ড করে বিয়ে হোলো বউকে সে বাইরে বার করবে কোন লজ্জায়? লোকেই বা দেখে কি বলবে? এমন বৌকে ঘরে বদ্ধ করে রাখাই ভালো। বাইরে বেরুলেই তো রিক্সাওয়ালাদের সঙ্গে দেখা হবে। এতক্ষণে বাঘিনী আর খুশির কেচ্ছা আধখানা শহর জেনে গেছে। সে বেরুলেই তারা পিছনে টিটকারী দেবে। খুশি সে টিটকারী সহিতে কিছুতেই পারবে না।

এস, একটা পরামর্শ করা যাক, কি বল? খুশি উঠনে হাত সেকতে সেকতে বলল।

কিসের পরামর্শ গুনি? বাঘিনী এসে তার পাশে দাঁড়াল।

খুশি হাত দুটো হাঁটুর উপর রাখল। আগুনের হুকা উঠছে। সে তার দিকে বহুক্ষণ চেয়ে রইল। একখানা খোঁটা ঘন কে পুঁতে রেখেছে, কোনো সাদা শব্দ নেই। বহুক্ষণ পরে মুখ তুলে সে বলল, আমি আর কুড়ে হয়ে বসে থাকতে চাই না।

তোমার বা বরাত তাহিতো হবে। খেটে খেটে হায়রান হওয়া ছাড়া কিই বা করবে বল? বাঘিনী একটু হাসল। জানি, জানি, একদিন রিক্সা না টানলে

সারা গা তোমার চুলকায়—কি সত্যি বলিনি? আর বুড়োর দিকে চেয়ে দেখ। সারা জীবন আরামে কাটিয়ে বুড়ো বয়সে এক রিক্সার আড্ডা খুলে বসেছে। জীবনে সে রিক্সা টানেনি, কখনো তাগদ বিক্রিয়ে রোজগার করেনি। মাথা খাটিয়ে রোজগার করেছে। তুমি আজীবন রিক্সা চালিয়ে পারবে বুড়োর মতো আড্ডাধারী হতে? হুঁ, তা আর দেখতে হয় না। আমি বলি কি, এস কটা দিন আমোদ আহ্লাদ করে কাটাই, তার পর কাজের কথা ভাবা যাবেখন। দুতিন দিনেই তো আর ব্যবসা পালিয়ে যাচ্ছে না। এত তাড়া কিসের বাপু? আমি কি আর কিছু বুঝি না? এই দুদিন বগড়া করতে চাই না বলেই তুমি আমাকে রাগাবার ফিকির খুঁজছ!—

আমি পরামর্শ করতে চাই। খুশি নাছোড়বন্দা। সে বঝতে পেরেছে, পালাবার উপায় নেই, তাই তাড়াতাড়ি এখন কাজ নিতে চায়। এমনি করে ছোট ছেলের মতো দোলনায় দুলে দুলে কদিন কাটাবে?

বেশ তো, কি বলতে চাও, বল না? একটা টুল নিয়ে এসে উল্লুনের ধারে বাঘিনী বসে পড়ল।

কত টাকা আছে তোমার? খুশি জিজ্ঞেস করল।

যা ভেবেছি তাই। জানি, আজ বাদে কালই ওকথা জিজ্ঞেস করবে। তুমি তো আর আমাকে বিয়ে করনি, বিয়ে করেছ আমার টাকা—কি ঠিক বলিনি?

খুশির মনে হোলো চঠাৎ এক ঘূর্ণি এসে তাকে মাটিতে পেড়ে ফেলেছে, তার নিশ্বাস বন্ধ হয়ে গেছে। কয়েকবার সে ঢোক গিলল। বুড়ো লিউ আর মানবমিলনের রিক্সাওয়ালারা মনে করেচে টাকার জন্মেই সে বাঘিনীর সঙ্গে নটঘটি বাঁধিয়েছে। বাঘিনীও আজ ঐ কথাই তাকে শুনিয়ে দিল। অথচ তার শেষ কি? সে নিজের রিক্সা হারিয়েছে, পুঁজি যা ছিল তাও গৈছে। এখন আবার এই অপবাহ! এ ঘেন খাবার পাকস্থলীতে না গিয়ে মেরুদণ্ডে গিয়ে জমা হয়েছে, এখন উগরে দেওয়াও চলে না। খুশির নিজের উপর ঘেরা ধরে গেল। মেয়েটা এখনো তার স্মৃথে মুখ নেড়ে কথা কইছে। সে তার গলা এমনি করে টিপে ধরছে না কেন? এমনি করে পিষে পিষে ওর জিভ বার করে দিচ্ছে না কেন? এমনি করে মেরে ফেলতেও তো সে পারে। খুশি নিজের গলায় হাত দিল। তারা কেউই বেঁচে থাকবার উপযুক্ত নয়। তাদের মরাই ভালো। সেও কি মাত্রম নাকি? তারও মরা উচিত। দুজনেরই বাঁচবার অধিকার নেই।

খুশি উঠে দাঁড়াল। কিছুক্ষণ বাইরে ঘুরে আসবে। এখন বাড়ি কেবাই তার ঠিক হয়নি।

খুশির মুখ চোখের চেহারা দেখে বাঘিনী ঘাবড়ে গেল। এবার সে নয়ম হরে বলল, জানতেই যখন চাইলে, বলছি শোনো, পাঁচশ ডলার জমিয়েছিলাম।

বিয়ের গাড়ি, তিন মাসের বাড়ি ভাড়া, দেয়ালে কাগজ লাগানো, পোশাক আর এই বাসন-কোসন কিনতে প্রায় একশ ডলার বেরিয়ে গেছে। তাছাড়া তোমাকে তো কিছু টাকা দিয়েছি। খরচ-খরচা মিটিয়ে এখন আমার হাতে আছে প্রায় চারশ ডলার। তোমার ভয় নেই গো, আমি ঠিক ওতেই চালিয়ে নেব। এস না, দুদিন একটু আমোদ করেই কাটানো যাক! আইবুড়া থেকে থেকে তো বুড়িয়ে গেছি—একটু আধটু ফুতি না করলে চলবে কেন? টাকাভরির টানাটানি পড়লে না হয় বুড়োর কাছেই আবার হাত পাতব। সে রাত্তিরে কি ভূতেই পেয়ে বসেছিল বাপু, না হোক একটা ঝগড়াঝাটি করলুম? তা না হলে কি আজ সব ছেড়ে ছুড়ে দিয়ে চলে আসতে হয়। এখন রাগ পড়েছে, এখন তো বুঝতে পারছি, বাপ কি বস্তু। আর বুড়োরই বা আমি ছাড়া কে আছে—একটা ছেলে নেই। তাছাড়া তোমাকে বুড়ো খুব ভালোই বাসে। এখন আমরা দুজনে গিয়ে যদি নরম হয়ে মাপ চাই তাহলেই বুড়ো গলে যাবেখন। আর মাপ চাইতেই বা বোঝ কি বল? বুড়োর টাকা আছে—আর আমরা তার ওয়ারিসান, আমরাই তো সব পাৰ। এর ভিতরে আর কিস্টাটক্ট নেই বাপু। গাধার মতো ভাড়া খেটে খেটে জীবন চালানোর চাইতে এ ঢের ঢের ভালো।

দুতিন দিন পরে—তুমি একবার গিয়েই দেখ না। তোমাকে নিশ্চয়ই দূর দূর করে তাড়িয়ে দেবে না! প্রথমবার যদি তাড়িয়েও দেয়, আবার যাবে। বুড়ো তখন নরম হবেই, মতও বদলাবে। তারপর আমি নিজে একবার দেখা করে বুড়োর মন গলিয়ে দেব। এখন পেছপা হলে চলবে না। তাহলে সব ভেঙে যাবে। সমাজে আমরা একঘরে হয়ে থাকব। কি, আমার কথাগুলো কানে ঢুকল?

খুশি এসব বিষয় চিন্তা করে কখনো দেখেনি। বাঘিনী যেদিন চাও-বাড়িতে গিয়ে হাজির হয়েছিল সেইদিন থেকেই সে ঠিক করে রেখেছে, বাঘিনীর পরসায় রিক্সা কিনে সে টানবে। যদিও বৌ-এর পরসায় কেনাটা খুব সম্মানের ব্যাপার নয়, কিন্তু গভাস্তর নেই, সে কি করবে! কিন্তু বাঘিনীর মগজে যে অস্ত্র ফন্দি খেলছে, একথা সে ভাবতেই পারেনি। এবার মুখোশ খুলতেই তার ফন্দি বেরিয়ে পড়েছে। কিন্তু খুশি তো সে ধাতের লোক নয়। সোজা পথেই সে চলে, বাঁকা পথের ধার ধারে না। এত ব্যাপার ঘটেছে সে বুঝতেও পারেনি। তার নিজের জমানো টাকা চুরি গেছে, কিন্তু কারো কাছে মুখ ফুটে বলেনি। এখন কেউ টাকা দিতে চাইলে তাকে বাধ্য হয়েই নিতে হবে, উপায় তো নেই! কিন্তু মানুষ বলেই নিজেকে পরিচয় দিতে আর সে পারবে না। কোথায় গেল তার সে চণ্ডা ছাতি আর শক্তির গর্ব? অস্ত্রের নকর হয়েই তাকে থাকতে হবে। সে হবে বৌ-এর হাতের খেলনা, বুড়ো স্বপ্নের কেনা

চাকর। কিন্তু উপায় নেই, উপায় নেই! মাহুঘের এইই বরাত! যতই গর্ব করুক, মাহুঘ কিছুই না। একটা পাখীরই সামিল। খাবার খুঁজতে গিয়ে শিকারীর কাঁদে পড়তে পারে; কারো খাবার খেলে তারই পোষমানা হয়ে খাঁচায় থাকতে হবে, তারই হুকুম মার্কিক শিব দেবে, গান গাইবে, তাগপর মনিব হয়তো একদিন খুশি মতো আর কারো কাছে দেবে বিক্রী করে।

ন'কর্তা! লিউর কাছে যেতে খুশির মোটেও ইচ্ছা নেই। কেন সে যাবে? বাধিনীর সঙ্গে তার রক্তমাংসের সম্বন্ধ, কিন্তু ন'কর্তার সঙ্গে তার কোনো সম্পর্কই নেই। এই মেয়েমাহুঘটার জন্তে সে বহু সহ্য করেছে, এবার তারই জন্তে বাপের কাছে ভিখ মাগতে সে যাবে না—যেতে পারবে না!

আমি কুঁড়ে হয়ে বসে থাকতে পারব না—শুধু একটা কথাই খুশি বলল। সে বৃথা ঝগড়া করতে চায় না। যার যেমন বরাত তেমনি তো কথা হবে! বরাতে আছে খেটে খেটে প্রাণ দেওয়া—তা আমি কি করব? বাধিনী যেন খুশির স্বাধীন ইচ্ছার উপর একটা মুগুরের ঘা মারল। কুঁড়ে হয়ে বসে থাকতে কেই বা বলছে, যাও না কোনো ব্যবসা করগে না!

আমি ওসব ব্যবসা-ট্যাংসা বুঝি না। বেশি টাকার আমার দরকার নেই। আমি রিক্সা টানতে জানি—রিক্সাই টানব। খুশি রেপে গেল। মনে হোলো মাথার শিরা ছিঁড়ে এখুনি সে অজ্ঞান হয়ে পড়বে।

আমিও তোমাকে বলে দিচ্ছি, রিক্সা টানতে তোমাকে দেব না। যেমো গন্ধ নিয়ে রোজ যে এসে আমার সঙ্গে এক বিছানায় শোবে, তা হবে না। তোমারও যেমন পথ আছে, আমারও আছে। দেখি, কার জোর খাটে? মরোদ তো ভারি! বিয়ে করেছে তুমি, আর গাঁটের পয়সা খরচ করলাম আমি। কই এক পয়সাও 'তো ট্যাক থেকে বেঙ্গল না! একটু সমঝে কথা বোলো বলে দিলাম। দেখি এ বাড়িতে কে হুকুম চালায়—তুমি না আমি?

খুশি বাধিনীর কথা শুনে থ মেরে গেল।

## ষোলো

প্রথম চান্দ্রমাসের পনেরো দিন চলে গেছে। খুশি এখনো ফুরেই বেড়াচ্ছে, কোনো কাজেই ঢোকেনি। বসে থেকে থেকে সে যেন ইাকিয়ে উঠেছে।

বাঘিনী কিন্তু ফুটিতেই আছে। ও আগামী উৎসবের জন্তে রকমারি খাবার তৈরী করছে: চালের পিঠে, মাংসের নানা ধাবার আরো কতকি! বিশেষ করে খুশির জন্তেই সে তৈরী করছে। দিনের বেলা বাঘিনী রান্না-বাগ্না সেরে প্রায়ই খুশিকে নিয়ে বৌদ্ধ মন্দির দেখতে যায়, রাতের বেলা ঘোঁকানের আলো দেখে দেখে পথে ঘোরে। খুশিকে সে কোনো বিষয়েই মন্তব্য করতে দেয় না। তবে তার খাওয়া-দাওয়ার দিকে তার খুব নজর, যোজই নতুন দুএকটা ব্যাঞ্জন বা পিঠে সে রাঁধে।

বাড়ির উঠানটা ভাড়াটেরা সবাই ব্যবহার করে। তা ভাড়াটে প্রায় সাত আট ঘর হবে। প্রায় বেশির ভাগই একখানা ঘর নিয়ে থাকে। এক এক ঘরে সাত আটজন করে লোক—বুড়ো ছোকরা মেয়ে ছেলেপুলে সবাই কোনোরকমে মাথা গুঁজে থাকে আর কি। এদের কেউ কেউ রিক্সা টানে, কেউ বা ফেরিওয়ালা। দুএকজন পুলিশও আছে। বেশির ভাগই বাড়ি বাড়ি ঠিকে চাকরের কাজ করে। কারোই দুদণ্ড জিরোবার সময় নেই, নিজের নিজের কাজ নিয়েই তারা ব্যস্ত। ছেলেপুলেরাও ভোর না হতেই হাঁড়ি নিয়ে কাজি আনতে লঙরখানার ছোট, বিকলে ছাইয়ের গাদা থেকে আপোড়া কল্লা কুড়িয়ে আনে। শুধু একেবারে বাচ্চারাই উঠানে বসে চৈচায়, খেলা আর মারামারি করে।

উঠানে উল্লুনের ছাই, আবর্জনা, ময়লা জল সবাই ফেলে দিয়ে যায়, কিন্তু পরিষ্কার করার কারো নামটি নেই। ময়লা জল মাঝখানে জমে বরফ হয়ে যায়! ছেলে মেয়েরা সন্ধ্যাবেলা কল্লা-অভিষান থেকে ফিরে এসে ঐখানেই খেলা করে। কেউ ধাক্কা মেঝে কাউকে বরফের উপর ফেলে দেয় আর সবাই হো হো করে হাততালি দিয়ে হেসে ওঠে। বাড়িখানা গম গম করে।

বাসিন্দের মধ্যে বুড়ো আর মেয়েদেরই ভারি কষ্ট। বুড়োদের পেটে খাবার নেই, পরনে কাপড়ও জোটে না, সারাদিন ইট সাজিয়ে বিছানা করে তারই উপর গড়ায়। কখন সেই রাতে ছেলে ছোকরারা ফিরবে, তখন যদি কিছু

হাটে। তাও এমন কিছু পেটভরতি খাবার নয়—ফেনা ফেনা চারটি ভাত। কিন্তু তাও সবদিন জ্বোটে না। মাঝে মাঝে তারা শুধু হাতেই ফিরে আসে। ৭ দিন এক তুমুল কাণ্ড বেধে যায়। মেজাজ তো তেঁতেতেই থাকে, এসে বিধে পেলেই গলাবাজি শুরু করে। বেচারী বুড়োরা আর কি করবে? আলি পেটে গড়ায় আর কাঁদে। চোখের জল গড়িয়ে মুখে পড়ে।

মেয়েদেরও ভোগান্তির একশেষ! বুড়োদের আর বাচ্চা-কাচ্চাদের সামলাতে হয়, ওদিকে আবার ছোকরাদেরও মন জুগিয়ে চলতে হয়। তা মন জুগিয়ে চলে কি হয়, রোজগার তো ওরাই করে। খাটুনির তাদের শেষ নেই, এমন কি পোয়াতি হলেও দুর্দণ্ড যে জিরোবে তারো উপায় নেই। খাবার তা ছাই খায়। সবাইকে দিয়ে-খুয়ে ওদের ভাগ্যে কোনোদিন বা একটু কাজি, কি এক আধখামা কুটি জ্বোটে, কোনোদিন বা তাও জ্বোটে না। শুধু খেটেই শাস্তি নেই, সংসার চালাবার নানা কিকির ফন্দি তাদের জানতে হয়। বরাতগুলো ভরপেট খেয়ে ছেলে বুড়ো সবাই যে দিন ঘুমিয়ে পড়ে, জামা মুখ বুজে কেরোসিনের ডিবেটার কাছে বসে কাপড় কাচে, পিঠে তৈরী করে, কখনো বা ছুঁচসুতো নিয়ে সেলাই বা রিপু করতে বসে যায়। ঘরগুলো ছোট, দেয়াল গুলো কোনোরকমে দাঁড়িয়ে আছে, বাইরের কনকনে হাওয়া একদিক দিয়ে ঢুকে আর এক দিক দিয়ে বেরিয়ে যায়। ঘরের ভিতর সবাই ঠক ঠক করে শীতে কাপতে থাকে।

কাঁপবে না, গরম কাপড় জামার তো বালাই নেই। কোনোরকমে ছেঁড়া কাপড়ে সারা গা ঢেকে বসে থাকে। পেটেও তেমন কিছু গরম খাবার পড়ে না—খায় তো সামান্য জ্বাউ। তার উপরে সাত আট মাসের পোয়াতি। এই গর্ভ নিয়েই ছেলেবুড়োদের তত্ত্বালাসি করতে হয়। তাই এখানকার মেয়েরা সবাই হাড় জির-জিরে রোগা, তিরিশ না পেরোতেই তাদের মাথার চুল সব উঠে যায়। কিন্তু তবু কি জিরোতে পায়। এমনি করে এতদিন তারা রোগে ভুগে ভুগে একদিন মরে যায়। তখন শবাধারের জন্তে পুরুষরা চাঁদা তুলে আনে।

বাড়ন্ত মেয়েগুলিরই বা কি দশা! ষোল কি সতেরোয় পড়েছে, অথচ পরনে একটাও ভালো পায়জামা নেই। কোনোরকমে ছেঁড়া কানি জড়িয়ে লজ্জা নিবারণ করে। ঘরের বাইরে তারা কচিং কখনো বেরোয়—ঐ অন্ধকার খুপরি যেন তাদের জেলখানা। ওখানে বসেই মাদের গৃহস্থালিতে সাহায্য করে, পুরুষদের কাপড় রিপু করে দেয়। এমন কি পায়খানায় যেতে হলেও চারদিকে তাকিয়ে দেখে নেয়। ছেঁড়া কানি পরে কার সামনে গিয়ে পড়বে কে জানে। তারপর চোরের মত পা টিপে টিপে পায়খানায় গিয়ে ঢুকে পড়ে। শীত এলে তো স্বর্ষের মুখই তারা দেখতে পায় না। এদের মধ্যে ঝাঝী দেখতে তাদের



ভবিষ্যৎ বলে কিছু নেই। মাদের মতোই বছরে বছরে তারা বিয়োবে, রোগে ভুগবে, তারপর একদিন মরে যাবে। যারা স্ত্রী তাদের অবশ্য আলাদা কথা। কিন্তু তাদেরও ভাগ্য খুব ভালো নয়। বাপ মা তাদের কারো কাছে বিক্রি করে দিয়ে ধাঁও মারবে সেই আশায় বসে আছে! তারপর তারা ঘেখানেই থাক না—বাপ মা আর খোজখবর নেবে না।

এমনি বাড়ির বাসিন্দে হয়ে বাঘিনী খুব খুশিই হয়েছে। খুশি হবে না? এবাড়িতে সে একাই পেট ভরে খেতে পারে, ভালো জামা কাপড় পরে, তার কোনো ভাবনাও নেই। সে যখন তখন পথে চকোর দিয়ে আসে, ইচ্ছে হলে বৌদ্ধ মন্দির বা অন্য কোথাও যায়। চলবার সময় ঘেন দেমাক করেই সে চলে, কোনো দিকে ঘেন দৃষ্টি নেই। সে জানে নিজের জন্তুই অবস্থা তার ভালো, নইলে সোয়ামির তো এক ফোঁটা মরদ নেই—সে তো এদেরই সামিল। তাই সে এই গরীবলোকগুলোকে আমল দেয় না।

এবারিতে ঘেসব ফেরিওয়াল। আসে তারা শস্তা জিনিসই ফেরি করে। শুকিয়ে বাওয়া বাধাকপি, পাঠার চ্যাং, সয়াবিনের পাতলা ঝোল, ঘোড়া বা গাধার মাংস এই সবই নিয়ে আসে। এসব জিনিসের খন্দের এমনিধারা গরীবের বস্তিতে যথেষ্টই মেলে। বাঘিনী এখানে আসার পর থেকে উচুদরের ফেরিওয়ালারাও আনাগোনা শুরু করেছে। তারা এসেই হাঁক দেয়; চাইগো ভেড়ার মাথা চাই, শুটকি মাছ চাই, চাই বিসকুট। বাঘিনী ফেরিওয়ালাদের হাঁক শুনেই ছুটে আসে, হাতে থাকে ঝুড়ি। কিনে ফেরবার পথে বেশ দেমাক দেখিয়েই চলে হাড় জিরজিরে লোহার তারের মতো শুকনো ছেলেমেয়েগুলো আঙ্গুল চুষতে চুষতে বাঘিনীর দিকে ভয়ে ভয়ে তাকায়—ঘেন অন্য পৃথিবীর লোক এসে তাদের মধ্যে রয়েছে। বাঘিনী তাদের দেখেও দেখে না। সে তো আর এখানে খয়রাত করতে আসেনি যে, এদের দুঃখ দেখে গলে গিয়ে এই ন্যাঙটো হাড় জিরজিরে পঞ্চপালগুলোকে পেট ভরে খাওয়াবে।

খুশির কিন্তু বাঘিনীর এই ব্যাভার ভালো লাগে না। সে গরীব, দারিদ্র্য কাকে বলে সে জানে। এই সব চোবা চোস্ত খেতে তার বড় খারাপ লাগে—শুধু শুধু টাকা-গুলো জলে যাচ্ছে! দ্বিতীয়ত—সে বার বার বাঘিনীকে রিক্সা কিনে দিতে বলছে, কিন্তু বাঘিনী শুনেও শুনছে না। শুধু গাণ্ডেপিণ্ডে মাংস, শাকসব্জি আর ভাত গিলিয়ে গিলিয়ে তাকে নাহুস হুহুস করে তুলছে। সে ঘেন পোষা গাই—আরো দুখ পাবার জন্তে খাইয়ে খাইয়ে মোটা করছে। এখন কি আর সে আগের মতো তেমনি মরদ আছে, এখন বাঘিনীর হাতে একবারে ভেড়ুয়া বনে গেছে। খুশি এর আগে জীবজন্তুর ভিতরে এ ব্যাপার বহু দেখেছে : একটা রোগা মাদি কুত্তা হয়তো গরম হয়ে উঠে একটা জোয়ান

কুকুরের সঙ্গে শিরিত শুরু করে দিয়েছে। বাঘিনীও ঠিক মাদি কুত্তা, বেছে বেছে খুশিকে ধরেছে। ওকে সে নিঙড়ে নেবে, শুষে খাবে! একথা মনে হলোই খুশির নিজের জীবনের উপর ঘেঁষা ধরে যায়। ছিঃ ছিঃ, এ সে কি করছে? খেটে খেতে হলে শরীরটাকে তো তাক্স রাখতে হবে—ঐ তো তার একমাত্র পুঁজি। যদি সে এমন করে খেয়ে ঘুমিয়ে নিজের জীবনীশক্তি নিঙড়ে নিঙড়ে ঐ মাদী কুত্তাটাকে খুশি করে—কদিন এমনি চলবে? বড়ো বয়েসে তো হাড়কথানা ছাড়া আর কিছুই খুঁজে পাওয়া যাবে না। সে করছেও তো তাই। তার খাচাটা তেমনিই আছে, তেমনি লম্বা চওড়া—কিন্তু তেজ বলতে আর কিছুই নেই। না বেশি দিন এমনি করে চলবে না। খুশির বুক হুরু হুরু করে কেঁপে উঠল। সে ঠিক করল, প্রাণ যায় তাও স্বীকার, সে রিক্সাই টানবে। সারাদিন রিক্সা টেনে রাতে ক্লান্ত হয়ে বাড়ি ফিরে সচেতন হয়ে ঘুমিয়ে পড়বে। তাহলে আর এসব নিয়ে ভাবতে হবে না। বাঘিনীর দেওয়া রকমারি খাবারও সে খাবে না, তার সারা রাতের দেহের ক্ষিধেও সে মেটাবে না। ঠিক তাইই সে করবে, বাঘিনীর জিভের সে পরোয়া করে না। যদি সে রিক্সা কিনতে টাকা দেয় ভালোই, না হয় তো ভাড়া করা রিক্সাই সে টানবে। বাঘিনীকে একথা ঘুণাক্ষরেও জানাবে না, জানলেই সে বাগড়া দেবে নিশ্চয়ই।

প্রথম চান্দ্রমাসের সতেরো তারিখে রিক্সা ভাড়া নিয়ে সে টানতে শুরু করল। কিছুক্ষণ রিক্সা টেনেই সে হাঁফিয়ে উঠল। মনে হোলো পা ঘেন আর চলছে না, গঁটে বাত ধরেছে—পায়ের গঁটে গঁটে কামড়াচ্ছে। সে তার এই ব্যথার কারণ বুঝতে পারল, কিন্তু মনকে এই বলে প্রবোধ দিল : কুড়ি দিন কুড়ে হয়ে বসে থাকার ফলেই পাদুখানার অবস্থা এমনি দাঁড়িয়েছে। আর কয়েকবার সোয়ারি নিয়ে ছুটলেই ও ব্যথা সেরে যাবে।

খুশি আবার একটা সোয়ারি পেল। চারখানা রিক্সা ভাড়া নিয়েছেন কয়েকজন ভদ্রলোক। এর মধ্যে তার খানিও আছে। সবাই রিক্সার হাতল দুটো তুলে নিল। এবার দলের মধ্যে সবচেয়ে ঘে বড় তাকে আগে যেতে শুরু বলল। লোকটির বছর চল্লিশেক বয়স হয়েছে, বেশ লম্বা চেহারা। লোকটি একটু হাসল, সে জানে এই তিন ছোড়া তাকে হারিয়ে দেবেই। তবুও বয়েসের দোহাই দিয়ে পিছনে পিছনে ছুটতে সে রাজি নয়। সেই প্রথম ছুটল, পিছনে পিছনে চলল তিনখানা রিক্সা। এক মাইলের প্রায় তিনভাগের একভাগ যখন তারা এসেছে, তখন ছোকরাদের ভিতরে একজন টেঁচিয়ে উঠল, বাবা! কি পাইপাই করে ছুটেছে দেখ না! অ-বুড়া, তুমি কি নিজের কেরামতি দেখাচ্ছ নাকি জাই? তুমি আমাদের ভিতরে সেরা বলেই আমরা মেনে নিলাম।

সত্যি, লোকটা বেশ জোরেই ছুটতে পারে। খুশির মতো তাগুঁজা জোয়ানেরও তার সঙ্গে ভাল রেখে চলতে কষ্ট হচ্ছে। কিন্তু দৌড়বার ঢঙ দেখ না! খুব ঢ্যাঙা কিনা তাই কোমর একটু বেকে যায়নি। সে দৌড়াচ্ছে বলেই যেন মনে হচ্ছে না—যেন সামনে ভিড় ঠেলে এগিয়ে চলেছে। পাছা দুলাচ্ছে, পা পথের উপর দিয়ে যেন পিছলে চলেছে, সমস্ত শরীরটা পড়েছে স্বমুখে ঝুঁকে। এমনি করে তাড়াতাড়ি চলা যায় বটে, কিন্তু তাতে শক্তিও খুবই কম হয়। লোকটা এবার মোড় ফিরল, শুধু মনে হোলো সমস্ত শরীরটাই যেন ঘুরে গেল। বেচারার অবস্থাদেখে ছোকরাদের কেমন মায়া হোলো। আঁহা, লোকটা রিক্সা আর সোয়ারি গেল কি রইল চেয়েও দেখছে না! তার একমাত্র চিন্তা এগিয়ে সে যাবে, এগিয়ে তাকে যেতে হবে, এমন লোককে দেখে মায়া কার না হয়।

ঠিকানায় পৌঁছে সে ধামল। সারা গা ঘামে নেয়ে উঠেছে, কপাল, নাক, মুখ বেয়ে বড় বড় ফোঁটার ঘাম ঝরছে, রিক্সার হাতল দুটো রেখে সে সিঁথে হয়ে দাঁড়াল। পরসো নেওয়ার ওরা দেখতে পেল তার হাত কাঁপছে, হাতের মুঠোয় পরসো কটা পর্যন্ত চেপে ধরবার শক্তি যেন আর তার নেই।

ওরা এবার রিক্সা রেখে গল্প গুজবে মশগুল হয়ে উঠল। সোয়ারি পেলো আবার নিয়ে কিরবে এই ওদের মতলব। খুশিও অল্প সবার মতো ঘাম মুছতে মুছতে হাসি-ঠাট্টায় মেতে উঠল। শুধু ঢ্যাঙা লোকটার ঘাম ঝড়া তখনো থামেনি, তার উপরে সে কাশতে শুরু করল। শুকনো কাশি, খন খন করে শব্দ উঠছে—মুখ থেকে দলা দলা কক থু থু করে ফেলছে। খানিকক্ষণ কাশবার পর সে একটু স্থব্ধ হয়ে ওদের বলল :

আরে আমার তো হয়ে এসেছে। আমার পা আর পিঠে আর একফোঁটাও জোয়ার নেই। বতোই চেষ্টা করি না কেন, এখন আর তেমন ছুটতে পারি না। ভারি কষ্ট হয় তাই।

এই ক'পা তো এলাম ভাই—তোমাদের কিছুই হয়নি—যেন বেড়াতে বেড়াতে এলে—কি তাই না? বছর বিশেকের একটা বঁটে ছোঁড়া বলে উঠল, তা যদি বল কতর্পা, আমাদের এই তিন মরদের কিছুই হয়নি। আমরা মজবুত লাঠি, অতো সহজে কি আর হুইয়ে ফেলতে পারে!

বুড়ো দীর্ঘনিশ্বাস ফেলল।

বঁটে ছোকরাটা আবার জিজ্ঞেস করল। আচ্ছা কতটা, তুমি অতো সামনে ঝুঁকে পড়ে রিক্সা টানো কেন?

আর একটা চোকরা বলল : না না, তোমার সঙ্গে ঠাট্টা করছি না। আমার মনে হয় বয়েস হয়েছে তুমি কাবু হয়ে পড়েছ।

ঢাঙা লোকটা হেসে মাথা নাড়ল। আরে বরস আমার এমন কি বা হয়েছে? শুধু বয়েসের দোষ নয়রে ভাই। একটা হক কথাই তাহলে বলি: আমাদের এ লাইনে যারা আসে তাদের বিয়ে করত নেই। এ খুব সত্যি কথাই তাই, খুব সত্যি কথা! ঢাঙা লোকটা খেমে একবার সকলের মুখের দিকে তাকিয়ে দেখল। সবাই কান খাড়া করে আছে। এবার চাপা গলায় বলল: একবার বিয়ে করলেই, দিনে রাতে তোমার তাগদ বেশ কিছু থয়চ হবেই—তারপর এমন দিন আসবে যখন তুমি একেবারে কোঁপরা হয়ে যাবে। এই আমার শরীরটার দিকেই তাকিয়ে দেখ না—কি আছে শরীরে? দৌড়তে কষ্টই হয়। তার উপর দমকে দমকে কাশি তো আছেই। বেশি কাঁদুনি গেয়ে আর কি হবে—ভাই বলি, এ লাইনে এসে কেউ বিয়ে কোরো না, এমনকি চড়ুই পাখীও জোড় বেঁধে থাকে, কিন্তু আমরা জোড়া বাঁধলেই দফা রফা!

হাঁ, আর একটা কথা। বিয়ে করলেই তো বছরে একটা করে বাচ্চা হবে। এই তো আমারই পাঁচটা হয়েছে। সবগুলো গিলবার জন্তে মুখ হাঁ করেই আছে। কিন্তু হাঁ বোজাব কি দিয়ে? রিক্সার ভাড়া বেশ চড়া, বাজারে ধান চালও অঁক। ব্যবসায় মন্দা—কোন দিক সামলাব বল তো? ওঃ বিয়ে করে কি বেহুফি কাঁদাই করেছে। এর থেকে সারা জীবন একা কাটানোই ভালো—হিহ। শরীর কখন-সখন পয়স হয়ে উঠলে 'সাদা বাড়ি'তে কাটিয়ে একেই তো চুকে যেত! সেখানে পয়সা ফেললে যত্ন-আস্তি সবই পাওয়া যায়। হাঁ, তারপর গাময় পারা ফুটে উঠলে আর কি করবে? সে তো বরাতের ব্যাপার। আর একা মাহুঘের মরতেই বা ভয় কি? নিজে চোখ বুজলেই তো ল্যাঠা চুকে গেল। কিন্তু বিয়ে করলে তো আর তা হবে না। তখন নিশ্চিন্তে চোখ বুঝতেও তুমি-পাবে না। কি সাঙাত, ঠিক বলিনি? খুশির দিকে সে তাকাল?

খুশি শুধু মাথা নাড়ল, মুখে কিছু বলল না।

এইবার একজন সোয়ারি এল। বেঁটে ছোকরাটা তাড়াতাড়ি এগিয়ে গিয়ে দরদাম ঠিক করে নিয়ে ঢাঙা লোকটাকে বলল, ও বড় ভাই, সোয়ারি নিয়ে চলে যাও। তোমার ঘরে পাঁচটা কাচ্চা-বাচ্চা আছে—তোমারই তো বেশি দরকার!

ঢাঙা লোকটা হাসল। আচ্ছা ভাই, তোমার কথাই রাখলাম। কিন্তু অল্প সময় হলে এ সোয়ারি আমি নিতুম না। থাক বাড়ি গিয়ে কাচ্চা-বাচ্চাদের মুখে সব কিছু দিতে পারব। আচ্ছা ভাইসব, আবার দেখা হবে।

ঢাঙা লোকটি মিলিয়ে গেল। বেঁটে ছোকরা আপন মনে বিভবিড় করে বলল—বেজব্রা—বেজব্রা! সারা জীবন ধরে খেটে খেটে মর, অথচ একটা

সঙ্গে ঘর করবারও বো নেই—আর অস্ত্রেরা কি ফুটিই না লুটছে! খেজুরা—বেজুরা  
বেটারা! এক একজন চারটে পাঁচটা মাগী নিয়ে মজা লুটছে!

অস্ত্রে কি করছে তা নিয়ে অত মাথাব্যথা কেন? আর একজন কাল। আমরা  
যে লাইনে আছি, এখানেই সারাজীবন পড়ে থাকতে হবে। ঢ্যাঙা ভাই আমাদের  
ঠিকই বলেছে। আচ্ছা তুমি কি অস্ত্রে বিয়ে করতে চাও বলো তো? বিয়ে করে বউকে  
তো আর গরনা বা খেলনার মতো গোপনে কোথাও রেখে দেবে না নিশ্চয়ই?  
আর এইখানেই বিপদ বাধবে। সারাদিন কিইবা আমরা খাই—কেনা ফেনা ভাত  
আম কখনা শুকনো বিস্কট। তাতে কতটুকুই বা তাগদ হয়? দুমিক থেকে  
যদি তার উপর টানা ইঁচড়া চলে তাহলে কতদিন আর কোমর সিঁধে করে  
দাঁড়াতে পারব? নাহে ঢ্যাঙা লোকটা ঠিকই বলেছে। রিক্সাওয়ালার অস্ত্রে  
ওসব বিয়ে-টিয়ে নয়।

খুশি রিক্সার হাতল তুলে নিয়ে দাঁড়িয়ে পড়ে বলল, আমি দক্ষিণ মুখো  
চললাম। এদিকে আর সোয়ারি মিলবে না। কতক্ষণই বা এমনি বসে থাকব বল?

আচ্ছা, আবার দেখা হবে। ছোকরা দুটি বলল।

খুশি তাদের কথা শুনেতে পেল না, আনমনে সে চলতে লাগল। তার  
কোমর এখনো কনকন করছে। সে ঠিক করল, আজকের মতো আর সে  
সোয়ারি নেবে না। কিন্তু যাবে কোথায়? বাড়ি ফিরতে সাহস হচ্ছে না।  
সেখানে মাদী কুত্তাটা বসে আছে যে। সে যেন রূপকথায়-শোনা রাক্ষসীর  
মতো রাতে নিঃসঙ্গ মানুষদের ঘরে ঢুকে রক্ত চুষে খায়; যৌবনের কুয়ো এক  
চুমুকে শুকিয়ে যায়। তারপর মানুষগুলোর যা দশা! তারা পাগল হয়ে যায়,  
বিড়বিড় করে বকে।

আজকাল দিন বেশ বড়। শহরের এদিক থেকে ওদিক কয়েকবার সে  
টহল দিল, কিন্তু এখন সব পাঁচটা। সে একটা দোকান থেকে মাংসের কচুরী  
আর এক ভাঁড় কান্ডি কিনে খেল। তারপর বাড়ির পথ ধরল। বাড়ি  
গেলেই তো মাথায় খাঁজ পড়বে, কিন্তু তার অস্ত্রে বিশেষ চিন্তা নেই।  
বাঘিনীর সঙ্গে ঝগড়াঝাটি সে করবে না, রেগে উঠবে না; গিয়েই সটান বিছানায়  
গা এলিয়ে দেবে, ঘুমিয়ে পড়বে। তারপর আবার ভোরে উঠেই বেরিয়ে  
পড়বে। বাঘিনী বা খুশি তাই করুক না, সে তার এই নিয়ম ভাঙবে না।

বাড়ি এলে সে দেখল, বাঘিনী বাইরের ঘরে বসে আছে। বাঘিনী একবার তার  
দিকে তাকাল। থমথমে মুখ, এখুনি হয়তো ধারা নাববে। খুশি ওর মুখের দিকে  
না তাকিয়ে দু'একটা কথা বলতে চেষ্টা করল, কিন্তু পারল না। পারবে কেন—ছলছলতা  
তার তো আর রপ্ত নেই। সে টুশখটি না করে ভিতরের ঘরে ঢুকে পড়ল। বাঘিনী

চুপচাপ—ঘরতো নয় যেন পাহাড়ের গোপন কন্দরে এক অতি পুরানো গুহা। বাইরে উঠান থেকে কাশির শব্দ, ছেলেমেয়েদের কান্না স্পষ্ট ভেসে আসছে, কিন্তু মনে হচ্ছে যেন সব দূর থেকেই আসছে—এ যেন পাহাড়ের চূড়ায় চূড়ায় প্রতিধ্বনি জাগছে।

প্রথমে কে কথা বলবে এই নিয়েই সমস্যা। হুজনে হুজনের বিছানায় গা এলিয়ে দিল, মুখ এখনো বোজা, মনে হচ্ছে এক জোড়া প্রকাণ্ড কচ্ছপ গুটিমুটি মেরে বসে আছে। প্রথম রাতের ঘুম ভাঙতে বাঘিনীই প্রথম কথা বলল। তার স্বরে ঠাট্টা আর রাগ মেশানো।

কোথায় গিঁহিলে? কোন চুলোয় ছিলে সারাদিন?

রিক্সা টানছিলাম। খুশি যেন আধ-জাগ্রত অবস্থায় বলল। বলতে পারছে না, গলায় কি যেন বিঁধে আছে।

ঘামে জ্বজ্ববে হয়ে না এলে চলবে কেন? এসব লোকের নজর আর কত উচু হবে? রেংখে-বেড়ে রাখলুম, তা একবার দেখাও দিলে না। রাস্তায় টো টো করে ঘুরে এমন কি রাজ্যি জয় করে এলে বাপু? দেখ, আমাকে চটিও না! বাবা, আমার যেন উঁচোন মুণ্ডর কারো ঘাড়ে পড়লেই হোলো—আমি তো তারই মেয়ে, হেন কাজ নেই আমি করতে পারি না। কাল যদি আবার আজকের মতো বেরোও, এলে দেখবে গলায় দড়ি দিয়ে ঝুলছি। হাঁ, বা বললাম, তাইই কিন্তু করব।

তাই বলে কুড়ে হয়ে বসে থাকব নাকি?

বুড়োর কাছে যাওনি কেন?

সেখানে আমি যাব না।

ওঃ যাবে না! এক পয়সার মুরোদ নেই, আবার তেজ দেখ না!

খুশি রাগে ফুসে উঠল।

আমি রিক্সা টানব, নিজে রিক্সা কিনব এই আমার ইচ্ছে। কেউ বাধা দিলে এক-দিকে চলে যাব, আর ফিরব না।

ও—ও—বাঘিনীর নাকটা কুঁচকে গেল। তার গর্ব, খুশির উপর তার ঘৃণা করে পড়ল তার স্বরে, আবার মনে ভয় হল। খুশি বোকা হলে কি হবে খুব এক-যোধ্য। এসব লোক ঠাট্টা করে কখন কিছু বলে না। হাতের মুঠোয়ও তাদের পোরা যায় না। সেদিক দিয়ে খুশি সত্যই আদর্শ। স্বভাব ভালো, উড়নচণ্ডি নয়, তাছাড়া তাগড়াই জোয়ান। তারও তো তিনকাল গিয়ে এককাল ঠেকেছে, এই বয়সে খুশির মতো আর একটি লোক সে জুটিয়ে নিতে পারবে না।

খুশির মতো মানুষকে বশে রাখবার ওষুধ হচ্ছে, এই গরম, আবার পর মুহুর্তেই নরম হয়ে যাওয়া। বাঘিনী গরম হয়ে উঠেছিল, এবার সে তুলো বা সোলার মতোই নরম হয়ে যাবে।

রিক্সাওয়াল।

আমি তো জানি, কত আশা তোমার, তুমি নিজের পায়ে দাঁড়াবে, বড় হবে। কিন্তু কেন যে বেগে উঠি, তুমি বোঝ না। আমার ভাবনা তো তোমার জগ্ৰেই। তুমি যদি বুড়োর কাছে না যেতে চাও, আমিই যাবখন। হাজার হলেও, তো আমি তার মেয়ে, একটু-আধটু গালাগাল দিলেও আমার সইবে।

বুড়োর ওখানে যদি ফিরেও যাই, তবু আমি রিক্সা টানব। খুশি বোঝা-পড়া করে নিতে চাইল।

বাঘিনী বহুকণ কোনো কথা বলল না। খুশি যে এত চালাক একথা সে কৈনোদিন ভাবেইনি। যত সরল ভাবেই বলুক, বেশ পরিষ্কার বোঝা যাচ্ছে, বাঘিনীর চাতুরি সে ধরে ফেলেছে। না, একেবারে বোকা গাধা নয়। বাঘিনী একটু খুশিই হয়ে উঠল। তাকে এমন জোয়ান মরদের রাশ টেনে রাখবার জগ্ৰে বেশ বুদ্ধিই খরচ করতে হবে। কখন একগুঁয়ে খচ্চরের মতো পা ছুঁড়তে শুরু করবে কে জানে! বেশি কড়া হলে চলবে না—এটা ফসকে গেলে আর একটা এমনি জোয়ান মরদ জোটানো শক্তই হবে। এমন করে মুঠোয় পুরে রাখলে তো চলবে না, মাঝে মাঝে একটু মুঠো আলগা করতে হবে, মোহাগ ঢেলে দিতে হবে, তবে তো মানুষটা কাছে থাকবে।

বেশ তো রিক্সাই যখন টানতে চাও, আমি কি আর তোমাকে বাধা দেব। কিন্তু একটা পিতিজ্ঞে করতে হবে, মাস-মাইনের কাজ নিতে পারবে না—সন্ধ্যায় ঠিক বাড়ি ফিরে আসবে। তুমি ভেবে দেখ না গো, সারাদিন বাড়িতে বসে থেকে সন্ধ্যায় যদি তোমার দেখা না পাই, তাহলে যে পাগল হয়ে যাব। শুধু বল, সন্ধ্যায় তুমি বাড়ি ফিরে আসবে, বলা বলা?

ঢাঙা লোকটার কথা খুশির মনে পড়ল। খুশি জানালা দিয়ে বাইরে তাকাল। অন্ধকার জমে উঠেছে, কতো রিক্সাওয়ালা চলেছে পথে। ওরা নিজেদের শক্তি বেচে খায়। সবল তাদের দেহ, পিট বেঁকে যায়নি, ওরা ঘেন উড়ে চলে। রাতে তারা মাংসপিণ্ড চটকে শক্তি ফুরিয়ে ফেলে না। খুশিও একদিন তাদের মতোই হবে। কিন্তু আজ বাঘিনীকে চটিয়ে লাভ নেই। সে শুধু রিক্সা টানতে পেলই খুশি। মুখে যাই বলুক না কেন বাঘিনীরও ন'কর্তার কাছে যেতে তেমন সাহস হোলো না। যখন এক বাড়িতে থাকত, বাপ-বেটিতে অষ্টগ্রহর ঝগড়াই চলত, এখন তো ব্যাপারটা আরো ঘোরালো হয়ে উঠেছে। এমন এক কুয়াশা সৃষ্টি হয়েছে, যাকে দুটো কথার ফুঁ দিয়ে উড়িয়ে দেওয়া চলে না। তাছাড়া বাঘিনী এখন আর লিউ-পরিবারের কেউ নয়। যে মেয়ে বাপের বাড়ি থেকে বিদায় নিয়ে একবার স্বামীর ঘর করতে চলে গেল, সে তো পর হয়েই গেল—আর কি বাপের সঙ্গে সে সঙ্ঘ তার থাকে? বাঘিনী বাপের বাড়ি হট করে গিয়ে

হাজির হতে সত্যি সাহস পেল না। মামলাবাজরা যেমন মামলার সমস্ত কাগজ-পত্র জোগাড় না করে হাকিমের এজলাসে গিয়ে দাঁড়ায় না, তারও হোলো সেই অবস্থা।

ধর, বুড়ো যদি মুখ ঘুরিয়ে নিয়ে তাকে দূর করে দেয়, মেয়ে বলে তাকে ঘোঁকার না করে? না, তার অবিম্ভি কোনো সম্ভাবনা নেই, কিন্তু তবু মন্দটাই তো আগে ধরে রাখতে হয়। বাঘিনী তখন কি করবে? এক বগড়া সে করতে পারে, কিন্তু তাতে তো আর বুড়োর শক্ত মুঠো থেকে একটা পয়সা গলবে না—চেষ্টানোই সার হবে। কেউ যদি তার হয়ে সালিসী করতে এগিয়ে আসে, তাহলেও খুব স্ববিধে হবে বলে মনে হয় না। বুড়ো যা একরোখা, কোনো কথা শুনবে না। তাকে বাড়ি ফিরে আসতে হবে। বাপের বাড়িতে আর তার জায়গা হবে না।

খুশি বহুক্ষণ বেরিয়ে গেছে। বাঘিনী ঘরের ভিতরে পায়চারি করতে লাগল। তিন-চারবার সে তোড়ঙ, থেকে জামা-কাপড় বার করল; সেজেগুজে বাপের কাছে সে যাবেই! কিন্তু আবার গুছিয়ে বাক্সে রেখে দিল—বাগদার ইচ্ছে তার খুবই আছে, অথচ ভয়ও পাচ্ছে। এ এক উভয়-সঙ্কট। হুখে স্বাচ্ছন্দ্য থাকতে হলে বাপের কাছে ফিরে যাওয়া ছাড়া তার আর উপায় নেই; আবার আত্মদামনের দিক দিয়ে দেখতে গেলে ফিরে যেতে সে পারে না। এখন সে কি করবে? বাঘিনীর একবার মনে হোলো, বুড়োর রাগ হয় তো এতদিনে পড়ে গেছে, এখন সে যদি খুশিকে নিয়ে মানবমিলনে গিয়ে হাজির হয় তাহলে বুড়ো তাদের আদর করেই ডেকে নেবে। হাজার হলেও নিজের মেয়ে তো বটে—কত দিন আর রাগ থাকে? তাহলে তো চমৎকার হয়! খুশির একটা হিল্লো হয়ে যায়, আর সেও বুড়োকে তোয়াজ করে ব্যবসার নিজের হাতে আনতে পারে।

ভাবনার স্রোত এইখানে এসেই থাকা খেল। এ যেন এক বিদ্যুৎ-চমক, সারা মনে ছেয়ে গেছে ঠাণ্ডা আলোর বন্যা। তার বুকখানা কেঁপে উঠল। বুড়ো যদি শেষ পর্যন্ত রাজি না হয়, তাহলে কি হবে? তার তো মুখ রইল না। আর শুধু কি তাই? মাথা হেঁট করে চিরদিন রিক্সাওয়ালার বৌ হয়ে তাকে কাটাতে হবে! সে রিক্সাওয়ালার বৌ—হুঃ। তখন আর বাড়ির বাসিন্দাদের কাছে দেখাক দেখানো চলবে না—সে তো তখন ওদেরই সামিল হয়ে যাবে। বাঘিনী চোখে আঁধার দেখল, তার মন কালি-পড়া এনামেলের বাসনের মতো হয়ে গেছে। ইস্ কি কুকণেই সে খুশিকে বিয়ে করেছে! ছোকরার যতই শক্তি সামর্থ্য থাক না, বাপ যদি ফিরে না তাকায়, তাহলে আজীবন ওকে রিক্সা ঠেলেই কাটাতে হবে, আর সে হবে ঐ রিক্সাওয়ালারই বৌ।



বাঘিনী শিউরে উঠল। না না, রিক্সাওয়ালার বো হয়ে এই অন্ধ কুঠরিতে সে জীবন কাটিয়ে দিতে পারবে না! তার চাইতে খুশির সঙ্গে সখ্য চুকিয়ে দিলে কেমন হয়? তা আর এমন শক্ত কি? ছুরি দিয়ে একটা দড়ি কেটে দুভাগ করার মতোই সোজা। তারপর সে একাই বাপের কাছ ফিরে যাবে। খুশির জন্তে সে সবকিছু হাবাতে রাজি নয়। বাঘিনী আবার ভাবতে লাগল— ভাবনার স্রোত খুলে খুলে আসছে। না, খুশিকে ছাড়া তার পক্ষে সম্ভব নয়। খুশির সঙ্গে এই কদিন কাটিয়ে যে স্বথের আশ্বাদ সে পেয়েছে, ভাষায় তাকে রূপ দেওয়া যায় না। বাঘিনী বিছানায় বসে পড়ল। শূণ্য তার দৃষ্টি স্পর্শের স্মৃতি ভিড় করে এসেছে মনে— গোধূলীর মতোই আবছা—সে স্মৃতি বিয়ের পরে যে অনাস্বাদিত স্বথ পেয়েছে তারই রোমন্থন চলেছে। এসুখ তো খুঁজলে মেলে না—এ যেন এক কল্পনা, এক স্বপ্ন, যার নাম নেই, যাকে বর্ণনা করা যায় না। এতদিন তার মেহ ছিল যেন এক গুচ্ছ আধফোটা কুঁড়ি, স্বর্ধবীজের সোহাগ পেয়ে দলে দলে পাণ্ডি মেলেছে।

না, খুশিকে সে ছেড়ে দিতে পারবে না! তার যখন মরজি হয়েছে, রিক্সাই সে টানুক। এমনকি পথে পথে ভিক্ষে করে বেড়ালেও খুশির সঙ্গেই সে থাকবে। অহবিধে পোয়াতে হলে হবে, উপায় কি? দেখ না, এই বাড়ির বাসিন্দে মেয়েদের দিকেই তাকিয়ে দেখ না! তারা যদি দুঃখ দারিদ্র্য মুখ বুজে সয়ে যেতে পারে, সেইবা পারবে না কেন? হ্যাঁ, সেও পারবে। তারপরও যদি খুশি কোনোদিন তাকে ছেড়ে চলে যায়, তাহলেও সে বাপের বাড়ির চৌহদ্দি মাড়াবে না। বাপ বুকুক, বাঘিনীও তেজ্জে একেবারে কম যায় না!

এদিকে খুশির অবস্থাও বাঘিনীরই মতো। মানবমিলন ছেড়ে আসার পর থেকে সে আর পশ্চিমে শান্তির দরজার রাস্তাই মাড়ায়নি। রিক্সা নিয়ে সে এখন শহরের পূর্বদিকে যায়। মানবমিলনের রিক্সাওয়ালারা কাজে এদিকে বড় একটা আসে না বলেই সে এই দিকটা বেছে নিয়েছে। দেখা হলে সেই তো প্রশ্নের পর প্রশ্ন করে তাকে বিরক্ত করে তুলবে, প্রশ্ন না করলেও তাদের দেখে খুশি লজ্জাই পাবে। কি দরকার ওসব হাঙামায়! তার চেয়ে পূর্বদিকটাই ভালো। পুবেই সে ভাড়া খাটবে।

আজ কিন্তু রিক্সা রেখে সে হাঁটতে হাঁটতে মানবমিলনেই এসে পৌঁছল। ফটকের স্রুমুখ দিয়ে চলে যাওয়ার সময় থমকে দাঁড়াল! বাঘিনীর কথাগুলো সে ভুলে যায়নি। তার মনে হোলো, একবার ভিতরে গিয়ে বাঘিনীর কথাগুলো পরখ করে দেখলে কেমন হয়! টুপিটা সে চোখ পথন্ত নাষিয়ে দিয়ে রাস্তার ওপাশে চলে গেল। তার মনে একমাত্র ভয়, তাকে যদি কেউ চিনে ফেলে।

দূর থেকে সে রিক্সা শেডের আলোটা দেখতে পেল। ভরে উঠল তার মন, ভিড় করে এল পুরনো দিনের স্মৃতি। প্রথম দিনের কথা তার মনে পড়ল—গাঁয়ের ছেলে যেদিন মানবমিলনে এসে আন্তানো গাড়ল; তারপর এলো বাঘিনীর প্রলোভন; বুড়োর জন্মদিনের স্মৃতিও ভেসে উঠল তার চোখের স্মৃথে। স্মৃতি তো নয় যেন হাজার হাজার পট তার চোখের স্মৃথে কে যেন দেখালে ঝুলিয়ে রেখেছে, কিছুই তার নজর এড়াচ্ছে না—সব সে দেখতে পাচ্ছে। এই ছবির প্রদর্শনীতে বহু পুরনো দিনের ছবিও আছে—সেই পশ্চিম পাহাড়, উটের সার, চাও-বাড়ি, গোয়েন্দা—সবই সে দেখতে পাচ্ছে। একটুও তারা আবছা হয়ে যায়নি, ধরং এত জীবন্ত দেখেখলে তাকে উঠতে হয়। জীবন্ত—জীবন্ত ছবির প্রদর্শনী! খুশির মাথাটা ঘুরে গেল। বাস্তব যেন তার কাছ থেকে দূরে সরে যাচ্ছে, স্বপ্ন এসে কায়েম হয়ে বসেছে সেখানে। অনিশ্চয়তা বাস্তবের পথ রোধ করে রয়েছে। সে হতভম্ব হয়ে গেল। স্মৃতি যেন জীবন্ত হয়ে উঠেছে। ঘন ঘন নিশ্বাস ফেলছে তার মুখে—তাকে ঘিরে ফেলেছে। তাদের হাত থেকে তার নিষ্কৃতি নেই।

খুশি তার ভাবনার খেঁই হারিয়ে ফেলল। আবার তার মনে পড়ল নিজের কথা। প্রশ্ন জাগল, সেইবা কেন এত অত্যাচার অবিচার সহ্যবে জীবনে? উত্তর খুঁজে পেল না। তার মনে হোলো, বহুক্ষণ সে দাঁড়িয়ে আছে। সময়ের স্রোত যেন তার চারপাশে বহুজলার মতো খই খই করছে, বয়ে মেতে পথ পাচ্ছে না। তার নিজের বয়েসের হিসেবও গুলিয়ে গেছে। সে বুঝতে পারছে মানবমিলনে সে যখন এসেছিল, তার অনেক, অনেক অনেক বেশি বয়স বেড়ে গেছে। তখন ছিল আশা আকাঙ্ক্ষা উত্তম, এখন আছে শুধু ভয়। এইতো ছবির পর ছবি ভেসে উঠছে তার চোখের স্মৃথে, কিন্তু তারা কি আশা নিয়ে এল? না, না, আশা তো নয়ই, নিরাশা—শুধু নিরাশা!

মানবমিলন দেখা যাচ্ছে; ইলেকট্রিক আলোটা আলো ছড়াচ্ছে। কি জোরালো আলো! একটা ঘেরাটোপ নেই যে গুর চোখ-ধাঁধানো আলো একটু কমিয়ে দেয়। সে ফ্যাল ফ্যাল করে তাকিয়ে রইল। হঠাৎ কেঁপে উঠল বুক। ফলকের উপর সোনালি লেখাগুলো কিরকম বদলে গেছে যেন। সে হরফ চেনে না, পড়তেও পারে না—কিন্তু এই হরফ চারটির প্রথমটা তার বহু পরিচিত। যেন দুখানা লাঠির ডগা দুটো হয়ে পড়ে পরস্পরের সঙ্গে মিশে গেছে। ঠিক ত্রিভুজ হয়নি, কিন্তু আর একটা দিক জুড়ে গেলেই হতো। এই হরফটার মানে হচ্ছে 'মানব'। কিন্তু তার চেহারা একেবারে বদলে গেছে। মানবমিলনের নামই পাল্টে গেছে। খুশি কোনো কারণই খুঁজে পেল না। সে আবার পুঁব ও পশ্চিমের ঘরগুলির দিকে তাকিয়ে দেখল—এই দুটো

ঘরের স্বাভি জীবনে সে ভুলতে পারবে না। কিন্তু ব্যাপার কি? দুটো ঘরই বন্ধ, একটা আলো পর্যন্ত নেই।

অনেকক্ষণ দাঁড়িয়ে থেকে সে বিরক্ত হয়ে গেল। মাথা নিচু করে এবার পথ চলতে শুরু করল। তখনো তার মাথার ভিতরে ভাবনা ফুট কাটছে। ব্যাপারটা কি, মানবমিলন লাল বাতি জ্বালানো নাকি? কিন্তু তাই বা কি করে সম্ভব? সে ঠিক করল, ভাই-বোয়াদারদের কাছ থেকে ধীরে স্বস্থে কথাটা জেনে নেবে, সব না জেনে বাঘিনীকে জানানো ঠিক হবে না।

বাড়ি ফিরে সে দেখল, বাঘিনী বসে বসে তরমুজের বাঁচি চিবুচ্ছে, কি আর করবে—একা একা সময় কাটাতে তো হবে।

আবার দেখি করে ফিরলে? বাঘিনী খেঁকিয়ে উঠল। তুমি যদি এমনি ব্যাভার শুরু কর, তোমার সঙ্গে থাকা পোষাবে না বাপু স্পষ্ট বলে দিচ্ছি। বাড়ি থেকে বেরলেই দিন কাবার করে ফিরবে? এদিকে মরণ হয়েছে আমার। ঘর আগলে বসে থাকতে হয়—চারদিকে সব চোর ভিখিরীর দল—কখন কি নিয়ে যায় ঠিক নেই। একটু নড়বারও উপায় নেই, কারো সঙ্গে যে দুটো কথা বলে সময় কাটাব, তারও কি ছাই জো আছে। বলে দিচ্ছি বাপু, এ আমি সহ্যই না, আমি কাঠের পুতুল নই!—যা হয় কর—আমি এসব সহ্যইতে পারব না।

খুশি টু শব্দটি করল না।

চুপ করে রইলে যে? না হয়, মুখের কথাই একটা খসাও, শুনে কৃতার্থ হই! তুমি কি আমাকে রাগাতে চাইছ নাকি? ঠোঁট নেই, কথা বলতে পারছ না? কি, কি হোলো তোমার? কলের বন্দুক থেকে যেমন অবিরাম গুলী-বৃষ্টি হতে থাকে তেমনি একটার পর একটা ঝাঁঝালো কথা বাঘিনীর মুখ থেকে বেরিয়ে এল।

খুশি কি বলবে, ভেবে পেল না।

এস এক কাজ করা যাক, রাগে সে আর কথা বলতে পারল না, হঠাৎ খেমে গেল। কিন্তু এই প্রচণ্ড রাগের ভিতরেও এইটুকু বোঝা গেল, বাঘিনীর এখন আর খুশি ছাড়া অগ্র উপায় নেই; যেভাবে হোক খুশিকে আঁকড়ে ধরেই তাকে থাকতে হবে। বাঘিনী কান্নায় ভেঙে পড়ল না, জোর করে হাসিও সে মুখে টেনে আনল না। তার মুখ দেখে মনে হোলো আগুন ধুইয়ে উঠছে বটে, কিন্তু জ্বলে উঠবার উপায় নেই।

দুখানা রিক্সা কিনে ভাড়া খাটালে কেমন হয়? তোমাকেও আর টো টো করে ঘুরতে হবে না, রিক্সা ভাড়া থেকেই আমাদের দুজনের চলে যাবে। কি, তাই করবে নাকি?

হুটো রিক্সা ভাড়া খাটালে কত আর রোজগার হবে—বড় জ্যোর তিরিশ-  
 য়তিরিশ সেন্ট—তাতে কি আর কুলোবে? তার চাইতে একটা তুমি ভাড়া  
 পাটাও, আর একটা আমি টানবোখন—তাতে আমাদের বেশ চলে যাবে। খুশি  
 খুব আস্তে আস্তে অথচ স্বাভাবিক ভাবেই বলল। রিক্সা কেনার কথা শুনে সে  
 ব ভুলে গেছে, মন আনন্দে ভরে গেছে।

ওঃ, তাহলে তো তোমারই সুবিধে! বাড়ি আরো দেরি করে ফিরবে।

না, না, দেরি করে ফিরব কেন? রিক্সা কেনার কথা শুনে খুশির মাথায় বহু  
 কন্দি এল। ধর : একখানা রিক্সা আমরা ভাড়া খাটালাম, আর একখানা রিক্সা  
 নিয়ে আমি ভোরে বেষ্টিয়ে যাব, তিনটির ভিতরেই ফিরে আসব, তারপর  
 সেখানাও কাউকে ভাড়া দিয়ে দেব। কোনোদিন বা ভোরের দিকটা ভাড়া দিয়ে  
 মাতের দিকটা নিজেই টানব—তোমার কি মনে হয়—মতলবটা ভালো নয়?

বাঘিনী মাথা নাড়ল। দাঁড়াও, ভেবে দেখি। অল্প কোনো মতলব মাথায় না  
 এলে, তখন তোমার বুদ্ধি মতোই চলব।

খুশির খুব আনন্দ হোলো। এই মতলবটা যদি কাজে খাটানো যায়, তাহলে  
 সে আবার নিজের রিক্সা নিজেই টানতে পারবে। অবিশিষ্ট, পরিবারের টাকায়  
 কেনা রিক্সা তো আর নিজের নয়, সেকথা সে ভালো করেই জানে। কিন্তু কিছু  
 কিছু টাকা জমিয়ে নিজের একখানা রিক্সা কিনতে কদিন লাগবে তার? তার  
 মনে হোলো, বাঘিনীরও মূল্য আছে বইকি। হঠাৎ খুশি বাঘিনীর দিকে তাকিয়ে  
 হাসল—সহজ, স্বাভাবিক হাসি, একটুও কৃত্রিমতা সেখানে নেই। সব ছুঃখ দারিদ্র্য  
 যেন কলমের খোঁচায় খতম হয়ে গেছে, পুরনো পৃথিবীর বুকে জেগেছে নতুন  
 জীবন। পুরনো পোশাক ছেড়ে নতুন পোশাক পরবার মতোই অতি সহজ আর  
 সুন্দর এই পরিবর্তন।



## সত্তেরো

খুশি মানবমিলনের ব্যাপারটা বহুলোকে জিজ্ঞেস করে তবে জানতে পারল। এক একজন এক একরকম বলল, কিন্তু তাদের সেই টুকরো টুকরো পল্লগুলি জোড়া-তাড়া দিয়ে আসল ব্যাপারটা সে আঁচ করে নিল। ন'কর্তা' লিউ কতগুলি রিক্সা বিক্রি করে ফেলেছেন, বাকিগুলো আর এক আন্তানার মালিকের হেফাজতে রেখে দিয়েছেন। খুশি বুঝতে পারল, এই বুড়ো ব্যয়েসে সাহায্য করবার লোক না পেয়েই তিনি একাজ করেছেন। কিন্তু বুড়ো কোথায় গেল? খুশি বহু চেষ্টা করেও সে খোঁজ পেল না।

বুড়ো উধাও হয়েছে জানতে পেরে খুশি খুশি হবে কিনা ভেবে পেল না। খুশি হবার কারণ আছে বই কি! বাঘিনীর আর জারিজুরী খাটবে না! এতদিন বাপের পয়সার দেমাকে সে খুশির রিক্সা টানায় বাধা দিয়েছে। এবার হোলো ভো! বুড়ো একটা পয়সা না ঠেকিয়ে সরে পড়ল! কোথায় থাকবে বাঘিনীর দেমাক, আর নানা ফন্দি ফিকির? এখন সে নিবিয়ে রিক্সা টেনে নিজের কুজি রোজগার করতে পারবে, কেউ বাধা দেবে না। আফশোষও হোলো। ন'কর্তার এতগুলো টাকা একেবারে উড়ে গেল! বাঘিনীর হাতে একটা কানা কড়িও এল না!

যাক গে, যা ঘটে গেছে, তা নিয়ে মাথা ঘামিয়ে লাভ কি? অতগুলো টাকা হাত-ছাড়া হওয়ার একটু আকোশও হয়তো হতে পারে, কিন্তু মনে কোনো ধাক্কাই লাগেনি। যতদিন তার শক্তি আছে, নিজের রুটি সে রোজগার করে খাবেই। কোনোরকম ভগিতা না করে সে বাঘিনীকে সবকথা খুলে বলল।

বাঘিনী কথাটা শুনে একেবারে ভেঙে পড়ল। সে বুঝতে পারল, আর কোনো আশা নেই। ভবিষ্যৎ অন্ধকার হয়ে গেছে। এখন রিক্সাওয়ালার বৌ হয়ে জীবন কাটিয়ে দেওয়া ছাড়া তার আর উপায় নেই। এই গর্তেই তার জীবন কাটাতে হবে। সে ভেবেছিল, বুড়ো বাপ হয়তো মেয়ের উপর চটে আর একটা বিয়ে করে বসবে, কিন্তু সব বেচে দিয়ে শেষটায় বুড়ো উধাও হয়ে যাবে—একথা সে কল্পনাও করতে পারেনি। বুড়ো একটা ছুঁড়িকে বিয়ে করলে বাঘিনী ঠিক করে রেখেছিল সে কি করবে। প্রথম গিয়ে ছুঁড়িটার উপর চড়াও হয়ে গালাগাল দেবে, সম্পত্তি নিয়ে গোল বাধাবে। দরকার হলে সৎমাকে তোয়াজ করে সে তাকেই বাপের বিরুদ্ধে লেলিয়ে দেবে। হায় হায়, সব ভেঙে গেল।

সঙ্গেও যা সে কোনোদিন ভাবতে পারেনি তাইই হোলো। সে কি আর কোনোদিন ভেবেছিল যে, একগুঁয়ে বুড়ো এতটা নিষ্ঠুর হয়ে সব বেচে দিয়ে নগদ টাকা নিয়ে সরে পড়বে! বুড়োর সঙ্গে সে বহু ঝগড়া করেছে বটে, কিন্তু তখন এ বিষয়ে নিশ্চিন্ত ছিল যে, যখন সময় আসবে তখন বুড়োকে তোয়াজ করতেও সে কসর করবে না। এমন মিষ্টি কথা বলবে যে, বুড়োর মন না ভিজ়ে পারবে না। আর মানবমিলন সে ছাড়া কেউ চালাতে পারবে না এই তো ছিল তার ধ্রুব বিশ্বাস। কিন্তু বুড়োর মনে এই ছিল কে জানত? শেষটায় কিনা মানবমিলনের মতো চালু ব্যবসাসটা তছনছ করে দিয়ে চলে গেল? বাঘিনীর মাথা ঘুরে গেল। সে গুম মেরে বসে রইল।

বাইরে বসন্তের আগমনের কানাকানি শুরু হয়েছে, গাছের ডালে ডালে লাল কুঁড়িগুলো ফুটবার অপেক্ষায় উন্মুখ হয়ে আছে। কিন্তু আঙিনায় বসন্তের কানাকানি লাল কুঁড়ির সমারোহ নিয়ে দেখা দেয়নি। গাছ বা ফুলের এখানে চিহ্নও নেই। তবু বসন্তের আগমনী এসে এখানে পৌছেছে। বসন্তের দাগের মতো উঠোনের গর্তগুলিতে এত দিনের জমাট বরফ গলতে শুরু করেছে, উঠোনের আবর্জনার গন্ধ ছড়িয়ে বইছে হাওয়া। মুরগীর ঝরা পালক, রসুনের খোসা, ছেঁড়া কাগজের টুকরো উড়ে উড়ে দেয়ালে এসে পড়ছে, ঘূর্ণি তুলছে। বাড়ির ঝরা বাসিন্দে বারো মাস ধরেই তাদের ছুঁতোগ। তবুও বুড়ারা ঘর থেকে বেরিয়ে এসে উঠোনে রোদ পোয়াচ্ছে, ছেলেমেয়েদের মুখের ময়লার প্রলেপের ভিতর দিয়ে স্বাভাবিক রং উঁকি মারছে। মেয়েরাও ছেলেপুলেদের উঠোনে এনে ছেড়ে দিয়েছে। তারা চোঁচাচ্ছে, হটোপুটি করছে। কেউ কেউ বা এক টুকরো কাগজ কুড়িয়ে ঘুড়ি তৈরী করতে চেষ্টা করছে, দৌড়ঝাঁপ করছে। এখন আর শীতের ভয় তো নেই যে ঠাণ্ডা লাগলেই হাত ফেটে যাবে। কিন্তু বসন্ত এদের জন্তে বিপদও মুখে করে নিয়ে এসেছে। লঙরখানার উত্তনের আগুন নিবে গেছে; দাতারা সব হাত গুটিয়ে নিয়েছেন। এখন আর একহাতা কাক্সির জন্তে ছেলেমেয়েদের ভিড় সেখানে দেখা যায় না। দাতারা গরীব দুখীদের স্বর্ষের আলো আর বসন্তের হাওয়ার তদারকে ছেড়ে দিয়ে নিশ্চিন্ত হয়েছেন।

এখনও ক্ষেতে পয়লা খন্দের গম ঘাসের মতোই সবজে দেখাচ্ছে, ছড়াও দেখা দেয়নি। চাল আর যবের দাম ক্রমাগতই চড়ছে। দিনগুলিও বড় লম্বা। বুড়ারা শীতের দিনে যেমন তাড়াতাড়ি বিছানায় গিয়ে শুয়ে পড়ত, এখন আর তা পারছে না। এখন আর ভালো খাবার-দাবারের স্বপ্ন দিয়ে খালি পেটকে ফাঁকি দেওয়া চলে না, অস্ত্রে অস্ত্রে থিঁদের জ্বালা ধরে, বিছানায় টেকাই দুধর হয়ে ওঠে। বসন্ত এসেছে গাছের ডালে ডালে, বিলাসীর মনে, কিন্তু সর্বহারাদের

উঠোনে সে কি নিয়ে এল? কি আবার নিয়ে আসবে, এনেছ চরম দুঃখ আর দুর্দশা।

উকুনগুলো পর্যন্ত সেয়ানা হয়ে উঠেছে। এখন আর বিছানাপত্র কি কাপড়ের ভিতর থেকে সহজে তাদের বাঁচ করা যায় না। হয়তো বুড়োর পোশাকের ভিতর ঢুকে বসে রইল। বুড়োরা উঠোনে রোদ পোষাতে এলে তাদের সঙ্গে ওদেরও একটু রোদ পোষানো হোলো আরকি!

বাঘিনী উঠোনের দিকে তাকাল। বরফ গলে গেছে, আবর্জনার পচা গন্ধ আসছে; বুড়োদের দীর্ঘ নিশ্বাস আর ছেলেমেয়েদের চিৎকার একসঙ্গে মিশে গেছে। শীতের দিনে ঠাণ্ডার হাত থেকে বাঁচবার জগ্ন সবাই নিজের নিজের ঘরে বসে ছিল; আবর্জনা চাপা পড়েছিল বরফের নিচে, এখন আবার সবাই ঘরের বাইরে এসেছে, আবর্জনার গন্ধ ছড়িয়ে পড়েছে হাওয়ায়। এমন কি ইটের দেওয়াল থেকে পর্যন্ত ঝুর ঝুর করে ধুলো ঝরে পড়ছে, মনে হয় জোরে বুষ্টি পড়লেই ধসে পড়বে। এত দুঃখ দুর্দশা, তবু বসন্ত এসেছে বই কি! সমস্ত আড়িনায় ফুল ধরেছে, সবুজ পাতা উকি দিচ্ছে। এ-ফুল দারিদ্র্যের ঝড় ফুল, আর তার সবুজ পাতা আবর্জনার বিষাক্ত ঘন সবুজ রং। শীতের চেয়েও নিম্নম নিম্ন এই বসন্ত, দরিদ্রের বসন্ত। আর এই সময়েই কিনা বাঘিনীর কাছে বাপের উধাও হবার খবর এল। এখন আর উপায় কি? সারা জীবন তাকে এই গর্তেই কাটাতে হবে; আন্তে আন্তে তার হাতের টাকা কটা উড়ে যাবে; আর সে হবে রিক্সাওয়ালারই বো!

খুশিকে বাড়িতে বেধে দক্ষিণ পার্কের কাছে তার পিসির বাড়িতে গিয়ে সে হাজির হোলো। পিসি বললেন, বুড়ো লিউ ওয়াসের বারো তারিখে এসে ছিলেন। এসে নাকি বলেছেন, তিনি টিয়েটসিন কি সাঙহাই যাচ্ছেন। জীবনে তো পিকিংএর ফটকের বাইরে কখনো যাননি, এবার যখন স্বযোগ হয়েছে তখন একবার ঘুরে আসতেই হবে। এখনো তার শক্তি সামর্থ্য আছে, একেবারে বুড়ো হাবড়া হয়েও পড়েননি। ফ্রুটি করে কটা দিন ফুঁকে দেওয়াই তার ইচ্ছে। এদিকে মেয়ে তো তার মুখে কালি লেপে দিয়েছে! এখন এখান থেকে মানে মানে সরে পড়াই ভালো। পিসি এর বেশি আর কিছু বলতে পারলেন না। তবে একথাও বললেন যে, বুড়ো নাও যেতে পারে, এই শহরের কোনো গলিঘূঁজিতেই হয় তো কোনো আত্মনা গেড়েছে। তা শহরে গলিঘূঁজিও তো বড় কম নয়, কে এখন তাকে খুঁজে বাব করবে?

বাঘিনী বাড়ি এসে বিছানার উপর কান্নায় ভেঙে পড়ল। কান্নাতে কান্নাতে তার চোখ দুটো লাল হয়ে ফুলে উঠল। তারপর চোখের জল মুছে খুশিকে

ডেকে বলল, তুমিই জিতলে! যা প্রাণ চায়, তাই কর, ভুল করে ফেলেছি, আর শোধরাবার উপায় নেই। আমি তোমাকে একশো ডলার দিচ্ছি, যাও রিক্সা কিনে নিয়ে এস।

বাধিনী আগে ঠিক করেছিল দুখানা রিক্সা কিনে একখানা ভাড়া খাটাবে, আর একখানা খুশিই টানবে। এখন সে মত বদলাল। একখানা রিক্সাই সে কিনবে, বাকি টাকাটা হাতে রাখবে। হাতে যতক্ষণ টাকা আছে, ততক্ষণ আছে ক্ষমতা। সে এই নিয়েই অনেক ভেবেছে: ধর, মাহুঘের মন তো! দুখানা রিক্সা কিনে, দিলে, তারপর খুশি যদি তাকে ছেড়ে চলে যায়, তখন কি হবে? আগে থেকেই তৈরী থাকতে হবে শ্বেকি। বুড়োই যখন এমনি করে বুড়ো আঙুল দেখিয়ে চলে গেল—তখন আর পুরুষের উপর বিশ্বাস নেই। কাল কি হবে কে জানে। আজ যতটুকু পার ফুটি করে নাও। কিন্তু তার জগ্রে চাই টাকা। সেই টাকা হাত ছাড়া করে একেবারে ফকির বনতে রাজি নয়। এই তো সে পাঁচরকম জিনিস খেতে ভালোবাসে—কেনবার টাকা না থাকলে তখন কি হবে? স্থখ বলতে তো আর কিছুই নেই, একটু ভালো খাওয়া—তাও টাকার অভাবে হয়ে উঠবে না।

কিন্তু অত বুঝেওনে চললেও ঐ কটা টাকায় আর কদিন চলবে? একদিন ফুরিয়ে যাবেই। তখন তো আর পাঁচজন রিক্সাওয়ালার বোয়ের মতোই জীবন কাটাতে হবে! তাছাড়া উপায়ই বা কি? আচ্ছা তখনকার কথা দেখা তখন যাবে, আজকেই তো আর খুশির কাছে একটা পয়সার জগ্রে হাত পাততে যাচ্ছে না! বরং খুশিই রুজি রোজগারের জগ্রে তার টাকায় রিক্সা কিনছে।

বাধিনীর মন খানিকটা হালকা হয়ে গেল, কিন্তু সে বুঝতে পারল ভবিষ্যৎ অন্ধকার। হোক না অন্ধকার, আজ যে তার মাথা নোয়াতে হবে না—এই তো যথেষ্ট! সে যেন এক পথিক, সূর্যাস্তের সময় পথ চলছে, দূরে ঘন হয়ে আসছে রাত, কিন্তু এই মিউনো আলোয় যতটা পারে এগুচ্ছে, আসন্ন রাতের কথা তখন তার ভাববার আর সময় নেই।

খুশি তর্ক বিতর্ক করল না। একখানা রিক্সা সে পাচ্ছে—এই তো যথেষ্ট। যে করে হোক রোজ, সে যার্ট-সত্তর সেন্ট দিনে রোজগার করবে আর তাতে দুজনের সংসারও বেশ চলে যাবে। তর্ক তো সে করলই না, বরং আনন্দ হোলো। রিক্সা কেনার জগ্রেই না এতদিন সে দুঃখভ্রমণ করেছে? এবার সে আর একখানা কিনবে, তার তো কোনো অভියোগ নেই! কিন্তু একটা কথা—দুজন লোকের খাওয়া পরা একখানা রিক্সা টেনে চলে যাবে ঠিকই, কিন্তু কিছুই যে জমবে না। রিক্সার তো আর অথও পরমায়ু নেই। কিছুদিন পরেই টায়ার



ক্ষয়ে যাবে, চাকা ঝরঝরে হয়ে যাবে, তখন তো পাণ্টাবার উপায়ও থাকবে না। ভাবনার কি আর কুলকিনারা আছে? রিক্সা কিনছে এই তো যথেষ্ট, ভেবে কি হবে? অত দূরের জিনিস নিয়ে মাথা ঘামিয়ে এখনকার আনন্দটুকু মাটি করতে রাজি নয়।

এই বাড়িরই বাসিন্দে মেজ্ঞ জোরমস্ত, এই সময় তার রিক্সা বিক্রি করবে ঠিক করল। গত বছর গ্রীষ্মকালে সে তার উনিশ বছরের মেয়ে খুদে লক্ষ্মীকে এক সাময়িক কর্মচারীর কাছে বিক্রি করে দুশ ডলার পেয়েছিল। খুদে লক্ষ্মী চলে যাওয়ার পরস্ত জোরম নবাবী শুরু করল। যত্ন জিনিস বাঁধা দিয়েছিল, ছাড়িয়ে নিয়ে এল, নতুন কাপড়-চোপড় কিনল—সমস্ত পরিবারেরই তখন ভাল বদলে গেছে।

জোরমস্তের স্ত্রী বাড়ির বাসিন্দার ভিতরে সবচেয়ে কুৎসিত। মাঠকপাল; চোয়ালের হাড় জেগে উঠেছে, দাঁত বেরিয়ে পড়েছে, সারা মুখ ব্রণে ছেয়ে গেছে। ওর দিকে তাকাতেও ঘেন্না হয়। মেয়ের জন্তে সব সময়ে কাঁদে বলে চোখ দুটো তার ফুলো আর লাল হয়ে থাকে। কিন্তু তাই বলে সাজপোশাকে অকুচি নেই, মেয়ে বেচা টাকায় নতুন পোশাক পরতে তার একটুও বাধেনি। জোরমস্তের মেজ্ঞাটা মেয়ে বেচার পর থেকে কেমন তিরিক্ত হয়ে গেছে, এখন সে স্বয়ংগ পোশাই মদের দোকানে ঢুকে পেয়ালার পর পেয়াল মদ উজাড় করে আর থাকে-তাকে গায়ে পড়ে গালাগাল দেয়।

নতুন পোশাক পরলে কি হবে তার বোয়ের মনে স্থখ নেই। একে তো মেয়ের জন্তে তার হৃৎক, তার উপর স্বামীর মার-পিটির মাত্রাটাও চড়ে গেছে।

জোরমস্তের বয়েস চুল্লিশের উপর হবে। তাই মেয়ে বিক্রি করে দিয়ে সে ঠিক করল রিক্সা না টেনে অন্য কিছু করবে। ছোটো বেতের ঝুড়ি কিনে এনে একটা বাকের দুপাশে ঝুলিয়ে কাঁধে নিয়ে বেরিয়ে পড়ল। ঝুড়ির ভিতরে হরেক কিসিমের জিনিস! তরমুজ, নানা রকমের ফল, বাদাম, সিগারেট আরো কত কি! দুমাস চলল ব্যবসা, তারপর সে মোটামুটি একটা হিসেব করে দেখল, লোকসানের একটা বেশ মোটা পাড়িয়ে গেছে। রিক্সা টেনেই বার জীবন কেটে গেল, অন্য ব্যবসায় সে তো হিমসিম খেয়ে যাবেই। রিক্সাওয়ালারা পথে পথে সোয়াবির খোজে ঘুরে বেড়ায় : সোয়াবি পোলে ভালোই, না পোলে হুয়ান হয়ে বাড়ি ফিরে যায়। কিন্তু অন্য ব্যবসায় তা হয় না। একটা আধটা পয়সার জিনিস গছাতেও ফেরিওয়ালার ঘাম ছুটে যায়। তার উপর খদ্দেরকে ঠকানোর ফন্সি-কিকিরগুলো রপ্ত করা চাই। জোরমস্তের সে ক্ষমতা ছিল না।

রিক্সাওয়ালা। ধারে জিনিস কেনে বলেই পরিচিতদের ভিতরে সে ধারে জিনিস বিক্রি করল; কিন্তু একবার বাজারে ধার পড়ে গেলে তখন আদায় করা যে কি কষ্ট—একথা বেচারার জানা ছিল না।

ব্যবসা তার বেশিদিন টিকল না। ভালো খদ্দের একটাও জুটল না। যা বা জুটলো, তাই সবাই ধারে জিনিস নিয়ে জোরমস্তের ব্যবসা দুদিনে লাটে তুলে দিল। টাকাকড়ি নষ্ট করে এবার সে মদে ডুবে গেল। মাতাল হয়ে পুলিশের সঙ্গে রাস্তায় দাঙ্গা বাধাল, বাড়িতে এসে বোয়ের উপর তুলল তার শোধ—এমনি করেই কেটে চলল জোরমস্তের জীবন।

মাঝে মাঝে যে জ্ঞান না ক্ষিপ্ত এমন নয়, অহুশোচনা একে দেখা দিত। কিন্তু সে কতক্ষণের জ্ঞান? আবার মেয়ের শোকে পাগল হয়ে ভাড়ের পর ভাড় মদ গিলে মাতাল হয়ে যেত, বৌকে পেটাত। তার নিজেরই মনে হতো, সে আর মানুষ নেই, পশু হয়ে গেছে। ঘুমেরই সে পেত তার একমাত্র শান্তি।

জোরমস্ত ব্যবসা ছেড়ে দিয়ে ঠিক করল, আবার রিক্সা টানবে, টাকাকুলো নয়ছয় করে দিলে তো চলবে না! সে একখানা রিক্সা কিনে ফেলল। মাতাল অবস্থায় সে যা তা বলত, ভদ্রতারও কোনো বালাই তার ছিল না। কিন্তু জ্ঞান হলে তার ভিতরে অভিজ্ঞতা বোধ চাগিয়ে উঠত। জাঁক দেখাতেও সে ছাড়ত না। গরীবদের এই রীতি—স্ববিধে পেলই জাঁক দেখাতে তারা ভালোবাসে। জোরমস্ত আনকোরা নতুন রিক্সা কিনল, কাপড়-জামাও তখন তার ধোপ-দুয়ন্ত—রিক্সা-ওয়ালাদের একেবারে পরালা দলে সে কল্কে পেল। ছোটখাট চা-খানায় ঢুকলে আর তার মান থাকে না, বাবুভায়া না হলে সে সোয়ারি নেয় না—এমনি তার অৱস্থা।

গলির মুখে ধবধবে পোশাক পরে ঝাড়িয়ে নতুন রিক্সার উপর বোদের খেলা দেখে গল্পগুজব করেই তার দিন কাটতে লাগল, যোজ্ঞাবার চেষ্টাই সে করত না। কয়েক মিনিট অন্তর নৌলরঙের ঝাড়ন দিয়ে রিক্সা ঝেড়ে, কখন বা নতুন জুতোর গোড়ালী ঠুঁকে, রিক্সার চাকার উপর দুপা তুলে দিয়ে দিনগুলি ফুঁকে উড়িয়ে দিত। মাঝে মাঝে কাউকে ধরে এনে তর্কও জুড়ে দিত। এরই মধ্যে কোনোদিন হয়তো বাবু সোয়ারি মিলেও যেত কিন্তু অমন আনকোরা নতুন রিক্সা আর ধোপ-পোশাকের মান রাখবার মত সামর্থ্য তার আর ছিল না; সে ছুটতে পারত না। কেমন যেন মুষড়ে পড়ত জোরমস্ত। সঙ্গে সঙ্গে মেয়ের কথা তার মনে পড়ত; সে ছুটত শুঁড়িখানায়। এমনি সে করে মেয়ে-বেচা টাকা উড়িয়ে দিল, রইল শুধু রিক্সাখানা।

শীতের শুরুতে একদিন সে মাতাল হয়ে বাড়ি ফিরল। তাকে ঐ অবস্থায় দেখে ছেলেহুটো তো ভয়ে অস্থির। তারা পালাবার পথ খুঁজছে, এমন সমন জোরমস্ত গিয়ে তাদের উপর ঝাঁপিয়ে পড়ে জুতো দিয়ে বেদম মার মারল। বৌ কি বলতে এসেছিল,

তাকে চিং করে মাটিতে ফেলে তলপেটে লাথি মারতেই সে অজ্ঞান হয়ে গেল ! ছেলে দুটোর কতই বা ব্যেস হবে—বড়টা তেরো আর ছোটটা এগারোয় পড়েছে—তারা কিন্তু আর লম্ব করতে পারল না। কয়লা ভাঙবার হাতুড়ি আর লাঠি নিয়ে দুজনেই বাপের সঙ্গে যুদ্ধে নেমে পড়ল। তিনজনই ধস্তাধস্তি চলল; পাড়াপড়শীরা এসে তবে বহু কষ্টে ছাড়ায়। জোরমস্ত গিয়ে শুয়ে পড়ল বিছানায়, ছেলেরা মাঝে জড়িয়ে ধরে কাঁদতে লাগল।

জোরমস্তের বৌ ধকল সামলে উঠতে পারল না, চান্দ্রমাসের তিথি তারিখে সে মারা গেল। মেয়ে-বেচা টাকায় কেনা নীল পোশাক পরে বিছানায় শুয়ে তার, নিশ্বাস বন্ধ হয়ে গেল।

বৌয়ের মরবার পর তার বাপের বাড়ির দিক থেকে জোরমস্তের নামে মামলা রুজু করবার কথাও উঠেছিল, কিন্তু বন্ধুরা মামলাখানে পড়ে ব্যাপারটা মিটিয়ে দিল। বাপের বাড়ির ওরা এই সতেরো রাজি হোলো যে, জোরমস্ত বোকে গোর দেওয়ার ভালো ব্যবস্থা করবে, আর তাদের খেদারং দেবে পনেরো ডলার। জোরমস্ত রাজি হয়ে গেল।

হাতে টাকা যা ছিল উড়ে গেছে, কি আর করবে, সে রিক্সাখানা আট ডলারে বাঁধা দিল। নতুন বছরের উৎসবের পর রিক্সাখানা একেবারে বিক্রি করে ফেলতেই সে চাইল। তাছাড়া উপায়ও নেই, রিক্সা ছাড়িয়ে আনার টাকাই বা সে কোথায় পাবে? মাঝে মাঝে মাতাল অবস্থায় তার মনে হতো, ছেলে দুটোর একটাকে বেচে দিলে কেমন হয়। চেষ্টাও করে সে দেখেছিল, কিন্তু কেউ কিনতে চায়নি। একবার খুদে লক্ষ্মীর স্বামীর কাছে গিয়েও হাত পেতেছিল, কিন্তু সে তাকে চেনে না বলেই হাঁকিয়ে দেয়।

খুশি এই ইতিহাস জানতো বলেই জোরমস্তের রিক্সা কেনার তার ইচ্ছে ছিল না। কত রিক্সাই তো রয়েছে—এইখানাই যে কিনতে হবে তার মানে কি। মেয়ে-বেচা টাকায় কেনা রিক্সা তো অপয়া হবেই। না না, ও রিক্সা সে কিনতে পারবে না।

বাঘিনী কিন্তু ওসব চিন্তা আমোলই দিল না। সে ভেবে দেখল, আশী ডলারের কিছু বেশি দিলেই রিক্সাখানা কিনতে পারবে—এ এক মস্ত দাঁও! দাঁও সে কিছুতেই ছাড়বে না। রিক্সাখানা জোরমস্ত সেদিন কিনেছে, এখনো ছমাস হয়নি, চাকার রং এখনো চটেনি। তাছাড়া যে সে কারখানা নয়—পশ্চিম চকের নামকরা কারখানা ধার্মিক কোম্পানীর তৈরী—না, না, এ দাঁও ছাড়তে সে পারবে না। পুরনো রিক্সা কিনতে গেলেও পঞ্চাশ বাট ডলার খরচা পড়বে, তাছাড়া নতুন বছরের উৎসবের পর সকলেরই এখন টানাটানি থাকছে—দাম বেশি চাইলেই বা দিচ্ছে কে? আর জোরমস্ত রয়ে বসে তো বিক্রি

করতে পারবে না—তার এখন টাকার খুব দরকার। বাঘিনী নিজেকে দেখে বরদস্তুর করে রিক্সাখানা কিনে ফেলল।

খুশি আর কি করবে; রিক্সাখানা কবে এসে পৌছবে সেই আশায়ই বসে রইল। মুখফুটে কোনো কথাই সে বলল না। বন্ধবারও কিছু নেই; টাকা তো আর তার নয় যে বলবে! রিক্সাখানা এসে পৌছতেই ভালো করে সে দেখে নিল। বেশ মজবুতই আছে। কিন্তু তবু মনটা কেমন খুঁত খুঁত করছে। রিক্সার গায়ের কালো রংটা তার পছন্দ নয়, পিতলের বদলে চারদিকে সাদা এনামেলের কাজ করা—কালো আর সাদায় মিশে কেমন অদ্ভুত দেখাচ্ছে। জোর-মস্তুর পছন্দ বলে কিছু নেই, এমন অপরা রং কেউ পছন্দ করে? এ যেন গোরে ঘাবার জন্তে তৈরি হয়েই আছে। খুশির ইচ্ছে হোলো, অন্তত ঢাকনাটা সে বদলে চাঁদের আলোর রঙে চুপিয়ে নেয়—তাহলে এই গা ছম-ছমে ভাবটা খানিকটা কেটে যাবে। কিন্তু বাঘিনীকে বলতে সাহস হোলো না। এখুনি আবার যা-তা বলতে শুরু করবে।

রিক্সা নিয়ে বেরিয়ে পড়ল খুশি। সবাই তার রিক্সাখানার দিকে তাকিয়ে রইল। কেউ কেউবা চোঁচিয়ে উঠল, কিহে ‘কড়ে রাঁড়ি’ তোমার বেলাই শেষে জুটল: নাকি? রিক্সার কালো রং দেখে ওরা ঐ নামই রেখেছে। খুশি চুপ করে রইল। মনের রাশ সে টেনে ধরল। কিন্তু মন বাগ মানে কই? রিক্সাখানা সেই ভোর থেকে দুপুর রাত পর্যন্ত তার সঙ্গে—সব সময়েই সে তটস্থ হয়ে থাকে—এই বুঝি রিক্সাখানা উলটে গিয়ে বিপদ বাধায়। কখনো বা সে জোরমস্তুর দুঃখ হৃদশার কথা ভাবে। রিক্সা তাকে বিনে ভাড়ায়, আজীবন টেনে নিয়ে চলতে হবে—উপায় নেই।

অকারণে অস্থির হয়ে উঠল। অনবরত শুধু টিক্ টিক্ টিক্ শব্দ, কিন্তু রিক্সা নিয়ে কোনো হাঙামাই বাধল না। কয়েক সপ্তাহ যেতেই গরম পড়ল। এবার খুশি তার তুলোর কামিজ ছেড়ে সূতীর কামিজ পায়জামা পরল। বসন্ত পিকিঙ-এ বেশিদিন টিকতে পারে না। এবার পড়ল গরম—দীর্ঘ দিন। শহুরে লোকেরা হাঁপিয়ে উঠল গরমে। কম ব্যস্ততা নেই—সামান্য খেটেই ক্লান্তি আসে, ঘুম পায়। খুশি ভোরে উঠেই আজকাল বেরোয়, বেলা চারটে পর্যন্ত সোয়ারির খোঁজে ঘুরে ঘুরে বেড়ায়, তারপর আর ইচ্ছে করে না। কিন্তু সূর্য তখনো মাথার বেশ উপরে, বাড়ি ফিরতেও ভালো লাগে না, কোথাও রিক্সা ধামিয়ে বসে বসে হাই তোলে।

সত্যিই, সে কেমন নিরুৎসাহ হয়ে গেছে। বাঘিনীও যেন কেমন মুষড়ে পড়েছে। শীতকালে উন্ননের পাশে হাত পা সঁকে, বাইরে দমকা হাওয়ায় মাতামাতির শব্দ শুনে কোনোরকমে তার দিনগুলো কেটেছে। ঘরে বন্ধ হয়ে রিক্সাওয়ালা

বসে থেকে মন খিঁচড়ে গেলেও বেকবাব তখন উপায়ই ছিল না। শুধু সে ভেবেছে, শীতটা একবার শেষ হোক না, তারপর কে আর ঘরে বন্ধ হয়ে পড়ে মরবে।

এখন শীত শেষ হয়ে গেছে, বাড়িতে বসে উঠলে হাত সঁকেও আর সময় কাটানো চলে না। উঠোন থেকে পচা গন্ধ ভেসে আসছে; জীবন্ত ঘাসের শিষও সেখানে নেই। যা দেখে চোখ জুড়োনো যায়। এক বাইরে বেরতে পারে—কিন্তু পড়শীরা কখন কি চুরি করে নিয়ে যায় কে জানে! এমন কি দু'একটা সওদা করতে বেরলেও তাড়াতাড়ি সে ফিরে আসে। সে যেন এক ভোমরা, ঘরের ভিতরে তাকে বন্ধ করে রেখেছে। বাইরের সূর্যের আলো দেখে সে আনন্দে নেচে উঠছে, কিন্তু উড়ে যাবার উপায় নেই। বাড়ির বাসিন্দে মেয়েদের সঙ্গে ছদ্ম গল্প করবে সে উপায়ও নেই। তারা পাড়ার কেলেকারী নিয়ে আসর জমায়, বাঘিনীর তা খাতে সয় না। সে এতদিন পাহাড়ি বুনাওঁদের গানের মতো জীবন কাটিয়ে এসেছে—তার স্বর নেই, ছন্দ নেই, কিন্তু মুক্তির আনন্দে সে উদ্ভাসিত। তাই আর বাইরে বেরতে এতখানি নীচে নামতে এখনো পারেনি। তাদের এই নীচতার মূলে আছে দুঃখময় জীবন, তারা কারও-অকারেণে ঝরঝর করে চোখের জল ফেলে। কিন্তু বাঘিনীর জীবন তাদের থেকে স্বতন্ত্র। বাঘিনী নিজের জীবনধারণার সঙ্গে নিজেকে খাপ খাইয়ে নিতে পারছে না, তার চোখে নেই জল, তার মনের ভার হাল্কা করতে হলে সে গালাগাল দেয়। ওদের সঙ্গে তার ভাব হওয়া অসম্ভব, ওরা ওদের মতো থাকুক, সে তার নিজের মতো থাকবে—এই সে ঠিক করে ফেলল।

চারমাস পরে এই বাড়িতেই তার একটি বন্ধু জুটে গেল। বন্ধুটি খুদে লক্ষ্মী। সে তার স্বামীর সংসারের পালা সাক্ষ করে ফিরে এল। তার 'মালুঘাটি' একজন সামরিক কর্মচারী। সে যেখানেই যায়, সেইখানেই সংসার পাতিয়ে বসে। স্বখে স্বচ্ছন্দে থাকবার এ এক সহজ ব্যবস্থা। একশো কি দুশো ডলার দিয়ে একটি অল্পবয়েসী মেয়ে, একটা বড় তক্তাপোশ, দুখানা চেয়ার—এই তো সংসার। কটা দিন দিবা আরামে কেটে যায়।

তারপর যখন বদলির ছকুম আসে, তখন বিয়ে-করা স্ত্রী আর লটবহরের হাদ্যমা পোয়াতে হয় না। পোশাকটা পরে বেরিয়ে পড়লেই হোলো। মেয়েটা আর আসবাব-পত্র পড়ে থাক না, ক্ষতি কি? এতে লোকসান তো নেইই, বরং যথেষ্ট লাভ। হুঁই কি আড়াই বছরে একশো কি দুশো ডলার তো মোট খরচা! কাপড় কাচা, জামা রিপু করা, রান্না, সংসারের আরো টুকিটাকি কাজ মেয়েটাই করবে। একটা চাকর রাখলে মাসে আট-দশ ডলার তো মাইনেই দিতে হোতো, তার উপরে তার খাওয়া আছে, জল খাবার আছে। এ চাকরকে চাকর, বোঁকে বোঁ। এক বিছানায় শোয়া চলবে; যোগেরও ভয় নেই।

তারপর মেয়েটাকে খুব ভালো লাগলে না হয় ডলার খানেক খরচ করে সস্তা কালিকো ছিটের একটা পোশাকই তৈরী করে দিলে। ভালো না লাগলে কাপড়-চোপড় দিতেই হবে না। ছেঁড়া কানি পরেই থাক না!

...খুদে লক্ষ্মীর স্বামী বদলি হয়ে চলে গেল। খুদে লক্ষ্মী, তক্তপোশ আর চেয়ার দুখানার দিকে ফিরেও তাকাল না। খুদে লক্ষ্মী মহা ফাঁপরে পড়ল। তার 'মাহুঘটি' দুমাসের ভাড়া বাকি ফেলে পালিয়েছে। কি আর করে, চেয়ার তক্তপোশ বেচে কোনো রকমে ভাড়া দিয়ে কালিকো ছিটের পোশাক আর একজোড়া রূপোর গিলটি-করা তুল নিয়ে বাড়ি ফিরল।

রিজ্বা বিক্রি করে দিয়ে জোরমস্তের হাতে বিশ ডলারের কিছু বেশি রইল। আধা-বয়েসী লোক, বৌ মরে গেছে; সাহুনা দেওয়ারও কেউ নেই। সে মদের মাত্রা আরো বাড়িয়ে দিল—এখন তো মদেই তার একমাত্র সাহুনা। হাতের টাকা-গুলোও ঘেন শত্রুতা করছে। সে ঠিক করল হাতের টাকাকটা উড়িয়ে দিয়ে নিশ্চিন্ত হবে। মাঝে মাঝে অবশ্য ছেলেদুটোর কথা যে তার মনে পড়ত না তা নয়। তখন সে ভাবত, আবার রিজ্বা টেনে ছেলেদুটোকে কোনোরকমে বড় করে তুলবে। তাহলে অন্তত ভবিষ্যতের খানিকটা আশা রইল। এমনি অমুশোচনা এলেই সে ছুটে গিয়ে একগাদা খাবার এনে ছেলেদের খেতে দিত। ছেলেরাও গোগ্রাসে গিলত; আর জোরমস্ত তাদের দিকে চেয়ে আপন মনে বিভ্রিবিধ করে বলত: আহা, মা-হারা ছেলে দুটো! কি খারাপ তোদের বরাত! বাপ সারাদিন তোদের জন্তেই খেতে মরছে। আমি খেতে পাই না পাই তোদের পেট ভবে খেতে দেবোই। যা, খাগে যা। শুধু তোদের কাছে এইটুকু বলে রাখছি, বড় হলে তোদের বুড়ো বাপকে ঘেন ভুলে যাসনে।

এমনি মানসিক অবস্থা যে, বহু টাকা ছেলেদের খাবার আর খেলনা কিনে দিতে ব্যয় হয়ে গেল। একদিন বিশ ডলার পুঁজি গেল ফুরিয়ে।

টাকা ফুরিয়ে গেল, এদিকে মদের নেশাও পেয়ে বসেছে। জোরমস্ত রেগে উঠল। এখন আর ছেলেরা খেল না খেল, দেখবার তার সময় নেই। সে মদের সন্ধানে বেরিয়ে পড়ল। এদিকে ছেলেরা ভারি মুশকিলে পড়ল। কি করবে ভেবেই পেল না। এক উপায় আছে: বিয়ের শোভাযাত্রা কি শবযাত্রার সঙ্গে গেলে দুএকটা পয়সা মেলে; ময়লার গাড়ির সঙ্গে ঘুরলেও দুএকটা পয়সা কি ছেঁড়া খবরের কাগজ দুএকখানা পেয়ে যেতে পারে।—তারা এই উপায়ই ধরল। মাঝে মাঝে তাদের ভাগ্যে মোটামুটি ভালো। খাবার জুটত, কখনো বা খুদের জাউ খেয়ে কাটাতে হতো। খুদের জাউও যেদিন জুটত না সেদিন তারা এক পয়সার বাদাম চিবিয়েও সারাদিন কাটিয়ে দিত। খিদে না মিটলেও কিছুক্ষণ চিবোনো তো যাবে।

খুদে লক্ষ্মী ফিরে আসতে তাদের মনে আশা হোলো। এবার তারা এমন একজনকে পেয়েছে যার উপরে খানিকটা ভরসা করা চলে। বোনকে দেখে তারা কোনো কথা বলল না, শুধু দুজনে দুহাত ধরে তার মুখের দিকে তাকিয়ে রইল। চোখ দিয়ে অবোরে ঝরল জল। মা মরে গেছে, এখন দিদিই তো তাদের মা।

মেয়ে ফিরে আসায় জোরমন্ত হাঁ, হঁ, কিছুই বলল না। আর একটা পেট বাড়ল আর কি! কিন্তু ছেলে দুটোকে খুশি হতে দেখে তার মনে হোলো, ঘরে মেয়ে মাহুষ না হোলে কি মানায়! রান্না বাত্না করবে, কাপড় কাচবে, তবেতো ঘরের শ্রী ফিরবে! তাই আপত্তি সে করল না। চলুক না, যতদিন চলে।

খুদে লক্ষ্মী বেশ ডাগর হয়ে উঠেছে। এমনিতে বোগা আর বেঁটে দেখতে ছিল, দুবছর সামরিক কর্মচারীর ঘর করে বেশ শাসে-জলে ভরে উঠেছে, একটু লম্বাও হয়েছে। মুখখানা বেশ ভরাগুরো, চোখ দুটোও বড় বড়, এমন কিছু সুন্দরী সে নয়—কিন্তু শ্রী আছে বইকি। উপরের ঠোঁট একটু চাপা—তাই রাগলে বা হাসতে গেলে সাদা ঝকঝকে দাঁতগুলি বেরিয়ে পড়ে। সামরিক কর্মচারীটি এই দাঁতের শোভা দেখেই ওকে পছন্দ করেছিল। পছন্দ করবার কথাও বটে! ঝকঝকে দাঁতগুলো বেরিয়ে পড়লে মনে হয় ও যেন কেমন অবাক হয়ে গেছে, কি করবে ভেবে পাচ্ছে না। একেবারে যেন আত্মরে ছোট্ট খুঁটি!

গরীব ঘরে সুন্দরী মেয়েদের মুখে এমনি শ্রীই দেখা যায়—এ যেন বনের ফুল বা ঘাসের মতোই স্বাভাবিক সৌন্দর্য, একটু সবুজ করে তুলে তোড়া বেঁধে বাজারে অনায়াসে বিকোনা চলে।

পড়শীদের দিকে বাঘিনী এতদিন মুখ ফিরিয়েই ছিল, খুদে লক্ষ্মীকে দেখে তার মনে হোলো—হাঁ এর সঙ্গে মিতালি পাতানো চলে বটে! খুদে লক্ষ্মীর রূপ আছে, তার উপরে সে কালিকো ছিটের বুটদার জামা পরেছে; তাছাড়া এতদিন সামরিক কর্মচারীর ঘর করে এল, অনেক ফুটিই লুটেছে নিশ্চয়! ওর সঙ্গে মিতালি পাতালে তার সন্তান নষ্ট হওয়ার ভয় নেই। এমনি মেয়েরা চট করে কারো সঙ্গে বন্ধুত্ব করে না, কিন্তু বন্ধুত্ব করে ফেললে অন্তরঙ্গ হতে তাদের দেয়ী হয় না। খুদে লক্ষ্মী আর বাঘিনী দেখতে দেখতে ঘনিষ্ঠ হয়ে উঠল।

বাঘিনী রকমারি খাবার খেতে ভালোবাসে। যখনই তরমুজের বিচি বা অগ্র কোনো খাবার কেনে খুদে লক্ষ্মীকে ডেকে খাওয়ায়। খেতে খেতে তারা হাসে, গল্প করে। দাঁত বাঁক করে খুদে লক্ষ্মী বাঘিনীকে এমন সব গল্প বলে যা সে কোনোদিন শোনেনি। সামরিক কর্মচারীর সঙ্গে স্থখে ঘরকন্না সে করেনি, কিন্তু যখন তার মেজাজ ভালো থাকত, তখন সে খুদে লক্ষ্মীকে নিয়ে গিয়ে হোটেল

খাওয়াত থিয়েটার দেখাত। এই সবগুলিই সে বলে আর বাঘিনী শুনে অবাক হয়ে যায়।

তার জীবনের দুঃখের কথাও সে বলি বলি করে বলে ফেলল। তার ‘মাহুঘটি’র অত্যাচার, অবৈধ উপায়ে যৌনলালসা পরিতৃপ্তির কাহিনী। বাঘিনী উত্তেজিত হয়ে উঠল। খুদে লক্ষ্মী বলতে না চাইলেও বন্ধুর অনুরোধে তাকে বলতে হোলো।

খুদে লক্ষ্মী দেখতে তো লুশী বটেই, তাছাড়া জীবনে নানা অভিজ্ঞতার আশ্বাদ সে পেয়েছে—বাঘিনী তাকে ভালোবেসে ফেলল, আবার তার উপর হিংসেও হোলো! কতদিন খুদে লক্ষ্মীর অভিজ্ঞতার কাহিনী শুনে সে নিজের কথা ভেবেছে। তার চেহারা, বয়েস, স্বামী—সবদিক দিয়েই বিধাতা তাকে মেরে রেখেছেন। কামনার বসন্তের খবর সে কোনোদিন পায়নি, ভবিষ্যত, তার অন্ধকার, আর বর্তমানেই বা আনন্দ কোথায়? খুশির সে কামনা নিবে গেছে, এখন সে ইঁদুর মতোই ভারী আর অক্ষম। খুশির উপর যতই রাগ বাড়তে লাগল, বাঘিনী ততই খুদে লক্ষ্মীকে আঁকড়ে ধরল। হোক সে গরীব, সুখের মুখ সে দেখেছে, জীবনের আশ্বাদ পেয়েছে। আজ যদি খুদে লক্ষ্মী মরেও যায়, অভিযোগ করবার তার কোনো কারণই থাকবে না। জীবনের সুখ নিংড়ে চুষে উপভোগ করে নিয়েছে, আবার কি চাই!

বাঘিনী বন্ধুর এই দিকটাই শুধু দেখল, বুঝতে পারল না তার অভাব! তার দারিদ্র্য। খুদে লক্ষ্মী স্বামীর ঘর থেকে কিছুই নিয়ে আসেনি; তাছাড়া ভাই দুটির ভরণ-পোষণের ভার এসে পড়ল তারই কাঁধে। এখন কোথায় সে টাকা পাবে, কি করে সে অপোগণ্ড ভাইদুটিকে ভরণপোষণ করবে—একথা বাঘিনী ভেবেও দেখল না।

জোরমন্ত নেশার ঘোরে পথ বাতলে দিল : ভাইদুটির জন্তে যদি অত দরদ, এক কাজ কর না; তাহলে টাকা রোজগারও হবেখন, ভাইদুটোও দুমুঠো খেয়ে বাঁচবে। তা না আমাকেই খাটতে হবে; উদয়াস্ত ঘোড়ার মতো মাহুঘ বয়ে বয়ে টাকা নিয়ে আসব, আর উনি ওর ভাইদুটোকে গাঙেপিঙে খাওয়াবেন। এদিকে আমি কি খালি পেটে খাটব নাকি? যদি চিৎপটাং হয়ে পড়ে মরে থাকি তখন খুব মজা দেখবি, তাই না? কেনরে ভাই-সোহাগী, তোর তো তৈরি মাল রয়েছে, বেচতে চাইলেই খদ্দের মিলবে—তাই কর না? যা না, নিজেকে ভাড়া খাটা না?

খুদে লক্ষ্মী একবার তার বাপ আর ইঁদুরের মতো রোগা ভাইগুলির দিকে তাকাল। উপোসে উপোসে কি চেহারাই ওদের হয়েছে! খুদে লক্ষ্মী কাদল।



কিন্তু কান্নায় তো বাপের রাগ কমবে না, ভাইয়ের পেটও ভরবে না; ওদের সাহায্য হতে পারে এমন কিছু করতে হবে। ভাইদের মুখের ভাত জোগাতে সে তার নিজের দেহ বিক্রি করবে—তার নারীস্বের আভিনা খুলে দেবে, পয়সা যারা দিতে পারে তারা এসে ভিড় করবে সেখানে। কয়েকটা পয়সার জন্তে সে পা ছড়িয়ে চিত হয়ে শুয়ে পড়বে; আর পুরুষের লালসা তাকে বিক্রি করবে, ক্ষতবিক্ষত করবে।

সে ছোট ভাইটাকে বুকে টেনে নিয়ে জড়িয়ে ধরল। ছোট ভাইয়ের মাথার চুল তার চোখের জলে ভিজ়ে যাচ্ছে, কিন্তু সে তা টের পাচ্ছে না। তার ঠোঁট দুটো শুধু বলতে চাইছে, দিদি, দিদি, খিদে পেয়েছে! দিদি! দিদি যেন এক তাল মাংস; ভাইরা সে মাংস খাবার জন্তে লোলুপ হয়ে উঠেছে।

বাঘিনী তাকে এই নতুন ব্যবসায় সাহায্য করতে এগিয়ে এল। এমন কি ব্যবসা ফাঁদতে পোশাক-আশাক, রুজ, পাউডার যা লাগে সে সব নিজের টাকা খরচ করে কিনে দিতে চাইল। পরে রোজগার করে শোধ দিলেই হবে। তার ঘরখানাও সে ছেড়ে দিতে চাইল। খুদে লক্ষ্মীদের ঘরখানা বড় নোংরা, বাঘিনীর ঘরগুলো বরং সে হিসেবে ষ্ঠে সাজানো-গোছানো! একটু খোলা-মেলাও বটে। আর খুশি তো দিনের বেলায় ফেরে না, তাই অস্থবিশেষে কিছু নেই। বাঘিনী বন্ধুর এই উপকারটুকু করতে পেলে যেন বর্তে যায়—এমনি তার ভাবখানা। তাছাড়া ঘরে কাগজের পার্টিশন; আঙ্গুল জলে ভিজিয়ে নিয়ে কাগজের উপর রাখলে খুদে লক্ষ্মীর ঘরের কাণ্ডকারখানা দেখে সে বহু জিনিস শিখতে পারবে—যা সে চিরদিন কামনাই করে এসেছে, কিন্তু পায়নি।

কিন্তু বাঘিনী একেবারে নিছক উপকার করতেই বসেনি। সে একটা সতে ঘর দিতে রাজি হোলো, খুদে লক্ষ্মী তাকে ফি-বারে ঘর ভাড়া বাবদ বিশ সেন্ট করে দেবে। বন্ধুত্ব আছে থাকুক না, কিন্তু ব্যবসা হচ্ছে ব্যবসা, এখানে মাগনা কিছু চলতে পারে না; ঘরদোর সাজাতে বেশ কিছু পয়সা ব্যয় হবে—ঝাঁটা, জঞ্জাল ফেলবার টব এ সবের কি দাম নেই নাকি? বিশ সেন্ট এমন কিছু বেশি নয়—বন্ধু বলেই না বাঘিনী এত সস্তায় রাজি হয়েছে!

খুদে লক্ষ্মী দাঁত বার করে হেসে রাজি হোলো। মনের কোণে উথলে উঠল কান্না।

রাতে খুশি ফিরে এলে বাঘিনী তাকে কোনো কথাই বলল না। কিন্তু তার ঘুম ভাঙিয়ে বিছানার ভাড়া আদায় করতে বাঘিনী ছাড়ল না। বাপকে সে দেশ ছাড়া করেছে, যে-বন্ধুকে সে ঘৃণা আর হিংসা করে তার সর্বনাশ এইমাত্র করে এসেছে, খুশিকেই বা ছাড়বে কেন? পরিপূর্ণ লালসা নিয়ে খুশির উপর বাঘিনী ঝাঁপিয়ে পড়ল।

## আঠারো।

বছরের ছমাস কেটে গেছে। দিনের বেলা উঠানে আর ছেলেদের গোলমাল শোনা যায় না। তারা ভোরে উঠেই ভাঙা ঝুড়ি কাঁধে নিয়ে বেরিয়ে পড়ে। পথে যা পায় তাইই ঝুড়িয়ে ঝুড়ি ভরতি করে। বেলা নটায় চড়া রোদে তাদের পিঠের চামড়া তেতে উঠলে তারা বাড়ি ফিরে যা পায় তাইই খায়। খাওয়া-দাওয়া সেরে বড়রা পয়সা নিয়ে বেরিয়ে যায়; বরকের কল থেকে বরফ কিনে এনে পথে পথে বিক্রি করে।

পয়সা না থাকলে দলবেঁধে তারা নদীতে স্নান করতে যায়। ফেরবার পথে রেল স্টেশন থেকে কয়লা চুরি করে নিয়ে আসে। কেউ কেউ বা রং-বেরঙের পোকা মাকড়টা ধরে আনে—বড়লোকের ছেলে মেয়েদের কাছে বিক্রি করবে।

ছোটরা আর অতদূরে যেতে পারে না, তারা ফটক পার হয়ে কাছেই কোনো গাছের ছায়ায় গিয়ে খেলা করে। কত রকমের খেলা—কেউ ছুটে ছুটে ফড়িং ধরে বেড়াই, কেউ বা মাটি খোঁড়ে; কেউ বা মাটির ঘর বানাতে বসে যায়।

ছেলে মেয়ে আর পুরুষরা বেরিয়ে গেলে মেয়েরা কোমর পরন্তু আলগা গা করে বসে থাকে—বাইরে বেরুতে তাদের সাহস হয় না। না, আলগা গার জন্তে নয়; উঠান তপ্তখোলার মতো তেতে আছে বলেই তারা বেরুতে পারে না। খালি পায়ে উঠানে পা দিলেই ফোঁকা পড়বে, এই তাদের ভয়।

সূর্য ডুবলে পুরুষ আর ছেলেমেয়েরা একে একে বাড়ি ফিরতে শুরু করে। হাওয়া বয়ে যায়—মিঠে হাওয়া। বন্ধ ঘরের ভিতরে পৌঁছয় না—সেখানে ভ্যাপসা গরমে বসে বসে মেয়েরা ভাত রাঁধে। যতক্ষণ না রাগা শেষ হয়, সবাই উঠানে বসেই জটলা করে। চারদিকে বাজারে গোলমাল শুরু হয়। সবাই ছুপুরের গরমে স্নান হয়ে ক্ষেপে আছে, তার উপরে ক্রিকেট পেয়েছে,—মুখ চোখ বসে গেছে, মেজাজ তিরিক্ষে না হয়ে উপায় নেই।

একটা কথা বেকাস বেরুলে তুলকালাম কাণ্ড বেঁধে যায়: কেউ ছেলে-পুলেদের, কেউ বা বোকে ধরে বেধড়ক পিটুনি দেয়। পিটুনি না দিতে পারলে গালাগাল তো আছেই। হৈ-হুজা মারপিটের ভিতর দিয়ে রাতের খাওয়া শেষ হয়। ছেলে মেয়েরা কেউ উঠানেই ঘুমিয়ে পড়ে, কেউ বা পথে খেলতে বেরিয়ে যায়।

পেটে ভাত পড়ে বড়োদের মেজাজও এখন শান্ত। তারা গোল হয়ে বসে স্থখ-দুঃখের গল্প করে।

বাদের চাল বাড়ন্ত, তাদের খাওয়া জ্বোটে না। এই ঘোর সন্ধ্যা বেলায় যে জিনিসপত্র বাঁধা দিয়ে বা বিক্রি করে চাল আনবে তারও উপায় নেই। এইসব পরিবারের পুরুষরা উঠোনে আঁড়া জমায় না, তারা এসেই বন্ধঘরের ভ্যাপসা গরমে বিছানায় গা এলিয়ে দেয়, কেউ বা রাগের চোটে বৌকে বকতে শুরু করে। বৌরা আর কি করবে, কোনো রকমে চোখের জল চেপে বেরিয়ে গিয়ে টাকা ধার করে এক ভাড় কাল্জি কিনে নিয়ে আসে। সমস্ত পরিবার সেই কাল্জি খেয়ে রাতটুকু কাটিয়ে দেয়।

বাঘিনী বা খুদে লক্ষ্মীর জীবনধারা এদের থেকে একেবারে আলাদা। বাঘিনী এবার সত্যিই গর্ভবতী। খুশি ভোরে উঠে বেরিয়ে যায়; বাঘিনী আটটা-নটার আগে ঘুম থেকে ওঠে না। পোয়াতি মেয়ের নড়াচড়া করতে নেই—এই ভুল বিশ্বাস বহুদিন ধরে চলে আসছে; বাঘিনীও এই বিশ্বাসকেই আঁকড়ে ধরে আছে। তাছাড়া এতে তার বনেদি চাল দেখাবারও সুবিধে হয়েছে: বাড়ির বাসিন্দারা সবাই ভোরে উঠতে বাধ্য, কিন্তু সে ওসব বাধ্য বাধ্যতার ধার ধারে না; যতক্ষণ খুশি ঘুমিয়ে যখন খুশি সে উঠতে পারে, কেউ বাধা দেবে না। বাঘিনী দেহিতেই ওঠে, বিছানায় শুয়ে শুয়ে খানিকক্ষণ আড়ামোড়া ভাঙে; তারপর তার দিন শুরু হয়। সন্ধ্যা বেলা একটা বেঞ্চি নিয়ে বাইরে বসে সে হাওয়া খায়; বাসিন্দারা সবাই ঘুমিয়ে পড়লে সে এসে বাড়িতে ঢোকে। ওদের সঙ্গে খানিকক্ষণ বকবক করে ও নিজেকে খাটো করতে চায় না।

খুদে লক্ষ্মীও দেহি করেই ওঠে, কিন্তু তার দেহি করে ওঠার কারণ সম্পূর্ণ আলাদা। বাড়ির পুরুষরা ভালো লোক নয়, ওকে দেখতে পেলেই হয়তো চোখ মারবে, অন্নীল রসিকতা করবে—তাই ওরা কাজে বেরিয়ে না গেলে সে উঠতে সাহস করে না। দিনের বেলা বাঘিনীর সঙ্গে গল্পগুস্তা করে কিছুটা সময় তার কাটে, তাছাড়া কিছুক্ষণ রাস্তায় ঘুরে বেড়াতেও হয়। কি করবে বোচারা! নিজের ব্যবসার একমাত্র বিজ্ঞাপন তার দেহ। দেহ দেখিয়ে না বেড়ালে খন্দের জুটবে কেন? সন্ধ্যাবেলা সবাই ঘুমিয়ে পড়লে সে খন্দের নিয়ে এসে বাড়ি ঢোকে।

বাড়ির বাসিন্দাদের ভিতরে জোরমন্ত আর খুশিই বেশি রাত করে বাড়ি ফেরে। খুশির উঠোনে ঢুকতেই ভয় হয়, ঘরে ঢুকতে তো বটেই। বাসিন্দাদের কথাবার্তা তার ভালো লাগে না; তাই কোনোদিন তাড়াতাড়ি বাড়ি ফিরলে উঠোনে একটা নিরালা জায়গা দেখে বসে পড়ে। ঘরে ঢুকতে গেলেই মনে হয়, এইবার মাদীকুস্তাটা এসে ঝাঁপিয়ে পড়ে আঁচড়ে কামড়ে দেবে, তার জীবনীশক্তি শুধে নেবে। একে তো বন্ধ

ঘর, তার উপরে বাঘিনী রয়েছে, স্তরাং তাড়াতাড়ি ঢোকা খুব বুদ্ধিমানের কাজ নয়। আগে আগে বাধ্য হয়েই তাড়াতাড়ি ফিরে এসে বাঘিনীর হাতে নিজেকে সঁপে দিতে হতো—নইলে তার মুখের চোটে তিষ্ঠোনোই ভার হয়ে উঠত। আজকাল কিন্তু বাঘিনী খুদে লক্ষ্মীকে সহি পেয়ে রাশ ঢিলে দিয়েছে। ‘খুশি আজকাল বেশ রাত করেই ফেরে। বাঘিনী কিছুই বলে না।

আর জোরমন্ত—আজকাল সে প্রায়ই বাড়ি কেয়ে না। তার মেয়ে কি ধরনের বেসাতি ফেঁদে বসেছে সে তা জানে, তাই বাসিন্দাদের কাছে এখন তার মুখ দেখানোই ভার। এদিকে মেয়েকেও যে ব্যবসা তুলে দিতে বলবে, তারও উপায় নেই। তার তো মেয়ে আর ছেলেদুটোকে খাওয়াবার সামর্থ্য নেই, তাই সে বাড়িতে না ফিরতে হলেই বেঁচে যায়। চোখে তো আর মেয়েকে ব্যবসা করতে দেখছে না, মনই বা তার খারাপ হবে কেন? কখনো কখনো মেয়ের উপর তার ঘোরা ধরে যায়। মেয়ে না’হয়ে ও যদি ছেলে হয়ে জন্মাত, তা হলে কি আর এই হয়। মেয়েটা কেন যে বৌয়ের পেটে এসে হাজির হোলো! কখনো বা দুঃখ হয়—আহা বেচারী, ভাইদের জন্তেই না ভাড়া খাটছে!

কিন্তু ঘুণা বা দুঃখ করেই বা ফল কি? সে তো আর কিছুই করতে পারবে না। তাই রেষ্ট ফুরিয়ে গেলে লাজের মাথা খেয়ে মেয়ের কাছে এসেই সে হাত পাতে। তখন ওর মনে হয়, মেয়েটা ব্যবসা করে টাকা করেছে; সে বাপ, শাস্ত্রমতো সে-টাকার উপর তার অধিকার আছে বই কি। তাছাড়া মুখে চুনকালি লেপে দিয়েছে মেয়েটা। সবাই ওকে ঘোরা করে না? বাপ হয়ে সেও কি ওকে মাপ করতে পারে? জোরমন্ত টাকা চায় আর গালাগাল দেয়—সবাইকে সে জানিয়ে দিতে চায় মেয়ের বেসাতির জন্তে সে দায়ী নয়, খুদে লক্ষ্মীই নষ্ট মেয়ে, ওর মাঝ সন্তান বলে কিছু নেই।

বাপ যখন এমনিধারা গালাগাল দেয়, খুদে লক্ষ্মী চুপ করে থাকে, একটু নিশ্বাসও ফেলে না। বাঘিনী বন্ধুর পক্ষ হয়ে ক্রোধে আসে—গালাগাল দেয়, কখনো বা চলে যেতে অস্বরোধ করে। জোরমন্ত কিন্তু শুধু হাতে ফিরতে রাজি নয়, কয়েকটা গয়না তার হাতে গুঁজে দিতেই সে ঠাণ্ডা হয়। যা পায় তাই দিবে মদ কিনে সে খায়। নেশা ছুটে গেলে রাগের মাথায় হয়তো নদীতেই ঝাঁপিয়ে পড়বে—এই ভয়েই ওরা টাকা দেয়।

মাসের পনের তারিখ। গরম পড়েছে খুব। সূর্য উঠতে না উঠতেই মাটি তেতে উঠেছে। ধুলোর মেঘ কুয়াশার মতো চারদিক ঘিরে আছে, নিশ্বাস ধেন বন্ধ করে দিচ্ছে। একটুও হাওয়া নেই। খুশি উঠানে বেরিয়ে ধুলোভরা আকাশের দিকে তাকিয়ে দেখল, তারপর ঠিক করল, বিকেলে চারটে নাগাত সে রিক্সা নিয়ে রিক্সাওয়াল।

বেকবে। যদি তেমন পয়সা রোজগার না হয়, রাতভোর রিক্সা টানবে। রাতটা নিশ্চয়ই দিনের বেলায় চাইতে বেশ ঠাণ্ডাই হবে।

বাঘিনী তাকে জোর করে তখুনি পাঠাতে চাইল। খুশি বাড়ি থাকলেই মুশকিল। খুদে লক্ষী খন্দের নিয়ে এলে তখন কি হবে?

ঘরই কি রাস্তার থেকে ঠাণ্ডা নাকি? দুপুরে তো কোনোদিন থাকনি—বাবা: মনে হয় দেয়ালগুলি পর্যন্ত কেঁ যেন ভাজছে।

খুশি কোনো কথা বলল না। এক ঘটি ঠাণ্ডা জল খেয়ে বেরিয়ে পড়ল।

উইলো গাছগুলো পর্যন্ত নেতিয়ে পড়েছে; পাতার উপরে ধুলো জমে উঠেছে, কুঁকড়ে গেছে পাতা; ডালগুলোর ঘেন নড়ে উঠাবার সাধ্য নেই। তারা বুয়ে পড়েছে মাটিতে। পথে একবিদ্যুৎ জল নেই, শুকনো খটখটে রাস্তা ধুঁ ধুঁ করছে, বলসে উঠছে একটা সাদা আলো ঘেন। গলি ঘুঁজিতে ধুলোর বড় বইছে; কুণ্ডলী পাকিয়ে উঠছে ধুলো—আকাশের ধূসরতায় মিশে এক প্রকাণ্ড জাজিম তৈরী করছে। নিচ দিয়ে যারা চলেছে তাদের মুখ পুড়ে যাচ্ছে, গলে যাচ্ছে, চারদিক ফুটি ফাটা; কিছু ছুঁতে গেলে আঙুল পুড়ে যায়; দম বন্ধ হয়ে আসে; সারা শহর ঘেন এক জলন্ত ইটের পাজা। লোকের নিশ্বাস প্রশ্বাস নিতে কষ্ট হচ্ছে, কুকুরগুলো ধুঁকছে গরমে, লাল জ্বিত বেরিয়ে পড়েছে; পথ ঘাট নিরুন্ম। কেরি-ওয়ালাদের হাঁক-ডাক শোনা যাচ্ছে না, রাস্তার পিচ গলে উঠেছে; এমন কি দোকানের গায়ে আঁটা পিতলের ফলকগুলি পর্যন্ত ঘেন গরমে গলতে শুরু করেছে।

খা খা করছে নিশ্চর পথঘাট; মাঝে মাঝে নিশ্চরতার উপর তামা আর লোহার দোকানের টুং-টাং শব্দ আছড়ে পড়ছে, মনে কেমন ঘেন অস্বস্তি ঘনিয়ে উঠছে। রিক্সা না টানলে ভাত জুটবে না জেনেও রিক্সাওয়ালারা সোয়ারি নিতে চাইছে না। কেউ কেউ দরজায় রিক্সা রেখে ছাউনি তুলে দিয়ে বসে বসে ঝিমুচ্ছে; কেউ বা চা-খানায় ঢুকে চায়ে চুমুক দিচ্ছে; অনেকেই রিক্সা না নিয়ে হালচাল দেখতেই পথে বেরিয়েছে। যাদের ভাগ্যে দু'একটা সোয়ারি জুটছে, তাদেরও অস্বস্তির অবধি নেই। জোরে ছোট্টা অসম্ভব, হেঁটে হেঁটেই চলেছে তারা। ষথনি পথে কুয়ো দেখছে, রিক্সা থামিয়ে জল খেতে ছুটছে—জল ঘেন তাদের মুক্তির একমাত্র উপায়। পথে কুয়ো না পেলে বোড়া বা খচ্চরের জন্তে চৌবাচ্চায় রাখা জল আঁজলা ভরে খেয়ে তেষ্ঠা মেটাচ্ছে। কেউ কেউ সূর্যাহত হয়ে নেতিয়ে পড়েছে—কলেরার প্রথম লক্ষণগুলি দেখা যাচ্ছে। মাথা নিচু করে দিশেহারা হয়ে ঘুরে বেড়াচ্ছে।

খুশিও ভয় পেয়ে গেছে। রিক্সা নিয়ে কয়েক পা ঘেতেই তার মনে হোলো গরম হাওয়া এসে তাকে চারদিক থেকে ঘিরে কলেছে; হাতের চেটো পর্যন্ত

যেমে উঠেছে। কিন্তু এমনি অবস্থায় সোয়ারি পেল কি আর সে নেবে না? নেবে বই কি! ছুটতে পারলে একটু হাওয়াও পাওয়া যাবেখন। খুশি সোয়ারি পেল, ছুটতে ছুটতে সে বুঝতে পারল, এমনি আবহাওয়ায় কাজ করা অসম্ভব। ছুটতে গেলে দম বন্ধ হয়ে আসে, গলা শুকিয়ে যায়; শুধু জল খেতে ইচ্ছে করে। আবার রিক্সা থামিয়ে খানিকক্ষণ যে জিরিয়ে নেবে তারও উপায় নেই। চড়া রোদ, পিঠের চামড়া পর্যন্ত পুড়িয়ে দিচ্ছে। কোনোরকমে ধুকতে ধুকতে সোয়ারিকে সে পৌছে দিল। পাজামা আর কামিজ ঘামে ভিজে গিয়ে লেপটে গেছে। তাল পাতার পাখা বার করে বহুক্ষণ সে হাওয়া খেল—কিন্তু ওতে কি আর অরাম হয়? —ঠাণ্ডা নয়, গরম হাওয়া। কতবার সে এরই মধ্যে জল খেয়েছে তার ঠিক নেই। এবার সে ছুটল কাছের চা-খানায়। ছুপেয়ালা গরম চা খেয়ে শরীরটা তার বুঝি জুড়াবে। গরম চায়ে চুমুক দিতেই আবার সারা গায়ে ঘাম ছুটল। তার মনে হোলো শরীরের ভিতরে একটা বিরাট গর্ত হয়ে গেছে, সেই গর্ত থেকে উপছে পড়ছে ঘাম। খুশি ভয় পেল। তার আর ছুটবার সাহস নেই।

চা-খানায় বহুক্ষণ কেটে গেল। মেজাজ খিঁচড়ে গেছে। কি আর করবে সে? বাইরে যেতে তার সাহস নেই। রোদ আরো চড়ছে, বেরুনো অসম্ভব। তাই বলে চুপ করে হাত-পা গুটিয়ে বসে থাকবে? না, এইতো আর প্রথম সে রিক্সা টানছে না, আর গ্রীষ্মকালও এই প্রথম আসেনি। বহু গ্রীষ্মই সে কাটিয়ে এসেছে। আজকের দিনটাকে বুদ্ধদের মতো সে উড়িয়ে দিতে পারবে না, একেবারে নিঃশ্বাস হতে দেবে না। সে বেরুবার জন্তে উঠতে গেল; পা চলে না, শরীর কেমন ম্যাজ ম্যাজ করছে। এত ঘাম বরল, তবু শরীরটা একটু হালকা লাগছে না; আরো কিছুক্ষণ সে বসে রইল। কিন্তু কাহাতক বসে থাকবে? এখানে বসে বসে ও তো ঘামছে, তার চাইতে বাইরে গিয়ে কাজের চেষ্টা করাই তো ভালো। একবার চেষ্টা করে সে দেখুক না।

বাইরে বেরিয়ে সে তার ভুল বুঝতে পারল। আকাশের ধূসর আন্তরণ মিলিয়ে গেছে, গাঢ় নীল রং দেখা দিয়েছে। দমআটকানো ভাব আর নেই। কিন্তু সূর্য আরো প্রখর হয়ে উঠেছে; কারো তাকাবার জো নেই—শুধু চোখ ধাঁধানো আলোর কণা ছড়িয়ে পড়ছে বাতাসে, বাড়ির ছাদে, দেয়ালে আর পাথরের নিচের জমিতে। সব কিছু সাদা—একেবারে সাদা—তারই ভিতরে আগুন ধেন লকলকে জ্বলি বার করে আছে। সমস্ত আকাশটা যেন আতশী কাচ, তুমি যেখানে দাঁড়িয়ে আছ সেইখানেই তার লক্ষ্য। গরম গলে গলে পড়ছে, মনে হচ্ছে, এখুনি তোমার আশেপাশের সব কিছুতে আগুন ধরে যাবে। এই সাদা আলোয়

চোখ চাওয়া যায় না; যে কোনো রং চোখে ঘা দেয়; প্রতিটা শব্দ যেন চিংকারে পর্যবসিত হয়, প্রতি নিশ্বাস-প্রশ্বাসে পোড়া মাটির গন্ধ এসে নাকে লাগে।

পথে লোকজন নেই; সড়কগুলি যেন আরো চওড়া হয়ে গেছে। পথ তো নয়, এক পরিভ্রম্য চোখ ঝলসানো আলোর বন্ধ জ্বলা। ঠাণ্ডা হাওয়া এসে তার উজ্জ্বল নিস্তরঙ্গতায় আলোড়ন তুলছে না।

দেখলে সত্যিই ভয় হয়। খুশি ভেবে পেল না, কি করবে। ঘাড় নিচু করে রিজ্ঞা টেনে নিয়ে সে চলল। তার মন যেন উত্তাপের কুয়াশায় হারিয়ে গেছে, গা দিয়ে ঘাম ঝরছে। চলতে চলতে পা তার গরম হয়ে উঠল, ঘামে ভিজে গেল। মোজা পর্যন্ত জুবেড়ে একাকার হয়ে গেছে, মনে হয় যেন কাদা ভেঙেই সে চলেছে। এ এক অদ্ভুত অশ্রুভূতি। সে ঠিক করল, আর জল সে খাবে না। কিন্তু কুয়োর কাছে এসেই তার প্রতিজ্ঞা ভেঙ্গে গেল। অনিচ্ছা সত্ত্বেও কয়েক গুণ্ড জল সে খেয়ে নিল। না, তেঁটা তার পায়নি; জল খেয়ে শুধু গলাটা ভিজিয়ে নিচ্ছে মাত্র। তাছাড়া জল গলায় গেলেই কেমন একটা ঠাণ্ডা আমেজে শরীর শির-শিরিয়ে উঠছে। এক মুহূর্ত—কিন্তু কি মধুর এই মুহূর্ত। তারপরই তো ঢেঁকুর উঠে জল বেরিয়ে আসছে।

কিছুক্ষণ সে মাঝে মাঝে জিরিয়ে নিয়ে পথ চলল। সোঘারি নেওয়ার মতো সামর্থ্যও আর নেই। বেলা দুপুর গড়িয়ে গেছে, এখনো খিদে পাচ্ছে না। খাওয়ার সময় হয়ে গেছে। সে খাবে ঠিক করল। কিন্তু খাবার দেখেই পেট কিরকম গুলিয়ে গেল। না, না কুয়ো থেকে জল খেয়ে পেট ভরে গেছে, পেটের ভিতরে জলের শব্দ হচ্ছে—গাধা বা ঘোড়ার পেটে এমনি শব্দ সে বহুবার শুনেছে।

গ্রীষ্মের' সঙ্গে শীতের তুলনা করলে, খুশি আগে হলপ করে বলতে পারত, শীতকালকেই সে বেশি ডরায়। কিন্তু গ্রীষ্মের যে এমনি ভয়াল চেহারা তা আগে কে জানত! এই শহরেই বহু গ্রীষ্ম সে কাটিয়েছে, কিন্তু এত গরম আর কোনোদিন পড়েনি। সত্যিই কি এবার খুব গরম পড়েছে, না তার শরীরে আর সে তাগদ নেই? এই ভাবনা হতেই তার মনের কুয়াশা কেটে গেল; শরীর ঠাণ্ডা হয়ে গেল। ঠিকই তো! তার শরীরে আর সে জ্বোর নেই! সে ভয় পেল, কিন্তু করবারও তো কিছু নেই। বাধিনী তার শেষ শক্তিটুকুও নিঙড়ে নিচ্ছে। রাতের পর রাত এমনি চলছে। ভোরে ক্লান্তি লাগে; মনে হয়, হাত পা বুঝি আর নাড়তেও পারবে না। অথচ বাধিনীকে সে তাড়িয়ে দিতেও পারে না। আর বেশিদিন নেই, জ্বোরমন্ত বা সেই ঢ্যাঙা লোকটার মতোই তার দশা হবে। টাটু ঘোড়ার ঠাকুরদার মতোই বরাতে তার দুর্ভোগ আছে। খুশি একেবারে ফুরিয়ে গেছে, নিঃশেষ হয়ে গেছে।

ঠিক ছুপুরের পরেই আর একটা সোয়ারি সে পেল। গ্রীষ্মের দিনে এই সময়টাই সব চাইতে বেশি গরম পড়ে। কিন্তু সে ঠিক করে ফেলল, সোয়ারি নেবে। গরম বেশি পড়েছে তো বয়েই গেল। যদি সোয়ারিকে পৌছে দিয়ে সে খুব ক্লান্ত হয়ে না পড়ে, তাহলে বুঝবে তার শরীরটা এখনো একেবারে বিগড়ে যায়নি। আর তা যদি না হয়, নিজের কাছেই যে সে ছোট হয়ে যাবে! সোয়ারি নিতেই যদি রিক্সাওয়ালা ভয় পায়, তার চাইতে তার মরে যাওয়া ভালো নয় কি?

সোয়ারি নিয়ে কিছুদূর এগুতেই হঠাৎ এক ঝাপটা ঠাণ্ডা হাওয়া এসে তার গায়ে লাগল। এ যেন গুমোট আবহাওয়ায় মুহূর্তের জন্তে দরজা খুলতেই এক ঝলক ঠাণ্ডা হাওয়া এসে ঢুকল। সে নিজের ইঞ্জিনকে বিশ্বাস করতে পারল না, উইলো গাছের ডালের দিকে তাকাল। হাঁ, হাঁ, ভালগুলো যেন দুলছে। এবার দলে দলে লোক আশেপাশের দোকান আর ঘর থেকে বেরিয়ে এল; হাতে তাদের তালপাতার পাখা। সবাই পরস্পরকে চিৎকার করে বলছে, ঠাণ্ডা হাওয়া দিচ্ছে ঠাণ্ডা হাওয়া দিচ্ছে! আঃ, গা এতক্ষণে জুড়োল। কি আনন্দ! সবাই যেন এখুনি খেই খেই করে নাচতে শুরু করবে। উইলো গাছের পাতারা যেন স্বর্গের দূত, স্বর্গের বাণী বয়ে নিয়ে এসেছে। উইলো গাছের ডাল নড়ছে! দোহাই স্বর্গের বুড়ো বাবারা, আরো হাওয়া দাও, আমাদের গা জুড়োক—সবাই চৈচিয়ে কামনা করল।

গরম এখনো কমেনি, কিন্তু মন একটু স্থির হয়েছে। এক ঝলক ঠাণ্ডা হাওয়া মনে আশা জাগিয়ে তুলেছে। সূর্যের তেজও যেন খানিকটা কমে এসেছে। এবার হাওয়া আরো জোর বইল, উইলো গাছগুলো সারাদিন চুপটি করে ছিল, এবার যেন স্থবির পেয়ে আনন্দে আর গর্বে নেচে উঠল। প্রবল বালির ঝড়ে আকাশ ঢেকে গেল, সূর্য ডুবে গেল। ঝড় কমতেই দেখা গেল, আকাশের উত্তর কোণে কালো মেঘ জমেছে। যুগির গাষের ঘাম শুবে গেছে। উত্তর দিকে তাকিয়ে সে রিক্সার পর্দা ফেলে দিল। গ্রীষ্মের বৃষ্টি কখন যে এসে হাজির হয়, বোঝাই দায়! তৈরী হওয়ার দুরসংগ দেয় না।

পর্দা ফেলতে না ফেলতেই আর একবার দমকা হাওয়া বয়ে গেল; কালো মেঘ যেন তরঙ্গায়িত হয়ে উঠে সারা আকাশে ছড়িয়ে পড়েছে। মাটি থেকে উত্তাপ উঠে ঠাণ্ডা হওয়ার সঙ্গে মিশে গেছে; চারদিকে ধুলোর গন্ধ। আকাশের দক্ষিণ কোণে এখনো মেঘ নেই—গ্রীষ্মের দীপ্ত আকাশ হাসছে, কিন্তু উত্তরে কালো কালির মতো মেঘের আড়ম্বর। এ যেন প্রকৃতির এক পরিহাস; ভয়ে বুঝি সকলের মাথা বিগড়ে গেছে। রিক্সাওয়ালারা তাড়াতাড়ি পর্দা ফেলেছে, দোকানিরা সাইনবোর্ড খুলছে; ফেরিওয়ালারা পথ থেকে জিনিসপত্র তুলছে। পথিকরা জোরে পা চালিয়ে চলেছে, বাড়ি রিক্সাওয়ালা



ফিরবার জন্তে কি তাদের তাড়া ! আর একবার দমকা হাওয়া বয়ে গেল। ধুলো ছেঁড়া কাগজগুলো উড়িয়ে ঘুরতে ঘুরতে চলে গেল। পথ একেবারে সাক্ষ; শুধু উইলো গাছের ডালগুলো ঝড়ের গানের তালে তালে পাগলের মতো নাচছে।

আকাশ কালোয় কালো, তারই ছায়া পড়েছে মাটিতে। দীপ্ত গ্রীষ্মের বিকেল এখন নিশ্চিন্ত রাতের আঁধারে ডুবে গেছে। হাওয়ার সঙ্গে এবার বড় বড় ফোঁটায় ধেয়ে এল বৃষ্টি। কাকে যেন সে খুঁজছে, এদিক ওদিক বারবার ধেয়ে যাচ্ছে। দূরে উত্তর আকাশে কালো মেঘ ছিঁড়ে খুঁড়ে বিদ্যুতের লাল আভা পোড়া মাংসের ভিতর দিয়ে ফিনকি দিয়ে ছোটো রক্তধারার মতোই বলসে উঠল।

হাওয়ার জোর এখন কমতির দিকে। কিন্তু এখনো চাবকের মতো মুখের উপর পড়লে শিউরে উঠতে হয়। সব কিছুকে জোরে নাড়া দিয়েই সে চলে যাচ্ছে—পিছনে রেখে যাচ্ছে অনিশ্চয়তা আর আশঙ্কা। উইলো গাছগুলোও যেন ভয়ে তটস্থ হয়ে আছে—কখন কি হয় কে জানে! মাথার উপরে আর একবার বিদ্যুৎ চমকাল। রূপোলি আলোর শানিত হাসির সঙ্গে সঙ্গে নামল বৃষ্টি। বড় বড় ফোঁটা ধুলোর উপরে পড়তে লাগল। খুশি ভিজ়ে একদা হয়ে ঠক ঠক করে শীতে কাপতে শুরু করল।

হাওয়ার জোর এবার আগের চাইতেও ভয়ানক হয়ে উঠল। উইলোর ডাল ভেঙে ধুলোর ঘূর্ণি তুলে মুঘলধারে নেমে এল বৃষ্টি। হাওয়া, ধুলো, বৃষ্টি—সব যেন মিশে গিয়ে এক অসীম শক্তিশালী বাফসে পরিণত হয়েছে। সে আকাশ ঢেকে ফেলেছে, পৃথিবীকে গ্রাস করতে চাইছে। গাছপালা, মাটি, মেঘ, জল, সব একাকার হয়ে গেছে; দিক-দর্শন-বস্তুর কাঁটা বিকল; চারদিক থেকে শুধু উঠছে দীর্ঘ গোঙানি। হাওয়া কমতেই বৃষ্টির জোর আয়ো বেড়ে গেল, থেমে থেমে আকাশ ছিঁড়ে খুঁড়ে পড়ছে বৃষ্টি, মাটি চষে ফেলছে যেন। আকাশ আর পৃথিবীকে চেনা দায়, এমনি আঁধার। মাঝে মাঝে শুধু বিদ্যুৎ চমকান্ছে। চোখের স্রুখে মুহূর্তের জন্তে ভেসে উঠছে অসীম জলরাশি।

খুশির জামা-কাপড় আগেই ভিজ়ে গেছে; শরীরের কোনো জায়গা শুকনো নেই; টুপির নিচে চুলগুলি পর্বস্ত ভিজ়ে গেছে। পায়ের নিচে বৃষ্টির জলে নদী হয়ে গেছে; চলতে কষ্ট হচ্ছে, উপর থেকে মাথায়, পিঠে মুখে ঝরছে বৃষ্টি। মাথা তোলা, চোখ মেলা বা নিশ্বাস-প্রশ্বাস ফেলাও শক্ত হয়ে দাঁড়িয়েছে। খুশি জলের ভিতরে চূপ করে দাঁড়িয়ে রইল। পথ পর্বস্ত হারিয়ে গেছে—সামনে না পিছনে যাবে ভেবে পেল না। ঠাণ্ডা জল ঝরছে, কাপড়-জামার ভিতর দিয়ে তীরের ফলার মতো হাড়ে এসে ঢুকছে ঠাণ্ডা। কানে বাজছে বৃষ্টির ঝম ঝম শব্দ, শরীরের ভিতরে জ্বালা করছে। খুশি রিক্সা থামাতে চাইল, কিন্তু কোথায়

খামাবে? ছুটতে গেলে পায়ে জল বাধছে, এগুতে পারছে না। উপায় কি? কোনোরকমে মাথা নিচু করে সে রিক্সা ঠেলে নিয়ে এগিয়ে চলল। সে যেন আধমরা মানুষ, কোনোরকমে ধুকতে ধুকতে চলেছে। সোয়ারির অবস্থাও তাই। কোনো সাড়া শব্দ নেই—খুশির হাতে নিজেকে ছেড়ে দিয়ে সে মড়ার মতো বসে আছে।

এবার বৃষ্টি ধরে এল। খুশি সোজা হয়ে দাঁড়িয়ে বলল, কত, আহ্নন কোথাও গিয়ে দাঁড়াই। একেবারে ধরে গেলে বেরিয়ে পড়ব।

না, না, জলদি চল! এই জলঝড়ে কোথাও দাঁড়াতে পাবে না! সোয়ারি জোরে পা তুঁকে চিৎকার করে উঠল।

খুশির ইচ্ছে হোলো, রিক্সা নামিয়ে রেখে সে কোথাও ছুটে গিয়ে আশ্রয় নেবে। কিন্তু নিজের চূপচূপে ভিজে কাপড়-জামার দিকে তাকিয়ে সে নিরস্ত হোলো। এখনও জল গড়িয়ে পড়ছে। কোথাও গিয়ে খানিকক্ষণ জ্বুথবু হয়ে দাঁড়িয়ে থাকলেই হয়েছে আর কি! ঠাণ্ডা লেগে ঠিক জ্বর হবে। দাঁতে দাঁত পিষে সে আবার ছুটতে লাগল; কিছুদূর যেতে না যেতেই আকাশ কালো হয়ে গেল, আবার চারদিক ঝাপসা হয়ে নামল বৃষ্টি। তবু খুশি খামল না। সে জলঝড় তুচ্ছ করেই ছুটল।

সোয়ারিকে ঠিকানায় পৌঁছে দিতেই সে নেমে পড়ে আগে যা ভাড়া ঠিক হয়েছিল তাইই তার হাতে গুঁজে দিল। এক পয়সা বকশিসও দিল না। খুশি কোনো কথা বলল না, হাত পেতে পয়সা কটা নিল। অনেক ধকলই তো তার উপর দিয়ে আজ গেছে, সামান্য দুএক পয়সার জন্তে ঝগড়া করতে সে রাজি নয়। একেই তো বাঁচবার জন্তে সে প্রাণান্ত হচ্ছে।

বৃষ্টি ধরে এসেছিল, কিন্তু আবার বড় বড় ফোঁটায় বর্ষণ শুরু হোলো। খুশি এবার রিক্সা ঠেলে তাড়াতাড়ি বাড়ি ফিরে চলল। কোথাও সে একটুও জিরোলো না। আগুনের পাশে বসে হাত পা সঁকে নিল। সারা শরীর যেন পাতার মতো কাঁপছে। বাঘিনী এবার এক পেয়াল আদা-চা করে নিয়ে এল। বাহান্তুরে বুড়ার মতোই কাঁপতে কাঁপতে পেয়লাটা হাতে নিয়ে এক চুমুকে নিঃশেষ করে দিয়ে খুশি বিছানায় গা এলিয়ে দিল। চেতনা তার আর নেই। চারদিকে কি ঘটছে সে জানে না। শুধু কানে বাজছে বৃষ্টির ঝমঝম শব্দ। এ যেন এক ঘুমহীন ঘুম—ঘুমে সারা দেহ অবশ হয়ে গেছে, অথচ কোথাও যেন রয়েছে বেদনার এক অস্পষ্ট ইঙ্গিত।

চারটে সময় কালো মেঘের দল যেন শ্রান্ত হয়ে পড়ল। বিহ্বাতের যেন আর সে শক্তি নেই। আকাশে চকমকির মতো সামান্য একটু আভা ছড়িয়েই মিলিয়ে যাচ্ছে। কিছুক্ষণের মধ্যেই ভাঙা মেঘের ফাঁকে ফাঁকে সোনালি ইন্দ্রিতে মেখা দিল; বাজের

হাঁকডাকও কমে গেল। পূব আকাশে দেখা দিল সাতরঙা রামধনু। ধনুকের একপ্রান্ত মেঘের ভিতরে, আর একপ্রান্ত নীল আকাশে উঠিয়ে আছে। কিছুক্ষণ পরেই রামধনু মিলিয়ে গেল; সঙ্গে সঙ্গে কালো মেঘেরও আর চিহ্ন রইল না। এবার দেখা দিল নীল; নীল আকাশ। অন্ধকারের গহ্বর থেকে সে যেন উজ্জ্বল্য আর সৌন্দর্যের মহিমা নিয়ে এইমাত্র জন্মগ্রহণ করেছে।

দু'একটা রঙ-বেরঙের পোকা উড়ে এসে উঠানে বসেছে। ছেলেমেয়েরা খালি পায়ে তাদের পিছনে তাড়া করছে, সোর-গোল তুলছে। কিন্তু বাসিন্দাদের সেদিকে দৃষ্টিই নেই। ঝড় থেমে গেছে এই তো যথেষ্ট, কে আবার রঙ-বেরঙের পোকা, রামধনু বা নতুন পৃথিবীর কথা নিয়ে, মার্খা ঘামায়! এতক্ষণ জলঝড়ে তারা দেখবার সুযোগ পায়নি, কি সর্বনাশ তাদের হয়ে গেছে। এবার লোকসান খতিয়ে দেখবার সময় 'এসেছে। রামধনু আর বিচিত্র রঙের পোকার দিকে চেয়ে সময় কাটিয়ে দিলে চলবে না। ক্ষুদ্রে লক্ষ্মীর ঘরের পেছনের দেয়াল ধসে গেছে। সে আর তার দুটো ছোট ভাই মাদুর দিয়ে দেয়ালের গতগুলি ঢাকবার চেষ্টা করছে। উঠানের দেয়ালও জায়গায় জায়গায় ভেঙে গেছে। ভাঙা ইট আর মাটি ছড়িয়ে রয়েছে উঠানে। কিন্তু কেউ সেদিকে নজর দিচ্ছে না, সবাই নিজের নিজের ঘর নিয়েই ব্যস্ত। কতকগুলো ঘরের মেঝে একেবারে নিচু, বাইরে থেকে জল ঢুকে সব ভিজিয়ে দিয়েছে। এখনো ঘরে জল থই থই করছে। সমস্ত পরিবার ভাঙা বাটি ঘটি নিয়ে জল স্বেঁচছে। কোনো কোনো ঘরে ছাদ চুইয়ে ঝাঝরির মতোই জল পড়ছে, বিছানাপত্র সব ভিজ্ঞে গেছে। পরিবারের সবাই জিনিসপত্র টানাটানি করে বাইরে আনছে, কেউ বা উল্লুনের ধারে অথবা রোদে মেল দিচ্ছে। জলঝড় হলে তাড়াতাড়ি ওরা ঘরে গিয়ে ঢোকে, অথচ ঘরও তেমন মজবুত নয়, যে কোনো সময় মাথায় ভেঙে পড়ে তাদের জ্যান্ত গোর দিতে পারে; ঝড় থেমে গেলে নিজেদের ক্ষতি খতিয়ে দেখতে বসে যায়। এই বাড়ির বাসিন্দাদের এই হাল। বৃষ্টি হলে চালের দর কয়েক পয়সা নামে বটে, কিন্তু তাতে তাদের কিছু সুবিধে হয় না। তাদের তখন বেশ কিছু ক্ষতি হয়েছে, দু'এক পয়সা বাঁচিয়ে সে ক্ষতি পূরণ করা তো চাটুখানি কথা নয়। তারা মাসে মাসে নিয়মিত ভাড়া গোনে বটে, কিন্তু বাড়ি সারাবার জন্তে বাড়ি-ওয়ালা কোনোদিনই লোক পাঠায় না। এক যদি বাড়ি ঘর পড়ে গিয়ে বাসের অযোগ্য হয়ে উঠে তখনই তার টনক নড়ে। তখন মিস্ত্রী আসে, কিছু কাদা আর ভাঙা ইট দিয়ে দায় সারা গোছের করে দেয়াল মেরামত করে দিয়ে যায়। কিন্তু সে কি আর মেরামত? কিছুদিনের জন্তে ঠেকনা দিয়ে কোনোরকমে দাঁড় করিয়ে রাখা আর কি? তেমনি পড়ে যেতেও খুব দেরি হয় না। অথচ বাড়িওয়ালার

ভাড়া আদায়ের দিকে কড়া নজর। কারো এক পয়সা ভাড়া পড়ে থাকবার উপায় নেই। যদি কেউ ভাড়া দিতে না পারে, তাহলে তার বাক্স, বিছানাপত্র কেড়ে রেখে তাকে পরিবার শুদ্ধ বাড়ির বার করে দেয় বাড়িওয়াল।। কিন্তু ছাদ ভেঙে পড়ুক বা দেয়াল পড়ে গিয়ে তোমাকে পিষে ফেলুক, সেদিকে তার নজর নেই। যে কটা টাকা তারা ভাড়া দেয় তাতে অতো-শতো দেখতে গেলে চলে না। দেয়াল গর্ত হয়ে ভাড়াটীদের জীবন-বিপন্ন হয়েছে? তাতে হয়েছে কি? এ তো ওদেরই দোষ—ওরা যে গরীব! এদের কাছে ঝড়ের সবচেয়ে বড় সর্বনাশ অস্বথ। এখানকার বুড়ো থেকে শুরু করে বয়স্ক এবং ছেলে মেয়েরা পর্যন্ত প্রতিদিন, প্রতি মুহূর্তে বাঁচবার জন্তে লড়াই করছে, তাদের শক্তি ক্ষয় হচ্ছে। তাদের গা দিয়ে বেরুচ্ছে ঘাম, লোমকূপ দিয়ে বেরুচ্ছে ঘাম, কিন্তু তবু তারা কোনোরকমে জীবন টেনে হিঁচড়ে নিয়ে চলেছে। কিন্তু ঝড় এলে তাদের আর উপায় নেই। ঝড়ের সঙ্গে এঁটে উঠতে তারা পারে না। ঝড়ের পরেই নানা রোগ দেখা দেয়। নিজেদের এক-আধ দিন জ্বর হলে তারা গ্রাহ্য করে না, কিন্তু যদি ছেলে-মেয়েদের কারো হঠাৎ অস্বথ হয়ে পড়ে তাহলেই বিপদ। টাকা তো নেই যে ডাক্তার ভাকবে, কিনে আনবে ওষুধ। বুষ্টি ভালো বইকি। কাওলিয়াঙের শীষ বুষ্টির জল পড়লেই ফনফনিয়ে বেড়ে উঠে। কিন্তু যারা চাষ-বাস করে তাদের পক্ষেই তা ভালো। শহরের গলি ঘুঁজিতে দারিদ্র্যের জাঁকটুকুতে যারা জীবন কাটায়, তাদের কাছে বুষ্টি আসে রোগ আর মৃত্যু নিয়ে। বুষ্টিধারা তাদের ছেলে-মেয়েদের মৃত্যুর বিষ ছড়িয়ে দিয়ে চলে যায়। আর শুধু ছেলে-মেয়েরাই বা কেন? বয়স্করাও রেহাই পায় না, বরং মৃত্যু আরো ভয়াবহ হয়ে দেখা দেয়।

তবু স্বপ্ন দেখে কবিরা। বর্ষার ছোঁয়া পেয়ে পদ্মকে মুক্তোর মতো পাপড়ি মেলতে দেখে আনন্দে মেতে উঠে কবিতা লেখে, রামধনুর বর্ণবৈচিত্র্যে মুগ্ধ হয়ে যায়। কিন্তু গরীবরা? তারা স্বপ্ন দেখবার ফুরসৎ পায় না। ঝড় থেমে গেলে তারা অস্বথে পড়ে, সমস্ত পরিবার উপোস করে। এক একবার ঝড় হয়, আর বেগু-বাড়িতে তাদের মেয়েদের সংখ্যা বাড়ে, ছেলেরা চুরি করে; জেলখানা গুলো ভরে ওঠে। বুষ্টি পড়ে ধনী আর দরিদ্র সকলের উপরই। বুষ্টির কাছে অত্যাচারী আর অত্যাচারিত কেউ বাদ যায় না! কিন্তু সেখানেও দেখা দেয় এর থেকে এক ছীন শ্রেণী-বৈষম্য, কারণ যে পৃথিবীতে সে পড়ে সে তো অস্ত্র আর অসাম্যে ভরা।

খুশি বুষ্টিতে ভিজে অস্বথে পড়ল। সে একা নয়!

## উনিশ

দুদিন দুরাত খুশি অচেতন হয়ে রইল। বাঘিনী তো ভয়ে দিশেহারা। সে দয়ার দেবীর মন্দিরে গিয়ে ধর্না দিল। গোল একটা বাস্কে কতগুলো বাঁশের ছোট ছোট টুকরো ঝাঁকিয়ে সে মাটিতে ফেলল। যদি এক একখানা করে মাটিতে পড়ে—তাহলে সে বুঝতে পারবে খুশি এষাত্রা বেঁচে যাবে। তারপর ধূপকাঠি পোড়া ছাই নিয়ে দুতিন রকম লতাপাতার রসে গুলে তাকে খেতে দিল। এমনি নীল ওষুধ খাওয়াবার পর খুশি একবার চোখ চেয়ে আবার পাশ ফিরে ঘুমোলো। এবার তার গলা দিয়ে বেরতে লাগল বিনম্বটে আওয়াজ।

বাঘিনী এবার ভক্তার ডাকল। ভক্তার এসে খুশির গায়ে দুবার ছুঁচ ছুটিয়ে দিলেন, তারপর খেতে দিলেন একদাগ ওষুধ। রোগীর জ্ঞান ফিরে এল। চোখ চেয়েই সে বলল, এখনো বিষ্টি পড়ছে নাকি ?

বাঘিনী আর একদাগ ওষুধ খাওয়াতে যেতেই কিন্তু খুশি আপত্তি করল। আবার অনর্থক টাকা নষ্ট করে ওষুধে লাভ কি হোলো ? নিজের উপর তার ঘেমাও হোলো। ছিঃ ছিঃ, সামান্য বৃষ্টি তাকে বিছানায় পেড়ে ফেলল—এই তার শরীর ! এখন কিনা শুয়ে শুয়ে ঐ তেতো ওষুধগুলো গিলতে হবে ? আর ওষুধ খাওয়ার দরকার নেই একথা প্রমাণ করবার জন্তে সে উঠে পড়বে ভাবল। এখনি সে উঠে পড়বে, কামিজটা কোনোরকমে গায়ে গলিয়ে বেরিয়ে যাবে কিন্তু বিছানায় উঠে বসতে না বসতেই একি বিভ্রাট। মাথাটা অসম্ভব ভারী ঠেকছে। এক বিরাট পাথর যেন চেপে বসেছে মাথায়। পিষেই ফেলবে বুঝি তার ঘাড়টা যেন কেমন পলকা, মাথার ভার সহিতে না পেরে মট করে বুঝি ভেঙেই যাবে। চোখে তো সোনালি তারার ফুলঝুড়ি দেখতে শুরু করেছে। আপত্তি করে আর লাভ নেই। নাক মুখ সিঁটকে কোনোরকমে সে ওষুধ গিলে ফেলল।

দশদিন বিছানায় পড়ে রইল খুশি। ষত দিন কাটতে লাগল, খুশি ততই উদ্ভিঃ হয়ে উঠল। বালিস আঁকড়ে ধরে নিঃশব্দে সে কত কাঁদল। বাইরে গিয়ে রোজকার করবার তার উপায় নেই। বাঘিনীই এখন তার সামান্য যা কিছু জমানো টাকা আছে তাই ভেঙ্গেই সংসার চালাচ্ছে। কটা বা টাকা ? টাকা কটা ফুরিয়ে গেলে তখন বি হবে ? একমাত্র বিন্ধ্যাখানা ছাড়া আর কোনো সম্বলই থাকবে না। তারপর বাঘিনীর

যেমন ভালোমন্দ খাওয়া আর টাকা ওড়ানো স্বভাব, সে কি করে সংসার চালাবে ? তার উপরে আবার পোয়াতি ! ভালো জিনিসের উপর এখন তার লোভ হওয়া স্বাভাবিক—বাঘিনী তো সেই কথাই বলছিল সেদিন । খুশি অস্থির হয়ে উঠল । কিন্তু অস্থখ তাতে বাড়ল বই কমল না ।

কদিনেই ভয় কেটে গেল । খুশি এখন সারবার মুখে । বাঘিনীকে সে একদিন জিজ্ঞেস করল, রিক্সাখানা কি হোলো ?

ভয় নেই গো ! রিক্সাখানা আমি ভাড়া দিয়েছি ।

কাকে ?

সেজ ডিঙকে দিয়েছি ।

ওঃ ! খুশির কেমন ঘেন অধস্তি লাগল । সে যা ভেবেছিল ঠিক তাইই ! সেজ-ডিঙকে ভাড়া দিয়ে দিয়েছে বাঘিনী ! অস্থখের ভেতরেও এই কথা ভেবে সে অস্থির হয়ে উঠেছে । সেজ ডিঙ কি আর রিক্সার মায়া করবে ? হয়তো কিছুই সঙ্গে থাকে না। লাগিয়ে ভেঙেচুরে একাকার করে দেবে । যদি নাও ভাঙে, রিক্সার আয় কমিয়ে দেবেই । কিন্তু উপায় কি ? সে নিজেকে তো আর চালাতে পারছে না, রিক্সাখানা যদি দিয়ে রেখেই বা লাভ কি ? ভাড়া দেওয়াই ঠিক হয়েছে । সে মনে মনে হিসেব করতে লাগল । সে নিজেকে যদি রিক্সা টানত, রোজ যেমন করে হোক পঞ্চাশ-ষাট সেন্ট রোজগার করতে পারতই । দুজনের সংসারের বাড়ি ভাড়া, কয়লা, চাল, জালানিকাঠ, লম্পো, তেল, চা—এসব কিনতে হলে ও রোজগারে কুলোয় না । নতুন পোশাক কেনা তো দূরের কথা, একটা পয়সা করে ঐ রোজগার থেকে বাঁচানোও শক্ত । তার উপর সে তো আজ কদিন শুয়ে রয়েছে । এখন তো পঞ্চাশ-ষাট সেন্টের বদলে রিক্সা ভাড়া দিয়ে দশ সেন্টের বেশি রোজ পাওয়া যাবে না । এই এখন তাদের রোজগার । কিন্তু এতে সে কুলোবে কি করে ? আর চল্লিশ কি পঞ্চাশ সেন্ট কোথা থেকে আসবে ? ওর মধ্যে ওষুধের দামের দরুণ কিছুই ধরা হয়নি ।

যদি সে একেবারেই সেরে না ওঠে ? হাঁ, হাঁ, তাই ! জোরমস্তকে তার মাতলামোর জন্তে দোষ দেওয়া যায় না ; নিজের গরীব ভাই-বেরাদারকে তাদের বোকামি আর খারাপ স্বভাবের জন্তেও গালমন্দ করা চলে না । ওদের দোষ কি ? রিক্সাওয়ালায় ঐ ভাগ্য ! একেবারে বন্ধ রাস্তা—কোনোদিকে এগুবার উপায় নেই । তুমি যতই পরিশ্রম কর, যতই উচুনছর তোমার থাক, বিয়ে করলে, কি একবার রোগে পড়লে তুমি গেলে ! এ ঘেন চলতে চলতে হোঁচট খেয়ে বেলাইনে গিয়ে ছমড়ি খেয়ে পড়া আর কি ! ওঃ ! তার প্রথম রিক্সা আর জমানো টাকার কথা মনে পড়ল । সে জীবনে কামো মনে দাগা দেয়নি, কারো অনিষ্ট করেনি, এমন কি তখন তার বিয়েও হয়নি । অস্থখ-বিস্থখও তো তার

ছিলই না। কিন্তু তার জমানো টাকা, আর নতুন রিক্সাখানা সে হারাল কেন? উত্তর কে দেবে? তাইতো বার বার তার মনে হয়েছে, জীবনে ভালো আর মন্দ বাই-ই তুমি হও না কেন, রিক্সাওয়ালার ভাগ্যই এক অলাদা। যে পথে তারা চলেছে, সে মরনের পথ—সেখান থেকে কারো রেহাই নেই। যখনই হোক মৃত্যু ঠিক এসে হানা দেবেই—তা ঘেরকম ভাবেই আত্মক। চিন্তা নিয়ে এল নিরাশা। হুঁ! বেজন্মার দল! উঠতে না পারলে, এমনি করে বিছানায় শুয়ে শুয়েই কাটিয়ে দেবে—আর উপায় কি? আর উঠতে পারলেই বা এমন কি স্তব্ধে? একই তো তাদের পথ—একই জায়গায় গিয়ে শেষ হবে। তার চেয়ে চিন্তা ভাবনা ফুঁয়ে উড়িয়ে দিয়ে নিশ্চিন্তে সে শুয়ে থাকবে। কিন্তু কতক্ষণই বা শুয়ে থাকা যায়? অসহ্য হয়ে উঠল চিন্তা। বিছানায় উঠে বসতে চেষ্টা করল। আবার যোজ্জা করতে বেরবে। রাস্তা বন্ধ—মৃত্যু হাঁ করে আছে—কিন্তু মানুষের মন তো আর কুলুপ বন্ধ নয়। সে জেগে আছে, বেঁচে আছে : বতদিন পর্যন্ত কফিনে না শুয়ে পড়ছে ততদিন পর্যন্ত আশা আকাজ্জার তার অবধি নেই।

খুশি আর একবার উঠে বসতে চেষ্টা করল, কিন্তু পালল না। কি আর করবে, এবার সে বাঘিনীর দিকে চেয়ে বলল :

আগেই বলেছিলাম রিক্সাটা বড় অপয়া।

সেরে ওঠবার কথা ভাব না গা, তা না শুধু রিক্সার কথা। তুমি কি রিক্সা-পাগলা হয়ে উঠলে নাকি?

খুশি চুপ করে রইল। হাঁ, সে ঠিক রিক্সা-পাগলাই বটে। যেদিন সে প্রথম রিক্সা টার্নতে শুরু করেছে, সেইদিন থেকেই রিক্সাই তার ধ্যান জ্ঞান, তার আশা আকাজ্জা।

অস্থির একটু ভালো হতেই খুশি উঠে আয়নায় মুখ দেখল। একি! যার ছায়া পড়েছে, তাকে তেঁ সে চিনতে পারছে না! সারা মুখ দাড়িতে ভরে গেছে; তার কপাল আর গালে বুড়ো-বুড়ীদের মতো খাঁজ পড়েছে; চোখ তো নয় যেন দুটি গর্ত; এমন কি মুখের সেই ক্ষতটায় পর্যন্ত খাঁজ দেখা দিয়েছে। খুশি আয়না রেখে উঠে দাঁড়াল। উঃ কি ছোট ঘর, অসহ্য গরম লাগছে! বাইরে একবার বেরিয়ে পড়তে পারলেই ভালো। কিন্তু উঠোনে নামতে পর্যন্ত সে সাহস করল না। পা যেন কেমন টলছে, হাড় বলে কোনো পদার্থ বোধ হয় আর নেই। তাছাড়া এমনি অবস্থায় দেখে ফেলেই বা লোকে ভাববে কি? শুধু এই বাড়িতেই নয়, শহরের দক্ষিণ তল্লাটের রিক্সার আড্ডায় তাকে পয়লা নম্বরের রিক্সাওয়ালার বলেই জানে। কড়া তার জান। খুশি আর এই নড়বড়ে

হর্বল লোকটায় অনেক তফাত—এরা এক লোক হতেই পারে না! খুশি বাইরে যেতে পারল না, এদিকে ঘরে বসে থেকে থেকে হাঁপিয়ে উঠল। নিজের উপর বিরক্তি ধরে গেল! একসঙ্গে একগাদা খাবার গিলে আগের তাগদ ফিরে পাওয়া যায় না কেন? তাহলে তো সে এখন রিক্সা নিয়ে বেরিয়ে পড়তে পারত। কিন্তু তা আর হয় না। অস্থখ তার শিকারকে বিছানায় পেড়ে ফেলতেই উদয় হয়, আর খুব সহজে চম্পট দেওয়ারও তার কোনো লক্ষণ নেই।

আস্তে আস্তে খুশি সেরে উঠতে লাগল। পুরোপুরি আগের তাগদ ফিরে না পেলেও সে রিক্সা টানতে শুরু করল। তাগদ ফিরে আসতে এখন ঢের দেরি ততদিন বসে থাকার মুক্তি। সে এখন আর জোরে ছোট্ট না, কেউ তাকে তো আর চিনতে পারবে না যে জোরে ছুটবে। টুপিটা সে চোখ পর্ষন্ত নামিয়ে দেয়। খুশি—এই নামে পরিচয় দিতে আর তার ইচ্ছা নেই। খুশি নামের মানেই যেন জোরে ছোট্টা—কিন্তু এখন তো সে আর জোরে ছুটতে পারে না। এখন আস্তে আস্তে পা ফেলে কোনোরকম নেড়ুচে নেড়ুচে তাকে চলতে হয়—এখন আর ও-নামে পরিচয় দিয়ে লাভ কি? সবাই তো ঈর্ষার চোখে ওর দিকে তাকাবে না, বরং ঘেঁরাই করবে।

এক তো শরীরটা জুতসই নেই, তার উপরে খুশি এতদিনের ক্ষতিটা পুষিয়ে নেবার জন্তে দু'একটা বেশি সোয়ারি টানতে শুরু করল। কিন্তু অতো থকল সহিবে কেন? আবার অস্থখ হোলো, সঙ্গে সঙ্গে দেখা দিল আমাশা। খুশির রাগে নিজেকে নিজেই চড়াতে ইচ্ছে হোলো, কিন্তু তাতে লাভ কি। শরীরও শুকিয়ে কাঠ হয়ে গেল, এমন কি, বুকে আর পেটে যেন এক হয়ে গেছে। তবু আমাশা কমল না। যখন আমাশা থেকে সে সেরে উঠল তখন চলবার শক্তিই তার চলে গেছে। দু'পা যেতে হলে দু'বার জিরিয়ে নিতে হয়—এমনি অবস্থা। রিক্সাটা টানবার তো কথাই ওঠে না। স্বতরাং আর এক মাস তাকে জিরোতে হোলো, এদিকে বাঘিনীর পুঁজি তখন ফুরিয়ে এসেছে।

অষ্টমচন্দ্রের পনেরোই সে রিক্সা নিয়ে আবার পথে বেরুল। মনে মনে শপথ করল, যদি আবার বিছানায় শুতে হয়, তাহলে সে ডুববেই মরবে।

তার অস্থখের সময় খুদে লক্ষ্মী বহবার তাকে দেখতে এসেছে। খুশির জ্বিভে বাঘিনীর মতো ধার নেই, বরং বোবা হয়েই চিরটা কাল সে কাটিয়েছে। তবে এমনি সে খুদে লক্ষ্মীর সঙ্গে কোনোদিন কথা বলেনি, কিন্তু অস্থখের ভিতরে দু'একটা বলেছে। বুকখানা যা দমসম মেরে ছিল, কথা বলে তবু কিছুটা ভার লাঘব করে দিয়েছে, কিন্তু বাঘিনী এতে খুশি তো হয়ই নি বরং চটে গেছে। খুশি যখন বাড়ি থাকে না, খুদে লক্ষ্মী তার প্রাণের বন্ধু। কিন্তু খুশি বাড়ি



এলেই খুদে লক্ষ্মীকে শত্রু বলে মনে করে। নষ্ট ছুটু মেয়ে, কখন কি সর্বনাশ করে বসবে কে জানে। ওর তো আর মান-সম্মানের ভয় নেই, গায়ে ঢলে পড়ে ছেনালি করলেই হোলো।

বাঘিনী খুদে লক্ষ্মীকে চেপে ধরল। তার টাকা শোধ দিতে হবে। এও বলে দিল, রাতের অতিথদের তার ঘরে এনে সে আর বসাতে পারবে না।

খুদে লক্ষ্মী বিশ হাত জ্বলে পড়ল। এতদিন তবু খন্দেরদের বসাবার জন্তে একটা ঘর ছিল, এবার তাও গেল। তাদের নিজেদের ঘর তো নড়বড়ে একটা কুঠরী, তাও দেয়াল খসে গিয়ে যে অবস্থা হয়েছে, তা আর কহতব্য নয়। কোনোরকমে চাটাই গুঁজে, ঠেকনা দিয়ে রাখতে হয়েছে। ওখানে কোনো ভালো খন্দের ঢুকতে সাহস করবে না। এক হয়, যদি চালানী কোম্পানিতে সে নাম লিখিয়ে আসে। কিন্তু কোম্পানি তার মতো মালের ব্যবসা করে না। তাদের নজর খুব উচু। তাদের কারবার চলে স্থলের ছাত্রী আর বড়ো বড়ো ঘরের মেয়ে নিয়ে। তাদের দরও খুব বেশি। বাজে জিনিস দিয়ে গুদাম ভরতি করতে তারা রাজি নয়। তার আর কোনো উপায় নেই। এবার তাকে খাটি বেঞ্জা-বাড়িতে গিয়েই উঠতে হবে। তার তো আর অন্য কোনো পুঁজি নেই, দেহ ভাঙিয়েই তো তাকে খেতে হবে। কিন্তু সেখানে স্বাধীনতা বলে কিছু থাকবে না। না থাকলেই বা উপায় কি? ছোট ভাইগুলিকে কে দেখবে। এক মরে গেলে সে সব ভাবনা চিন্তা থেকে রেহাই পায়। কিন্তু মরা তো সোজা ব্যাপার—মরতে সে রাজি নয়। বরং বেঁচে থেকে দুঃখ কষ্টই সে সহিবে, সে সাহস তার আছে। এমনি দুঃখ কষ্টের ভিতর দিয়ে ভাইদুটিকে মানুষ করে তুলতে পারলেই সে নিশ্চিত। তারা যখন রোজগার করতে শিখবে, তখন তার মরাই ভালো। সকলের কাছে ওদের মাথা হেঁট করে আর থাকতে হবে না—আর সেও এই ঝামেলা থেকে অব্যাহতি পাবে।

কিন্তু এখন কি উপায়? এখন তাকে আরো সস্তা দামে নিজেকে বিকোতে হবে। তার এই ভাড়া, নড়বড়ে গতে যারা আসবে, তারা নিশ্চয়ই বেশি পয়সা কেউ দিতে চাইবে না। কি আর হবে; কম পয়সা দিলেও হাত পেতে তাকে নিতে হবে। তবু তো ছোট ভাইগুলোর পেটে দানা পড়বেখন। তাছাড়া এখন আর পোশাক আর রুজ্জ পয়সা খরচ করতে হবে না। যারা তার খন্দের হবে, তারা পোশাক আর রুজ্জের ধার ধারে না। ছুটার পয়সা কেলে একটা মেয়ের শরীর নিয়ে চটকাতে পেলেই অটুট শান্তি। যেমন দান, তেমনি তো দক্ষিণা; সে বুড়িয়ে যায়নি এইতো তাদের কাছে যথেষ্ট।

বাঘিনীর শরীরটা ভালো যাচ্ছে না। সন্তান দিন দিন বেড়ে উঠছে। এখন আর নড়তেও তার ইচ্ছে করে না। এমন কি কিছু কিনে খাবার ইচ্ছে

হলেও বাইরে যেতে তার আলিস্তি লাগে। খুশি আজকাল কাজে বেরিয়ে যায়, সারাদিনে আর ফেরে না। খুদে লক্ষ্মীও আর আসে না। বাঘিনীর মনে হয়, স যেন খালি বাড়িতে শিকলে বাঁধা একটা কুকুরের মতোই একা পড়ে আছে। সবাই যেন তার বিরুদ্ধে ষড় করেছে, তাকে একা রেখে পালিয়ে গেছে। খুশির তো সারাদিনে দেখা নেই। খুদে লক্ষ্মীটাও ওকে জালাবার জন্তেই এই সস্তার ব্যবসা খুলে বসেছে। বাঘিনী হিংসেয় জলে উঠল। না, ওকে এমন নিশ্চিন্তে সস্তা ব্যবসা করতে সে দেবে না। সে ওকে জব্দ করবে। বাঘিনী এবার স্তম্ভের ঘরটায় এসে জাঁকিয়ে বসল। সে ওং পেতে রইল, এখন খুদে লক্ষ্মীর খন্দের আসে। খন্দের এসে ঢুকতেই শুরু হোলো গালাগাল, খন্দের আর খুদে লক্ষ্মী দুজনেই লজ্জায় মরে গেল। এমনি করে দিনের পর দিন চলতে লাগল। খুদে লক্ষ্মীর খন্দের কমে এল। গাল খেতে কে আর হাসবে। পুরনো বন্ধুর ভাত মেরে বাঘিনী আবার খুশি হয়ে উঠল।

খুদে লক্ষ্মী বুঝতে পারল, এমনি ধারা গালাগাল চললেই হয়েছে আর কি! ব্যবসা করে তো খেতে হবেই না, বরং উঠোনের আর আর বাসিন্দেবোও এবার বাঘিনীর স্বরে স্বর মেলাতে শুরু করবে। হয়তো, বাড়ি থেকে তাড়িয়েই দেবে। খুদে লক্ষ্মী ভয় পেল; রেগে উঠতেও আর সাহস হোলো না। তার মতো বদন্যায় যখন মাহুষ পড়ে তখন চোখের জল বা রাগের আগে তারা বাস্তবকেই ভিত্তি দেবে। উচ্ছ্বাস দেখাবার তাদের উপায় নেই। খুদে লক্ষ্মী তার দুইভাইকে নিয়ে বাঘিনীর পা জড়িয়ে ধরল, কোনো কথা সে বলল না। তার মুখ দেখে বোঝা গেল, এই চূড়ান্ত অপমান সহ্য করার পরও যদি বাঘিনীর মন টলাতে না পারে, তাহলে ম মরবে। কিন্তু বাঘিনী তো কারো মরাবাঁচার ধার ধারে না।

অপমান মুখ বুজে সয়ে যাওয়াই মাহুষের জীবনের সবচাইতে বড় ত্যাগ। এর থেকেই তীব্র প্রতিরোধশক্তি দেখা দেয়।

হঠাৎ এমন ব্যাপার হবে বাঘিনী ভাবতে পারেনি। সে থ' মেরে গেল! মুখে তার কথা সরল না। ব্যাপারটা কেমন যেন লাগছে, কিন্তু এই ফুলে-গুঠা পেট নিয়ে ডাই করতে যাওয়াও বিপদ। যখন সে যুদ্ধং দেহি বলে এগিয়ে আসতেই পারল না তখন সব চেয়ে ভালো উপায় হচ্ছে রক্তমঞ্চ থেকে সরে পড়া। বাঘিনীও ঠিক তাই করল। আরে, খুদে লক্ষ্মীর সঙ্গে সে একটু ঠাট্টাই করেছিল। কি বোকা মেয়ে গো! ঠিকো সত্যি বলে ধরে নেবে এমন সে ভাবতেও পারেনি। খুদে লক্ষ্মীর চোখ নেই লেই তো সব জিনিসই এমনি করে ভাবে। এমনি করে যে জট দুজনের মধ্যে কিয়ে উঠেছিল, তা আলগা হয়ে গেল তারা আবার বন্ধ হয়ে উঠল। বাঘিনী আবার খুদে লক্ষ্মীকে রীতিমত সাহায্য করতে শুরু করল।

আগস্টের মাঝামাঝি থেকে খুশি আবার রিক্সা টানতে শুরু করেছে। কিন্তু এখন সে খুব সাবধান হয়েই চলে। দুইবার অস্থগে পড়ে এইটুকুই সে বুঝতে পেরেছে যে, শরীর তার লোহা দিয়ে তৈরী নয়। এখনো তবু তার টাকা জমানোর আশা কমেনি, কিন্তু পর পর ধাক্কা খেয়ে এই সে শিখেছে যে, একা মানুষের শক্তি-সামর্থ্য আর কতটুকু। জীবনে একটা সময় আসে, যখন মানুষ নিজের তাগদ জাহির করে বেড়ায়; কিন্তু এত বড়াইয়ের শেষ কোথায় সে তা জানে। মুখ দিয়ে রক্ত ওঠে, থুথুর সঙ্গে পড়ে রক্ত—এই তো মানুষের তাগদের গর্ব! খুশির আশা সে রেখেছে, কিন্তু এখন মাঝে মাঝে পেটের ভিতরে কেমন একটা মোচড় দেয়। হয়তো সে জোরে ছুটে যাবে এমন সময় পেটের ভিতর মোচড় দিয়ে উঠল। আশ্বে আশ্বে চলা ছাড়া তখন উপায় নেই। কখনো বা একেবারেই থেমে পড়তে হয়। মাথা নিচু করে, পেট চেপে ধরে কোনোরকমে ব্যর্থ হয় করে। যখন সে একা সোয়ারি টানে, তখন কোনোরকমে না হয় সামলে নেওয়া চলে, কিন্তু একটা দলের মধ্যে থাকলেই হয় মুশকিল। সবাই সোয়ারি নিয়ে ছুটে চলেছে, তার মাঝে সে হঠাৎ থেমে গেলে চলবে কেন? সবাই অবাক হয়ে গিয়ে জিজ্ঞেস করে, কি সাঙাৎ খামলে কেন? তারপর ওর অক্ষমতায় হেসে ওঠে। তবে বিশেষ কোঠায় বয়েস চলছে, এখনই সে একটা হাসি-তামাসার পাত্র হয়ে উঠেছে। তারপর তিরিশ-চল্লিশ বছর তো পড়েই রয়েছে—তখন কি হবে? খুশি এসব কথা যখন ভাবে, নিজের উপরে তার বিরক্তি ধরে যায়।

তার খুব ইচ্ছে হোলো, সে মাস মাইনের চাকরী নেয়। কাজও হালকা, পরস্রাও মন্দ আসে না। কিন্তু এখন ইচ্ছে করলেই মাস মাইনের কাজ নেওয়া চলে না! বাধিনী তো তাকে ছাড়বে না। বিয়ে করলে কি আর স্বাধীনতা রাখা চলে। তার উপরে বাধিনীর মতো স্ত্রী, সে তো তাকে হাতের মুঠোয় পুবে রেখেছে! তার শাসন মেনে চলা ছাড়া তার উপায়ও নেই।

এমনি করেই চার-পাঁচ মাস চলে গেল। হেমন্ত গিয়ে এল শীত। এর মধ্যে খুশি কখনো খুব খেটেছে, কখনো বা বসে বসে তারই ধকল সামলেছে। মাথা নিচু করে সে তার এই দাসত্ব মুখ বুজে সয়ে গেছে। এখন তার মাথা নিচু হয়েই থাকে, কোনো কিছুকে গ্রাহ্য না করে যে-খুশি আগে চলতো, সে-খুশি আর নেই। টাকা সে এখনো অক্লান্ত রিক্সাওয়ালাদের থেকে বেশিই যোজগার করে। এক পেটে বেশি ব্যাথা উঠলেই সে সোয়ারি নেয় না। একবার যে সোয়ারি তার রিক্সায় চড়বে, সে ঘুরে ফিরে আবার তার কাছেই আসবে। এর কারণ, এতদিন রিক্সা চালিয়েও ভাই-বোঝারদের বদ অভ্যাসগুলো সে রপ্ত করতে পারেনি। যারা ভাড়া সম্বন্ধে ওয়াকিবহাল নয়, তাদের কাছে সে কখনও এক পদসা বেশি নেয় না। কিছুদূর গিয়ে ঝগড়া করে সোয়ারি গাড়ি থেকে

নামিয়েও সে দেয় না, তাছাড়া ভালো সোয়াবির জগ্রে ঘণ্টার পর ঘণ্টা ধরে বসেও সে থাকে না। তাই দিনের রোজগারে খুব তার উনিশ-বিশ তফাৎ হয় না! দিন তার চলে যায়।

কিন্তু তবু একটু খুঁত খুঁত যে মন না করে তা নয়। টাকা তেমন বেশি আমদানি হচ্ছে না, খরচ-খরচা করে কিছুই বাঁচে না। বাঁ হাত দিয়ে আসে আর ডান হাত দিয়ে বেরিয়ে যায়। কিছু টাকা জমাবে সে কথা তার ভাবতে সাহস হয় না। সে অবিগ্রহী জমাতে জানে, কিন্তু বাঘিনী জানে শুধু ওড়াতে। নতুন বছরে তার সন্তান হবে, জ্ঞান শীতে বেশ বেড়ে উঠেছে, এখন উপর থেকেই বেশ বোঝা যায়। ইঁ, একটু বেশি বড়ই ঘেন বেধে হয়। বাঘিনী আবার পেটটাকে একটু বেশি দেখিয়ে বেড়ায়, ওতে নাকি নিজের মর্যাদা বাড়ে; নিজের পেটের উপর শুয়ে শুয়ে সারাদিন হাত বুলায়। বিছানা থেকে একবার নামতেও চায় না। রান্নাবান্না, ঘর-গৃহস্থালীর ভার সে খুদে লক্ষ্মীর কাঁধে চাপিয়ে দিয়েছে। তার বদলে সে তার পাতে যা পড়ে থাকে তাই দেয়। এমনি করে বহু খরচ হয়ে যাচ্ছে।

দুবেলা খাওয়াই শুধু নয়, বাঘিনীর সব সময়েই তো মুখ চলছে। পেট যতই বাড়ছে, ততই এটা-সেটা খাবার ইচ্ছেও তার বেড়ে গেছে; শুধু নিজেই সে সব কিনে আনায় না, খুশিকেও নানা ফরমায়েস করে। যতই সে রোজগার করুক, বাঘিনী দুহাতে উড়িয়ে দেবেই। তার আয়ের সঙ্গেই বাঘিনীর চাহিদার বাড়তি আর কমতি। খুশি কিছু বলতেও পারে না। যখন সে বিছানায় পড়ে ছিল, বাঘিনীই তো নিজের পুঁজি ভেঙে তাকে খাইয়েছে, এখন তার পালা। যথাযথ্য ওর জগ্রে সে খরচ করবে, আর না করেই বা নিতাই কি? বাঘিনী অমনি রুখে দাঁড়াবে, বলবে, পোয়াতি হয়েছে, নমাস তো এ জালা ভুগতেই হবে। আর কথাটাও তো মিথ্যে নয়।

নতুন বছরের উৎসবের সময় বাঘিনী টাকা উড়িয়ে দেবার নানা ফন্দি বার করল। সে নিজে তখন নড়তে না পারলে কি হবে, খুদে লক্ষ্মীকেই এটা-ওটা কিনে আনতে চক্ৰিণ ঘণ্টা হুকুম চালাতে লাগল। বাঘিনীর নিজের উপর একটু যে ঘেন্না না হোলো তা নয়। সে একেবারে নড়ে চড়ে বসতেও পারছে না একি ব্যাপার! ছটকরে বেরিয়ে পড়লেই তো হয়। কিন্তু নিজের উপর মায়াটা তার একটু বেশি বলেই বেকনো আর হয়ে ওঠল না। কিন্তু ঘরে বসে থাকাও তো বিরক্তিকর ব্যাপার, তাই সে নানা জিনিস ফরমায়েস দিয়ে কিনে আনাল। তবু এইগুলো নিয়ে একরকম একঘেয়ে দিনগুলো কেটে যাবে। সে খুশিকে স্পষ্ট বুঝিয়ে দিল যে, নিজের আরামের জগ্রেই এসব জিনিস

সে কিনছে না। খুশিকে স্ত্রী করবার জন্তেই কিনছে। এই নিয়ে কথা উঠলেই সে বলে বসে :

সারা বছর ধরে তো এত খাটলে, নতুন বছরে একটু মিল্লিমুখ করার সাধ হয় না তোমার! অস্থখ থেকে সেদিন উঠেছ, এখনো তো শরীরে ভালো করে তাগদ হয়নি—একটু ভালো না খেলেই বা চলবে কেন? আর বছরের দিনে অমন শুকিয়ে মরতে আমি তোমাকে দেব না। উপোস করে করে চেহারা হয়েছে দেখনা গা, যেন উপোসী ছারপোকাটি!

খুশি এর উত্তর কি দেবে ভেবেই পায় না। তার সঙ্গে ঝগড়া করবার ইচ্ছে থাকলেও সামর্থ্য তার নেই। নানা মেঠাই-মণ্ডা তৈরী করে বাঘিনী নিজেই বেশি করে খায়। তার উপর একটু হাঁটাচলাও করে না। মাঝে মাঝে ভর পেট খেয়ে বিছানায় এলিয়ে পড়ে বলে, উঃ পেটের কাঁটাটা কি রকম বাড়ছে দেখ না!

নতুন বছরের উৎসব শেষ হবার পরে সে আবার খুশিকে রাতে কাজে বেরুতে দিল না। কখন ব্যথা উঠবে কে জানে! নিজের বয়েসের কথা ভেবে এবার তার ভয়ই হোলো। খুশিকে কোনোদিনই সে তার বয়েস জানায়নি বটে, কিন্তু নিজেতো ঠিকই জানে। এখন আর বয়েস ঢাকবার জন্তে সে খুশিকে মাঝে মাঝে শুনিতে দেয় না, তোমার চাইতে সামান্যই তো আমি বড়।

একটা না একটা ব্যাপার নিয়ে অষ্টপ্রহর বাঘিনীর মুখে ঘ্যানঘ্যানানি লেগেই আছে। খুশিরই হয়েছে বিপদ, সব যেন কেমন গোলমাল হয়ে যাচ্ছে। ছেলে আর মেয়ে হলে নাকি বংশ রক্ষা হয়। কিন্তু বংশ রক্ষার তার দরকার কি? তবে গর্ব যে না হচ্ছে তা নয়, ছেলে হবে, 'বাপ' বলে ডাকবে, একি কম স্ত্রের কথা। এমন কি লোহা দিয়ে গড়া বুক যায়, সেও হুদু চোখ বুজে বসে চিন্তা করবে; যত চিন্তা করবে ততোই নরম হবে তার মন। খুশির এতদিন গর্ব করবার মতো কিছু ছিল না। এক বিরাট জোয়ান চেহারা, গোদাগোদা হাত পা—কি আছে তার গর্ব করবার? কিন্তু এই কথাটি সে ভাবল, গর্বে তার বুক ভরে গেল। 'ছেলে মেয়ে,—কি যাদুই যে আছে এই দুটি কথায়! এতদিন তার তো কিছুই ছিল না, কেউ তাকে পাত্তাও দেয়নি। কিন্তু ছেলে হলে তা তো হবে না। জীবন আর ফাঁকা লাগবে না। খুশি এবার বাঘিনীর সেবায় মন দিল। বাঘিনীকে সে দেখতে না পারুক, কিন্তু সে তো তার সন্তানের মা। সে এখন আর একা নয়। তাকে একটু সুখে-স্বচ্ছন্দে রাখতে পারলে সন্তানও সুখে স্বচ্ছন্দে থাকবে। যতই খারাপ হোক না কেন, সন্তানের ব্যাপারে কিন্তু বাঘিনীরই ঘোলো আনা কেরামতি।

কিন্তু কেরামতি যতো থাক, তার ঝগড়াটে স্বভাব মোটেই সে বরদাস্ত করতে পারে না। মিনিটে মিনিটে নতুন নতুন তার রূপ। ভূত বা শয়তানের ভয়ও তার বেড়েছে। বাড়িতে এইসব হান্ধামা সহ্য করে, আবার রোজগারের জন্তে ছুটতে হয়। টাকা সে যা আনে, তার এক পয়সাপও জমে না। সবই বাঘিনী উড়িয়ে দেয়, তাই রাতে একটু বিশ্রাম করে আবার ভোর না হতেই শুরু হয় খাটনি। কিন্তু বাঘিনী সেন্দিক দিয়েও বাধ সাধে। রাতে তো তার হুকুম ত্যাড়াতাড়ি বাড়ি ফিরতে হবেই, এমনকি বহু রাতে ভালো করে ঘুমুতেও দেয় না। সারাদিন যেন একটা ঝাপসা স্বপ্নের ভিতরেই কেটে যায়। চারদিকে সব কিছু যেন ঘুরপাক খাচ্ছে, কোনো কাজেও মন বসে না। কখনো বা সে অকারণে খুশি হয়ে ওঠে, কখনো বা আসে বিরক্তি; হতাশায় মন ছেয়ে যায়। তার মনের ভিতরে সবকিছু যেন তালগোল পাকিয়ে গেছে। আগে সে ছিল এক গের্গে 'বোকা' ছেলে, ভাবনা চিন্তার ধার ধারত না। এখন রাতদিনই শুধু ভাবতে হয়। ভাবতে ভাবতে এমন আনমনা সে হয়ে পড়েছে, এখন উত্তর-দক্ষিণ, পূর্ব-পশ্চিম জ্ঞান পর্যন্ত হুলে যায়। এই তো সেন্দিক এক কাণ্ড হোলো! সোয়ানি নিয়ে সে ঠিকানা ছাড়িয়ে বহুদূর চলে এসেছিল।

নতুন বছরের দীপালীর সময় বাঘিনী একদিন তাকে ধাত্রী ডেকে আনতে বলল: তার ব্যথা উঠেছে। ধাত্রী এসে দেখে শুনে বলে গেল, এখনো সময় হয় নি। প্রসব-বেদনার কি কি উপসর্গ সে সম্বন্ধেও সে বাঘিনীকে কয়েকটা কথা বলল। বাঘিনী ছতিন দিন চুপ করে রইল, তারপর আবার চোঁচাতে শুরু করল। আবার ধাত্রী ডাকা হোলো। তখনো সময় হয়নি। বাঘিনী কৈদেকৈটে, চিৎকার করে বলতে লাগল, তার মরণ হলেই এখন ভালো, সে আর ব্যথা সহ্য করতে পারছে না। খুশি যে কি করবে ভেবে পেল না। সে বাঘিনীর কথামত কাজে না বেরিয়ে বাড়িতেই রইল। কখন কি দরকার হয় বলা তো যায় না।

এমনি চিৎকার আর কান্না সারা মাস ধরেই চলল। এবার খুশি বাঘিনীর চোখারা দেখেই বুঝতে পারল, সময় হয়ে এসেছে। বাঘিনীকে দেখে যেন আর মানুষ বলে মনে হয় না। ধাত্রী এসে খুশিকে গোপনে জানিয়ে গেল, প্রসব হতে বেশ কষ্টই হবে। একে তো বাঘিনীর বয়েস বেশি হয়েছে, তার উপরে একটু হাঁটা চলাও করেনি, শুধু শুয়ে শুয়ে নানারকম খাবার খেয়েছে। তারই ফলে গর্ভের সন্তান বেশ বড়ো হয়ে উঠেছে। সুতরাং প্রসব যে খুব সহজে হবে বলে মনে হয় না। তাছাড়া একবার ডাক্তার ডেকে সন্তানকে ঠিক জায়গা মতো নিয়ে যাওয়া উচিত ছিল। ধাত্রীর সে বিজ্ঞে নেই, তবে সে এইটুকু বলতে পারে: আড়াআড়ি ভাবেই সন্তান প্রসব হবে।

যে বাড়ির তারা বাসিন্দে, সেখানে প্রস্থতি আর শিশুর মৃত্যু খুবই সাধারণ ঘটনা। কিন্তু বাঘিনীর ব্যাপারটা আর একটু জটিলই বটে। অত্যাশ্চর্য্যলোকেরা সম্ভান প্রসব করবার দিন পর্যন্ত কাজ-কর্ম করে, ঠোঁটে চলে বেড়ায়। তারা আধপেটা খায় বলে তাদের গর্ভের ভ্রণও কখনো বেড়ে ওঠে না—তাই সম্ভান প্রসবেও তারা কষ্ট পায় না। তাদের বিপদ আসে সম্ভান প্রসবের পর। বাঘিনীর সম্ভান 'কিন্তু একেবারে উল্টো। তার স্বপ্ন সুবিধেগুলিই তার দুর্ভাগ্য টেনে নিয়ে এল।

খুশি, খুদে লক্ষ্মী আর ধাত্রী তিন দিন তিন রাত তার বিছানার পাশে জেগে রইল। বাঘিনী বৌদ্ধধর্মের যত দেবতা জ্বাছে সবাইকে ডাকল, বহু মানত করল, কিন্তু সবই বৃথা গেল। অবশেষে তার স্বপ্ন ভেঙে গেল, তখন আর চিংকার করবারও উপায় নেই। শুধু অক্ষুট শব্দ করতে লাগল। ধাত্রী জবাব দিল। সত্যিই কারো কিছু করবার নেই। বাঘিনী এবার নিজেই মেজঠাকুরমা চেনকে ডেকে আনতে বলল। তিনি সেই অমর সাপের কাছে প্রার্থনা করলে যদি বাঘিনী বাঁচে। পাঁচ ডলার প্রণামী না পেলে মেজঠাকুরমা কোথাও বান না খুশি বাঘিনীর শেষ সম্ভল সাত কি আট ডলার খুঁজে পেতে বাধ্য করল।

নাও খুশি, যত তাড়াতাড়ি পার নিয়ে এস! এখন টাকাটাই আসল জিনিষ নয়। সেরে উঠি তখন তোমাকে কত ভালোবাসব। যাও গো, শিগগির যাও।

মেজঠাকুরমা একটি 'বাচ্চা' ছেলে নিয়ে সন্ধ্যার সময় হাজির হলেন। বাচ্চা না হলে সেই অমর সাপকে জাগিয়ে তোলা যায় না—মন যার নিষ্পাপ সেই তে একমাত্র তাকে জাগিয়ে তুলতে পারে। কিন্তু যে বাচ্চা ছেলেটি এল তার বয়স প্রায় চল্লিশ হবে।

ঠাকুরমাটির বয়স প্রায় চল্লিশ ছাড়িয়ে গেছে। পরনে তার নীল পঞ্জিসিক্ত জামা, তার চুলে গোঁজা একখানা বড় লাল পাথর, হাতে দুগাছি চুড়ি, আঙুলে গোটা কয়েক আঙটি। যাহুকরীর মতো তার চোখ দুটো জলছে। এসেই হাত ধুয়ে তিনি সারি সারি ধূপকাঠি জালিয়ে দিলেন। তারপর টেবিলের কাছে বসে সেই ধূপকাঠিগুলোর জলন্ত ডগার দিকে বোকার মতো খানিকক্ষণ চেয়ে রইলেন কিছুক্ষণ পরেই তার সারা শরীরে ঝাঁকুনি লাগল, মনে হোলো ধনুষ্ঠকারই হয়েছে মাথা নিচু করে, চোখ বুজে তিনি রইলেন। কিছুক্ষণ পরে ঝাঁকুনি কমে গেল এখন একেবারেই নড়ছেন না। বাঘিনীও আর কোনো শব্দ করছে না। সমস্ত ঘরে নিস্তব্ধতা, ছুঁচ পড়লেও শোনা যায়।

ধীরে ধীরে মেজঠাকুরমা যেন মাথা তুলে সকলের মুখের দিকে চেয়ে ঘাড় নাড়লো 'বাচ্চা খোকাটি' খুশির ভামার হাতা ধরে টেনে প্রণাম করতে ইজিত করল। খুশি

দেবতায় বিশ্বাস করে কিনা সে নিজেই জানে না, কিন্তু একবার মাথা ঠুকলে আর দোষ কি! হতভম্ব হয়ে সে মেঝেতে মাথা ঠুকল। উঠে পড়েই সে দেখতে পেল, ডাইনীর চকচকে দৃষ্টি চোখ। ধূপকাটির গোড়াগুলো তখনো জ্বলছে। খুশির আশা হোলো, বাঘিনী এষাত্রা বেঁচেও যেতে পারে। সে বোকার মতো শুধু তাকিয়ে রইল; তার হাত ধামছে।

চড়াগলায় বিরাট শব্দ করে এবার অমর সর্পরাজ কথা কইলেন: কবচ...কবচ মস্তপড়ে কবচ বেঁধে দাও। ঐ কবচেই তাড়াতাড়ি প্রসব হবে।

মেজঠাকুরমার মুখ দিয়েই সর্পরাজের একথা বেরুল। ‘বাচ্চা খোকা’ তাড়াতাড়ি সিন্ধের মতো নরম কাগজ বার্ন করে দিল। মেজঠাকুরমা ধূপের ছাইয়ের ভিতরে হাত দিয়ে আঙ্গুলে করে ছাই তুলে নিলেন, তারপর থুথু দিয়ে ভিজিয়ে কাগজের ওপর লিখতে শুরু করলেন। কবচ লেখা হয়ে গেলে সর্পরাজ আবার মুখ বিকৃত করে বলতে লাগলেন—অবিশি সর্পরাজের জ্বানি মেজঠাকুরমা বললেন। তার কথার সারমর্ম এই যে, গতজন্মে বাঘিনী এই সগুজাত শিশুর কাছে ধার করেছিল, সে ধার সে শোধ দেয়নি। হৃদে আসলে শিশু তারই শোধ তুলে নিচ্ছে। খুশি কপাল চাপড়াতে শুরু করল। সে কিছুই বুঝতে পারছে না, কিন্তু বড় ভয় করছে।

মেজঠাকুরমা বিরাট এক হাই তুলে আবার চোখ বুজলেন। কিছুক্ষণ কেটে গেল। তিনি যখন চোখ তুলে তাকালেন, মনে হোলো যেন এইমাত্র স্বপ্ন থেকে জেগে উঠলেন। ‘বাচ্চা খোকা’ তার কাছে সর্পরাজের আদেশের কথা বলল। তিনি খুশি হয়ে বললেন, আহা দেবতার দেখছি আজ খোস মেজাজ! আদেশ দিয়ে গেলেন। তিনি খুশিকে বুঝিয়ে বললেন, কি করে এই কবচ বাঁধতে হবে, একটা বড়িও বাঘিনীকে খেতে দিলেন।

খুব উৎসাহ নিয়ে মেজঠাকুরমা বসে রইলেন; কবচে কি হয় দেখা যাক। এরই মধ্যে তার খাওয়ার ব্যবস্থা করতে তিনি বলতে ভুললেন না। খুশি খুদে লক্ষ্মীকে গিয়ে বলল। সে মাংসের পুরি, বীনের ঝোল আরো নানা জিনিস কিনে নিয়ে এল। খুদে লক্ষ্মী মদ আনতে একেবারই ভুলে গিচ্ছিল। মেজঠাকুরমা খেতে বসে রাগে গজর গজর করতে লাগলেন।

বাঘিনী কবচ বেঁধে, বড়ি খেয়েও একটুও স্বস্থ হোলো না। সে তখনো যন্ত্রণায় এপাশ ওপাশ করছে, গড়াচ্ছে। এক ঘণ্টার পরেও তার একই অবস্থা। এবার মেজঠাকুরমা আর একটি উপায় বাতলালেন। তিনি খুশিকে ডেকে আর একটা ধূপকাটি জালিয়ে তার স্তম্ভে গড় করতে বললেন। খুশি তখন এই বুড়ির তুচ্ছতাকের উপর প্রায় বিশ্বাস হারিয়ে ফেলেছে। কিন্তু পাঁচ-পাঁচ ডলার যখন গুনে দিয়েছে, তখন তো



আর সহজে ছেড়ে দেওয়া যায় না। ওরা যত ঝাড়-ফুক তুক-তাক আছে করুক না। হয়তো একটা লেগেও যেতে পারে। খুশি এই ভেবে ওর কথামতো কাজ করবে ঠিক করল।

একটা ধূপকাঠি জ্বলে সে তারই স্মৃথে জ্বয়ে রইল, পিঠে লাগছে কিন্তু উপায় নেই! কোন্ দেবতাকে প্রণাম করছে সে জানে না, শুধু জানে কাজ উদ্ধার করতে হলে ভক্তি থাকা চাই। ধূপকাঠির মাথায় জলন্ত শিখা নাচছে, ওরই ভিতরে ছকোনা দেবতার ছায়া সে দেখতে পেয়েছে এমনি ভাণ করল। মিছেমিছি সে প্রার্থনাও করল। ধূপকাঠি জ্বলতে জ্বলতে শেষ হয়ে এল, ছাই ঝরছে। মাথা তার ঝুলে পড়ল, হাত মেঝের উপর রয়েছে, ঘুম পাচ্ছে। দু-তিনদিন সে ঘুমোয়নি। ঝিমুতে ঝিমুতে মাথাটা হঠাৎ আরো ঝুঁকে পড়তেই সে চমকে উঠল। ধূপকাঠির দিকে চেয়ে দেখল, কখন নিবে গেছে। উঠে দাঁড়াবার সময় হয়েছে কিনা, একথা জিজ্ঞেস করাও হোলো না। সে আস্তে আস্তে উঠে দাঁড়াল। পা যেন তার অবশ হয়ে গেছে।

মেজ-ঠাকুরমা আর তার ‘বাচ্চাটি’ ততক্ষণে চম্পট দিয়েছে।

খুশি তাদের উপরে রাগ করবারও সময় পেল না। বাঘিনীর কাছে সে ছুটে গেল। সে বুঝতে পেরেছে, অবস্থা চরমে এসে ঠেকেছে। শেষ নিশ্বাস গলায় এসে ঠেকে আছে, এখুনি বেরিয়ে যাবে সঙ্গে সঙ্গে যাবে জীবন। কথা বলতেও বাঘিনী আর পারছে না। ধাত্রী বাঘিনীকে হাসপাতালে নিয়ে যেতে পরামর্শ দিল, তার বিছাতে আর কুলোবে না।

খুশির বুকখানা যেন খান খান হয়ে গেল। সে ফুঁপিয়ে ফুঁপিয়ে কাঁদতে লাগল। খুদে লম্বীর চোখেও জল। কিন্তু কাঁদলে তো আর চলবে না; অনেক কাজ আছে। খুশিকে সে ডেকে বলল, বড়ভাই, তুমি কেঁদো না! আমি হাসপাতালে গিয়ে জিজ্ঞেস করে আসছি।

খুশির উত্তর দেবার আগেই চোখ মুছতে-মুছতে সে দৌড়ে চলে গেল।

এক ঘণ্টা পরে ছুটতে ছুটতে সে ফিরে এল। এত জোরেই সে ছুটে এসেছে যে, কথাই বেরুচ্ছে না। সে টেবিল ধরে খানিকক্ষণ দাঁড়িয়ে দম নিল, তারপর কথা বলল। ডাক্তারকে আনতে হলে প্রথমেই দশ ডলার দিতে হবে। এই টাকাটা শুধু রুগীকে একবার দেখবার জন্তে; সন্তোষাত শিশুকে দেখবার জন্তে আরো বিশ ডলার দিতে হবে। যদি প্রসব করাতে কষ্ট হয়, হাসপাতালে পাঠাতে হবে। তার খরচ আরো দশ-বিশ ডলার।

বড় ভাই, এখন কি করব?

খুশি কি করবে ভেবে পেল না। এত রাতে অত টাকাই কী কোথেকে আসবে ?  
এখন চুপ করে বসে থাকা ছাড়া অন্য উপায় নেই : যারা মরবার জন্তে এসেছে,  
তারা মরবেই।

নিজদের বোকামি আর সমাজব্যবস্থা তাদের এই পৃথিবীতে এনে ছেড়ে  
দিয়েছে ; এখন আর ফেরবার পথও নাই।

হুপুর রাতে একটা মরা সন্তান প্রসব করে বাঘিনী শেষ নিশ্বাস ছাড়ল।

## কুড়ি

খুশি রিক্সা বিক্রি করে দিল।

বিক্রির টাকাটা কিন্তু হাতে রাখতে পারল না, যেন আঙুলের ফাঁক গলিয়েই পড়ে গেল। খরচ না করে উপায়ও নেই। বাধিনীর দেহটা তো গাড়ি করে কবরখানায় নিয়ে যেতে হবে, এমন কি শবাধারের সমুখে আঁটা মৃত্যুর সার্টিফিকেটের জন্তেও এক কাঁড়ি টাকা খরচ করা দরকার।

খুশি বোবার মতো শুধু তাকিয়ে রইল। সবাই সোরগোল তুলেছে, মরা নিয়ে যাওয়ার জন্তে ব্যস্ততা দেখাচ্ছে, কিন্তু তার সে খেয়ালই নেই। এক টাকা খরচের সময়ই তার ডাক পড়ছে; তাছাড়া কেউ ডেকেও জিজ্ঞাস করছে না। তার চোখ ভীষণ লাল হয়ে উঠেছে, চোখের কোণ দিয়ে হলদে পুঁজ গড়িয়ে পড়ছে। কানেও সে কিছু শুনতে পাচ্ছে না; কেমন যেন অবুঝের মতো হৈহট্টগোলের মধ্যে সে নিজেকে ছেড়ে দিয়েছে। তারা কি করছে, সেই বা তাদের এখানে কেন এল. এ সম্বন্ধে তার কোনো ধারণাই নেই।

বাধিনীর শবাধার নিয়ে এবার ওরা রওনা হোলো। শহরের দেয়ালের বাইরে কবরখানা, সেইখানেই যাবে। খুশিও তাদের সঙ্গে সঙ্গে চলল। এবার যেন একটু পরিকার হয়ে এল; কিন্তু এখনো পুরোপুরি বুঝতে পারছে না। শবাধারের সঙ্গে সঙ্গে খুশি আর খুদে লক্ষ্মীর দুটি ছোট ভাই ছাড়া আর কেউ নেই। ওদের হাতে কাগজের খেলনা টাকার তাড়া। ওরা পথে টাকা ছড়াতে ছড়াতে চলেছে। সময়ানকে ওরা ঘুब দিচ্ছে, কি জানি সময়ান যদি আবার আত্মার পথ রোধ করে দাঁড়ায়।

খুশি তাকিয়ে দেখল, বাহকরা শবাধার কবরের ভিতরে রাখল। সে কান্দল না। আগুন ধুইয়ে উঠছে তার বুকে, তারই উত্তাপে চোখের জল শুকিয়ে গেছে। কান্দতে চাইলেও সে কান্দতে পারবে না। বোকার মতো সে ফ্যাল ফ্যাল করে চেয়ে রইল, ঠিক বুঝতে পারল না ওরা কি করছে। যখন বাহকদের মুকুটটি কাছে এসে দাঁড়াল, তখন সে বুঝতে পারল, কাজ শেষ হয়েছে, এবার বাড়ি ফিরতে হবে।

খুদে লক্ষ্মী এরই ভিতরে ঘরদোর গুছিয়ে রেখেছে। সে ফিরে এসেই বিছানায় গা এলিয়ে দিল। শ্রান্ত হয়ে সে পড়েছে, নড়বারও শক্তি নেই। কিন্তু চোখ বোজা মুন্সিল। চোখ দুটো এত টনটন করছে যে, বোজাই শক্ত। ছাদের জল

চুইয়ে পড়ে পড়ে কাগজে একটা মস্ত দাগ পড়েছে, সেই দাগটার দিকে চোখ মেলে সে তাকিয়ে রইল। অবশেষে ঘুমতে না পেরে উঠে বসল, কি যে করবে ভেবেই পেল না। তারপর উঠে এক বাস সিগারেট কিনে নিয়ে এসে বিছানায় এক কোণে বসে টানতে শুরু করল। ঘরের চারিদিকে তাকালেও না। কিন্তু সিগারেট খেতেও আর ভালো লাগল না। কবে টান না দিয়ে সিগারেটের নীল ধোঁয়ার দিকে তাকিয়ে রইল। ধোঁয়ার কুণ্ডলী উঠছে, হুতোর মতো নীল ধোঁয়া মিলিয়ে যাচ্ছে। পিছনে বেথে যাচ্ছে মিষ্টি গন্ধ।

হঠাৎ চোখে তার জল এল। প্রথম ঠিক পুঁতির মতো ফোঁটায়, তারপর এল বজ্র। বাঘিনী আর মরা সন্তানটির জন্মেই সে শুধু কাঁদছে না, কাঁদছে সব-কিছুর জন্মে। শহরে এসেছে আজ কমদিন হয়নি কিন্তু এতদিন সে করল কি? তার এত খাটুনি শেষটায় তাকে এইখানে টেনে এনেছে। তার দুঃখ এত গভীর যে ফোঁপানোর শব্দটুকু পর্যন্ত শোনা গেল না। তার রিক্সা—হাঁ, রিক্সা তার একমাত্র ভাতের হাড়ি। সেই হাড়ি সে কিনল, অথচ ভোগে এল না। হারিয়ে ফেলল। তার পর আর একখানা, সে খানাও হারানোরই সামিল। বিক্রি করেই ফেলেছে। তিন তিনবার সে উপরের তলায় উঠেছে, কিন্তু তিনবারই তাকে ধাক্কা মেরে নিচে ফেলে দিয়েছে। সে যা চেয়েছিল, তা পায়নি। হাত দিয়ে আঁকড়ে ধরতে গেছে, তার হাত শূন্যতাকেই চেপে ধরেছে, ভূতের মতোই তাকে ঠকিয়েছে তার আশা-আকাজ্জা। অথচ এই মিথ্যে জিনিসগুলোর জন্মেই জীবনে সে বহু অবিচার সয়েছে, করেছে কঠিন শ্রম। না, তার কিছু নেই, আর কিছুই নেই—এমন কি বুড়ী মেয়েমানুষটা পর্যন্ত তাকে ছেড়ে চলে গেল! বাঘিনী ঝগড়াটে ছিল, বড়নিচু মনও ছিল তার, অথচ তাকে ছাড়া এখন ঘর বাঁধবে কি করে? ঘরের চারদিকে তাকিয়ে দেখ না, জিনিসপত্র ছড়িয়ে আছে—এসবই তো তার। আর এখন কোথায়? শহরের দেয়ালের বাইরে কবরে তারা ওকে গোর দিয়ে এল, খুশির দুঃখ হোলো: বাঘিনী গেছে যাক, কিন্তু তার ছেলেও শেষটায় পেট থেকে মরাই পড়ল।

যতই সে চিন্তা করল, ততই তার কাছে ব্যাপারটা ভয়ানক হয়ে দেখা দিল। চোখের জল রাগের আগুনে শুকিয়ে গেল, সে সিগারেটে টান মারল। সিগারেট খেতেও ভালো লাগছে না; কিন্তু একটার পর একটা ধরিয়ে টেনেই চলল। সিগারেটগুলো শেষ হয়ে গেলে মাথায় হাত দিয়ে সে খানিকক্ষণ বসে রইল। তার গলা, তার বুক শুকিয়ে গেছে, কুঁচকে গেছে তিক্ততায়। সমস্ত গায়ে জ্বালা। যদি সে পাগলের মতো টেটিয়ে উঠতে পারে, বৃক্কের সবখানি রিক্সাওয়ালা

রক্ত থু থু করে বার করে দিতে পারে, তাহলেই বুঝি এ-জালা কমবে, সে শান্তি পাবে।

কখন খুদে লক্ষ্মী এসে বাইরের ঘরের টেবিলটার স্রুখে দাঁড়িয়ে তার দিকে বড় বড় চোখ মেলে তাকিয়ে আছে, সে টেরও পেল না।

হঠাৎ মাথা তুলে সে তাকে দেখতে পেল। আবার চোখের জল দরদর করে গাল বেয়ে গড়িয়ে পড়ল। তার তখন এমনি অবস্থা—একটা কুকুর দেখলেও সে চোঁচিয়ে কঁদে উঠত। অত্যাশ্রয় আর দুঃখ সয়ে তার বুক কানায় কানায় ভরে উঠেছিল। তারই মতো একজন ভুক্তভোগীর দেখা পেয়ে আজ যেন হাজারো ধারায় ঝরে পড়ল। সে শুকে সব কথা বলে গুর কাছ থেকে সহানুভূতি পেতে চাইল, কিন্তু কিছুই বলতে পারল না।

খুদে লক্ষ্মী এসে তার কাছে দাঁড়াল।

বড় ভাই, সে বলল, আমি সব ঠিক করে রেখেছি।

খুশি মাথা নাড়ল, কিন্তু ধন্যবাদ জানাতে পারল না; যারা দুঃখ সহিছে, তাদের কাছে মামুলি ভদ্রতার কোনো মানে নেই।

এখন কি করবে, বড় ভাই?

আঁ? সে যেন বুঝতে পারছে না এমনি করেই চমকে উঠল। কিন্তু খুদে লক্ষ্মীর কথাগুলো গিয়ে যখন চোতনায় ধাক্কা মারল; তখন শুধু মাথা নাড়ল। কোনো উপায় ভাববার শক্তিও আর তার নেই।

খুদে লক্ষ্মী আর একটু কাছে সরে এল, এবার তার মুখ লাল হয়ে উঠল, সাদা দাঁত বেরিয়ে পড়ল, কিন্তু কথা সে বলল না। যে উপায়ে সে রোজগার করেছে, তাই লজ্জা কাটানো তার পক্ষে শক্ত। কিন্তু মনের দিক দিয়ে এখনো সে খাটিই আছে।

আমার মনে হয়...শুধু এই ছোটো কথাই তার মুখ থেকে বেরল। মনে জমে ছিল বহু কথা, কিন্তু মুখ লজ্জায় লাল হয়ে উঠতেই তারা পালিয়ে গেল। এখন আর শত চেষ্টা করলেও ভাবনার খেঁই খুঁজে পাবে না।

মাহুশ পরস্পরকে সত্য জানায়, তার ভিতরে কথার জায়গা কোথায়? শুরুতে তো কথা খুব কমই হয়। তার চেয়ে মেয়েরা মুখে লজ্জা লালসা অনেক বেশি প্রকাশ করতে পারে। এমনকি খুশির মতো বোকা লোকও তা বুঝতে পারল। তার চোখে খুদে লক্ষ্মীকে সেরা স্তম্ভরীদের একজন বলেই মনে হোলো, তার মজ্জায় মজ্জায় যেন দৌলদার ছড়িয়ে আছে। যদি তার সমস্ত গা ঘায়ে ভরে যায়, মাংস খসে খসে পড়ে, তবুও খুশি মনে মনে তাকে তখনো স্তম্ভরীই ভাববে। সে স্তম্ভরী, বয়েসটাও তার কাঁচা। তার উপরে খাটতেও

পারে, খরচও কম করে। যদি আবার বিয়ে করতেই হয় তো ওর মতো মেয়েকেই সে বিয়ে করবে। এখনো অবিশিষ্ট সে কিছু ঠিক করেনি, আর ঠিক করার সময়ও এ নয়। তবে মেয়েটির ইচ্ছে যে না আছে এমন নয়। অবস্থার চাপে পড়ে এমন হয়েছে যে, এখুনি বিয়ে হলে ও বেঁচে যায়। আর খুশিও তাতে অমত করবে না। অমত করার কিছু নেই। এমন ভালো মেয়ে, আর তাকে এত সাহায্য করেছে। খুশি ঘাড় মেড়ে সায়েই দেবে। তার ইচ্ছে হোলো, ওকে জড়িয়ে ধরে ওর বুকে মাথা রেখে কাঁদে। তাহলে হয়তো জীবনে যত পাপ করেছে সব চোখের জলে সে মুছে ফেলতে পারবে। তারপর রইল সমুখে পথ। সে পথ যতই এবড়ো খেবড়ো হোক না, দুজনে মিলে তারা সে পথে চলতে ভয় পাবে না। তার মনে হোলো, পুরুষরা যা চায় সবই সে ওর ভিতরে পাবে—শান্তি আর সাহসনা কিছুই কমতি হবে না। এমনিতে সে খুব কমই কথা বলে, কিন্তু ওকে দেখলেই কথা বলবার ইচ্ছা তার বেড়ে যায়! ও যদি মন দিয়ে শোনে, কোনো কথাই বিকলে যাবে না। ওর ঘাড় নাড়া, হাসি, উভয়ের পক্ষে এই তো যথেষ্ট। তাছাড়া ওকে পেলে সত্যিকারের সংসারের মর্ম সে বুঝতে পারবে।

ঠিক এমনি সময় খুশির ভাবনায় বাধা দিয়ে খুদে লক্ষ্মীর ছোট ভাই ছুটে এসে বলল, দিদি, দিদি, বাবা এসেছে।

খুদে লক্ষ্মীর মুখখানা কালো হয়ে গেল। সে দরজা খুলে দিতেই জোরমন্ত ঘরে ঢুকে গেল।

খুশির ঘরে বসে কি করছিলি? বুড়ো জড়ান স্বরে বলল, তার চোখ দুটো ভীষণ লাল।—নিজেকে বেচে বেচে বৃষ্টি আর সাধ মেটে না? অস্বাস্থ্য মাগনা গতরের স্মৃতি করতে যাও খুশির ওখানে? ঢেমনি কোথাকার!

নিজের নাম শুনে খুশি তাড়াতাড়ি বাইরে বেরিয়ে এসে খুদে লক্ষ্মীর পিছনে দাঁড়াল।

কিহে খুশি, জোরমন্ত বুক চিত্তিয়ে সোজা হয়ে দাঁড়াতে চেষ্টা করল, কিন্তু পা তার টলছে; কি হে এখন কি নিজেকে মাছুষ বলে ভাব নাকি? খুবতো মুফাত মজা লুটছ। কি পেয়েছ বল দেখি?

এই বন্ধ মাতালটার সঙ্গে ঝগড়া বাধাতে তার ইচ্ছে ছিল না, কিন্তু রাগ চেপে রাখাও শক্ত হোলো। সে গুমরে মরছিল নিজের দুঃখে, এবার হঠাৎ নাড়া পেয়ে জলে উঠল। সে এগিয়ে গেল; তার কান্নায় কোলা লাল চোখের সঙ্গে সঙ্গে মাতালের লাল চোখ মিলল। মনে হোলো, তাদের ঠোকাঠুকিতে চকমকির মতো আওয়াজ ঠিকরে পড়বে। খুশি বুড়োর ঘাড় ধরে এক ধাক্কা মেরে দূরে ফেলে দিল।

জোরমস্ত উঠোনে গিয়ে ছিটকে পড়ল। আত্মসম্মানবোধ তার চাগিয়ে উঠেছিল, সে এসেছিল খুশিকে গালাগাল দিতে, কিন্তু এখন তার লেশমাত্রও নেই। তার মাতলামোও চলে গেছে, জ্ঞান ফিরে এসেছে। খুশির উপর আবার আক্রমণ করতে তার যে ইচ্ছে ছিল না তা নয়, কিন্তু খুশি তার চাইতে ঢের জোয়ান বলেই সাহস হোলো না। এখন আন্তে আন্তে খেদানো কুকুরের মতো সরে পড়াও মুশকিল। অপমানেরও আর অবধি থাকবে না। কিন্তু কাঁহাতক বসেই বা থাকা যায়। জোরমস্ত গোলে পড়ে গেল। কোনো উপায় না দেখতে পেয়ে সে এবার মুখ ছোটাল।

আমার ছেলেমেয়েকে যদি আমি দুটো গাল মন্দ্র করি তাতে তোর কি? তুই আমাকে মারলি? বেটা বেজন্মা কোথাকার! আচ্ছা, এই মারের শোধ না তুলি তো কি বলেছি!

খুশি জবাব দিল না; সে চূপ করে দাঁড়িয়ে রইল। বেটা কখন আবার লড়তে এগিয়ে আসবে কে জানে! তৈরী হয়ে থাকাই ভালো।

খুদে লক্ষ্মী কি করবে ভেবে পেল না। তার বাবাকে শাস্ত করতে চেষ্টা করা বুঝা; আবার খুশি যে তাকে ঠ্যাঙাবে, দাঁড়িয়ে দাঁড়িয়ে সে দেখতেও পারবে না। অনেক ভেবে সে একটা উপায় খুঁজে বার করল। পাগলের মতো জামার এ-পকেট সে-পকেট হাতড়ে গোটা কয়েক পয়সা বার করে সে তার ছোট ভাইয়ের হাতে দিল। এমনি ছেলেরা কখনো বাপের কাছেও ঘেঁসে না, কিন্তু বাপকে এমন অসহায় অবহায় পড়ে থাকতে দেখে, তার একটু সাহস হোলো।

যাও, এই পয়সা কটা নিয়ে এখান থেকে চলে যাও!

জোরমস্ত হাত পেতে পয়সা কটা নিয়ে টলতে টলতে উঠে দাঁড়াল। তার চোখ দুটো তখনো জ্বলছে। বিড়বিড় করেই সে বলতে লাগল: একটা বাদীর পেট থেকে এই খুদে শয়তানগুলোকে খসিয়ে দেবতার কাছে কি অপরাধই যে করেছে! বেজন্মা বেটারা! একদিন একখানা ছুরি দিয়ে গুয়োরের মতো গলা কেটে তবে আমার শান্তি! উঠোন পেরিয়ে বাইরে যেতে যেতে খুশির দিকে তাকিয়ে চিংকার করে বলে গেল, আচ্ছারে মরদ! ওটা তোলা রইল। বাড়ির বাইরে আর একদিন হবেখন।

জোরমস্ত চলে যেতেই খুদে লক্ষ্মী আর খুশি ঘরে এসে ঢুকল।

কি যে করব জানি না! সে আপন মনেই বলল; ছোট্ট একটা কথায় তার নিরাশা ফুটে উঠল, আবার তার এ-আশাও হোলো, খুশি তাকে বিয়ে করবে। খুশি তাকে বিয়ে করলে আর এমন করে দিন কাটাতে হবে না। খুশির দিক দিয়েও সুবিধেই হবে। ছন্নছাড়া জীবন তাকে কাটাতে হবে না।

খুদে লক্ষ্মী মুখফুটে তার মনের কথা না বললেও খুশি আঁচ করে নিল। কিন্তু খুদে লক্ষ্মী তো আর একা নয়, তার ঐ রোগা লিকলিকে শরীরটার পিছনে আরো অনেক কালো ছায়া সে দেখতে পাচ্ছে। খুদে লক্ষ্মীকে তার ভালো লাগে, কিন্তু তার সঙ্গে ছোট ভাই দুটো আর মাতাল বাপের দায়িত্ব ঘাড়ে নিতে সে পারবে না; এখন ওসব বিষয় চিন্তাও সে করবে না। বাঘিনী এখন আর বেঁচে নেই। বাঁধন ছিঁড়ে গেছে, এখন সে যা খুশি তাই করতে পারে। এত তাড়াতাড়ি বাঁধনে জড়িয়ে পড়বারও তার ইচ্ছে নেই। তাছাড়া বাঘিনী একদিক দিয়ে ছিল মত্ত সহায়; টাকা পয়সার ব্যাপারে সে তাকে খুবই সাহায্য করেছে। খুদে লক্ষ্মী কি শুধু শুধু তার ঘাড়ের উপর বসে গিলবে? না, তা নয়, কিন্তু তার সমস্ত সংসার এসে যে ঘাড়ে চেপে বসবে! বাপ-বেটার তো এক পয়সা কামাবার মুরোদ নেই।

ভালোবাসা-টাসার কথা ছেড়ে দাও। গরীবরা কোনো সমস্যা এলেই ডলার আর সেণ্টের দরেই তাকে যাচাই করে। সামান্য টাকা খাকা বা না খাকার উপরই তাদের ভালোবাসা নির্ভর করে। কি করবে উপায় নেই। ধনীরা শুধে শুধে তাদের এই অবস্থায় এনে ফেলেছে; তাদের জীবন, তাদের সংসারের স্বপ্ন ভেঙে দিচ্ছে। ভালোবাসা এখানে ঠাঁই পায় না, কুঁড়িতেই ঝরে পড়ে। ভালোবাসা বা কামনার ফোটা ফুল যদি দেখতে চাও, ধনীর বাড়ির আবহাওয়ায় দেখে এস। ডলার আর সেণ্টের আবহাওয়ায় কামনার পদ্ম কেমন পাপড়ি মেলেছে স্পেনে!

সে তার জিনিসপত্র গোছাতে শুরু করল।

তুমি কি চলে যাচ্ছ নাকি? খুদে লক্ষ্মীর চোঁট দুটি ছাইয়ের মতো সাদা হয়ে গেছে।

হাঁ, চলেই যাচ্ছি। খুশির মন শক্ত, কিছুতেই সে টলবে না। এই অন্ডায় আর অবিচার-ভরা পৃথিবীতে গরীব যেটুকু স্বাধীনতা ছিনিয়ে নিতে পারে সেটুকু বজায় রাখতে হলে নিষ্ঠুর হতেই হবে। উপায় কি? মন একটু টললেই আবার অদীনতার বেড়ি এসে পায়ে জড়াবে।

খুদে লক্ষ্মী একবার তার মুখের দিকে তাকাল, তারপর মাথা নিচু করে ঘর ছেড়ে বেরিয়ে গেল। খুশিকে সে ঘৃণা করে না, তার উপর রেগেও সে উঠে। কিন্তু তার শেষ আশাটুকুও দপ্ করে নিভে গেল।

বাঘিনীর ভালো পোশাক-আশাক, গহনাগাটি শুদ্ধুই তাকে গোর দেওয়া হয়েছিল। বাড়িতে এখন পড়ে আছে একগাদা পুরনো ছেঁড়া কাপড়-চোপড়। হু-একটা কাঠের বাসন, চীনে-মাটির থালা, হাতা, বেড়ি ঘটিবাটি সংসারের আরো



নানা টুকি-টাকি জিনিস ছড়িয়ে আছে। খুশি জামা-কাপড়ের গাদার ভিতর থেকে দু-একটা একটু ভালো জামা বেছে বার করে একপাশে রেখে দিল। তারপর একটা নিলামওয়ালাকে ডেকে এনে গাদা-করা কাপড়-চোপড়, বাসন-কোসন সব এক সঙ্গে বিক্রি করে দিল। দর-দাম সে করল না। নীলামওয়ালার প্রথম বারে যা বলল, তাতেই সে রাজি হোলো। দরও খুব বেশি নয়—দশ ডলারের কিছু উপরে। সে তাড়াতাড়ি চলে যাওয়ার মতলব করেছে, এইগুলো কোনো-রকমে গছিয়ে দিতে পারলে বাচে! একটার পর একটা লোক ডেকে দর কষাকষি করার তার সময় নেই! নিলামওয়ালার জিনিসপত্র নিয়ে চলে গেল! ঘরে এবার আর খুশির গুটানো বিছানা আর বেছে রাখা কেরকটা জামা ছাড়া কিছু নেই। খুশি বিছানায় গা এলিয়ে দিল—মাদুরটা পর্যন্ত সে বিক্রি করে দিয়েছে। ঘর একেবারে ফাঁকা, কেমন হালকা বোধ হচ্ছে মনে। এতদিন একরাশ জট-পাকানো দড়ি-দড়ায় তাকে বেঁধে রেখেছিল, এবার সে বাঁধন আলগা করে বেরিয়ে এসেছে। এখন সে লম্বা লম্বা পা ফেলে যতদূরে ইচ্ছা চলে যেতে পারে। পাখীর যেন পাখা গজিয়েছে, উচুতে আরো উচুতে, সে উঠবে, নীল আকাশে উড়ে যাবে।

নানা ভাবনা এসে ভিড় করল তার মনে। টেবিলটা নিয়ে গেছে, কিন্তু পায়ের দাগগুলো মেঝের উপর স্পষ্ট দেখা যাচ্ছে, ময়দার মতো মিহি ধুলো জমে আছে—দাগগুলো দেখে শহরের চৌকো মিনারটার কথা মনে পড়ে যায়। ধুলো দেখে তার মনে হোলো, এরই ভিতরে সেদিনও সে বেঁচে ছিল, স্বপ্নের মতোই। সে চলে গেল। সে ভালো ছিল কি মন্দ ছিল তা নিয়ে আজ মাথা ঘামাবার দরকার নেই—কিন্তু তার স্মৃতি তো মনে থাকবেই। তার স্মৃতি, এই সংসারের স্মৃতি একেবারে মুছে নিশ্চিহ্ন করে ফেললে সে কি নিয়ে বাঁচবে? উঠে বসে সে একটা সিগারেট বার করল।

সিগারেটের সঙ্গে সঙ্গে পকেট থেকে দশ সেন্ট বেরুল। সে পকেট হাতড়ে দেখল, আরো কিছু বেরোয় কিনা! এই কদিন সে টাকার হিসেব রাখেনি—রাখবার সময় পায়নি। পকেট থেকে সে সমস্ত টাকাকড়ি বার করল। রূপোর কটা ডলার, দশ-সেন্টের কয়েকখানা নোট, কিছু পয়সা। সে গুনতে শুরু করল। বিশ ডলারও হবে না। তাছাড়া সব জিনিসপত্র বেচে পেয়েছে দশ ডলারের কিছু বেশি—সব মিলিয়ে তিরিশ ডলারের উপরে অকটা উঠেছে। এই তার পুঁজি।

টাকা সে বিছানার এক ধারে সাজিয়ে রেখে তার দিকে চেয়ে রইল। কাদবে কি হাসবে সে বুঝতে পারল না, ঘর ফাঁকা—জিনিসপত্র নেই, নেই লোকজন...

শুধু এই কটা টাকা পড়ে আছে। তার জীবনের সম্বল এই কটা টাকা—বিষ মাখানো টাকা। সে কি করবে এখন ?

একটা দীর্ঘনিশ্বাস তার বুকে ঠেলে উঠল। হ্যাঁ, একটা পথই শুধু খোলা আছে ? সে টাকাগুলো পকেটে রাখল, পোশাকগুলো আর বিছানার মোটটা তুলে নিয়ে খুদে লক্ষ্মীর ঘরে গেল।

এই পোশাকগুলো তুমি পোরো। আর এই বিছানার মোট দু-চার দিনের জন্ত রেখে গেলাম। আমি একটা রিক্সার আড়ার সন্ধান খুঁজে পেলোই এসে নিয়ে যাব।

খুদে লক্ষ্মীর মুখের দিকে তাকাতেও তার সাহস হোলো না। এক নিশ্বাসেই সে কথাগুলো বলে ফেলল।

খুদে লক্ষ্মী মুখে অস্ফুট শব্দ করে, রাজি হোলো, কিন্তু কোনো কথা বলল না।

খুশি একটা আস্তানা ঠিক করে বিছানার মোটটা নিতে এল। খুদে লক্ষ্মী বিছানার মোটটা তাকে দিয়ে ঝরঝর করে কেঁদে ফেলল, খুশি যে কি বলবে কিছুক্ষণ ভেবেই পেল না, তারপর বহু কষ্টে সে একটা কথা বলল।

কটা দিন সবুর কর—আমি একটু থিতু হয়ে নি,—তখন তোমাকে নিতে আসব, নিশ্চয়ই নিতে আসব।

খুদে লক্ষ্মী মাথা নাড়ল, কোনো কথা বলল না।

খুশি একদিনই বিশ্রাম করে নিয়ে আগের মতোই রিক্সা চালাতে শুরু করল। সোয়ারি নেবার জন্তে আগে যেমন অস্থির হয়ে উঠত, এখন আর তা হয় না। তাই বসে বসে থাকতেও সে রাজি নয়। এমনি করে দিনের পর দিন কেটে গেল, একমাস হয়ে পেল। উৎসাহ তার নেই, কিন্তু কাজে বিরক্তিও আসে না—এ-যেন কেমন এক ব্যাপার ! তার মন এখন স্থির, শান্ত মুখখানা একটু ভারেছে, কিন্তু আগের মতো নয়। রংও আগের মতো লালচে নয় ; কেমন ফ্যাকাশে মেরে গেছে, কিন্তু শুকিয়ে সে যায়নি। চোখদুটো তার উজ্জ্বল, কিন্তু ভাবাবেগ বা সহানুভূতির বালাই সেখানে নেই, সব সময়েই অফুরন্ত উৎসাহে টলছে, কিন্তু কোনোদিকে ফিরে তাকাবার তার ইচ্ছে নেই। সে যেন একটি গাছ, ঝড় থেকে বেঁচে গিয়ে এখন শান্তভাবে তার ডালপালা সূর্যের দিকে বাড়িয়ে দিয়েছে ; নড়তে চড়তে ভয় পাচ্ছে। আগেও আড্ডা দিতে সে ভালোবাসত না, এখন তো মুখই সে একরকম খোলে না। আবার দিনগুলোয় গরমের আমেজ দেখা দিয়েছে, উইলো গাছে কচি সবুজ পাতায় ভরে গেছে। এখন কাজ থাকে না, রিক্সা রেখে রোদে মুখ করে বসে বসে বিমোয়। ঠোঁট দুটো নড়ে ওঠে, বিড়বিড় করে কি যেন বকে। তারপর হঠাৎ সজাগ হয়ে মুখখানা সূর্যের দিকে তুলে ধরে, আলো এসে পড়ে তার মুখে ; আবার বিমোতে শুরু করে। এমনি করেই কেটে চলে তার জীবন। কারো সঙ্গে পারতপক্ষে কথা কয় না।

হাঁ, সিগারেট খাওয়াটা সে বেশ রপ্ত করে ফেলেছে। যখনই সে কোথাও রিক্সা রেখে জিরোয়, তার হাত অজান্তে পাপোষের নিচে চলে যায়। সেইখানেই সে তার সিগারেটের বাক্স লুকিয়ে রাখে। সিগারেট বার করে ধরায়, ধোঁয়া ছাড়ে, খোসবাই নাকে গিয়ে লাগে; ধোঁয়ার কুণ্ডলী ঘুরতে ঘুরতে উপরে ওঠে। খুশি তাকিয়ে তাকিয়ে দেখে, ষাড় নাড়ে। যেন সিগারেটের ধোঁয়ার এই উর্ধ্ব গতি তার কাছে বিশেষ বাণী নিয়ে এসেছে, তাকে পথের নির্দেশ দিচ্ছে।

বিশ্রামের পর আবার সে রিক্সার হাতলহুটো তুলে নেয়। এখনো সে বেশির ভাগ রিক্সাওয়ালায় চাইতে জোরে দৌড়তে পারে, কিন্তু অমন প্রাণ দিয়ে দৌড়বার কোনো মানেই নেই। ঝাঁক ঘুরতে বা উপর নিচে করতে হলে এখন সে অতিমাত্রায় সাবধান হয়ে যায়। অথচ কোনো রিক্সাওয়ালা তার সঙ্গে পাল্লা দিতে চায়, সে বিরক্ত হলেও তাকে আমোলই দেয় না। মাথা নিচু করে আগের মতোই ছুটেতে থাকে।—রিক্সা টানার ব্যাপারটার উপর তার বিরক্তি ধরে গেছে। তার আর এ সম্বন্ধে মোহ বলতে কিছু নেই। এর থেকে মান কুড়োবার তার ইচ্ছে নেই।

আন্তানায় এবার বহু মিতাও সে জুটিয়েছে। কথা বলতে সে চায় না, পারে না, কিন্তু বোকা কাক হলেও নিজের ঝাঁকের সঙ্গেই সে উড়তে চায়। আগের মতো কুনো হয়ে বসে থাকতে সে পারে না। কুনো হয়ে বসে থাকলে যে তার নিঃসঙ্গতা আরো অসহ্য হয়ে উঠবে! তাই সে এসে সাঙাংদের ভিতরে বসে তাদের গল্প-গুজব শোনে। পকেট থেকে সিগারেট বার করে বিলোয়, বাক্সে একটা সিগারেটই হয়ত আছে, সবাই হাত বাড়িয়ে আছে নেবে বলে—সে অপ্রস্তুত হয়ে বলে, ষাই, কিনে নিয়ে আসি।

সবাই যখন জুয়া খেলতে বসে, তখন সে চলে যায় না। পুরনো দিনে তাই-ই করত, কিন্তু এখন সে বসে তাদের খেলা দেখে, কখনো বা দু-এক দান খেলে, হার কি জিত হোলো গ্রাহ্য করে না। সে যে তাদের দলেরই একজন এই কথাই সবাইকে জানিয়ে দেয়। তারা ষাই-ই করুক না কেন, তাদের সে ঘেরা করতে পারে না। সে তো জানে, সারাদিন খেটে-খুটে হয়রান হয়ে এসে একটু-আধটু হুতি না করলে চলবে কেন? অন্তত কিছুক্ষণের জন্তে তো দুশ্চিন্তার বোঝা নামিয়ে রেখে স্থখী হতে পারবে!

ওরা মদ খেলে সেও মদ খায়। কিন্তু খুব বেশি নয়। আড্ডার সবার জন্তে আর এক পাত্র করে মদ আর মাংসের টাঁকা বার করে দেয়। অথচ এই ব্যাপারগুলো সে আগে ঘেরাই করত, এখন কেমন মজা লাগে, খুশি মনে ঘনিয়ে আসে। তার নিজের পথ বন্ধ হয়ে গেছে, সে এখন স্বীকার না করে পারে না যে, তার ভাই-বেয়াদাররাই ঠিক কাজ করেছে। সে নিজেকে শুধু বঞ্চিতই করেছে, কিন্তু

কি হোলো তার ফল? যখন তার সাঙাতদের মধ্যে কারো পরিবারে বিয়ে হয় বা কেউ মারা যায়—সে তার চাঁদা দিতে একটুও দেবী করে না। অথচ আগে সে এসব সামাজিক ব্যাপার নিয়ে মাথাই ঘামাত না। এখন সে বুঝতে পারে যে, সমাজে থাকতে হলে এ সাহায্যটুকু তাকে করতেই হবে। শুধু টাকা দিয়েই খালাস সে হয় না, নিজেকে তত্ত্ব-তালাসি করে। এ এক সামাজিক দায়িত্ব। মানুষের সঙ্গে মানুষের বান্ধন এতে শক্ত হয়। এইসব সামাজিক ব্যাপারে, হয় লোকে হাসে, নয়তো কাঁদে, অকারণ হল্লা ছল্লোড় কেউ করে না—তাই তো একে খাটি বলেই তার মনে হয়েছে।

তিরিশ ডলার এখনো সে ছোঁয়নি। একটা সাদা কাপড়ের টুকরো জোগাড় করে নিজেকে ছুঁচ স্ততো দিয়ে একটা খলি তৈরী করে তারই ভিতরে টাকা-কটা পুরে মুখ সেলাই করে দিয়েছে। তারপর থলেটাকে গোপনে একটা জায়গায় রেখেছে, টাকা খরচ করতে সে চায় না, আবার পুঁজি বাড়াবারও তার লোভ নেই। নতুন রিক্সা কেনার কথা এখন তার মনেও হয় না। কখন কি দুর্ভাগ্য এসে দেখা দেয়, বলা তো যায় না। তাই টাকাটা রেখেছে—দুর্ভাগ্যের জন্তে তৈরী হয়ে আছে। রোগ, হঠাৎ একটা দুর্ঘটনা, কি আর কিছু—যে কোনো মুহূর্তে আসতে পারে। তৈরী হতে হবে বইকি। মানুষ তো আর লোহা দিয়ে তৈরী নয়। একথা এখন সে বুঝতে পেরেছে।

এমনি করেই কেটে চলল তার দিন। শরতের শুরুতেই সে একটা মাস-মাইনের কাজ পেল! অত্বে যে সব মাস-মাইনের কাজ সে আগে করেছে, তার চাইতে এ কাজটি অনেক ভালো। খাটুনি খুব কম। খাটুনি কম না হলে, একাজ সে নিতাই না। সে এখন ভালোমন্দ বিচার করতে শিখেছে, বাছতে শিখেছে, এখন আর মাস-মাইনের কাজের জন্তে সে তত উৎসুকও নয়। কাজ মনের মতো না হলে তার চাইতে সদর শড়কে দাঁড়িয়ে রিক্সা টানা ঢের ভালো। সে জানে, তার স্বাস্থ্যের দাম ঢের বেশি। একজন বেশি খাটলে এমনই বা কি লাভ—শুধু নিজেকে মেরে ফেলা ছাড়া তো কোনো উপকারই হয় না। সেও তো আগে অমনিই খাটত। কিন্তু এখন ঠেকে শিখেছে, সে বুঝেছে যে, একটু চালাক চতুর না হলে চলবে না। জীবন তো আর একশট। নয় একটাই।

এবার সে যেখানে কাজ পেল সে-পাড়াটা মিলন মন্দিরের কাছে। কতীর নাম চিয়া। পঞ্চাশের উপর তার বয়স; জ্বী আর গুটি বারো তার ছেলেমেয়ে আছে। লোকটি খুব বিদ্বান, আদব-কায়দা দুবস্ত। কিছুদিন হোলো দ্বিতীয়বার বিয়ে করেছে। এখমো আগের জ্বী আর ছেলেমেয়েদের জানায় নি। নিরালা

পাড়ায় এসে দ্বিতীয় পক্ষের স্ত্রীকে নিয়ে ছোটখাটো সংসার পেতে বসেছেন। বাড়িতে তাছাড়া আছে একটি বি আর এবার খুশি রিক্সাওয়ালা হিসেবে এস।

খুশির কাজটা খুবই পছন্দ হোলো। বাড়িতে একটা উঠোন আর ছ'টা ঘর। চিন্নারা স্বামী-স্ত্রী তিনটে ঘর দখল করে বসেছেন। একটা আছে রান্নাঘর, আর দুটোয় চাকর-বাকরদের থাকবার জায়গা। উঠোনটা ছোট, দক্ষিণের দেয়াল ঘেঁসে একটা ছোট্ট খেজুর গাছ, গোটাকয়েক আধপাকা ফল বুলে আছে। খুশি উঠোনের এধার থেকে ওধার একমিনিটেই ঝেঁটিয়ে সাফ করে ফেলল। কি সহজ কাজ! ফুল গাছ বা ছাঁটাই করা ঘাস নেই যে জল দিতে হবে। শুধু তার ইচ্ছে হোলো, খেজুর গাছটাকে একটু যত্ন করে, ওর বাঁকা চোরা-গুঁড়িটাকে একটু ঠেকনা দিয়ে সোজা করে দেয়। “কিন্তু গাছের হয়তো ধরনই এই—এই ভেবে সে কিছুই করল না।

অল্প কাজগুলোও খুবই সামান্য। শ্রীযুক্ত চিয়া অফিসে কাজ করতে বেরিয়ে যান, ফেরেন সেই সন্ধ্যায়, খুশি তাকে অফিসে পৌছে দেয় আবার নিয়ে আসে। আর তাকে বেরতে হয় না। কত'া যেন পুলিশের নজর এড়িয়ে এখানে গোপনে লুকিয়ে আছে বলেই তার মনে হয়। কত'া দুপুরটা বাইরে বাইরে ঘোরেন, কিন্তু ঠিক চারটের সময় বাড়ি ফিরে আসেন। খুশি তখন মনিবকে আনতে অফিসে ছোটো। অফিস থেকে মনিবকে নিয়ে বাড়ি ফিরলেই তার কাজ একরকম শেষ হয়েই গেল। কত'াও বেশির ভাগই পুবের চকে বাজার করতে যান, কোনোদিন বা মধ্য পাহাড়ের পার্কে বেড়াতে গেলেন। বাজারে বা পার্কে পৌছে দিয়ে খুশি বহুক্ষণ বিশ্রাম করে। এমন কাজ তো খুশির কাছে খেলা!

কত'া কিন্তু বড় রূপণ, আঙুল দিয়ে জল গলে না। এক পয়সা এদিক-ওদিক হবার উপায় নেই। আর কেমন অদ্ভুত ধরনের লোক যেন। অফিসে যাবার বা ফিরে আসবার সময় রাস্তার দিকে একবার চোখ তুলেও দেখেন না। ঘাড় গুঁজে বসে আছেন তো আছেনই। ওঁর কাছে সমস্ত রাস্তাটাই বুঝি ফাঁকা মনে হয়! যেন দোকান-পাট, লোকজন কিছুই নেই!

কত'া কিন্তু একেবারে আলাদা; হাতও বেশ দরাজ, দুদিন কি তিনদিন অন্তর জিনিসপত্র কিনতে যান। রাশি রাশি জিনিস কিনে নিয়ে ফেরেন। যে জিনিস তার পছন্দ হয় না চাকরদের দিয়ে দেন; যখন নতুন জিনিস কিনতে যান, পুরনো জিনিস চাকরদের বিলিয়ে দিতে ভোলেন না। মনিবের কাছে নতুন জিনিস কেনবার টাকা আদায় করতে গিয়ে তিনি সাফ অস্বীকার করে বলেন যে, ঘরে সেইসব জিনিস রয়েছে। কত'ার এইই বরাত! তিনি খেটে-খুটে রোজগার

করেন, উপরওয়ালাকে সেলাম চোঁকেন, আর তার সেই রোজগার করা টাকা তার উপপত্নীটি নয়ছয় করে দেয়! তা উপপত্নীকে তো খানিকটা তাগদ আর রোজগার করা টাকা দিতেই হবে—তা না হলে সে শুনবে কেন? এ ছাড়া তার আর কোনো কাজ নেই।—লোকের কাছে শোনা যায়, তার আগের বোঁ আর ছেলে মেয়েরা পাওতিং-এ থাকে, এমনও হয় তিনি তাদের চার-পাঁচ মাস একটা পয়সাও পাঠান না।

খুশির কতর্ককে ভালো লাগেনি। পিঠ সব সময়েই কুঁজিয়ে আছে, মাথাও ঝুঁকে পড়ছে বুক গলাটা দেখবারও উপায় নেই। সমস্ত পৃথিবীর কাছেই যেন চোর বনে আছেন। মুখ কখনো তোলেন না, কথাও বলেন না, টাকাকড়ি ব্যয় করতেও নারাজ। হাসতে সে তাকে কখনো দেখেনি। রিক্সায় গিয়ে যখন বসেন মনে হয় যেন একটা রোগা বাদর বসে আছে। কখনো যদি একসঙ্গে দুটো কথা বলে ফেলেন, দুটো গালাগাল ছাড়া কিছু নয়—এমন লোকের উপর মন বিষিয়ে উঠবে না তো কার উপর উঠবে? খুশি এমন লোককে পছন্দ করে না। কিন্তু কাজ হচ্ছে কাজ! যতক্ষণ পর্যন্ত মাসে মাসে সে মাইনে পাচ্ছে, ওসব নিয়ে সে ভাবতে যাবে কেন? তাছাড়া কত্ৰীর খুব দরাজ হাত, চাকরদের সঙ্গে ব্যবহারও করেন ভালো। মাঝে মাঝে ভালো খাবারও খেতে তিনি দেন, কিছু বকশিশও তারা পায়। এই তো যথেষ্ট! তবে হ্যাঁ, কতর্ক লোকটা হুবিধে নয়! তা কি হবে? রিক্সা যখন সে টানবে, তখন মনে করলেই হবে, সে একটা মায়াদয়াশূল্য বাদরকে টেনে নিয়ে চলেছে!

আর কত্ৰী? মেয়ে মানুষটি দিল খোলা, মাঝে মাঝে দুচার পয়সা বকশিশও দেয়। কিন্তু তাই বলে খুশির তাকে ভালো লাগে না। খুদে লক্ষ্মীর থেকে দেখতে ভালোই, আর সারাফণে গায়ে গন্ধ মেখে, ভালো ভালো সাটিন আর সিকের জামা পরে যেমন সেজেগুজে থাকে, তাতে খুদে লক্ষ্মীর সঙ্গে তুলনা করা চলে না। অতো নাকমুখ ভালো, মুখখানাও খাসা—কিন্তু তবু যেন কেমন বাঘিনীরই আদল আসে। খুশি এ নিয়ে বহু মাথা ঘামিয়েছে, কিন্তু ঠিক বুঝতে পারেনি। হয়তো তার সারা শরীরে এমন একটা কিছু আছে, যা বাঘিনীর কথাই বার বার মনে করিয়ে দেয়। না, সাজ পোশাক নয়, চেহারাও নয়, চলার ভঙ্গিতেই কেমন একটা ছেনালি ভাব ফুটে ওঠে। খুশি ঠিক বুঝিয়ে বলতে পারবে না, কিন্তু তার ঐ কথাই বার বার মনে হয়। সে জানে, এই মেয়ে মানুষটা আর বাঘিনী একই ধরনের লোক—একই জাতের মাল। কত্ৰীর বয়স বেশি নয়—টেনেটুনে বাইশ কি তেইশ হবে—কিন্তু ভাব দেখে মনে হয় পুরনো পাকা শিকারী। নতুন বিয়ে হওয়া বোয়ের মতো তাকে দেখায় না। সে হবে কত লাজুক, বাপের বাড়ি ছেড়ে

এসেছে বলে পদে পদে ঘাবড়ে যাবে। কিন্তু এ মেয়েমাহুঘটি মোটেই তা নয়। সে যেন বাঘিনীর মতোই, কোনোদিন যে লাজুক মেয়ে সে ছিল তাকে দেখলে বোঝা যায় না। চূলে কেয়ারি করেছি দেখ না! পায়ে দিয়েছে খুব তোলা জুতো, আঁটা জামার ভিতর দিয়ে দেহের প্রতিটা রেখা স্পষ্ট হয়ে উঠেছে।

যতই সাজগোজ সে করুক না, খুশিও বুঝতে পারল, এ-মেয়ে বিয়ে করা বোয়ের মতো মোটেই নয়। কিন্তু গাইয়ে মেয়েদের দল থেকে সে আসেনি। খুশি বুঝতে পারল না, মেয়েটা কি চায়, কিন্তু সাবধান হোলো। সে বুঝতে পারল একে ভয় করেই তাকে চলতে হবে—যেমন আগে আগে বাঘিনীকে ভয় করেই সে চলত। কিন্তু বাঘিনীর এমন যৌবন ছিল না, এমন চটকদার চেহারাও ছিল না তার। খুশি আরো ঘাবড়ে গেল। মেয়েটা যেন সমস্ত বিপদ-আপদ আর বিষ তার শরীরে জমিয়ে রেখেছে, নষ্ট মেয়েরা নাকি এমনই রাখে। তার মুখের দিকে তাকাতেও খুশির ভয় হোলো।

কয়েক হপ্তা কাজ করবার পর তার ভয় আরো বেড়ে গেল। মনিবের রকম-সকম দেখেই তার ভয় হোলো। খুশি কতটাকে পয়সা খরচ করতে খুব কমই দেখেছে, কিন্তু একটা জিনিস তিনি প্রায় রোজই বাড়ি ফেরবার পথে ডাক্তারখানা থেকে কিনে আনেন। সে ওষুধটা যে কি খুশি জানে না। কিন্তু ওষুধ আনবার পরই স্বামী-স্ত্রী তিন-চার দিন বেশ ফুটিতে কাটায় এটা সে লক্ষ্য করল। যে কতটা একটা বড় হাই তুলতে বা নিশাস নিতে পারেন না, তাকেও যেন বেশ ছোকরা বলে মনে হয়। তিন চার দিন পরে আবার কিন্তু যে কে নেই। তেমনি পিঠ কুঁজিয়ে গেছে, মাথা ঝুলে পড়েছে। এ যেন পথ থেকে জ্যান্ত মাছ কিনে নিয়ে আসা আর কি। মাছটাকে প্রথম কলসীতে ছেড়ে দিলে, খুব উৎসাহের সঙ্গে মাছটা সাঁতরে বেড়াল, জল ছিটিয়ে দিল গায়ে, তারপর একেবারে চূপ মেরে গেল। যখন চিয়াকে সে মরা মাছের মতো রিক্সায় বসে থাকতে দেখে, তার মনে হয় আজ আবার ডাক্তারখানায় তিনি যাবেন। বুড়ো চিয়ার উপর তার এমনিতে একটুও মায়া হয় না, কিন্তু ডাক্তারখানায় ওষুধ আনতে গেলে তার এই গুটিকো বাদবটার জন্তে একটু মায়া হয় বইকি। আঁহা বেচারী, ওষুধ খেয়ে তাগদ রাখছে। কতটা ওষুধের পুরিষাটা নিয়ে বাড়িতে এসে ছুটতে ছুটতে গিয়ে ঘরে ঢোকেন। আবার দু-তিনদিন ফুটি চলে। মেয়েটাকে তখন দেখলে তার বার বার বাঘিনীর কথাই মনে পড়ে। মরা মাহুঘকে সে অসম্মান করতে রাজি নয়, কিন্তু বুড়ো আর নিজের দিকে তাকিয়ে অজ্ঞান হয়ে তার মনে বাঘিনীর মুখখানা ভেসে উঠে, ঘোঁরাই গা কাঁটা দিয়ে ওঠে। তার শরীরটা এখনো থকল সামলে উঠতে পারেনি, আর তার কারণ তো একমাত্র বাঘিনী।

সে ঠিক করল, এ চাকরি সে ছেড়ে দেবে। কিন্তু আবার মনে হলো,  
এর জন্তে চাকরি ছাড়া তো বোকামি। তার নিজের কাজের সঙ্গে তার কোনো  
সম্বন্ধই নেই। সে নিজেই বিড় বিড় করে প্রশ্ন করল :

কেন, কেন আমি অগ্নির ব্যাপার নিয়ে মাথা ঘামান ?



## একুশ

বাজারে চন্দ্রমল্লি ফুল ওঠেছে, কর্ত্রী চারটে টব কিনে নিয়ে এলেন। ইয়াঙ-মা—বাড়ির ঝি একটা টব ভেঙে ফেলতেই কর্ত্রী গালাগাল শুরু করলেন। ইয়াঙ-মা পাড়ারগাঁ থেকে এসেছে; ফুল আর ঘাসের যে এত আদর—সে জানে না। কিন্তু পরের জিনিস তো ভেঙেছে, তা সে দামী হোক চাই না হোক—এই ভেবেই সে টু শব্দটি করতে সাহস করল না। কিন্তু কর্ত্রীর মুখ তাতেও খামল না,—তিনি তাকে গৈয়ো ভূত, অসভ্য এইসব বলে গালাগাল দিতে শুরু করলেন। ইয়াঙ-মা এবার আর রাগ চেপে রাখতে পারল না, মুখে মুখে জবাব দিল। গৈয়ো লোকের মুখ ছুটলে কি যে বলে না বলে তার ঠিক নেই, একেবারে পাড়া-গাঁর যত বুলি ছিল সব সে একে একে কর্ত্রীর দিকে ছুঁড়ে মারল। কর্ত্রী আরো রেগে গিয়ে এবার গালাগাল দিয়ে তাকে বিছানা-পত্র গুটিয়ে নিয়ে চলে যেতে হুকুম দিলেন।

খুশি গোড়া থেকে শেষ পর্যন্ত চুপ করে রইল, ঝগড়া মিটিয়ে দেওয়ার কোনো চেষ্টাই করল না।—তার মুখে কথাই সরে না—ঝগড়া থামাবে কি? তার উপরে ঝগড়া করছে দুজন স্ত্রীলোক—এখানে থামাতে যাওয়ার বিপদ আছে। তারপর ইয়াঙ-মা যখন বলেছে যে, হাজারটা নাগর কর্ত্রীর আছে, তারা তার শরীরটা নিয়ে চটকেছে, আদর করেছে—তখন কি আর কোনো আশা আছে? চাকরি থেকে বরখাস্ত সে হবেই। অস্তিত্ব ব্যাপার দেখে তাই তো বোঝা যাচ্ছে। আর ইয়াঙ-মার চাকরি গেলে তার চাকরিও খতম হয়ে যাবে। কর্ত্রীর গোপন খবর জানে, এমন চাকরকে তিনি রাখবেন কেন?

ইয়াঙ-মা চলে গেলে খুশি সব সময়েই তৈরী রইল; কখন তার চাকরি যায় কে জানে! নতুন একটা ঝি এলেই হয়তো তাকে বিছানা-পত্র গুটোতে হবে। কিন্তু সে জন্তে তার চিন্তা নেই। সে কত চাকরি করল, ছেড়ে এল—তার আবার হুচিন্তা কি? তার অভিজ্ঞতা তাকে এসব বিষয়ে উদাসীন হতেই শিখিয়েছে। একটা সামান্য ব্যাপারে মন খারাপ করলে তো চলবে না।

কিন্তু সে যা আশা করেছিল, ঘটল না। ইয়াঙ-মা চলে গেলে কর্ত্রী হঠাৎ খুশির উপরে খুবই সদয় হয়ে উঠলেন। ঝি তো এখন আর নেই, তিনি নিজেই আজকাল রান্না করেন। খুশিকে দিয়ে বাজার থেকে তরি-তরকারি কিনে

আনান। বাজার করা হয়ে গেলে কি করে তরকারি কুটতে বা ধুতে হয়, সে সব তিনি খুশিকে দেখিয়ে দিলেন। খুশি যখন তরকারি কোটে, তিনি মাংস বা ভাত রাঁধেন। হাতা দিয়ে হাড়ির ভিতরে মাংস নাড়তে নাড়তে খুশির সঙ্গে কত গল্প করেন। সাজ-পোশাকেরই বা \* কি ঘটা। রাঁধতে তো এসেছেন, কিন্তু পরনে বেগনে রঙের সিন্ধের জামা, হালকা রঙের পায়জামা; এমন কি পায়ে পর্যন্ত সাটিনের লাল কাজ-করা চটি—হাটলে কেমন মিষ্টি একটা শব্দ ওঠে। খুশি বেকির উপর বসে বসে গোদা গোদা অনভ্যস্ত হাত দিয়ে খোসা ছাড়ায়; একবার চোখ তুলে তাকিয়ে দেখতেও তার সাহস হয় না। তার গায়ের স্বেদ নরকে এসে লাগে, মাঝে মাঝে আড়-চোখে না তাকিয়েও সে পারে না। ভোমরা যেন মধুর গন্ধে ফুলের, কাঁছে উড়ে যায়, তার চোখ দুটোও তেমনি ছুটে যায় কর্তীর দিকে।

অথচ খুশি মেয়েদের চেনে, কি সাংঘাতিক হতে পারে তারা সে জানে। পুরুষকে তারা কি দিতে পারে সে সম্বন্ধে তার জ্ঞান টনটনে। মেয়েদের সম্বন্ধে ভয় পাইয়ে দেওয়ার পক্ষে এক বাধিনীই তো যথেষ্ট। আবার মেয়ে না হলে পুরুষের চলে না এ কথাটাও বাধিনী তাকে শিখিয়েছে। আর এই মেয়ে-মাহুষটি তো বাধিনীর থেকে হাজারো গুণে বেশি কাম্য। খুশি একবার আড় চোখেই তাকিয়ে দেখল। যদি সত্যিই বাধিনীর মতোই এর স্বভাব চরিত্র হয়—তবু বাধিনীর থেকে অনেক, অনেক উচু দরেরই মেয়ে সে। বাধিনী এর কাছে দাঁড়াতেই পারত না।

দু-বছর আগে খুশি কর্তীর দিকে সাহস করে তাকাতেই পারত না। কিন্তু আজ সে তাকাতে পারে। সংসারের বালাই সে চুকিয়ে দিয়েছে। মেয়েদ-ফাঁদে সে তো পড়েছিলই, তাছাড়া মাংসের ঘে-স্বাদ সে পেয়েছে তাতো আর ভুলতে পারবে না। দ্বিতীয়ত সে এখন রিক্সাওয়ালাদেরই একজন হয়ে উঠেছে, ঠিক তাদের সঙ্গে নিজের জীবনকে খাপ খাইয়ে নিয়েছে। অল্প রিক্সাওয়ালারা যা উচিত বলে মনে করে, সেও তাই করে। নিজেকে সে এতদিন ঠিকিয়ে সংযমী হয়েছিল, তার ফল তো সে হাতে হাতে পেয়েছে। অল্প রিক্সাওয়ালাদের এতদিন নিজের থেকে অনেক নিচুই সে ভাবত, কিন্তু এখন দেখছে তা ভুল। তাই সে ঠিক করেছে, অল্প রিক্সাওয়ালাদের মতো খাটি রিক্সাওয়ালাই হবে। তাদের হুবহু নকল না করুক, ভিড়ে মিশতে হবে। তাছাড়া পথ বন্ধ।

যারা গরীব, যারা খেটে খায়, তারা একথা স্বীকার করবেই যে, মুকোত কিছু পেনে তারা কিছুতেই তা ছেড়ে আসবে না। কেন না, এমন স্বযোগ তো তাদের ভাগ্যে খুব কমই জোটে। খুশিই বা অমন সস্তা মাল ছেড়ে দেবে

কেন? মেয়ে মানুষটির দিকে তাকিয়েছে তো হয়েছে কি? সে তো আরো পাঁচটা মেয়ের মতোই, আর যদি কিছু করতে ইচ্ছে থাকে, খুশিই তাকে আটকাতে পারবে? অবিশিষ্ট, সে বিশ্বাস করে না যে, তার কত্ৰী অতটা নীচে নামবে, ধর সে যদি হঠাৎ নেমেই বসে? যদি তার দিক থেকে কোনো সাড় না পাওয়া যায়, খুশি কিছু করতে যাবে না; কিন্তু সে যদি হঠাৎ তার ইচ্ছেটা ওকে জানিয়ে দেয়, তখন খুশিও চুপ করে বসে থাকবে না। ঠি ব রাজি হয়ে যাবে। কেন, এরই মধ্যে দু-একটি ইসারা কি আর ও করেনি? তাই যদি না হবে, তাহলে ইয়াঙ-মাকে জবাব দিল কেন? খুশিকেই বা রান্না ঘরে এনে রান্না-বাগ্নার সাহায্য করতে বলল কেন? রাঁধতে তো এসেছে, গায়ে অত গন্ধ মাখাই বা কেন?

খুশি এর থেকে কোনো সিদ্ধান্তে এসেই পৌঁছতে পারল না। আশাও তার এমন কিছু নেই, কিন্তু মনে একটা সন্দেহ জেগেই রইল। কামনার প্রথম শিহরণও সে বোধ করল দেহে। সে যেন ঘুমিয়ে ঘুমিয়ে এক সুন্দর অবাস্তব স্বপ্ন দেখছে: সে জানে এ স্বপ্ন, তবু ঘুমিয়ে ঘুমিয়ে স্বপ্নই দেখতে চায়, আশা নেই তবু আশা হয়, এ স্বপ্ন তার ভাঙবে না। তার ভিতরে উষ্ণ জীবন জেগে উঠছে, তাকে জোর করে স্বীকার করিয়ে নিচ্ছে যে, সে অপদার্থ। কিন্তু কি সে করবে, এই অক্ষমতায় সে আনন্দ পাচ্ছে—হয়তো পরে আসবে ভীষণ বিপদ, কিন্তু কে গ্রাহ করে?

কামনার এই অক্ষুট কিসকিসানি তার সাহস বাড়িয়ে দিল, বুক জলে উঠল আগুন। কেন, এতে নিজেকে সত্তা করবার কি আছে? কেউ কারো কাছে নীচু হবে না: দেহের কামনা তো সব মানুষেরই আছে।

আবার পর মুহূর্তেই ভয় এসে তার মন জুড়ে বসল, সঙ্গে সঙ্গে এল বুদ্ধি এবার কামনার আগুন নিবু নিবু হয়ে এল, তার মনে হোলো, এখান থেকে একছুটে সে পালিয়ে যাবে। এখানে থাকলে আছে বিপদ, আছে ভোগান্তি, এই পথে চলে নিজেকে বোকা বানাতেও সে চায় না।

এক একবার সে গরম হয়ে উঠল, পর মুহূর্তেই ভয়ে কঁকড়ে গেল। তার যেন ম্যালেরিয়া হয়েছে, একবার কাঁপিয়ে জ্বর আসছে, আবার চলে যাচ্ছে—এমনি অবস্থা। বাধিনী তাকে বিপদে ফেলেছিল, তার চাইতেও সাংঘাতিক, তার চাইতেও এই বিপদ। তখন সে কিছুই জানত না, একটা খুদে মোমাছির মতো প্রথম সাহস করে বেরিয়ে এসে সোজা হুজি মাকড়সার জালে জড়িয়ে পড়েছিল; কিন্তু এখন সে বুঝতে শিখেছে, সাবধান হতে সে জানে, আবার সাহস করে এগিয়ে গিয়ে ফাঁদে পা দিতেও পারে। এ এক অদ্ভুত ব্যাপার। তার পিছলে

পড়ে যেতে ইচ্ছে করছে, ডুবতে সে চায়, অথচ পড়বার ভয়েও সে অস্থির।

আর একজনের দ্বিতীয় পক্ষের স্ত্রী, নাম-না-লেখানো এই বেগুটাকে ছেড়ে যেতেও মন তার সরছে না। খাসা চেহারা। তাকে কাছে টেনে এনে আদর করাই যেন সব, আবার যেন কিছুই নয়। সে নিজেকে জানে তার এই বিচিত্র মনের জগ্রে নিজের কাছেই তাকে জবাবদিহি করতে হবে, কিন্তু তবু ঐ গুটিকো মর্কটের মত বুড়ো চিষাকে দেখে তার মন ঘুণায় কাঁটা দিয়ে ওঠে—ওর একটা কিছু হলে সে খুশি হয়। হোক না, কিছু একটা হোক না। ওর মতো স্বামী যার, সে যা খুশি করলেও পাপ বলে ধরা যায় না। আর খুশিও গুরুকম মনিবকে গ্রাহ্য করে না। খুশি উত্তেজিত হয়ে উঠল।

কিন্তু কর্তীর দিক থেকে কোনো সাড়া পাওয়া গেল না। সে তার দিকে চেয়েছে কি না চেয়েছে, সে সম্বন্ধে তিনি যে জানানেন এমন লক্ষণই তিনি দেখালেন না। তিনি একা রান্নাঘরে বসে খেলেন, তারপর খাওয়া শেষ হলে খুশিকে ডেকে বললেন, যাও খেয়ে নাও গে! খাওয়া শেষ করে থালাগুলো ফেলে রেখ না আবার। আর বিকেলে যখন কর্তাকে আনতে যাবে, তখন কিছু শাক-সবজী তরি-তরকারী কিনে নিয়ে এস। তাহলে কাল আবার সকালেই ছুটতে হবে না, কাল রোববার। কর্তা সারাদিনই বাড়ি থাকবেন। আমি ঝির খোঁজে বেরোবখন। তোমার কেউ জানাশুনো আছে নাকি। থেমেই বলল কি, পাওয়াও মুন্সিল, যাও, খেয়ে নাও গে। সব ঠাণ্ডা হয়ে যাবে যে!

কর্তী বেশ ছকুমের স্বরেই কথাগুলো বললেন, কিন্তু বেশ স্বাভাবিকই শোনাল। বেগনে রঙের সিল্কের জামাটা খুশির চোখে এক নতুন রূপ নিয়েই ইঠাই দেখা দিল। এ রূপ উগ্র নয়, শান্তই? উচ্ছ্বল নয়, পবিত্র। কেমন যেন সে নিরাশ হোলো, তারপর নিজের উপরে ঘেমা ধরে গেল। সে নিজের উন্নতির জগ্রে চেঁচা তো করছেই না, বরং দিন দিনে বদমায়েস হয়ে উঠছে! কোনোরকমে দুগ্রাস ভাত আর কিছু তরকারী খেয়ে সে উঠে পড়ল। তারপর থালা-বাসন ধুয়ে নিজের ঘরে এসে বসল। এমন নিরুৎসাহ সে জীবনে হয়নি! একটার পর একটা সিগারেট ধরিয়ে টানতে লাগল।

বিকাল। কর্তাকে আনতে যাবার সময় হতেই তার আবার ঐ গুটিকো বাদরটার উপর ভীষণ রাগ হোলো। এর কারণ কি সে নিজের ঠিক বুঝতে পারল না। সত্যিই সে ঠিক করে ফেলল, বুড়ো বাদরটাকে নিয়ে সে আজ যত জোরে পারে ছুটবে, তারপর বিস্তার হাতল ছুটো ছেড়ে দেবে, সঙ্গে সঙ্গে বুড়ো রাস্তায় গিয়ে গড়িয়ে পড়বে; আধ-মরা তো হবেই। বহুদিন আগের কথা।

সে তখন এক বড়লোকের বাড়িতে চাকরি করত। মনিবের তেলরা নথরের উপস্থায়ী সঙ্গে তার বড় ছেলের কিরকম একটা নটঘটি ছিল। ছেলেটি যখন বাপকে বিষ খাইয়ে মারবার জোগাড় করেছে, এমন সময় মনিব জানতে পারলেন। খুশি এ ব্যাপারে বড় ছেলেকে দোষী মনে করত, মনে মনে কত গাল পেড়েছে। কিন্তু এখন আর বড় ছেলেকে দোষী বলে মনে হোলো না। সে ভাবল বুড়োটার মরাই উচিত ছিল।

কিন্তু খুশির খুনখারাপির কোনো ইচ্ছেই নেই; তার শুধু মনে হোলো, বুড়ো চিয়া লোকটা খুব খারাপ, কিন্তু খারাপ হলেও তাকে তো আর ফেলে দেওয়া যায় না। সে শুটকো বাদরটাকে রিক্সায় চড়িয়ে বার বার ঝাঁকুনি দিল। কিন্তু বুড়ো বাদরের কোনো খেয়ালই নেই। খুশির মন অহুশোচনায় ভরে উঠল। এর আগে মনিবদের সঙ্গে এমন ব্যবহার সে কখনো করেনি। সে নিজেকে সহজে ক্ষমা করতে পারল না।

তার অহুশোচনা সমস্ত ব্যাপারটার উপর বিতৃষ্ণা জাগিয়ে তুলল। সে এমন মিছেমিছি তার মনের শাস্তি নষ্ট করেছে কেন? সে রিক্সাওয়ালা,—হাড়ভাঙা খাটুনি খাটবে, মনিবের মন জুগিয়ে চলবে; বাজে ব্যাপার নিয়ে চিন্তা করে তার লাভ কি?

তার মন আবার শান্ত হয়ে এল, সে তার মন থেকে ব্যাপারটা ছেঁটে ফেলল। এ যেন একটা নাটক, বার কোনো পরিণতি নেই। কি হবে ওলব নিয়ে মাথা ঘামিয়ে? যদি মাঝে মাঝে এগুলো আবার মনে আসে, সে হাসবে, এতো হাসিরই কথা।

পরদিন কর্ত্তী ঝির খোজে বেরলেন। কিছুক্ষণ পরেই একটি ঝি নিয়ে এসে হাজির হলেন। আজ সে কাজকর্ম কেমন করে দেখবেন, কাল থেকে তাকে বহাল করবেন। খুশির যেটুকু আশা-ভরসা ছিল ফুরিয়ে গেল। কিন্তু ব্যাপারটা সে এতো তাড়াতাড়ি ভুলতে পারল না।

সোমবার দুপুরের খাওয়া দাওয়ার পরই তিনি ঝিটাকে তাড়িয়ে দিলেন একে তো কাজ-কর্ম কিছুই জানে না, তার উপরে ভীষণ নোংরা—ওকে বি আর রাখা চলে? ঝিকে বিদায় দেওয়ার কিছু পরেই খুশিকে ডেকে ভাঙ্গ বাদাম কিনে আনতে বললেন।

খুশি গরম বাদামভাঙা কিনে এনে ঘরের দরজায় এসে দাঁড়াল।

ভিতরে নিয়ে এস। ভিতর থেকে কর্ত্তী বললেন।

খুশি কর্ত্তীর ঘরে ঢুকে পড়ল। তিনি আঘনার স্রুখে দাঁড়িয়ে গায়ে পাউডার বসছেন। পরনে তার বেগুনে রঙের হাঁটু অবধি গাউন, ফিকে সবুজ রঙে

পায়জামাটা দেখা যাচ্ছে। আরনার ভিতর দিয়ে খুশিকে তিনি চুকতে দেখে ফিরে দাঁড়ালেন। তার মুখে হাসি। খুশি হঠাৎ যেন তার হাসিভরা মুখে বাঘিনীর মুখের ছায়া দেখতে পেল। ঢের কম ব্যয়স, আর এত স্বন্দর এই বাঘিনী! কাঠ হয়ে সে দাঁড়িয়ে রইল। তার সাহস, আশা, ভয় সব যেন কোথায় উবে গেছে, একটা অসহ্য গরম যেন সারা দেহ তার সেক্ষ করছে, মাঝে মাঝে সে ফুলে-ফেঁপে উঠছে, মাঝে মাঝে কঁকড়ে যাচ্ছে, যখন সে চুকতে চাইছে, ভীত হয়ে চুকছে, শরীরে লাগছে টিকার, যখন বেরিয়ে আসছে, তখন একেবারে কঁকড়ে ছোট হয়ে যাচ্ছে। নিজের তার কোনো সত্তা নেই; অনেকদিনের অভ্যাস নেই তবু জ্বরে চলেছে। এক চাষা যেন একটা মজা কুয়ো পেয়ে বালতি নামাচ্ছে আর ঠাঠাচ্ছে, নামাচ্ছে, আধ ঠাঠাচ্ছে ধরনটাও একেবারে পুরোনো, আদিকালের চায়ীও জানে...

পরদিন সন্ধ্যায় খুশি তার বিছানাপত্র নিয়ে এসে বিজ্ঞান আশ্রয় উঠল।

আগে হলে এ ব্যাপার সে কাউকে বলত না, কিন্তু এখন আর সেদিন নেই। লাজের মাথা খেয়ে সে সবাইকে হাসতে হাসতেই শুনিয়ে দিল। এ যেন এক মন্ত বড় ঠাট্টা; প্রস্তাব করতে তার ভীষণ কষ্ট হচ্ছে, জ্বালা করছে।

দাওয়াই বাতলাবার পাল্লা দিল সবাই। কোন ডাক্তারের কাছে যেতে হবে সে পরামর্শও সে পেল। কেউ একটু লজ্জাবোধ করল না, এবং সবাই সহায়ভূতিই দেখাল। কেউ কেউ তার কাছে বেশ বসালো করে নিজের রোগ হওয়ার কাহিনী তাকে শোনাল। বলাত বলতে চোখ মুখ বৃষ্টি বা লালচে হয়ে উঠল। ছোকরারা প্রায় সবাই টাকা দিবে এ রোগ কিনে এনেছে, একটু দ্বারা বয়স তার মুকোত পেয়েছে। দ্বারা মাস মাইনের কাজ করে, তারা মনিবের উপপত্নীদের কাছ থেকেই এ রোগ পেয়েছে। তবে তাদের কাহিনী: খুশির থেকে আলাদা। দ্বারা এ সুযোগ পায়নি, তার মনিব আর তার উপপত্নীদের সঙ্কে নানা গল্প শুনিয়ে দিল। খুশির এই সামান্য রোগে তাদের সকলের মনের দুয়ার যেন খুলে গেল!

খুশির আর লজ্জা নেই। সে রোগ নিয়ে জাঁক করতে চাইল না বটে, কিন্তু শাস্ত হোলো। এ যেন সদি লেগেছে আর কি, দুদিন পরেই সেবে যাবে। ব্যাথা উঠতেই একটু আধটু অস্বশোচনা যে না হোলো এমন নয়, কিন্তু ব্যাথা চলে গেলেই অভিজ্ঞতার আনন্দে মন তার ভরে গেল। না, এ নিয়ে কোনোক্রমেই সে উত্তেজিত হবে না। জীবনের কতটুকু দাম সে তা ভালো করেই জানে। এত ভাবনা করেই বা লাভ কি।

ডাক্তারি আর টোটকা ওষুধে তার প্রায় দশ ডলারেরও বেশি বেরিয়ে গেল, সেও নিজেকে স্বস্থ মনে করে ওষুধ ব্যবহার করল না। কিন্তু রোগের বীজ রয়েই গেল। যেঘলা দিনে অথবা ঋতু পরিবর্তনের সময় তার গিট আর হাড়ে ব্যাথা উঠত আবার কয়েক দিন ওষুধ ব্যবহার করত, কখনো বা তাও করত না। ব্যাপারটা তার এমন কিছু নয় বলেই মনে হতো। জীবনটাই যখন তেতো হয়ে গেছে, শরীর দিয়ে আর কি হবে? একটা মাছি পর্যন্ত অমন ফুটি পেলো ছাড়ে না; তার মতো এমন জোয়ান মরদই বা একটু-আধটু ফুটি লুটে ছুঁখ করে মরবে কেন?

রোগ একলকম সারল বটে, কিন্তু খুশির শরীর ভেঙে দিয়ে গেল। সে তেমনি আছে, কিন্তু সাহস আর উৎসাহ যেন নিবে গেছে, কাঁধটাও যেন কেমন ঝুঁকে পড়েছে। ঠোঁটে সব সময়েই লেগে আছে একটা সিগারেট। কখনো কখনো সে আধ-পোড়া সিগারেটের টুকরো কানে গুঁজে রাখে। ওইটেই যে রাখবার ভালো জায়গা তা নয়, ওটা গোঁজা থাকলে তার যেন সাহস একটু বেড়ে যায়। এখনও বক্ বক্ করতে সে ভালোবাসে না। যখন মুখ খোলে, অঙ্গীল ভাষাই ব্যবহার করে। এখনো ওটা তার রপ্ত হয়নি, একেবারে তুবড়ী ছোটাতে সে পারে না, কিন্তু কাজ চালাবার মতো শিখে নিয়েছে। মনটা এতদিন যেন সব কাজেই বাগড়া দিত, এবার তার বাধন আলগা হয়েছে! তার ধরন-ধারণও বদলে গেছে। সে শাস্তিশিষ্ট খুশি আর নেই, বয়াটে ছাপ পড়েছে তার মুখে।

কিন্তু জাত-রিক্সাওয়ালার সঙ্গে তুলনা করলে এখনো তাকে একেবারে খারাপ বলা যায় না। মাঝে মাঝে যখন সে একা থাকে, তখন নিজেকে শোধরাবার ইচ্ছে জেগে ওঠে। এমনি করে ধাপে ধাপে নিচে নেমে যেতে সে রাজি নয়। আশা-আকাজ্জার মা হয় কোনো মূল্য নেই, কিন্তু নিজেকে এমনি করে সর্বনাশের পথে, ধ্বংসের পথে ঠেলে দেওয়াও এমন কিছু ভালো ব্যাপার নয়। এই সময়ে আবার একখানা নতুন রিক্সা কেনার ইচ্ছে তাকে পেয়ে বসে। তার তিরিশ ডলার পুঁজির ভিতরে দশডলারের উপর রোগে খরচ হয়ে গেছে—এইখানেই সে নিজেকে নিজে ঠকিয়েছে। কিন্তু এখনো বিশ ডলার তো আছে। এই বিশ ডলার নিয়েই সে শুরু করবে, তারপর ঠিক জোগাড় হয়ে যাবে। অল্প সবার মতো সে নয়। সে ফাঁকা আওয়াজ করতে শেখেনি। এমনিদ্বারা চিন্তা যখন তাকে পেয়ে বসে, সিগারেটের বাজটা দূরে ছুঁড়ে ফেলতেই তার ইচ্ছে করে। প্রতিজ্ঞা করে, কখনো আর মদ ছোঁবে না, টাকা জমাতে শুরু করবে। টাকা জমানো থেকে তার চিন্তা রিক্সা কেনা ব্যাপারে এসে দাঁড়ায়, রিক্সার কথা মনে হলে খুঁদে লজ্জার কথা মনে পড়ে। কল্পনায়ও তার মুখখানা ভেসে উঠলে সে লজ্জায় মরে

যায়। সেই যে এল, আর যাওয়া হয়নি। যাবে কি? সে নিজের উন্নতির চেষ্টা তো করেইনি, বরং একটা খারাপ রোগে শরীর নষ্ট করেছে।

কিন্তু বন্ধুরা সঙ্গে থাকলে এ চিন্তা তার মনে থিতুতে পারে না। সে তাদের সঙ্গে বসে সিগারেট খায়, স্বযোগ-স্ববিধে হলে দু'এক পাত্র মদও চলে। খুঁদে লক্ষ্মীকে একেবারে ভুলে যায়। অবশ্য, তাদের পাল্লায় পড়লে তাকে কখনো ফুতির উপায় বাতলাতে হয় না। কিন্তু তারা যা করে তাতে সে সায় দিয়েই যায়। রোজ চৌদ্দ পনেরো ঘণ্টা সে খাটে, তাছাড়া জীবনে বহু অত্যাচারই সে সময়েছে, এরই গ্লানি তাকে অতিষ্ঠ করে তুলেছে। ভাই-বোদাদারদের সঙ্গে গল্প করতে 'বসে' যায়, তাদের সঙ্গে একটু আধটু ফুতি লুটতেও তার বাধে না। সব কিছু ভুলে থাকবার এই তো তার একমাত্র পথ।

তার জীবনের আশা-আকাঙ্ক্ষার পথে এই ফুতি যেন এক মস্ত বড় দেয়াল—সব কিছু ঢেকে দিচ্ছে। সে সুখী হতে চায়, ফুতি করতে চায়, তারপর ঘুম এসে সব ঢেকে দেবে? আকাশ তখন মেঘে ঢেকে থাক, পৃথিবীতে আধার ঘনিয়ে আসুক, তাতে ক্ষতি কি? কেই বা তার চায় না বলো? জীবনে তো আশার ছিটে ফোঁটাও নেই, জীবন তো নয় এ যেন এক নিরাশা।

শুধু আকিমের বিষ, মদ আর যেসে মাহুষ খানিকক্ষণের জন্তে রোগের বীজাণুকে ঘুম পাড়িয়ে রাখতে পারে—বিষে বিষক্ষয় হয়। একদিন ভোরে এই বিষের বীজাণু তার বকে এসে পৌছবে, তারপর সব শেষ। কে এসব কথা জানে না? কিন্তু এর থেকে ভালো জীবনের ভালো ছক সে কোথায় পাবে?

খুশি নিজের উপর রেগে উঠল। কিছুতেই সে নিজেকে বাগ মানাতে পারছে না। জীবনে সে কোনো কিছুকে ভরায়নি, এখন কিন্তু পরিশ্রমের ক্রাজ সে এড়িয়ে যেতেই চায়! নিজের স্বপ্ন-স্বাচ্ছন্দ্যের দিকেই তার বেশি নজর, বৃষ্টি বা বাতাস হলে সে আর বিজ্ঞা বার করে না। গায়ে একটু ব্যথা হলে তিন-চার দিন এক নাগাড়ে বিছানায় পড়ে থাকে। নিজের প্রতি মমতা তাকে স্বার্থপর করে তুলেছে। বন্ধু বান্ধবকে একটি পয়সা ধার দিতে সে নারাজ। সামান্য পুজি জ্ঞানলেই সে বসে আছে। ঐ পুজি সে নিজের জুদর্শনার সময় ভাঙবে, তার আগে নয়। সিগারেট আর মদ বিলানো যায়, কিন্তু টাকা কি আর প্রাণে ধরে কাউকে দেওয়া যায়।

তার অবস্থা অল্প সবার চাইতেও খারাপ। বিশ্বাস করে করে সে কুঁড়ে হয়ে পড়ল। এখন একটু কাজ করলেই হাঁপিয়ে ওঠে, কেমন একঘেয়ে লাগে যেন। এই একঘেয়েমি কাটাতে প্রায়ই মদ, মেয়েমাহুষ বা নানা রকমের খাবার তার দরকার হয়। যখনই তার মনে হয়, এমনি করে দিনরাত কাটিয়ে দেওয়া ভালো নয়, তার মন



সেই ধরা-বাঁধা একই উত্তর দেয় : অনেক আশা নিয়েই তো শুরু করেছিলাম, কি হোলো আমার ?

উত্তরটা কে যেন মনের ভিতরে বাটালি দিয়ে কেটে কেটে খোদাই করে দিয়েছে।

কেউই এ প্রশ্নের জবাব দিতে পারে না, করতে পারে না প্রতিবাদ। এমন কে আছে যে খুশিকে সোজা নরকে গিয়ে সেঁধোতে দেবে না? এমন কে আছে এখানে?

## বাইশ

যখন প্রথমে পিকিং-এ এসেছিল খুশির একমাত্র আশা ছিল সে রিক্সা টানবে, কিন্তু এখন রিক্সা টানতেও তার বিরক্তি ধরে গেল। এই দুটাকার গাড়ি নিয়ে স্বত্বাধিকার করবার চাইতে টাকা রোজগারের অল্প কোনো সোজা উপায় খুঁজতে লাগল। • ছট করে তার পুরনো ব্যবসা ছেড়ে দিতে মন সরল না, কিন্তু যখনই অল্প কোনো ব্যাপারে ছপয়সা রোজগার হতো, তখনই সে আত্ম রিক্সার হাতল ছুঁত না।

এমনি করেই দিন কেটে চলল। তার শরীরটা কুঁড়ে হয়ে পড়ল, কান কিন্তু রইল খাড়া। গুজব শুনলেই সে এখন বেরিয়ে পড়ে—তা সে শোভাযাত্রা শব্দাট্রা বা যে কোনো মিছিলই হোক না কেন। বিশ সেন্ট—তাই বা মন্দ কি! কখনো কখনো তিরিশ সেন্টও পায়। এই সামান্য টাকা বা এর থেকে কম টাকার জন্তেও সারাদিন নিশান হাতে করে ভিড়ের সঙ্গে এঁকে-বেকে চলে।

নিশানে কি লেখা আছে, এত লোকই বা কেন চলেছে—এসব সে কোনোদিন ভাবেনি। রিক্সা টানার চাইতে কাজটা ঢের ভালো এই কথাই সে জানে। খুব বেশি টাকা রোজগার হয় না বটে, কিন্তু তেমন শক্তিক্লয়ও হয় না। ভিড়ের মধ্যে একটা সিক্কের নিশান স্রমুখে ধরে শুধু এগিয়ে যেতে হবে। সিগারেটের টুকরোটো লেগে থাকবে ঠোঁটে। টু-শব্দটি করবার নেই। শুধু এগিয়ে গেলেই হোলো। খুব সোজা কাজ!

কখনো কখনো দরকার হলে চিৎকার করতেও হয়। খুশি কিন্তু চিৎকার করে না, মুখ হাঁ করে শুধু দেখায় যেন ভীষণ জোরে চিৎকার করছে, আসলে শব্দটি পৰ্বন্ত করে না। চিৎকার করে গলা ভাঙতে সে চায় না।

এইসব—না, শুধু এইসব নয়—কোনো কাজেই তার তেমন উৎসাহ নেই, পরিশ্রম করতেও সে চায় না। একদিন যথেষ্ট পরিশ্রমই করেছিল, কিন্তু কি ফল সে পেল? মিছিলে নিশান নিয়ে যেতে এমনি চেষ্টাবার ভাণ করে, কখনো জানতে চায় না মিছিলের উদ্দেশ্য কি। এমন কি মিছিলের ভিতরে কোনোরকম গুণ্ডগোল শুরু হলে সেই সবচেয়ে আগে সরে পড়ে। এখনো সে বেশ তাড়াতাড়ি ছুঁতে পারে। নিজের জীবন সে এমনি করেই নষ্ট করে দিচ্ছে, কিন্তু কারো জন্তে বিন্দুমাত্র স্বার্থভ্যাগ করতে রিক্সাওয়ালা

সে রাজি নয়। যারা নিজের জগত্বেই শুধু পরিশ্রম করে, তারা জীবনটাকে ধ্বংসের পথে নিয়ে যেতেও ভালো করে জানে : ব্যক্তি-স্বাতন্ত্র্যের এ এক জবর বিক্রম।

শরৎকাল প্রায় শেষ হয়ে এসেছে, খুশি সেদিন ভোরে রিক্সা নিয়ে বেরিয়ে পড়ল, কি আর করবে? আজকাল মিছিল-টিছিলও বড় বেরোয় না। সে আন্তে আন্তে পশ্চিম শহরের দিকে চলল। পথেই একটি মেয়ে তাকে ডাকল। মেয়েটির বয়স বিশ বছরের বেশি নয়। সে তাকে চিৎকিয়া বিশ্ববিদ্যালয়ে পৌছে দিতে বলল। সাদাসিধে ফিকে নীল রঙের গাউন তার পরনে। তাকে দেখে খুশির ছাত্রী বলেই মনে হোলো। 'ওদের সোয়ারি নিয়ে তেমন সুবিধেও নেই, বেশি পরস্যা পাওয়া যায় না! কেউ কোথাও যেতে চাইলেই যে তাকে গাড়ি চালিয়ে নিয়ে যেতে হবে— এমন কোনো মানে নেই। তাছাড়া ও জায়গাটাই অপয়া! তার প্রথম রিক্সাখানা তো ঐখানেই সে হারাল! সে খুব ভাড়াভাড়া রাজি হোলো না, দর কষাকষি শুরু করল। আসলে অন্তর্য যেতে তার ইচ্ছেই হোলো না। এত কুঁড়েই সে হয়ে গেছে।

কিন্তু মেয়েটি নাছোড়বান্দা। তার মুখের দিকে চেয়ে মেয়েটি তাকে চিনতে পেরে বলল, আমি জানি চিৎকিয়া কতদূর, আমাকে আর চিনিয়ে দিতে হবে না! কত চাও বল? যা ভাড়া চাইবে, তাইই পাবে।

এমন সহজভাবে মেয়েটি কথাগুলো বলল যে খুশি রাজি না হয়ে পারল না।

টাওয়ার পার হয়ে পশ্চিম ফটকের কাছে পৌছতেই গাড়ির ভিড় দেখা গেল। গ্রাম থেকে সোয়ারি নিয়ে রিক্সা আসছে—চাষারা আসছে শহরে, বাঁধাকপির স্তূপ নিয়ে আসছে গাড়ি। ঠেলা-গাড়িই বা কত। দু-একখানা বড়লোকের চেয়ার-গাড়িও দেখা যাচ্ছে। মুটিয়ারা ক্লান্ত হয়ে পড়েছে। খুশি সোয়ারি নিয়ে ভিড়ের ভিতরে ঢুকে পড়তে না পড়তেই ধুলোর ঝড় তুলে একটা মোটর ভেঁপু বাজাতে বাজাতে এসে হাজির হোলো। খুশির মোটর আর তার ভেঁপু উপর ভারী ঘোষা। সে ঠিক করল, মোটরটা যতই ভেঁপু বাজাক আর ড্রাইভারটা যত গালাগালি দিক সে সরবে না। তারপর যা হয় হবে।

গাড়িটা একটু আন্তে চলছে, কিন্তু ভেঁপুটা বাজছে ঠিকই। ভিড়ের ভিতরে পথ করে এগিয়ে আসছে গাড়ি। মেয়ে-সোয়ারিটি তাকে চোঁচিয়ে সাবধান হতে বলল, কিন্তু খুশি তার চিংকারে কান না দিয়ে চুপ করে দাঁড়িয়ে রইল। হাতলটা পর্যন্ত তার হাত থেকে খসে পড়ল। চোখে জলে উঠল প্রতিরোধের আগুন; সে এই যন্ত্রদানবের আবহা বাচের চোখের দিকে তাকাল। যন্ত্রটা তাকে হুকুম দিচ্ছে দেখ না! ছুটে পালাও, নয়তো চাপা পড়। সরে সে যাবে না, চাপাই পড়বে।

তাকে সরতে না দেখে গাড়িটা একপাশে গান্না করা জঞ্জালের উপর গিয়ে পড়ে থেমে গেল। রিক্সা আর ঠেলা-গাড়ির ভিড়ও থেমে গেল। কেউই জখম হয়নি, কিন্তু একটা ট্রেন দুর্ঘটনা ঘেন ঘটছে, এমন চিংকারই উঠল চারদিকে।

গাড়ির চালক রাগে গাড়ি থেকে লাফিয়ে পড়ল। শুধু তার আত্মসম্মানেই বা পড়েনি, তার বড় লোক মনিব একটা পারিবারিক উৎসবে যাচ্ছিলেন, মাঝখানে এই ফ্যাসাদ বেঁধে নাহক দেবি হয়ে গেল তো। আত্মসম্মান খানিকটা বাঁচাবার জগ্গেই সে খুশির কাছে এসে যাচ্ছেতাই গালাগাল দিতে লাগল। আজকাল মারামারি করবার অঙ্গিসন্ধি সে জেনে গেছে; তাছাড়া গায়ের জোরও তার আছে। 'তার ইচ্ছে হোলো, সমস্ত শক্তি নিয়ে প্রতিদ্বন্দ্বীর উপর এখুনি যদি ঝাঁপিয়ে পড়ে, তাহলেই সম্মান বজায় থাকবে। খুশি উত্তেজিত হয়ে উঠল। স্বর্ধের আলো ঘেন মুহূর্তের জগ্গে আরো উজ্জ্বল বলেই বোধ হোলো।

আগে এমন করে লড়াইয়ের জগ্গে তৈরী হওয়ার কথা স্বপ্নেও সে ভাবেনি, কিন্তু এখন অভ্যাস হয়ে গেছে। আর এই তো ফুটির তার একটা উপায়, মারামারির কথা মনে হলও তার ভয়ানক হাসি পায়।

মোটর চালকটা তার স্বমুখে দাঁড়িয়ে আছে, তাকে গালাগাল দিচ্ছে! তার পরনে বিদেশী পোশাক—পঞ্চাশ-ষাট ডলার তার দাম হবে। কথার মাঝখানে তার জামার হাতা খুশি চেপে ধরল। রোগা, একেবারে রোগা এই বড় লোকের কুত্তাটা! হাতে ঘেন মাংসই নেই, সবই হাড়! এত জোরে সে ধরেছে যে, লোকটা ব্যথা পাচ্ছে, তার বিরাট থাবা কালি আর ঘামের দাগ এঁকে দিচ্ছে ওর দামী পোশাকের হাতায়, ও-দাগ কিছুতেই আর যাবে না। খুশি জানে, এইসব সায়েবী পেশাক-পর্য ভদ্র লোকেরা পোশাক নোংরা হবার ভয়ে কেমন তটস্থ হয়ে যায়, তাদের অমন ধোপ-দুর্গন্ধ পোশাকের নিচে ভীত মনেরও সে খবর রাখে। তাই ঘেসব বাবু-ভায়ারা তাকে গ্ৰায্য ভাড়া না দিয়ে চলে যেতে চায় তাদের উপর সে এই কৌশলই খাটায়। তাদের শুধু পোশাকই নষ্ট হয় না, তারা খুশির শক্তির পরিচয় পেয়ে ঘাবড়ে গিয়ে ভাড়া চুকিয়ে দিয়ে চলে যায়। তাদের জামার হাতার দাগটা তো উপহার। এই উপহার দিয়ে দাতা কিন্তু খুবই খুশি হয়ে ওঠে।

আর একটা জিনিসও সে শিখেছে। কটমট করে তাকিয়ে থাকতে সে জানে। এই তো মোটর-চালকটার দিকে এমনভাবে সে তাকিয়ে আছে, মনে হয় ঘেন এখুনি বেজন্মাটাকে ভয় করে ফেলবে!

একটা পুলিশ গোলমাল দেখে হাজির হোলো। তার কাজ হচ্ছে মোটরের ধাতায়াতের রাস্তা পরিষ্কার রাখা। খুশি তাকে দেখে ভয় পেল না। এইসব রিক্সাওয়ালা

অবস্থায় মুখ ছোটোতে হয়, কিল ঘূষির এখানে দরকার নেই। সমস্ত পুলিশ ফোক্স তুলে যত খুশি গালাগাল দিলেই চুকে গেল। তারপর যদি দু-তিন হণ্ডা জেল খাটতে হয় তাতেই বা ক্ষতি কি! মনের সাধ মিটিয়ে এত লম্বায় গালাগাল দেওয়ার আনন্দ তো আর কম নয়।

কিন্তু পুলিশ বা খুশি, কেউ কথা বলবার আগেই মেয়েটি রিক্সা থেকে লাফিয়ে পড়ল।

এবার দেখলাম মোটর চালকেরই দোষ! এত ডাড়াডাড়ি লোকটা গাড়ি ছুটিয়ে আসছিল যে আমরা হকচকিয়ে গিছলাম। বেচারী রিক্সাওয়ালার কিন্তু কোনো দোষ নেই।

পুলিশটা মেয়েটির কথায় কান দিল না। কয়েকমুহূর্ত আগেও সে ঠিক করে রেখেছিল, রিক্সাওয়ালাকে ধরে দুচার ঘা দেবে, লাথি মারবে। একদিকে একথানা প্রকাণ্ড গাড়ির মালিক, আর একদিকে এই রিক্সাওয়ালা ছোকরাটা—এখানে আর বিধা নেই: তার কতব্য পরিকার পড়ে রয়েছে। রিক্সাওয়ালটা অসহায়, পয়সাও তার নেই; ওদিকে গাড়ির মালিক, বড় লোক অনেক বড় বড় বহুবান্ধবও তার আছে: এমনকি সরকারও তার হুকুমে উঠবে, বসবে।

ছাত্রদের ব্যাপার আলাদা। ওদের টাকা থাকতেও পারে, নাও থাকতে পারে; কিন্তু কেউ না কেউ ওদের মুকুব্বা আছেই, স্থলে পড়তে তো পয়সা লাগে। যতোই তুমি ঘেঁষা কর না কেন, তারা বড় সাংঘাতিক চিৎর। বক্তৃতা দিচ্ছে, আর মিছিল নিয়ে চলেছে। তোমার ভাতের হাড়ি হয় তো গাড়ির এই মালিকের দয়ায়ই উল্লনে চড়ছে, কিন্তু ছাত্রেরা বিরুদ্ধে গেলেও মুশকিল। 'এমন কাণ্ড বাধিয়ে তুলবে যাতে করে তোমার চাকরিতেই টান পড়বে।

মেয়েটি বার বার একই কথা বলল, হাঁ, হাঁ, গাড়িটারই দোষ! তোমার মনে হয়, রিক্সাখানা গিয়ে গাড়ির গায় ধাক্কা মেরেছে? সে পুলিশ বা মোটর চালক কারো কাছেই হার মানতে রাজি নয়। খুশি অবাক হয়ে গেল। সে চালকের জামার হাতা ছেড়ে দিয়ে চুপ করে দাঁড়িয়ে রইল। না, মেয়েটার ক্ষমতা আছে বটে।

চলো, চলো! অনেক কাজ পড়ে আছে, এখানে দাঁড়িয়ে থাকলে চলবে না। ওরা এখানে দাঁড়িয়ে ঝগড়া করুক না, তুমি চলে এস!

মেয়েটি আবার রিক্সায় চড়ে বসে খুশিকে ডাকল। খুশি হাতল ছুটো তুলে নিয়ে ওদের দিকে একবার ফিরে তাকাল। তার মুখে তখনো তাচ্ছিল্যের ভাব ফুটে আছে। মোটরচালক এবার তার দাগ ধরা পোশাকের দিকে তাকিয়ে গালাগাল দিতে শুরু

করল, কিন্তু পুলিশটি নিরুপায়, সে এখনো ঠিক করতে পারেনি, ছাত্রীটির না ঐ গাড়ির মালিকের—কার বেশি প্রতিপত্তি। কাকে ধরে শেষে ক্যাসাদে পড়বে। হঠাৎ গাড়ি থেকে একটা স্বর শুনে তার ভাবনার খেই হারিয়ে গেল। রিক্সা তখন পশ্চিম ফটকের ভিড়ে মিলিয়ে গেছে।

খুশি আজকাল ভাড়াভাড়ি দৌড়ায় না। সে ঠিক করেছে, বেশি পরস্যা না দিলে সে কখনো দৌড়বে না, এমনি টিমে তালাই চলবে। তাই কোনো সোয়ারি জোরে ছুটেতে হুকুম দিলেই সে মাটিতে পা ফেলে থমকে দাঁড়িয়ে জিজ্ঞেস করে : জোরে চলতে বলছেন তো কত? ভাড়ার উপর আর কত বেশি দেবেন? নিজের বৃকের রক্ত জল হয়ে যাচ্ছে, অত ভদ্রতা দেখানো আর চলবে না। কেউ তাকে খুশি হয়ে কিছু বকশিস করে যাবে একথা তার বিশ্বাসই হয় না। ভাড়া বেশি না পেলে বেশি তাগদ খরচ করে কোনো লাভ নেই।

মেয়েটিকে দেখে কিন্তু বেশি ভাড়ার কথা তার মনে হোলো না। ওকে যেন খুদে লক্ষ্মীর মতই ভক্তি করতে ইচ্ছে হয়; সে তাকে নিজের পায়ের জোর দেখিয়ে দেবে। ভাড়া নিয়ে দর কষাকষি করেছিল বলে এখন তার লজ্জাই হোলো। ছিঃ ছিঃ, মেয়েটির সঙ্গে অমন করা উচিত হয়নি। ওকে সে ভাবভঙ্গিতে বুঝিয়ে দিতে চাইল যে সে লজ্জিত। খুশি এমনিথারা ভাবতে ভাবতে পশ্চিম ফটক পেরিয়ে উত্তর-পশ্চিমের সোজা শড়ক ধরে ছুটে চলল। কয়েক মাসের ভিতরে এত জোরে সে আর ছোটেনি।

খানিকক্ষণ পরে মেয়েটি কথা বলল। পুলিশের সঙ্গে মেয়েটির কথা শুনে খুশি চমকে গিছিল, এবারও সে অবাক হয়ে গেল।

যত ভাড়াই পাও, অত জোরে ছুটো না ভাই! তোমরা তো আর জন্তু নও। খুশি অনিচ্ছাসত্ত্বে বেগ কমিয়ে দিল।

গোটা কয়েক কথা তোমাকে জিজ্ঞাসা করতে চাই, মেয়েটি বলল, কিন্তু তার আগে তোমার নাম কি বল?

খুশি ঘাড় ফিরে তাকাল; তার মুখে খুশির ছোপ লেগেছে : সে তার নিজের নাম বলল।

রাজবন্দীদের মুক্তির জন্তে সেই যে মিছিল বেরিয়েছিল, তুমি তাতে ছিলে না? তোমাকে যেন নিশান হাতে ঐ ভিড়ের ভিতরে দেখেছিলাম। কি জন্তে ওখানে গিছলে ভাই? নিজের পরিশ্রম বিক্রিয়ে দু-দশ সেন্ট রোজগার করতে গিছলে নাকি?

খুশি লজ্জায় লাল হয়ে উঠল। কোন মিছিল সে জানে না, কিন্তু মেয়েটা ঠিকই ওকে দেখেছিল। নিজের কাছে নিজেকেই বোকা মনে হচ্ছে। জীবনে এমন লজ্জা তাকে কেউ দিতে পারেনি, পরস্যা রোজগার করতে গিয়েই এই লজ্জা তো সে পেলে;

নিজের নামের অক্ষরগুলো পর্যন্ত চেনে না, কি করে সে বলবে বিজ্ঞাপনে কি লেখা ছিল।

লেখাপড়া জানি না বটে, কিন্তু আমাকেও তো খেতে হবে,—একটা একটা কথা সে আস্তে আস্তে স্পষ্ট উচ্চারণ করল। ছোট্টাও তার কমে এসেছে, এখন সে একরকম হেঁটেই চলেছে।

বুঝেছি, বুঝেছি! মেয়েটি বাধা দিল। তার স্বরে সহানুভূতি ফুটে উঠেছে। খুশিও ওর সঙ্গে ভাড়া নিয়ে তর্ক করতে গিয়ে তা টের পেয়েছিল।

না, না, তুমি কোনো ভুল করনি। তুমি জানো কি না জানো কিছু যায় আসে না, তুমিও আমাদের সাহায্য করছ এইটাই বড় কথা। আমি শুধু বলছিলাম, তুমি যদি আমাদের মিছিলের ব্যাপারটা না বুঝে থাক, আমি তোমাকে বুঝিয়ে দিতে পারি।

মেয়েটি এবার রংজবন্দীদের কাহিনী বলতে শুরু করল। কেন যে আজ ছাত্র-ছাত্রীরা তাদের মুক্তির জন্তে চেষ্টা করছে, এ কথাও সে বুঝতে পারল। তাকে ঐ কাহিনী বলতে গিয়ে সে আরো নানা কথা এনে ফেলল, খুশি আবছা বুঝতে পারল, কোনোটা বা পারল না। কিন্তু তার মনে হোলো, তার দুঃখদর্শনা এতদিন বোবা হয়ে পাকস্থলীতে পচছিল, আজ যেন মেয়েটির মুখে তারা ভাষা পেয়েছে। এতদিন সে ভাবত, তার দুঃখদর্শনা বুঝি তার একার, আজ কিন্তু তা আর মনে হোলো না। তার মনের যেন একটা নতুন দরজা খুলে গেল।

একটা কথা সে স্পষ্ট বুঝতে পারল, মেয়েটি অতি সং, স্বার্থপর একটুও নয়। সে তার কোনো অপকার করতে চায় না। বিশ্ববিদ্যালয়ে এসে পৌঁছে সে তার গ্রাম্য ভাড়ার থেকে টের বেশি হাতে গুঁজে দিল। খুশি নিতে রাজি হোলো না, কিন্তু মেয়েটি তাকে বলল, আমরা দুজনই গরীব, কিন্তু আমার চাইতে তোমার টাকার দরকার অনেক বেশি। নাও, টাকা নাও!

পশ্চিম শহরের এক চা-খানায় বসে খুশি এই ব্যাপারটা নিয়ে অনেক ভাবল, কিন্তু কুল কিনারা করতে পারল না। শেষে সে ঠিক করল, আর ভাববে না। মেয়েটি যে কথাগুলো বলে গেল, খুবই সত্যি কথা, কিন্তু ওসব কি কোনোদিন আর কাজে হবে? আর কাজে হলেই বা তার কি সুবিধে? ওতে টাকা আসবে কোথা থেকে? মেয়েটির কথাগুলো মোটামুটি ভালো, কিন্তু টাকা—ওতে টাকা নেই! অথচ টাকা দিয়ে তুমি ভালোমন্দ খাবার, মদ কিনতে পার—ইচ্ছে করলে সাদা বাড়িতে যেতে পার—টাকার যতখানি দাম, মেয়েটির কথার ততো দাম নেই।

অভিজ্ঞতা জীবনকে উর্বর করে তোলে, একথা খুশি বোধ হয় এখনো বুঝতে পারেনি। যে-অভিজ্ঞতার ভিতর দিয়ে এলে সেই অভিজ্ঞতাই তোমার ব্যক্তিত্ব গড়ে তুলবে। চামোর মরুভূমিতে ক্যামেলিয়া গাছে কখনো ফুল কোটে

না। খুশি জীবনের ছোট খোপে ঢুকে নিজেকে চিনতে পারল, এখন সে তার ভাই-বেরাদারদের থেকে ভালোও নয়, আবার খারাপও নয়। সে তাদেরই একজন, তাদের মতোই রিক্সা টানতে টানতে ব্যবসার উপর তার ঘেরা ধরে। এখন মনটাও তার অনেক হালকা হয়ে গেছে। বন্ধু-বান্ধবও তার বহু জুটেছে। সে এখন আর একঘরে নয়। সব কাকই তো কালো, তার একার পাখা সাদা হয়ে কোনো লাভ নেই, আর সে তা চায়ও না।

এখন আগের চাইতে সে আরো শক্ত হয়েছে, পুলিশ-টুলিস সে কেয়ারই করে না, পুলিশরাও খুশিকে গোঁয়ার বলেই জানে, কিন্তু ঘাঁটাতে সাহস হয় না। গরীবরা তো এমনি গোঁয়ার হ'বেই, তারা খেটেখুটে জীবন ক্ষয় করে ফেলে, কিন্তু তাদের খাটুনির কোনো মানেই হয় না। জীবনে তারা প্রতারিত হয়, আর আসে শূন্যতা। এই শূন্যতাই তাদের একগুঁয়ে, একরোখা করে দেয়। চলিত সমাজব্যবস্থার উপর এমনি করেই তারা প্রতিশোধ নেয়।

আবার শীত এল শহরে। মরুভূমি থেকে ধেয়ে এল বালির ঝড়, এল তুষার। প্রতি রাতেই দশজন করে লোক মরল পথে। এদের বাড়ি-ঘর নেই। এতদিন পথে পথেই আস্তানা গেড়েছিল, এবার শীতে সাবাড় হয়ে গেল। খুশি রাতে বাতাসের শব্দ শুনলেই কঁদল মুড়ি দেয়। ষতক্ষণ পর্যন্ত সেই নেকড়ে বাঘের চিৎকার, সয়তানের কান্না না থামে ততক্ষণ পর্যন্ত মুড়ি দিয়ে শুয়ে থাকে, তারপর অনিচ্ছাসহে বিছানা থেকে উঠে পড়ে। রিক্সা নিয়ে বেরুবে কি বেরুবে না, এই কথা ভাবতে ভাবতে সময় চলে যায়। রিক্সার হাতলছুটো হোঁওয়ার কথা মনে হলেই কাঁপুনি ধরে। উঃ কি ঠাণ্ডাই হয়ে আছে না জানি! তার উপর বাতাসটাও খারাপ। বাতাসের শব্দ শুনলেই শরীরের ভিতরটা ঘেন-স্কমন করে ওঠে।

এত যে প্রবল বাতাস, কিন্তু সূর্য অস্ত যাওয়ার সময় তার জোর কমে যায়। দুবস্ত সূর্যকে ভয় পায় কিনা কে জানে। মাঝে মাঝে সূর্যাস্তের পরে একেবারেই চূপ করে যায় বাতাস। গোখলির আলো তখন ছড়িয়ে পড়ে, পশ্চিম দিগন্তে দেখা দেয় গোলাপী রং। খুশি এমনি এক সন্ধ্যায় রিক্সা নিয়ে পথে বেরিয়ে পড়ল। এ-পথ সে-পথ সে উদ্বেগহীন ভাবে ঘুরে বেড়াল, শরীরে তার জ্বত নেই, মনেও নেই উৎসাহ। মুখে একটা চেপ্টে-যাওয়া সিগারেটের টুকরো গুঁজে সে ঘুরতে লাগল। আকাশে মেঘ জমে উঠছে, কালো হয়ে গেছে। সে ঠিক করল, তাড়াতাড়ি দু-চারটে দোয়ারি টেনেই সে আস্তানায় ফিরে যাবে। আলোটাও সে জ্বাল না, এত কুঁড়ে সে হয়েছে। পথে পর পর পাঁচ ছজন পুলিশ তাকে সেকথা মনে করিয়ে দিতে ভবে সে আলো জ্বাল।



নহবৎ দরজার কাছে সে একজন সোয়ারি পেল। কিন্তু দৌড়তে তার ইচ্ছে হোলো না। একরকম হেঁটে হেঁটেই সে চলল। সে বুঝতে পারল, সোয়ারি তাকে বেতো-বোড়াই ভেবেছে। তা কি হবে? আগের মত জোরে ছুটতে সে ঠায় না। ওঃ, মুখ থাকবে না তো বয়েই গেল। কেউ তাকে জোর কদমে ছোটবার জন্তে একটা পয়সা বেশি দেবে? এ অবিশ্বাসি রিক্সা টানা নয়; শুধু ঘসড়ে ঘসড়ে যেমন করে হোক চলা ছাড়া এ আর কিছুই নয়। কপাল দিয়ে ঘাম ঝরতে শুরু করল, কিন্তু সে আক্ষেপও করল না, আস্তে আস্তে চলতে লাগল।

একটা সড় গলিতে ঢুকতে যাবে এমন সময় একটা রাস্তার কুকুর ঘেউ ঘেউ করে ছুটে এল। আজ খুশি লম্বা আর ডিলে পোশাকটা পরেই রিক্সা চালাচ্ছিল, পোশাক খুলে কোর্তা পরেনি। কিন্তু আর সবাই এমন বিশ্রী পোশাকটার উপর নজর না দিলেও কুকুরটা তাড়া ফরল। কুকুরটার কাছে কিন্তু বিশ্রী বলেই বোধ হোলো। হাতল দুটি নামিয়ে রেখে ঝাউনটা নিয়ে কুকুরটাকে সে তাড়া করল। কুকুরটার ছায়াও আর দেখা গেল না। খুশি কিছুক্ষণ চুপ করে দাঁড়িয়ে রইল, কে জানে কুকুরটা আবার আসবে কি না। কিন্তু কুকুরটা ফিরল না, খুশি আপন মনেই বিড়বিড় করে বলল : বেজিয়া বেটা! ভেবেছিলি, ভয়ে একেবারে আমি কুঁকড়ে গেছি?

সোয়ারি বিরক্ত হয়েই বলল, কি রকম রিক্সাওয়ালা হে তুমি? কি বা-তা বকছ?

খুশির বুকে হঠাৎ একটা ধাক্কা লাগল। স্বরটা যেন খুবই চেনা—তাই না? গলিটা একেবারে অন্ধকার; রিক্সার আলোটা অশিষ্ট খুবই জোরাল, কিন্তু ওতে শুধু নিচের পথই দেখা যায়। এইতো—সোয়ারিকে সে ভালো করে দেখতেই পাচ্ছে না। ওর মাথায় ফারের টুপি কোট আর গলায় জড়ানো উলের কম্ফটারের ভিতর দিয়ে মুখখানা আবছা দেখা যাচ্ছে। বেটা মুখখানা ঢেকেছে বটে, নিখাসের সঙ্গে হাওয়া ঢোকার জো নেই। চোখ দুটো কুংকুং করছে দেখ না! গলার স্বরও যেন কেমন চাপা লোকটার।

কে লোকটা?

খুশি ঠাহর করছে চেষ্টা করছে, এমন সময় সোয়ারি নিজেই বলল :

আরে, খুশি না?

খুশি চিনতে পারল : 'সোয়ারিটি ন'কর্তা' লিউ ছাড়া আর কেউ নয়—ন'কর্তা লিউ! খুশির সমস্ত গা পচা ঝোলার মতোই যেন টকে গেল।

আমার মেয়ে কোথায়?

মরে গেছে! খুশি বোবার মতো দাঁড়িয়ে রইল। ও-দুটো কথা সে না আর কেউ বলল—সে বুঝতেই পারল না।

কি বললে? মারা গেছে?

হু, মারাই গেছে !

তোমার মতো হতচ্ছাড়ার হাতে পড়ে মারা যাবে না তো বেঁচে থাকবে নাকি ?

এতক্ষণ সব ঘেন গোলমাল হয়ে গিছিল। এবার সে নিজেকে খুঁজে পেল।

নেমে যাও, আমার রিক্সা থেকে এখুনি নেমে যাও ! তোমার মতো বুড়োকে আমি মারতে চাইনা। নেমে যাও।

ন'কর্তা হাতল দুটো চেপে ধরে রিক্সা থেকে কাঁপতে কাঁপতে নেমে পড়লেন।

কোথায় তাকে গোর দিলে ?

তা নিয়ে তোমার কি দরকার ? খুশি রিক্সার হাতল দুটো তুলে নিয়ে রওনা হোলো।

কিছুদূর গিয়ে সে পিছন ফিরে দেখল, বুড়ো তখনো ঠায় দাঁড়িয়ে আছে।  
অন্ধকারে ছায়ার মতোই তাকে দেখা যাচ্ছে।

## তেইশ

খুশি পথ হারিয়ে ফেলল। রিক্সার হাতল দুটো চেপে ধরে, মাথা উচু করে সে চলতে লাগল। তার চোখ বলসে উঠছে আলো, অন্ধকার যেন দূরে সরে সরে যাচ্ছে। কোন দিকে, কোথায় সে চলেছে জানে না, কেয়ার করে না। মন তার খুশিভরা; শরীরও যেন হালকা ঠেকছে, বাধিনীকে বিয়ে করবার পর থেকে ভাগ্যের কিল-যুষো 'খেয়ে সে শুয়ে পড়েছিল, আজ যেন সব এক নিমেষে চলে গেছে। ন'কর্তার কাঁধের উপর সে যেন কি এক যাদুমন্ত্রে দুর্ভাগ্যের বোকা চাপিয়ে দিয়ে খালাস পেয়েছে।

ঠাণ্ডাও আর তেমন লাগছে না, সোয়ারি ডাকবারও তার ইচ্ছে নাই। সে চলেছে তো চলেছেই। তার মনে হোলো, এমনি করে চলতে চলতে সে তার সেই পুরনো দিনে গিয়ে পৌছবে, খুঁজে পাবে পুরনো খুশিকে। সে-খুশি পরিশ্রম করে, উচু তার আশা, মনও তার পবিত্র।

সরু গলির ভিতরে সেই কালো ছায়াটার কথা তার মনে পড়ল। বড়ো ঠায় দাঁড়িয়ে আছে। বড়োকে সে জ্ঞপ্ত করেছে, ন'কর্তাকে হার মানিয়েছে—আর কি চাই? এখন সব কিছুকেই সে হার মানাবে। অবিশি, বড়োটাকে একটা ঘুষি কি একটা লাথিও সে মারবার স্বযোগ পায়নি, কিন্তু বড়ো খুবই জ্ঞপ্ত হয়েছে। সংসারে তার একমাত্র আপনার জনের মরবার খবর খুশি তাকে শুনিয়ে দিয়েছে। খুশির কিন্তু খবরটা বলতে একটুও বাধেনি। এই তো জন্মের শাস্তি। বেজন্মা বড়োটা যদি ধাক্কা খেয়ে মরেও না যায়, মরবার দাখিল নিশ্চয়ই হবে। ন'কর্তার সবই আছে, কিন্তু খুশির কিছুই নেই; কিন্তু খুশি এখন রিক্সা টেনে জীবন কাটিয়ে দিতে পারবে, মনে তার ফুতিরও অভাব হবে না। আর ন'কর্তার কি হবে? বেচারী তার নিজের মেয়ের কবরটাও খুঁজে বার করতে পারবে না।—কি মজা! বড়ো, তোমার টাকা আছে, মেজাজ বেশ চড়া—স্বর্গমত কাঁপিয়ে তুলছ—কিন্তু কি হোলো? একটা রাস্তার ভিখিরির কাছে হেরে গেলে!

যতই সে ভাবতে লাগল, ততই তার ফুতি বেড়ে গেল। তার ইচ্ছে হোলো গলা ছেড়ে সে চিংকার করে ওঠে, গান গেয়ে সে সমস্ত পৃথিবীকে শুনিয়ে দেয়: খুশি বেঁচে উঠেছে, আবার বেঁচে উঠেছে! খুশি জিতেছে, খুশি জিতেছে! রাতের ঠাণ্ডা হাওয়া মুখের উপর চাবুকের মতো এসে পড়তে লাগল। তবু সে ঠাণ্ডা

বোধ করল না ; বরং আনন্দই হোলো । রাস্তার আলোর তুবাবের ধুলি-গড়া ঘোলাটে চাউনি তার মনে জাগল সাদা । চারদিকে আলো,—তার পথে এসে পড়েছে আলোর ছটা—ঐ আলোর ইজিত ধরেই আগামীর পথে সে এগিয়ে চলবে ।

এক ঘণ্টা হোলো সে একটা সিগারেট খেয়েছিল, আর সে খাবে না ! এখন থেকে মদ সে ছোবে না, সিগারেটও খাবে না । নতুন খাতাই সে খুলল,—আবার পরিশ্রম সে করবে, নিজেকে সে শোধরাবে । আজ ন'কর্তাকে হারিয়েছে, এখন থেকে পৃথিবীর যত ন'কর্তা আছে সবাইকে হারাবার চেষ্টা সে করবে । ন'কর্তা তাকে শাপাঙ্ক করে গেল, কিন্তু শাপে বর হয়েছে । সে এবার নিজের পথ পেয়ে গেছে । ন'কর্তার দ্বারের আশা ছেড়ে দিয়েছেন, তারাই তো আসে এই পথে, তারাই অধিকার ছিনিয়ে নেওয়ার দাবী করে ।

এক নিশ্বাসে সে যেন যতো রাগ ছিল সব উজাড় করে দিল—বাপ আর মেয়ের প্রভাব এতদিন তাকে ভূতের মতোই পেয়ে বসেছিল, আজ দূর হয়ে গেল, এখন সে হাঁপ ছেড়ে বাঁচল । নিজের হাত-পার দিকে সে তাকাল । এখনো সে ছোকরাই আছে—চিরদিন সে তা থাকবেও । বাঘিনী মরুক, ন'কর্তা মরুক, খুশি ঠিক খুশিই থাকবে—তেমনি হাসিহাসি মুখ, তেমনি উচু আশাভরা, তেমনি জীবন্ত খুশি । মন্দ লোকদের মন্দ ভাগ্য হবে, তারা মরে যাবে ; যে সৈন্তেরা তার রিক্সা কেড়ে নিয়েছিল তারা, ইয়াঙ্ক—সেই মাগিটা চাকর বাকরদের উপোস করিয়ে রাখতো, বাঘিনী ন'কর্তা, তার টাকা ঠকিয়েছে যে গোয়েন্দা বেটা, আর চিরা বাড়ির চলানো মাগিটা সবাই মরে হেজে যাবে । শুধু থাকবে খুশি—চিরদিন বেঁচে থাকবে ।

এই বেটা খুশি, এখন থেকে খুব খাটবি, সে নিজেকে কড়া ধমক দিল । নিজেরই আবার উত্তর দিল তার : কেনই বা খাটবি না বল ? আমার তাগদ আছে, আছে মন—তাছাড়া বয়েসও আমার কম !

খুশির মনের বোঝা তো আর নেই । সে এখন স্বাধীন—এমন করেই সে নিজের মনকে ঠাণ্ডা করল । কে এখন তার পথে এসে দাঁড়াবে, তার ব্যবসা নষ্ট করে দেবে, তাকে ঘর-সংসার পাততে দেবে না—কে-কে এমন লোক আছে ? তার মতো কেইবা নিজের এত দুঃখদুর্দশার ভিতরে মাথা চাড়া দিচ্ছে দাঁড়াতে পারত ? কেউ পারত না, সবাই দুর্দশার চাপে গুঁড়িয়ে যেত—সেও তো গিছিল । কিন্তু এখন সে দিন আর নেই, কাল আবার নতুন খুশিকে তোমরা দেখতে পাবে—নতুন তার আশা-আকাঙ্ক্ষা—আগের চাইতে ঢের ঢের বেশি ।

এমনি ধারা বিড় বিড় করতে করতে সে পথ চলতে লাগল । পায়ে যেন জোর বেড়ে গেছে—তাহলে কথাগুলো সে মিছেই বলেনি । সে পেয়েছে নতুন

শক্তি। শরীরে তার দুই রোগের বীজাহু ঢুকেছে, অস্থিরে মাঝে মাঝেই ভোগে—কিন্তু তাতে হয়েছে কি? তার মনই যখন বদলেছে, রোগ তো ফস মন্ডরে উড়ে যাবে, বীজাহু মুখ লুকাবে—তার ছেলপুলে স্বাস্থ্য আর শক্তি নিয়েই জন্মাবে,—হাঁ, হাঁ, তাতে কোনো সন্দেহই নেই।

দরদর করে তার শরীর দিয়ে ঘাম বরতে শুরু করল, গলা তকিয়ে এসেছে। তেঁটা মেটাবার জন্তে সে এদিক ওদিক তাকাল। না, না, চা-খানায় সে ঢুকবে না। আস্তানায় সে এসে গেছে প্রায়। রিক্সাখানা আড্ডায় ঝেঁঝে একটা ছোট্ট ছেলেকে সে ডাকল। ছেলোটো মস্ত ভাঁড়ে করে চা বিক্রি করছে। বিত্তি চা-ই সে ছু-ছু ভাঁড় শেষ করল। একেবারে থালা-বাসন ধোয়া জলের মতোই বিত্তি, গিলতে গিয়ে 'গলায় আটকে যায়, গা বমি বমি করে। কিন্তু এখন সে এই চা-ই খাবে।...ভালো চা আর খাবারে টাকা নষ্ট সে করবে না।

খাবারও কিছু সে কিনল। এমন কিছু খাবার নয়, 'খানকয়েক কচুরি—ভিতরে বাধাকপির পুর দেওয়া। খেতে গেলে বালি কিচকিচ করে। গিলতে তার কষ্টই হোলো, কিন্তু খুশি নাছোড়, এইই সে কোনোরকমে গিলবে। যে নতুন জীবন সে শুরু করবে, তার প্রথম পরীক্ষা হিসেবে এই কথানা কচুরি শত কষ্ট হলেও সে খাবে।

খাওয়া শেষ করে হাতের চেটোয় সে মুখ মুছল। এখন সে কোথায় যাবে?

দুজায়গায় সে যেতে পারে, দুজন লোকের উপর তার বিশ্বাস আছে। যখন সে খাটবে বলেই ঠিক করেছে তখন এই দুজনকেই তাকে খুঁজে বার করতে—হবে। খুদে লক্ষ্মী আর চাও-কর্তা এই দুজনকে এখন তার বড় দরকার। চাও-কর্তা, সাধু মাহুদ, নিশ্চয়ই তিনি তাকে ক্ষমা করবেন, তাকে উপায়ও বাতলে দেবেন। চাও-কর্তার কথামতো চললে তার আর দুঃখহুদ'শা থাকবে না। হাঁ, খুদে লক্ষ্মীকেও তার চাই। এই দুজনকে পেলে সে পৃথিবীর সঙ্গে যুক্ত হতে পারবে। খুশি খেটে পরস্রা কামাবে, খুদে লক্ষ্মী ঘর-কন্না করবে। কখনো তাদের অভাব হবে না। তারা সংসার চালিয়ে যাবে।

কিন্তু চাও-কর্তা কিরেছেন কিনা তাই বা কে জানে? ফিরুন, না ফিরুন সে কাল লঙ'ন'ধ'ল্লীটে গিয়ে খোঁজ নিয়ে আসবে। যদি তাকে সেখানে না পায় তো ত্রিযুক্ত চো-র বাড়িতে খোঁজ নেবে। চো-র বাড়িতে গিয়ে ত্রিযুক্ত চোকে জিজ্ঞেস করে সে জেনে নেবে চাও-কর্তা এখন কোথায় আছেন? তারপরে সব ব্যাপার ঠিক হয়ে যাবে। বেশ, আজ সে সারা সন্ধ্যোটো রিক্সা টানবে, কাল ভোরে উঠেই চাও-কর্তার খোঁজে বেরিয়ে পড়বে। চাও-কর্তার সঙ্গে দেখা করে সে যাবে খুদে লক্ষ্মীর কাছে। তাকে গিয়ে হুখবর দেবে। এখনো সে কিছু

করতে পারেনি, কিন্তু এখন থেকে কিছু করবে বলেই ঠিক করেছে। খুঁদে লক্ষীকে তার চাই, দুজনে মিলে তারা কাজ করবে, ভবিষ্যতের পথ এমনি করেই তো তৈরী হবে।

এমনি করে ভবিষ্যতের ছক কষে সে ছুটে গেল প্রথম সোয়ামির কাছে। ভাড়া ঠিক হবার আগেই পরনের ঢিলে কামিজ সে খুলে ফেলল, সাঁটো কোর্তা তার গায়ে। চোখে তার ঈগলের মতো ধারালো দৃষ্টি। স্ন্যাগের মত পায়ে জোর না থাকলেও উত্তেজনায় তার সারা শরীর গরম হয়ে উঠেছে। রিক্সা সে চালাচ্ছে, তার জীবন যেন রিক্সার ভিতর চারিয়ে যাচ্ছে। যা কিছু ঘটুক না কেন, খুশি এখনো সেই খুশিই আছে। এখনো ছুটতে মন করলে সে সকলের থেকে জোরেই ছুটতে পারে। কারো তাকে হারাবার ক্ষমতা নেই। সে প্রাণপণে ছুটতে লাগল। পথে অল্প রিক্সার সঙ্গে সে পাল্লা দিয়ে তাদের হারিয়ে দিল। এক দুর্ভাগ্য ক্যাপামি যেন তাক পেয়ে বসেছে।

তার গা দিয়ে ঘাম ঝরতে লাগল। একবার ভাড়া খেটেই শরীর বেশ হালকা লাগল, পায়েও যেন জোর সে ফিরে পাচ্ছে। আবার ছুটল আর এক সোয়ামির সন্ধানে। নামি রেসের ঘোড়া যেমন দৌড়ে এসেই আবার ছুটবার জন্তে মাটিতে অধৈর্য হয়ে পা দাপায়, তেমনি হোলো খুশির অবস্থা। চূপ করে বসে থাকতে সে চাইল না, পারল না। এগারোটা পর্যন্ত সোয়ামি নিয়ে সে ছুটল, তারপর রিক্সাখানা আন্তানায় এনে রাখল।

ভোরবেলা কাপড় জামা ছেড়ে, খাওয়া দাওয়া সেরে সে আন্তানার ম্যানেজারকে হেসে বলল, একটা দিন আমি ছুটি নেব—অনেক কাজ আছে, সেরে ফেলব। পরদিন থেকে শুরু হবে নতুন জীবন।

সে প্রথমে লঙ নর্থ স্ট্রিটের দিকেই ছুটল। চাও-কর্তা হয়তো ফিরে এসে সেই বাড়িতেই উঠেছেন। যেতে যেতে সে বার বার এই প্রার্থনা করল : চাও-কর্তা যেন বাড়িতে থাকেন, হে ঈশ্বর, চাও-কর্তা যেন ফিরে আসেন! দোহাই, তোমার, আমাকে এমনি করে আর ঘুরিও না! পরল। ব্যাপারেই যদি থাকা খাই, তাহলে যে কিছুই করতে পারব না। খুশি তো একেবারে বদলে গেছে, হে স্বর্গের দেবতা, তোমাদের কি তবু দয়া হবে না, তোমরা কি তাকে রক্ষা করবে না?

চাওদের বাড়ির দরজায় বেল টিপতে গিয়ে তার হাত কঁপে উঠল। কে এসে দরজা খুলবে কে জানে! বুক কাঁপছে, কলজেরটা যেন ছিটকে বেরিয়ে আসতে চাইছে। সে চেনা দরজার স্তম্ভে দাঁড়িয়ে রইল। আগের কথা মনেও পড়ছে না। সে শুধু ভাবছে : এমন কেউ এসে যেন দরজা খুলে দেয়, যার মুখখানা অস্বস্ত সে দেখলেই চিনতে পারে। বহুক্ষণ সে দাঁড়িয়ে রইল। একসময়ে

তার মনে হোলো বাড়িতে কেউ থাকে না। কাঁকা বাড়ি না হলে এমন নির্জন হয় কখনো ?

হঠাৎ ভিতরে একটা শব্দ শোনা গেল। খুশি চমকে উঠল। সে যেন এমন একজন লোক যে, বন্ধুর মর্যাদা শরীরটা রাতে পাহারা দিচ্ছে, হঠাৎ শব্দধারের ভিতরে ফিসফিসানি শুনে চমকে উঠল। দরজা এবার খুলেছে, ক্যাচ ক্যাচ শব্দ হচ্ছে ছিটকিনি, আর খিল খোলায়। কার স্বরও যেন ভেসে এল—খুবই ঘনিষ্ট, খুবই অন্তরঙ্গ সে স্বর : ওমা তুমি ! কাও-মা এসে দাঁড়িয়েছে।

তারপর খুশি যে হঠাৎ ? এতদিন তো দেখাই পাইনি ? এত রোগা হয়ে গেলে কি করে ?

খুশি তাকিয়ে দেখল, কাও-মা বেশ মুটিয়েছে।

কত্যা আছেন নাকি ? খুশি জিজ্ঞেস করল। তার দুদণ্ড আলাপ করবার সময় নেই।

হাঁ, বাড়িতেই আছেন, তুমি ভালো লোক বাপু ! এসেই কত্যা কত্যা শুরু করেছে, কেন তোমার সঙ্গে কি আমার চেনা নেই নাকি ? তুমি তো একবার জিজ্ঞেসও করলে না, আমি ভালো আছি কিনা ! এস, এস ! হাঁ, একমাস ভাল ছিলে তো খুশি ? কথা বলতে বলতে কাও-মা তাকে ভিতরে নিয়ে গেল।

না, খুশি হেসে উত্তর দিল।

সেকি ! কি ব্যাপার ?...কত্যা ! ঘরের বাইরে থেকে কাও-মা ডাকল। খুশি আপনার সঙ্গে দেখা করতে এসেছে।

শ্রীযুক্ত চাও তার পড়বার ঘরে নার্শিসাস ফুলের টবগুলো রোদে নিয়ে রাখছিলেন।

অস, ভিতরে এস !

বাও, ভিতরে যাও ! ফিরে এস, কথা হবেখন। আমি যাই গিন্নীকে গিয়ে খবর দিই, আমরা সবাই তোমার কথা বলাবলি করি, কি হোলো ছোকরার ! এমন করে তাকিয়ে আছ কেন ? সরল লোককে সবাই ভালোবাসে। কাও-মা বকতে বকতে চাও-গিন্নির ঘরের দিকে চলে গেল।

খুশি এবার ঘরে ঢুকল।

কত্যা, আমি ! সে ডাকল, কত্যা শরীর কেমন আছে জিজ্ঞেস করবে, কিন্তু তার মুখ দিয়ে আর কথা বেরুল না।

আরে এস, এস ! শ্রীযুক্ত চাও ঘরের মাঝখানে দাঁড়িয়ে আছেন, তার গানে একটা কতুয়া, মুখে প্রশান্ত হাসি। বোসো, বোসো ! হাঁ—কি যেন তিনি ভাবলেন, তারপর বললেন, আমরা বহুদিন হোলো ফিরে এসেছি। বুড়ো চেঙের কাছে শুনেছিলাম, তুমি মানবমিলনেই আছ। একদিন কাও-মাকে সেখানে পাঠিয়েও ছিলাম, কিন্তু সে

তোমাকে পায়নি। আরে বোসো বোসো! তারপর কেমন ছিলে? কাজকর্ম ভালো চলছে তো?

খুশির কান্ডে ইচ্ছে করল। তার বুকের এককোণে সে কত কথা লুকিয়ে রেখেছে, সেই জানে। সে সব কথা রক্ত দিয়ে তৈরী—লোকে তা বুঝতে পারবে না। অনেকক্ষণ সে চুপ করে রইল, সে চাইল তার সেই সরল কথার ধারা টেলে দিতে, বজা বইয়ে দিতে। একটা কথাও সে ভোলেনি, লাল নিশানের মতোই তার স্মৃতিতে তারা উজ্জ্বল হয়ে আছে। একটা কথা মনে পড়লেই নিশানের মতো সমস্ত স্মৃতি যেন হুড়িয়ে পড়ে তার স্মৃতিতে।

কিন্তু চাও-কর্তার কাছে এমন এলোমেলো ভাবে বলতে পারবে না। আস্তে আস্তে ভেবে ভেবে বলবে, একটির পর একটি ঘটনা সাজিয়ে নেবে তার মনে। এক জীবন্ত ইতিহাস সে বলতে যাচ্ছে : এর মানে সে জানে না, কিন্তু তিলে তিলে তারই দুঃখহৃদশ দিয়ে এই কাহিনী গড়ে উঠেছে। সে-দুঃখহৃদশাই তো তার জীবনের চরম সত্য, সেখানে একটুও আবছা কিছু নেই।

শ্রীযুক্ত চাও বুঝতে পারলেন যে খুশি পুরনো দিনের কথা ভাবছে। তিনি চুপ করে বসে রইলেন। কখন সে কথা কইবে কে জানে।

খুশি বোবার মতো বসে রইল : হঠাৎ একবার মাথা তুলে শ্রীযুক্ত চাওর দিকে তাকাল। কেউ শুনতে না চাইলে তারও বসবার ইচ্ছে নেই—এমনি যেন তার ভাবখানা।

বল খুশি, তুমি কি বলতে চাও? শ্রীযুক্ত চাও এবার বললেন।

খুশি তার নিজের জীবনের ঘটনা বলে গেল। প্রথম যেদিন গাঁ থেকে শহরে এল সেই থেকেই শুরু করল। এইসব বাজে কথা বলবার তার ইচ্ছে ছিল না, কিন্তু না বলে সে পারল না। তাহলে যে তার কাহিনী অসম্পূর্ণ থেকে যায়। তার স্মৃতিতে দুঃখের ছুরি দাগ কেটে কেটে এ কাহিনী লিখে দিয়েছে, বলতে গিয়ে সে কিছুই বাদ দিতে পারল না। কোথাও একটু বিজ্ঞপের আভাসও দেখা দিল না। তার প্রতিবিন্দু ঘাম, প্রতিবিন্দু রক্ত নিংড়ে এই ঘটনার স্রোত চলেছে, একে সত্যিকারের রূপ দিতে তো হবেই।

সে সত্যিকারের রূপই দিল। তার কথায় ফুটে উঠল ছবিব পর ছবি। শহরে এসে সে হোলো জমিক; টাকা জমিয়ে সে রিক্সা কিনল, সেই রিক্সা সে হারাল, তারপর বহু-দুঃখহৃদশার মধ্য দিয়ে এই অবস্থায় সে পৌঁছেছে। সে নিজে পর্যন্ত অবাক হয়ে গেল, এমন আভাবিকভাবে এতক্ষণ ধরে তাহলে সেও কথা বলতে পারে! ঘটনাগুলো যেন, একটার পর একটা লাফিয়ে আসছে; এত জীবন্ত তারা। আর তারা তাদের নিজের কথা নিজেরাই বলছে; লাইনের পর লাইন আসছে, রিক্সাওয়ালা



আশা-আনন্দ, নিরাশা আর চোখের জলের আনাগোনা চলছে। অতীতের এই জীবন্ত মিছিল খামাতে পারে এমন সাধ্য তার নেই। কথা শেষ হলেও ওরা বেন থাকবে, ওর চারুপাশে ঘুরবে। বলতে বলতে খুশির বৃকের ভার খানিকটা হালকা হয়ে গেল, সে খুশি হয়ে উঠল। সে নিজেকে ভুলেই গেল। প্রতিটা কথা বেন তার নিজেরই একটা অংশ, তার নিপীড়িত, পতিত আত্মার এক অসংলোচ নিবেদন।

কাহিনী শেষ হয়ে গেল। তার কপালে ঘাম পড়ছে। বৃক একেবারে হাফা হয়ে গেছে, ফাঁকা আর শান্ত তার বৃক। বেন সে এতক্ষণ অজ্ঞান হয়ে ছিল, এবার জ্ঞান ফিরে পেয়েছে, চোখ চাইছে।

তুমি আমার কাঁছে পরামর্শ চাইতে এসেছ বোধ হয় ?

খুশি ঘাড় নাড়ল। যা বলবার সে বলেছে, এখন আশ্রয় কথা বলতে তার ইচ্ছে করছে না।

বেশ! কিন্তু গেয়েন্ডার ব্যাপারটা আমি প্রথমে তোমাকে বলতে চাই। ওটা বোধ হয় তুমি এখনো ঠিক বুঝতে পারনি? আমি যখন চলে গেলাম, তখন তো তুমি—

হঁ!

হাঁ, ব্যাপারটা কি হয়েছিল শোন। বিশ্ববিদ্যালয়ে আমি দুই এক ক্লাসে পড়াই। উয়ান সিঙ বলে ওখানকার একটি ছেলে প্রথম থেকেই আমার কাছে আসত যেত, পড়া বুঝে নিত। লোকে আমাকে সোশালিস্ট বলে জানে। ওঃ একদম ভুলে গেছলাম যে, তুমি আবার খুলে না বললে বুঝতে পারবে না। সোশালিস্টরা বিশ্বাস করে যে, জমি, কারখানা সব সাধারণ মানুষের জন্তেই হবে, তারা তার লাভের ভাগ পাবে। কয়েকটা মুনাফাখোরের হাতে এসব থাকলে তারা শুধু গরীবকে শুবে নিজের টাকা জমাবে, গাড়ি কিনবে, ভালো খাবে-দাবে, এদিকে অন্য লোকেরা মরবে উপোস করে। কি, বুঝতে পারলে তো?

খুশি দার মারা গোছের মাথা নাড়ল। সেই ছাত্রীটির কথা তার মনে পড়ল, তাকে চিড়িয়াখানা নিয়ে যাওয়ার সময় এমনি কয়েকটা কথা সে বলেছিল। কিন্তু পৃথিবীতে ওসব কখনো হবে না, সে জানে।

এখন এই উয়ান সিঙ ছোকরাটা আমার থেকেও বড় সোশালিস্ট বলেই নিজেকে জাহির করত, তাই ওর সঙ্গে প্রায়ই আমি তর্ক-বিতর্ক করতাম। কিন্তু সে ছাত্র আর আমি তার মাষ্টার বলেই ব্যাপারটা কখনো ঝগড়ায় দাঁড়ায় নি। মাষ্টারদের কাজই হচ্ছে, ছাত্রেরা কি রকম পড়লো দেখা, আমার সঙ্গে ভাব করে যে পড়ানোয় কেউ কান্না দেবে এ আমি কখনো চাই না।

খুশি কিছুই বুঝতে পারল না। চাও-কর্তাকে সে মান্ত করে, তাই শুনবার আগ্রহ দেখিয়ে বসে রইল। সে বুঝতেই পারল না গোয়েন্দা সানের সঙ্গে উয়ান সিঙের কি সম্বন্ধ।

শ্রীযুক্ত চাও টের পেয়ে বললেন, উয়ান সিঙের কথা কেন বলছি, এখনি বুঝতে পারবে। আবার তিনি বলতে শুরু করলেন।

কিছুদিনের ভিতরেই আমি বুঝতে পারলাম, উয়ান সিঙের মত আমার থেকে সম্পূর্ণ আলাদা। সে যা বলে নিজেই তা বিশ্বাস করে না। শুধু সকলের চাইতে সে জ্ঞানী, এইটে দেখাবার জন্তেই বিপ্লবের বড় বড় বুলিগুলো আওড়ায়। ক্লাশের পড়ার দিকেও তার নজর নেই। আমার সঙ্গে সে বড় বড় কথা বলবার সুবিধে হবে বলেই সে ভাব করেনি, তার পরীক্ষার খাতায় ছাইপাশ ঘাই সে লিখুক না কেন—তাকে আমি পাসের নম্বর দিয়ে দেব—এই ভেবেই সে ভাব করেছিল।

আমার মনে হয়, শ্রীযুক্ত চাও-এর মন কিছুক্ষণের জন্তে নিজের চিন্তার মধ্যে হারিয়ে গেল, সে এইটাই ভাবত যে, দেশের অরাজকতার সুযোগ নিয়ে যেসব নেতা ওঠেন তারা অনেক দিকে অপদার্থই হন। আমি ইতিহাস পড়েছি, সুতরাং একথা জেনে তাকে নিশ্চয়ই পরীক্ষায় ফেল করবে না। সেও তো একজন হুঁ নেতা। তার নজিরও ছিল বহু। লেখাপড়া নিয়ে কথা উঠলেই সে বলত : কোন বিখ্যাত লোকটা স্কুলে গাধা ছিল না আমাকে বলুন ?

যখন পরীক্ষা এল আমি ওকে আমার বিষয়ে পাসের নম্বর দিতে পারলাম না। আর অন্তসব বিষয়ে ও এত খারাপ করেছিল যে আমি পাস-নম্বর দিলেও ক্লাসে উঠতে সে কিছুতেই পারত না। তবু আমার উপরই তার রাগ হোলো, যেন আমি তাকে পাস করিয়ে দিলাম না, ছেলেনের কাছে তার মুখ রইল না। তা মান বজায় রাখাও তো বিপ্লবের মতোই বিশেষ দরকারী জিনিস! শ্রীযুক্ত চাও হাসলেন।

সে ভাবল, আমি এমন একজন ছাত্রকে বুঝতে পারলাম না। আমার সঙ্গে তার সম্পর্কটা এত ভালো অথচ আমিই কিনা শেষে তার পরীক্ষায় ফেল করার কারণ হলাম। সে এবার ছেলেনের কাছে বলে বেড়াতে লাগল, আমার হাড়ে হাড়ে ছুঁ বুঝি—আমি বিশ্বাসঘাতক।

যদি বিশ্ববিদ্যালয়ে আমি পাস করালেই সে টিকে যেত, আমি নই হয় আর একবার তার পরীক্ষা নিতাম, পাস করিয়েও দিতাম। কিন্তু সে পড়াশুনোয় ইচ্ছা দিল। সে সমাজব্যাবস্থা বদলাবর জন্তে উঠে পড়ে লেগে গেল। তার আর পড়াশুনো করার সময় তখন কোথায়? সে বলে বেড়াতে লাগল সমাজ রিফর্মার!

ব্যবস্থা বদলাবার চেষ্টাই সে করবে, পড়াশুনো চুলোয় থাক। কেমন কুড়েও  
বেন হয়ে গেল, কিন্তু বিনা পরিশ্রমে মান মর্যাদা পাবার ফিকির খুঁজে বেড়াতে  
লাগল। সোশালিস্ট কজন আছে বল তো ?

হাঁ, যখন সে দেখল, বিশ্ববিদ্যালয়ে আর কোনোরকমেই টিকতে পারবে না,  
তখন আমার উপরে এসে তার সমস্ত রাগ পড়ল। এ-ধেন তেমনি একজন  
লোক—যাকে টাকার জন্তে কেউ বন্দি করে রেখেছে, কিন্তু এই অবস্থার ভিতরে  
মুক্তির টাকার ভাগীদার জোটাতে সে ব্যস্ত। সে ভাবল, সে তো বিশ্ববিদ্যালয়  
থেকে যাবেই, আমাকেও সঙ্গে নিয়ে যাবে। আমি যেসব কথা সরকার বা সমাজ  
ব্যবস্থা সম্বন্ধে রূপে বলেছি, সেইসব কথা ভালো করে জোড়াছাড়া দিয়ে গুপ্ত  
সংবাদ হিসেবে কতৃপক্ষের কানে তুলল। সে এও বলল যে, আমার মত উগ্র  
বামপন্থীকে কখনো বিশ্ববিদ্যালয়ে পড়াতে দেওয়া উচিত নয়। আমি এই সব  
উদ্ভট মত প্রচার করে ছোকরাদের মাথা খাচ্ছি।

পরে আমি এসব জেনেছি, তখন শুধু একটা গুজব কানে এসেছিল, আমি  
ঠাট্টা করেই উড়িয়ে দিলাম। হাসির কথা বইকি—আমাকে ওরা শেখটার  
বিপ্লবের অগ্রদূত বলে ঠাওরালে। সত্যি এমন কথা কখনো বিশ্বাস করা যায়।  
আমার সঙ্গে যারা কাজ করতেন আর কয়েকজন ছাত্র আমাকে একটু সাবধান  
থাকতে বলল।

শ্রীযুক্ত চাও সবই বললেন, শুধু এই কথা এড়িয়ে গেলেন যে, সমাজতন্ত্রবাদ  
সম্বন্ধে তার ধারণাটা নিতান্তই ভাঙ্গা-ভাঙ্গা, তিনি যে সৌন্দর্যের বোধ পেয়েছেন,  
সেই সৌন্দর্যই তাকে বিপ্লবী হতে দেবে না। কিন্তু এই শিক্ষাই তার হোলো  
যে, নিজে নির্দোষ হলেও অভিযোগ আসতে কিছুমাত্র বাধে না। অথচ তিনি  
ভাবতেন, পৃথিবীর এই হইহট্টগোলের মধ্যে শান্ত মনই হচ্ছে নিরাপত্তার একমাত্র  
উপায়। কি তুলই না তিনি ভেবেছিলেন!

খুশিকে তিনি বলতে লাগলেন, শীতের ছুটিতেই গোয়েন্দারা শিক্ষাবিভাগকে  
ঠাণ্ডা করবার স্বযোগ খোঁজে। তারা নানা তদন্ত করে, খানাতজাশ করে।  
আমার অনেক সময়েই মনে হতো, কে যেন আমার পেছনে লেগে আছে,  
পিছনের এই ছায়ার টের পেয়েই আমি সাবধান হয়ে গেলাম। তাহলে একেবারে  
উড়িয়ে দেওয়ার ব্যাপার নয় দেখছি।

আমি এ নিয়ে ভাবতেও শুরু করলাম। যদি পাস করতে হয় এই তো মস্ত  
স্বযোগ। বোমা কেলা বা অস্ত্র কিছু করার চাইতে দুদশদিন জেলে যাওয়া  
ঢের সহজ, শ্রীযুক্ত চাও আবার হাসলেন। জেলে গেলেই নামের পথ ভৈরী  
হয়ে গেল।

খুশিও হাঙ্গল। এবার ব্যাপারটা যেন খানিকটা বুঝতে পারছে। চাও-কর্তার এখান থেকে যাওয়ার পর বেশ বার কতক জেল খেটে এসেছে। সে অবিশ্বাস নাম কিনতে পারেনি, কিন্তু জেলে গেলে যে কটা দিন বেশ হুস্থে কাটানো যায়, একথা সে জানে।

কিন্তু অমন সস্তায় কিস্তি মাত করতে আমি চাই না। সরকারের মতো অমন খেলা খেলতেও আমি রাজি নই। গোয়েন্দাদের চোখে ধুলো দিয়ে বেশ নাম কেনবারও তখন সুবিধে ছিল, কিন্তু আমি তা পারলাম না। শ্রীযুক্ত চাও কথাগুলো বলে গেলেন, এর পিছনে রইল এক গভীর মনস্তত্ত্ব। তিনি সত্যিকারের বিপ্লবী নন বলেই নিজেকে স্বর্ণা করেন, আবার নকল বিপ্লবী হতেও তিনি রাজি নন।

আমি গিয়ে আমার বন্ধু চোর কাছে পরামর্শ চাইলাম। চৌ উপায় বাতলে দিলে। সে বললে, এখনই বেগতিক দেখবে, আমার বাড়িতে এসে উঠবে। আমার বাড়ি ওরা তল্লাস করবে না। চোর বহু বান্ধব আছে, আর বন্ধুতা যে আইনের থেকে অনেক বড় একথা তুমি নিশ্চয়ই জান। তুমি এখানে এসে কদিন থাক, তাহলেই ওরা বুঝবে তুমি ভয় পেয়েছ। চৌ বুদ্ধি দিল, তারপর ওদের কাছে গিয়ে অপোস করে ফেললেই হবে, কটা টাকা হয়তো ধরচ হবে। একে তো আমরা ভয় পেয়েছি শুনলেই তারা খুশি হবে, তার উপর হাতে টাকা ওজ্র দিলে তো আর কথাই নাই। তারপর তুমি বাড়ি ফিরে যেও, দেখবে কিছু হবে না।

গোয়েন্দা সানের উপর ছিল আমাকে নজরে রাখার ভার! সে আমাকে প্রায়ই চো-র বাড়িতে যেতে দেখেছে। সে বুঝতে পেরেছিল, তাড়া খেলেই আমি চো-র বাড়িতে গিয়ে উঠব। কিন্তু চো-র বাড়িতে এসে তো আমার হামলা করতে পারে না। তাছাড়া আমাকে হয় তো ঘাবড়ে দেওয়াই তাদের উদ্দেশ্য ছিল। সে যাই হোক, চো-বাড়িতে তাড়িয়ে নিয়ে যেতে না পারলে যে আমার কাছ থেকে একটা পয়সাও পাবে না, একথা ওরা জানত।

হুতরাং সেই ভাবেই ওরা কাজ করল। আমার কিছু টাকা গেল, ভয় পেয়ে সাঙুহাই পালিয়ে গিয়ে কমাস রইলাম। কিন্তু এত ভয় পাবার সত্যিই কারণ ছিল না।

খুশি সানের উপরে বেগে লাল হয়ে উঠল : ওরা আমার টাকা কেড়ে নিয়ে গেল যে ?

শ্রীযুক্ত চাও দীর্ঘনিশ্বাস ফেললেন। তোমার টাকা কেড়ে নেওয়া আসলে গোয়েন্দা বিভাগের মতলব ছিল না। কিন্তু তোমাকে সামনে পেয়ে গোয়েন্দাটার মাথায় বোধ হয় এই মতলব খেলে। ধরতেই যখন পেরেছে, তখন আর শিকার না রিফাওয়ালা

করে ছেড়ে দেয় কেন? পুলিশের লোকগুলো ঐ ফিকিরেই তো থাকে। ওরা ভাবে, লোকটা যখন সামনেই রয়েছে, তখন দশ-বিশ ডলার বা পাঁচশা বার মোচড় দিয়ে নেওয়া যাক।

খুশি সেদিনের কথা মনে করে অফুট চিৎকার করল সেদিনের কথা। এখনো সে ভুলতে পারেনি, সে কথা মনে করলে তার কায়া পায়।

হাঁ, হাঁ, তাকে ঠিক কায়দামতো গেয়ে গেল কিনা, যা পারে আদায় করে নিল। এতে তোমার কোনো দোষ নেই। তোমার মনে আছে তো; আমিই তোমাকে বাড়ি যেতে বলেছিলাম, যদি কিছু দোষ হয়ে থাকে আমার। শ্রীযুক্ত চাও এবার কথাটা পালটে অন্য কথায় এলেন। যা ঘটে গেছে তার তো আর উপায় নেই। খুশি এ নিয়ে বেশি ভাবে তিনি চান না। তুমি তো সব ব্যাপার জানোই। কিন্তু যা হয়ে গেছে তা নিয়ে ভেবে আর কি হবে, এখন কি করতে চাও বলো? এখনো রিক্সাই টানবে না কি?

খুশি মাথা নাড়ল। এই একটা জিনিসই সে এখনো পারে। এ ছাড়া সে আর কি করবে?

যখন রিক্সাই টানতে চাও, শ্রীযুক্ত চাও আস্তে আস্তে বললেন, দুটো উপায় আছে। এক টাকা জোপাড় করে নিজের রিক্সা কেনা, আর এক উপায় ভাড়া নিয়ে টানা। ঠিক বলিনি? তোমার হাতে তো কিছু পুঁজি নেই, তোমাকে তো টাকা ধার করেই রিক্সা কিনতে হবে? তখন যে টাকাটা ভাড়ায় যেত সেইটে হুদে চলে যাবে। তাই বলি, প্রথমটা একখানা রিক্সা ভাড়া নিয়েই শুরু করে দাও। আর মাস-মাইনের কাছে ছুটকো ভাড়াখাটার চাইতে ঢের বেশি সুবিধে। কাজের একটা সময় বাঁধা আছে, তাছাড়া মাসের শেষেই মাইনেটা আসছে, খোরাক আর থাকবার জায়গার জন্তেও তোমার কিছু খরচা হবে না। আমি যা দেখছি, তাতে আমার তো মনে হয়, আমার এখানেই তোমার চলে আসা ভালো। আমি চোর কাছে আমার রিক্সাখানা বিক্রি করে দিয়েছি। তা একখানা না হয় ভাড়া করেই নেব। কি বলো তুমি?

তাহলে তো খুব ভালো হয় কত্তা! খুশি উঠে দাঁড়াল।

হাঁ, একটা ব্যাপারে তোমাকে সাবধান করে দেওয়া উচিত, শ্রীযুক্ত চো যেন আপন মনে বলছেন বলেই মনে হোলো, আমি এখন আর বিশ্ববিদ্যালয়ে পড়াই না, কিন্তু উয়ান এখন হোমরা-চোমরা সরকারী কর্মচারী। আমার তার সঙ্গে এখন খুব কিন্তু—

খুশি হাতের একটা ভঙ্গী করে বলল, কত্তা যদি না ডরান, আমিই বা ডরাব কেন?

বেশ, বেশ! শ্রীযুক্ত চাও হাসলেন। হাঁ, এইমাত্র না খুঁদে লক্ষ্মীর কথা বলছিলে? তার সখকে কি করবে ভেবেছ?

আমার মাথায় তো কোনো মতলবই আসছে না।

আচ্ছা, তোমার হয়ে আমিই না নয় ভেবে দেখব, তারপর দেখা যাবে কি করা যায়। তুমি এখুনি যদি তাকে বিয়ে করে একটা ঘর ভাড়া নিতে চাও তাহলে খুব সুবিধে হবে বলে তো মনে হয় না। ঘর ভাড়া, কয়লা, আলো, এইসব কিনতে কিনতেই তোমার টাকা উড়ে যাবে। মাইনেয় মোটেই কুলোবে না। এক হয়, কোথাও যদি দুজনের জগেই চাকরি জোগাড় করতে পার। একই বাড়িতে তুমি রিক্সাওয়ালা আর তোমার বৌ বি হবে, এরকম ভাগ্য খুব কম লোকেরই হয়। শ্রীযুক্ত চাও মাথা নাড়লেন। না, না, আমাকে তুল বুঝো না! আচ্ছা, কখন তুমি মেয়েটিকে বিয়ে করবে ঠিক করলে? ওকে কি সত্যিই বিশ্বাস করা যায়?

খুশির মুখ লজ্জায় রাঙা হয়ে উঠল; কয়েকবার ঢোক গিলে সে বলল: যখন আর কোনো উপায় ছিল না, তখনই তো ঐ ব্যবসা ও নিল। আমার মাথার দিবা কত্তা, আমি অমন ভালো মেয়ে দেখিনি! সে—তার মনে সব যেন গোল পাকিয়ে গেছে: একটা যেন লোহার বলের মতো হৃদয়বৃত্তিগুলো এতদিন শক্ত হয়ে ছিল, এবার ভেঙে টুকরো টুকরো হয়ে চারদিকে ছড়িয়ে পড়তে চাইছে। সে কথা শেষ করতে পারল না, থেমে গেল।

যদি তাইই হয়, চাও আস্তে আস্তেই বললেন, ব্যাপারটা যেন একটু বেশি ঘোরালো, তাড়াতাড়ি কোনো পরামর্শ দেওয়া চলে না, এক হয় যদি তোমাদের দুজনকেই এখানে রাখি। তুমি তো গোটা একটা ঘরই পাবে, দুজন হলেও সেখানে কোনো অসুবিধে হবে না। থাকবার সমস্তা তো একরকম মিটল। আমি জ্ঞানি না, সে বাসন-কোসন খোয়া বা দুএকটা টুকিটাকি কাজ পারবে কিনা। যদি পাবে তো কাও-মার সাহায্যই হবে। শীগগিরই তোমাদের কর্তার ছেলেপুলে হবে। কাও-মার ঘাড়ে তখন বহু কাজকর্ম চাপবে। খুঁদে লক্ষ্মী তাকে সাহায্য করতে পারবে না। খুবই ভালো হয়! আমি তাকে খোরাক দেব, কিন্তু হাইনে দিতে পারবো না। কি এ ব্যবস্থাটা তোমার কেমন মনে হয়?

সে তো চমৎকার হবে কত্তা! খুশি ছোট ছেলের মতোই সহজভাবে হাসল।

তাছাড়া যতদিন তোমার চুরি যাওয়া টাকাটা না পূরণ হয় ততদিন প্রতি মাসে কয়েক ডলার করে বেশি মাইনে দেব। খুশির মুখে এমন কৃতজ্ঞতার ভাব ফুটে উঠল যে শ্রীযুক্ত চাও তাড়াতাড়ি কথার মোড় ফেরালেন। হাঁ, আর একটা কথা: মেয়েটির সম্পর্কেই বলছি—একা তো আমি কিছু বলতে পারছি—তোমাদের কর্তাকে একবার জিজ্ঞেস করতে হবে—

নিশ্চয়ই! খুশি বলল, কতী যদি দেখতে চান, আমি ওকে এখানে নিয়ে আসবখন।  
 হাঁ, হাঁ, তাইই কর, শ্রীযুক্ত চাও হাসলেন, আমি কথাটা তোমাদের কতীর কাছে  
 পেড়ে রাখব, তুমি তারপর একদিন এর ভিতরে ওকে নিয়ে এসো। তিনি যদি রাজি  
 হয়ে যান তো সব দিক দিয়েই ভালো হয়।

আমি এখনি বাব কতা? খুশি খুদে লক্ষ্মীকে এখনি খুঁজে বার করতে চায়, তাকে  
 জানাতে চায় এই স্তম্ভবর। 'এতো সে আশাও করতে পারেনি।

দুপুরের ঠিক আগে সে চাও-বাড়ি থেকে বেরিয়ে পড়ল। শীতের শেষ দিকের এই  
 সময়টা চমৎকার। একেবারে ঋতুখটে দিন, উজ্জল নীল আকাশে একশও মেঘ নেই;  
 সূর্যের আলো ছড়িয়ে গেছে সারা শহরে, উত্তাপের স্পর্শে সঙ্গে চুপিয়ে উঠছে আনন্দ।  
 ঘোরগ ডাকছে, কুকুর ঘেউ ঘেউ করছে, ফেরীওয়ালা হৈকে যাচ্ছে। এক রাস্তার  
 গোলমাল আর এক রাস্তায় এসে পৌঁছোচ্ছে। যিক্সাগুলোর পর্যন্ত ঢাকনি খোলা,  
 আলোয় চকচক করছে পিতলের কাজ, পথে উট ঝিমিয়ে ঝিমিয়ে চলেছে, মোটরগাড়ি  
 ছুটছে। মাহুয, জন্ত, গাড়ি-ঘোড়া, পাখী—শহরের প্রতিটি স্পন্দন যেন নতুন রূপ  
 নিয়ে আজ ভোরে দেখা দিয়েছে। এই হৈ-হট্টগোলের ভিতরেও এক শান্তির ছোঁয়া  
 লেগেছে। পথের পাশের গাছপালাগুলো মাথা উচু করে দাঁড়িয়ে আছে।

খুশির মনে হোলো, কলজেক্ট। যেন শরীর থেকে ছিটকে বেরিয়ে এসে পাখা গজিয়ে  
 পায়রার মতোই আকাশের নীলে উড়ে বেড়াতে চাইছে। সে বা এতদিন ধরে চেয়েছে  
 সবই তো আজ মুঠোর ভিতরে। কাজ, মাইনে, খুদে লক্ষ্মী সবাইকেই সে পেল।  
 এতদিন ভেবে ভেবেও সে কিছু ঠিক করতে পারেনি, অথচ আজ কটা কথায় সমস্ত  
 সমাধান হয়ে গেল। এ তো সে ভাবতেও পারেনি।

আরি হৃৎকের সময় এলে কি আবহাওয়াও বদলে যায় নাকি। শীতকালে এমন  
 চমৎকার দিন তো তার কখনো নজরেই পড়েনি।

তার খুবই আনন্দ হোলো। সে চট করে কিছু বরফ দেওয়া খেজুর কিনে ফেলল।  
 খেজুরগুলো এত ঠাণ্ডা! তা কি করবে, এই আনন্দ তো সে ফুস করে উড়ে যেতে  
 দেবে না। খেজুরে কামড় দিতেই মুখখানা যেন ঠাণ্ডা মেয়ে গেল, দাঁতের গোঁড়া  
 শির শির করে উঠল। এরার গলা বেয়ে পাকস্থলীতে নামছে, সারা শরীরে লেগেছে  
 কাঁপুনি। ছুতিন বার চেষ্টা করে সে কৈশত করে গিলে ফেলল। জিভ অসাড় হয়ে  
 গেছে, কিন্তু ভিতরটা যেন শান্ত, বড় শান্ত হয়ে গেছে।

তাড়াতাড়ি পা চালিয়ে সে খুদে লক্ষ্মীর খোঁজে চলল। তার মনে ভেসে উঠল,  
 সেই সরকারি উঠোন, সেই পায়রার খোপ, সেইখানেই সে থাকে—তাকে সে  
 ভালোবাসে। দূর, পা যে চলছেই না। আহা, তার যদি এখন দুখানি পাখনা  
 হোতো সে উড়ে চলে যেত তার কাছে। একবার তার দেখা পেলে হয়, তারপর

অতীতকে সে এক খোঁচায় বাতিল করে দেবে; নতুন পৃথিবীতে থাকবে তারা দুজন। সে তাড়াতাড়ি ইটতে শুরু করল। তার ভাগিদা যেন বেড়ে গেছে, কই চাও-কর্তার সঙ্গে দেখা করতে তো এত তাড়াতাড়ি সে ছুটে যায়নি। চাও-কর্তার মনিব, তার বন্ধু মিটা, তাকে সে ভক্তি করে, মায়া করে, কিন্তু খুদে লক্ষ্মীকে সে ভালোবাসে, তার জন্তে তো ভাগিদা একটু বেশিই হবে।

খুদে লক্ষ্মী তো তার শুধু বন্ধুই নয়; সে তাকে প্রায় সমস্ত জীবন বিলিয়ে দেবে, ঐশ্বর্য করবে। তারা যেন দুটি আত্মা নরক থেকে সবে মুক্তি পেয়েছে; দুর্দিনে দুজনের চোখের জল মুছিয়ে দিয়ে হাত ধরাধরি করে স্বপ্নের দিকে এগিয়ে চলবে। চাও-কর্তার কথায় তাকে অভিভূত করেছে, কিন্তু খুদে লক্ষ্মীর তো কথা বলারই দরকার নেই। চাও-কর্তার কাছে সে বলেছে তার জীবনের কাহিনী, কিন্তু খুদে লক্ষ্মীকে তা বলার তো দরকার নেই। সে এমন কথা তাকে শোনাবে, যা শুধু তাকেই বলা যায়, সে যেন তার জীবন, তাকে না পেলে জীবনের কোনো মানেই হয় না, কিছুই মানে হয় না। নিজের খাওয়ার জন্তে পরিশ্রম করা তো বোকামি। সে বোকামি সে এতদিন করে এসেছে, লক্ষ্মীছাড়া জীবন কাটিয়েছে। কিন্তু ভালো তো লাগেনি। তাই তো আজ চলছে খুদে লক্ষ্মীকে সেই পায়রার খোপ থেকে ছিনিয়ে আনতে। সে যে সেখানে বন্দী। তাকে খালাস করে এনে সে আর খুদে লক্ষ্মী দুজনে বাসা বাঁধবে মস্ত বড় এক ঘরে। খটখটে শুকনো আর ঝক ঝক সে ঘর। দুটি ছোট পাখীর মতোই তারা থাকবে। স্বচ্ছন্দ, স্বাভাবিক আর একান্ত অন্তরঙ্গ হবে তাদের জীবন।

খুদে লক্ষ্মী বাপ-ভাইদের সংসার ছেড়ে তার কাছেই চলে আসবে, জোরমস্ত? জোরমস্ত তো ইচ্ছে করলেই কাজ দেখতে পারে, ছেলে দুটোর জন্তেও কাজের জোগাড় হয়ে যাবে। ওরা দুজনে মিলে ভাগাভাগি করে একখানা রিক্সাও তো চালাতে পারে। খুদে লক্ষ্মীকে না হলেও ওদের চলে যাবে, কিন্তু খুশির তো চলবে না! খুশির তাকে চাই, তাকে পাওয়া চাই। তার নিজের শরীর, মন, কাজ, সব কিছুর জন্তেই তো খুদে লক্ষ্মীকে দরকার। খুদে লক্ষ্মীরও তার মতো পুরুষ ছাড়া গতি নেই।

বতাই সে এমনি ধারা ভাবতে লাগল, ততই তার মন গেল খুশিতে ভরে, পাও তার সঙ্গে পাল্লা দিয়েই যেন ছুটে চলল। এই আকাশের নিচে, এই ছিনিয়ায়, মেরে তো বহু আছে, কিন্তু খুদে লক্ষ্মীর মতো বুঝি আর একটিও নেই। ঠিক যেন ওরই সঙ্গে জোড় বাঁধবার জন্তেই তৈরী হয়েছে এমন মেরে। এরই মধ্যে একটা মেয়েমানুষকে সে বিয়ে করেছে, আর একটাকে ফুসলে সে ঘায়েল করেছে—না, সে ঘায়েল করেনি; তাকেই ঘায়েল করেছে। তাছাড়া বুড়ী আর ছুড়ী বহু মেয়েদের সঙ্গেই সে বাস্তব



পর রাত শনিষ্ঠ হয়ে উঠেছে। কেউ বা তারা স্বন্দরী, কেউ বা কুৎসিত; কিন্তু কেউই মনের উপর ছাপ রেখে যেতে পারেনি তারা শুধু মেয়েমানুষ, খেলনা, দুদণ্ড খেলা করা বাদ্য, কিন্তু সেরা মেয়েমানুষ নয়—তার সারা জীবনের সঙ্গী হতে পারে এমন তারা নয়।

এ অবিশ্রান্ত সত্যি যে, শহরে প্রথম যখন এসেছিল তার মনের আশা ছিল, একটি সতী মেয়েকেই সে বিয়ে করবে। খুদে লক্ষ্মী সেদিক দিয়ে সতী মেয়ে খোঁটেই নয়। সে তো শরীর বিক্রিয়ে রোজগার করে। কিন্তু মেয়েটিকে দেখে বড় মার্য হুয়, তাছাড়া কাজে সাহায্য করতে এমন মেয়ের জুড়ি মিলবে না। গাঁয়ের স্কেনেরা সতী হতে পারে, কিন্তু তাদের তো খুদে লক্ষ্মীর মতো অমন বুদ্ধি নেই। মেয়েটার বুদ্ধি নানা দিকে ঘোরা ফেরা করে। তারপর নিজের কথাটাও তো একবার ভাবতে হবে। তার মনেও তো বহু দাগু ধরে গেছে। সেই বা কোন ভালো আছে? তাহলে দেখা যাচ্ছে, দুজনই মিলেছে ভালো। কেউ কারো চাইতে উঁচু ধাপের লোক নয়। তারা যেন দুটো কলসী, দুটোই কাটা, কিন্তু এখনো জল পড়ে না, তাদের পাশাপাশি থাকাই তো উচিত।

যে দিক থেকেই পাতয়ে দেখা যাক না, তাদের মিলনে ভালোই হবে। ভাবতে ভাবতে খুশি এবার বাস্তবে নেমে এল। প্রথম মাসের মাইনেটা সে আগাম পাচ্ছে—তাছাড়া চাও-কত। কিছু, সেই চুরি-বাওয়া টাকাটার কিছুও দেবেনখন, ঐটাকাটা পেলে তুলোর একটা কামিজ সে খুদে লক্ষ্মীকে কিনে দেবে, জুতো আর মোজাও অবিশ্রান্ত দেবে। স্বান করিয়ে, নতুন জামা-জুতো পরিয়ে তারপর চাও-গিন্নির স্বমুখে নিয়ে তাকে হাজির করবে। একেবারে পা থেকে মাথা পর্যন্ত পরিষ্কার হয়ে, লম্বা ধবধবে সাদা কামিজ পরে সে যখন গিয়ে দাঁড়াবে, তখন নিশ্চয়ই তাকে খুব বেমানান দেখাবে না। মুখ আর গড়ন তো ওর ভালোই, তার উপরে আছে বৌবন। চাও-গিন্নি নিশ্চয়ই খুশি হবেন—সে হলফ করে বলতে পারে।

যখন ঠিকানায় গিয়ে খুশি পৌঁছল, তার সারা শরীর দিয়ে ঘাম ঝরছে। ফটকের ভাঙা দরজাটার স্বমুখে দাঁড়িয়ে তার মনে হোলো, বহুদিন পরে সে যেন আবার তার পুরনো বাড়িতে ফিরে এসেছে। ভাঙা দরজা, খসেপড়া দেয়াল, উঠানের জঙ্গলের ভিতরে দুএকটা আধমরা আগাছা দেখে তার কেমন আনন্দই হোলো। হঠাৎ যেন সবকিছু ভালো লাগছে তার, অথচ আগে যখন এখানে থাকত, এসব তাকিয়েও সে দেখেনি। ফটকের ভিতরে ঢুকেই সে খুদে লক্ষ্মীর ঘরের দিকে এগিয়ে গেল। কড়া নাড়া বা হাঁক দেওয়া তার পোষাবে না, সে সোজা ঘরেই ঢুকে পড়বে।

দরজা ঠেলে ধরে ঢুকেই ছুপা সে শিহিয়ে এল। তক্তপোশের উপর একটি আধা-বয়েসী মেয়েমাছুষ পা গুটিয়ে বসে আছে। ঘরে আগুনের কুণ্ড নেই বলেই একটা হেঁড়া লেপ কাঁধের উপর জড়িয়ে বসে আছে। তার নোংরা শুকনো হাত দুখানা দেখা যাচ্ছে। খুশি বোকার মতো উঠোনে দাঁড়িয়ে রইল।

তক্তপোশের উপর মেয়ে মাছুষটা থেকিয়ে উঠল।

কি ব্যাপার গা? তুমি কি কোনো খারাপ খবর নিয়ে এলে নাকি? কেউ মরল না কি গা? তার পর তোমার কেমন খারা আক্কেল, বলা 'নেই কওয়া' নেই হট করে এসে ঢুকে পড়লে? কাকে খুঁজছ।

খুশির বুকখানা ভয়ে ঠাণ্ডা হয়ে এল। সে দরজার চৌকাঠ ধরে কোনোরকমে নিজেকে সামলে নিল। কিন্তু এখনো সে আশা ছাড়েনি।

আমি—আমি খুদে লক্ষ্মীকে খুঁজছি।

কার কথা বলছ জানি না বাপু। কিন্তু বলে দিচ্ছি, এর পরে যখন কাউকে খুঁজতে যাবে হট করে দরজা খুলে ঢুকে না পড়ে, একবার অন্তত হাঁকডাক দিও বাছা, এখানে খুদে লক্ষ্মী বা বড় লক্ষ্মী কেউ নেই। ভালো চাও তো সরে পড়।

চুপ করে ফটকের বাইরে সে বহুক্ষণ বসে রইল। তার বুকখানা যেন ফাঁকা হয়ে গেছে। কি করবে সে ভেবে পেল না। সব যেন ভুলে গেছে।

আন্তে আন্তে তার মনে পড়ল—খুদে লক্ষ্মীর মুখ তার মনে বার বার ভেসে উঠতে লাগল। ম্যাজিক লঠনের মতই যেন একবার আসছে, একবার যাচ্ছে খুদে লক্ষ্মী। বড় বড় দেখাচ্ছে ওকে। শরীরের প্রতিটি ভোল ও দেখতে পাচ্ছে। কিন্তু এমনি সারা জীবন ধরে আনাগোনা করলেও তার তো কোনো দাম নেই। কল্লক, আনাগোনা করুক। খুশি বাজপড়া লোকের মত বসে রইল।

এবার খুদে লক্ষ্মীর ছায়া ছোট হয়ে গেল, ছবি গেল ঝাপসা হয়ে, আবার তার চেতনা জাগছে। সে বুঝতে পারল কতবড় দাগা সে পেয়েছে।

মাছুষ যখন নিজের ভাগ্য সম্বন্ধে আন্দাজ করতে পারে না, তখন সে ভালোটাঁই ভাবে তা সে যত অসম্ভবই হোক না কেন! খুশি মনে মনে ভাবল, খুদে লক্ষ্মী এখান থেকে চলে গেছে, বাড়ি বদলেছে মাত্র, তার অবস্থার হয় তো বিশেষ কোনো পরিবর্তনই হয়নি। তার নিজের উপর রাগ হোলো। নিজেরই তো দোষ! সে কেন মাঝে মাঝে ওকে দেখতে আসেনি, ও কেমন আছে কেন খোঁজ নেয়নি? অহুতাপের চাবুক পড়তেই মাছুষ জেগে ওঠে, ভুল শোধরাবার জন্তে চেষ্টা করে। খুশিও তাই করবে ঠিক করল। আশেপাশের বাসিন্দাদের সে জিজ্ঞেস করে দেখবে—তারা হয় তো খুদে-লক্ষ্মীর ঠিকানা জানে। সে আবার বাড়ির উঠানে ঢুকে পড়ল। এবার একজন পুরনো পড়সীর সঙ্গে তার দেখা হোলো। কিন্তু সে স্পষ্ট কোনো উত্তরই পেল না।

খুশি তবু আশা ছাড়ল না, ছাড়তে পারল না। বিকেল গড়িয়ে গেছে, এখনো তার খাওয়া দাওয়া হয়নি। খাওয়ার ইচ্ছেও তার নেই। জোক্সমন্তকে বা বাচ্চা ভাই ছোট্টকে খুঁজে বার করতে পারলেই সব ফসলাজা হয়ে যাবে। ওদের নিশ্চয়ই সে পথে কোথাও না কোথাও পাবে; তাদের খুঁজে বার করা তেমন শক্ত হবে না।

যাকেই সে পথে দেখল, তাকেই সে জিজ্ঞেস করল। গলি ঘুঁজির বাঁকে বাঁকে রিক্সার আড্ডার আড্ডার, চা-খানায় আর বস্তিগুলোতে—সব জামগায়ই সে খুঁজে বেড়াল। সেদিন সন্ধ্যা আর তার পরদিন সারাদিন ধরেই সে খুঁজল। কিন্তু কোনো খবরই পাওয়া গেল না।

দ্বিতীয় দিনে যখন রিক্সার আস্তানায় এসে হাজির হোলো, তখন তার শরীরের আর জোর নেই। তখন আর আশা নেই, কি করে আশা করবে? যারা গরীব কে তাদের সন্ধান রাখে। তারা মরে যায়, লোকে তাদের ভুলে যায়, কে বলতে পারে খুঁজে লক্ষ্যও মরেনি? আর যদি সে বেঁচেও থাকে, জোরমন্ত হয় তো তাকে আবার বিক্রি করেই দিয়েছে। এবার হয়তো কাছে পিঠে নয়, বহুদূর দেশে। কিন্তু তাই যদি হয়, সে তো মৃত্যুর চাইতেও ভয়ানক!

চাও-বাড়িতে যেতে তার আর ইচ্ছে নেই। মনিবকে মুখ দেখাবে কি করে? কি করে সে বোঝাবে যে, খুঁজে লক্ষ্যকে এত ভালোবেসেও সে কয়েক মাসের ভিতরে একবারো দেখা করতে যায়নি। আর খুঁজে লক্ষ্য তারই ফলে হারিয়ে গেছে, একেবারে হারিয়ে গেছে। মনিব বাড়িতে সে যাবে না—এ খবর পাঠাবারও দরকার নেই। কি হবে খবর পাঠিয়ে? তার ভাগ্য গুঁড়ো গুঁড়ো হয়ে গেছে, চাও-কর্তা শত চেষ্টা করলেও তা জোড়া লাগাতে পারবেন না।

কিন্তু দশদিন বুখা খোঁজ করে বেড়াবার পর খুশি চাও-বাড়িতে ফিরে এসে তার নিজের ঘরে ঢুকল। এখানে খুঁজে লক্ষ্যেরও ঘর হবে এই তো সে ভেবেছিল। কাউকে সে কোনো কথাই বলল না, কাও-মা তো অত কথা বলে, কিন্তু সেও কিছু জিজ্ঞেস করল না।

মদ ও সিগারেট হোলো এবার তার বন্ধু। সিগারেট না টানলে সে কি করে ভাববে? আবার মদ না খেলে ভাবনা সে কি করে তলিয়ে দেবে?

## চব্বিশ

বছর আবার ঘুরে এল। আবার এসেছে উৎসব, দিনগুলিতে গরমের আবেশ দেখা দিচ্ছে।

ত্রিযুক্ত চাও উৎসবে তাকে একদিন ছুটি দিলেন। সেদিন সে যা খুশি করবে, যেখানে খুশি যাবে। কিন্তু খুশির মনে আর ফুর্তি বলতে কিছু নেই। আগেকার ফুর্তির সেই দিনগুলো এখন অচেনাই ঠেকে। সে কি করবে ঠিক করতে না পেরে এ-রাস্তা সে-রাস্তা ঘুরে বেড়াল। একটা ভূত যেন, কবরখানায় ফেরার পথ হারিয়ে ফেলেছে।

কিন্তু শহর তার মনে কি হচ্ছে না হচ্ছে, তার ধার ধারে না। সে তার চারদিকে সোরগোল তুলল। কাগজের পাখার ফেরিওয়ালারা এতদিন শীতে কোথায় মুখ গুঁজে বসেছিল, এবার পথে বেরিয়ে এল, পথ ছেয়ে ফেলল। তাদের গলার সঙ্গে দড়ি দিয়ে ঝুলানো এক একখানা বড় থালা, দড়ির সঙ্গে বাঁধা ঘটা টুংটাং করে বাজছে, পথিককে টানছে। পথের ধারে ধারে বসেছে ফলের দোকান। সবুজ রঙের খেজুরের মতো ফলের স্তূপ তৈরী হয়েছে, চেরির লাল রং চোখ ঝলসে দিচ্ছে। ঝাঁকে ঝাঁকে হলদে মোমাছি উড়ে উড়ে পড়ছে বড় বড় লাল গোলাপ আর খেজুরের উপর, আবার চলে যাচ্ছে। চীনে মাটির বড় বড় বাসনে হরেক কিসিমের কাচের জিনিস দোকানে দোকানে দেখা যাচ্ছে, স্বর্ষের আলো এসে ঠিকরে পড়ছে, হুখের মতো সাধা আলো। কাঁধের বাক করে বাস নিয়ে চলেছে ফেরিওয়ালারা, গাদা গাদা মিষ্টি খাবার তাতে ভরতি। পথের দোকানে দোকানে নানা রং-বেরঙের জিনিস দেখা যাচ্ছে।

লোকেরাও শীতের দিনের বিলুপী মোটা জামাগুলো বদলে পাতলা জামা পরেছে। নানা রং কত না তার বাহার। সমস্ত সড়কটাই যেন বদলে গেছে, একেবারে বদলে গেছে।

রাস্তার ঝাড়ুদাররা ঝাঁট দিচ্ছে, আগের থেকে যেন মনোযোগ দিয়েই কাজ করছে। পথে জল ছিটিয়ে চলেছে, ধুলো উঠছে, পথিকদের বিরক্ত করে তুলেছে। কিন্তু এই ধুলোর ভিতর দিয়ে আবছা দেখা যাচ্ছে উইলো গাছের লুয়ে পড়া ডাল, সোয়ালো পাখীরা ঝাঁকে ঝাঁকে উড়ে বেড়াচ্ছে। সবাই যেন নিজেরাই অজান্তে খুশি হয়ে উঠেছে। কে যে কি করবে ভেবে পাচ্ছে না, অথচ উজ্জল দিন বয়ে রিক্সাওয়ালারা

বাছে। কেমন আলসেমি লাগছে, একটু যেন ক্লান্তিও; বারবার ঝুঁপু হাই উঠছে। দিন বয়ে চলেছে।

নানা মিছিল বেরিয়েছে পথে। একদল গাইয়ে ধান বোন্ধার সেই পুরনো গান গাইছে, কেউ বা সেই বিখ্যাত সেনাপতি পাঁচ বাঘের কাহিনী গাইতে গাইতে চলেছে। কোনো মিছিলে বা সরদারকে ভয় খাইয়ে দেশার জন্তে কাগজের সিংহ নিয়ে চলেছে। একটার পর একটা মিছিল চলেছে পথে, একে বেকে শহরের পথ দিয়ে পাহাড়ের দিকে ছুটেছে। ঢাক আর কাঁসর বাজছে, চকচকে রঙ করা বাক্স, হলদে রঙের নিশান কাঁধে নিয়ে একটার পর একটা দল চলেছে। পুরনো ধুঁপুরে বুড়ো শিকিও যেন আবার নতুন উৎসাহে মেতে উঠেছে, জনগণের মনে এসেছে উজ্জীপনা। তারা চলেছে, পরিবেশ ছড়িয়ে আছে গানের রেশ, ধুলো উড়ছে—প্রতি বুদ্ধধর্মাবলম্বীর কাছে পৃথিবীর কলুষের কাহিনী সে বলে বাছে।

যারা মিছিলে চলেছে, যারা দাঁড়িয়ে দেখছে—সকলেরই মনে ঘনিষে এসেছে এক উচ্চ অস্থিভূতি, উত্তেজনা আর ধর্মবিশ্বাস এসে দেখা দিয়েছে। পার্থিব এই হট্টগোল, এই কাজ কর্ম এ তো সংস্কার থেকেই জন্মায়; যারা মুখ তারা ই তো এই পার্থিব মায়ায় ডুবে নিজেকে প্রতারণা করে, ভুলে থাকে। রঙের বৈচিত্র্য, শব্দের বক্তা, এই ধুলো ভরা পথ, প্রতি লোককে যেন নতুন প্রেরণা জোগাচ্ছে, তাদের দৃষ্টি আকর্ষণ করছে। এবার যারা পাহাড়ে বাবে, তারা চলে গেল, যারা মন্দিরে বাবে তারা গেল মন্দিরে; যারা ফুল দেখতে বেরিয়েছে, তারা সত্ত ফোটা ফুলের গন্ধ শুঁকে শুঁকে বেড়াতে লাগল; আর হাজার হাজার লোক, যারা এই করে সময় নষ্ট করতে পারে না, তারা কিছুক্ষণ দাঁড়িয়ে দাঁড়িয়ে এই উত্তেজনা দেখল, ভগবান বুদ্ধের কথাই তাদের বার বার মনে হোলো।

চারিদিকে ফুঁতি, উত্তেজনা, শব্দ আর রঙের সমারোহ। দক্ষিণ আর উত্তর সমুদ্রের নিখর জলে উইলো ডালের ঘন ছায়ায় নৌকা বেঁধে বসে রইল প্রেমিক-প্রেমিকারা। কেউ বা পাশাপাশি পাড়ে শুয়ে রইল; প্রেমের গান গুন গুন করে গাইল—বহু বহুদিন আগের প্রেমের গান। এই অলসতায় গা ঢেলে দিয়ে তারা পরস্পরকে চুমু খেল, চোখে চোখে চেয়ে রইল। চোখের দৃষ্টি বুঝিয়ে দিল কি তারা চায়। আর দেহ? দেহের তখন যেন প্রথম সম্ভব শুরু হয়েছে।

বর্গের ব্রীজের কাছে একটা মেরাপ বেঁধে খোলা হাওয়া চা-খানা তৈরী হয়েছে। সাদা ঢাকনা দেওয়া টেবিলে টেবিলে ভিড়, এখানে ওখানে দু'একটা গাইয়ে মেরে টল টল করছে।

সম্ভ্রান্ত লোক আর সংস্কৃতি আর রুচি বোঝার চলেছেন সরকারী বাগানে। সেখানে ক্যামেলিয়া আর পিয়োনিতে ছেয়ে আছে। তারা আন্তে আন্তে ফুলের ভিতরে ঘুরছেন, হাতের পাখা নেড়ে শরীর জুড়োচ্ছেন, বড় ঘরের মেয়ে বা দক্ষিণী নাচওয়ালীদের দিকে আড়চোখে তাকাচ্ছেন। মাঝে মাঝে পথে গাড়ি ছুটে চলেছে, বড় ঘরের মেয়েরা বা দক্ষিণী বড় বড় নাচওয়ালী গাড়িতে দেখা যাচ্ছে। সাজসজ্জায় আজ তাদের তেমন বাহার নেই। সাদাসিঁধে জামা পুরেছে, শুধু শরীরের প্রাতিটা রেখা আটো জামার ভিতর দিয়ে ফুটে উঠছে। বড় ঘরের মেয়েরা তাদের দেহসৌষ্টব দেখাবার আজ একান্ত স্বযোগ পেয়েছে।

গ্রীষ্মের প্রথমদিকে গরম যেন, দেবতার আশীর্বাদ। পুরনো শহরের সৌন্দর্য যেন সে ফুটিয়ে তুলেছে। পিকিঙ এমনি যেন আকিঙের নেশায় ঝিমিয়ে পড়েছে, কিন্তু এই সময়ই জাগে তার চেতনা। হুঃখহুঃখ, দুঃখটনা, সব ভুলে গিয়ে সে তার ক্ষমতা জাহির করবার জন্যে মাথা চাড়া দিয়ে দাঁড়ায়। হাজার হাজার লোককে বাহু করে তাদের স্বপ্নের রাজ্যে এনে ছেড়ে দেয়। হুঃখহুঃখ বকে চেপে, হুঃখ শোক ভুলে গিয়ে তারা শুব করে এই মহানগরীর! সে কুৎসিত, পুঁতিগন্ধময়, আবার সে সুন্দরী, সে জরতী, সে ক্ষয়িষ্ণু; আবার সে জীবন্ত, হান্তময়ী; সে হতাশা-ময়ী, আবার সে শক্তির প্রলম্পও বুলিয়ে দিতে জানে। এই তো পিকিঙ, বিস্তীর্ণ পিকিঙ, অননুক্রমীয় পিকিঙ,—এই তো মহানগরী পিকিঙ! তাকে ভালো না বেসে তো তুমি পারবে না!

খুশি হয় তো আজও পিকিঙ ছেড়ে যাওয়ার কথা ভাবতে পারত না—কিন্তু তার মোহ ভেঙে গেছে, মহানগরীর বাহু আর তাকে বাঁধতে পারছেন না। অল্প সময়ে উৎসবের দিনে সে ছোটছেলের মতোই আনন্দে মেতে উঠত, কিন্তু আজ সে উদাসীন, সে ক্লান্ত।

ভোরের আলো তখনো প্রখর হয়ে উঠেনি, এমনি সময় তার সঙ্গে একজন পরিচিতের দেখা হোলো। লোকটা টাটুর ঠাকুরদা। বুড়ো রিক্সাটানা ছেড়ে দিয়েছে, তার চেহারা আর ছেঁড়া পোশাক দেখলে মনে হয় আগের থেকেও দুঃখবাহ্য সে পড়েছে। তার কাঁধে একটা উইলো কাঠের বাক্স, তারই সঙ্গে একটা মস্ত বড় চায়ের কেতলি ঝুলানো; আর পিছন দিকে একটা ভাঙা বাক্সে কিছু পিঠে আর মিষ্টি। খুশিকে সে এখনো ভোলেনি। দেখেই সে চিনতে পারল।

কথায় কথায় খুশি জানতে পারল, টাটুর আজ ছমাস হোলো মারা গেছে, বুড়ো তার ভাঙা রিক্সাখানা বেচে দিয়ে এখন কেক ফল আর চা বিক্রি করেই চালাচ্ছে। রিক্সার আড্ডায় আড্ডায় ফেরি করেই সে বেড়ায়। এখন তেমনি আছে বুড়ো,

শুধু পিঠখানা আরো কুঁজিয়ে গেছে, চোখে একটু হাওয়া লগলে জল গড়ি।  
পড়ে, চোখ ঘেন কেঁদে কেঁদেই ফুলে লাল হয়ে উঠেছে।

খুশি তার কাছ থেকে একপাত্র চা খেল, তারপর দু'একটা কথায় নিজের/  
দুঃখের কথা বলল।

ওঃ, নিজের চেষ্টায়ই কিছু একটা করবে ভেবেছিলে ব্যাি? বুড়ো বলল,  
তোমার আর দোষ কি ভাই, আমরা সবাই অমনি ভাবি। কিন্তু কেউ কিছু  
করতে পারলাম? যখন প্রথম রিক্সা টানতে বেরুই, শরীরটা ছিল ইয়া লম্বা  
আর মজবুত, মনে ছিল কত আশা। কিন্তু কি হোলো? এখন পর্যন্ত ঝাটছি,  
বুঝছি। কি করেছি সে তো নিজের চোখেই 'দেখতে পাচ্ছ ভাই।' তোমার  
শরীরে তাগদ' আছে! কিন্তু তাগদে কি করেবো ভাই? লোহার মাহুয হলোও  
আমাদের এই সমস্যার ফাঁদে ধরা পড়লে আর বেরিয়ে যেতে পারবে না। তুমি  
ভালো লোক? তাতেই বা কি হবে রে ভাই!

যারা ভালো লোক ভগবান তাদের ভালো করেন, আর যারা মন্দ তারা  
ছারেখারে যায়—ওসব কথা দেবতা বা মাহুযের কোনো আইনেই নেই। এই  
তো আমার যখন বয়েস ছিল, কত লোকের জন্তে কত কি করেছি, অগ্নের  
দুঃখ কষ্ট দেখলেই মনে হয়েছে এতো আমারই দুঃখ-কষ্ট। নিজের জন্তে যতটা  
না খেটেছি, পরের জন্তে খেটেছি তারচাইতে ঢের বেশি। কিন্তু কি হোলো?  
খিছুই হোলো না!

বহুলোকের জীবন বাঁচিয়েছি। বহুলোককে নদী থেকে তুলেছি, গলায় দড়ি  
দিয়ে ঝুলতে যাবে এমন মেয়েকে রক্ষা করেছি, কিন্তু তার জন্তে কি পেলাম  
কিন্তু? কিছুই না। কবে যে উপোস করে মরে যাব, শীতে জমে যাব তা  
আমি নিজেই জানি না। গরীবরা কি করে জানো, এক লাফেই স্বগ্গে যেতে চাই।

কিন্তু লাকিয়ে কতটা উঠতে পারি তা জানি না। তুমি ফড়িঙের দিকে  
কথতো নজর করেছ? যখন ফড়িঙটা একা থাকে, তখন যতো উচুতেই সে  
লাকিয়ে উঠুক না কেন, একটা একরত্তি ছেলেও তাকে ধরে স্বতো দিয়ে বাঁধতে  
পারে, তখন তার আর শুল্লো ওঠা সাধ্যে কুলোবে না।

কিন্তু এই ফড়িঙটাকেই তুমি ওর দলে ছেড়ে দাও, দেখবে তখন ওর কি  
তেজ! একেবারে ক্ষেতকে ক্ষেত ওয়া সাবাড় করে দিয়ে যাবে। কে তখন  
ওকে ধামায়? একরত্তি ছেলে স্বতো দিয়ে তখন বাঁধতে পারবে? কি, আমি  
ঠিক বলিনি?

অতো ভালো হয়ে আমার কি ফল হোলো দেখ না! একটা নাভি, তাকেও  
পেটভরে খাওয়াতে পারলাম না। সে অস্থে পড়ল, তাকে এক ফোঁটা ওষুধ

ময়ে-বোঁ দ্বিলায় না। আমার নিজের কোলে শুয়ে সে মারা গেল, আর দেখে ফাল্ করে তাকিয়ে দেখলাম। যাক ও নিয়ে বলে আর কি হবে।

গো, কার চাই এক পেয়ালা চা—গরম গরম চা!

খুশি বুঝতে পারল। ন'কতী' লিউর উপর শোধ নিয়েছে বলে সেদিন সে মনে ন বড় খুশি হয়ে উঠেছিল, আজ কিন্তু খতিয়ে দেখে বুঝতে পারছে, এর কোনো মানে নই। ন'কতী, ইয়াঙবো, গোয়েন্দা সান তার শাপে তাদের কিছু হবে না। নিজে জে যে এত খেটে মরল, তাতেই বা কি? কোনো দামই সে পাবে না। নিজের পর নির্ভর করে সে বুড়োর গল্পের ঐ ফড়িঙের মতো তার দশা হয়েছে। ঠিক স্ত্রীতোয় পা পড়েছে ফড়িঙ। পাখা থাকলেই বা কি হবে, উড়বে কি করে?

খুশি তার নিজের অভিজ্ঞতার কঁথাই বলতে যাবে এমন সময় একটা ছোকরা বরের কাগজওয়ালা চিংকার করতে করতে ছুটে এল।

উয়ান সিঙ্‌ উগ্র বামপন্থীদের গ্রেপ্তার করেছেন। তাদের ফাঁসি হবে। আজ কালে দশটায় তাদের শহরে শহরে ঘুরিয়ে আনা হবে।

উৎসবের দিন ভোরে যারা ফুতির সন্ধানে বেরিয়েছে, এমন চাকলাকর খবর শুনে তারা খুশিই হোলো। দিনটা মাঠে মারা বাচ্ছিল, বরং এই খবরটা এসে বেশ চাড়া রে তুলেছে। এমন খবর দু-তিন-চারবার পড়লে একঘেয়ে লাগে না। তবু বাহোক নটার একটা গতি হোলো। পরসার পর পরসা ছোকরা খবরওয়ালার হাতে গুঁজে নিয়ে ঠেলাঠেলি করে পথিকরা এই 'বিশেষ ফাঁসি সংখ্যা' কিনে নিল।

খুশি আর বুড়া যেখানে দাঁড়িয়েছিল, ঠিক তাদেরও পাশে একজন দোকানি তার বরের কাগজখানা তাড়াতাড়ি দেয়ালের গায়ে এঁটে দিল। পাশেই তার মনের লাকান। বুড়া কাছে গিয়ে দেখতে লাগল, একটা ভিড় সেখানে জমে ঠল।

ও বড় ভাই, আমরা তো অক্ষরই চিনি না। আমাদের পড়ে শোনাও না।

বুড়া একটু হাসল। সে যে পড়তে জানে একথা ওরা ধরে নিয়েছে। সে ঘটনার ব চাইতে কোতুহলোদ্দীপক জায়গাটা জোরে জোরে পড়ল। কাগজের বেশির ভাগ গায়গায় উয়ান সিঙের সূখ্যাতিতে ভরা। তার সঙ্গে সংবাদদাতা দেখা করতে গিয়ে সরকারের জন্ত সে যা করেছে তারই লখা ফিরিস্তি দিয়েছে। এই কাজের জগ্গেই পাকি সে এখন এতবড় কাজ পেয়েছে। এ হেন উয়ান সিঙ্‌ গোয়েন্দা বিভাগ দার লি বলে একটা লোকের সাহায্যে সরকারের বিরুদ্ধে বড়স্বাকারী একদল বিপ্লবী রে ফেলেছেন। এর থেকেই প্রমাণিত হয় কত বড় বোগ্য লোক এই উয়ান সিঙ্‌ আর কি তার সাহস। সংবাদদাতার বিবরণের মাঝখানে উয়ান সিঙের একখানা বরাট ছবি ছেপে দেওয়া হয়েছে। তাছাড়া কোন কোন পথ দিয়ে প্রাণদণ্ডিতদের



এই সময়ে একজন ঘোড়সওয়ার পুলিশ তার পিছনে এসে বাটিনে। জল গড়ি তাকে বেস্তা বলে কুৎসিত ভাষায় গালাগাল দিল। শেষবারের মতো হুকুমে চিংকার করে উঠল :

প্রকাশের স্বাধীনতা !

এই শেষ। ঘোড়সওয়ারের দল চলে গেল, তারা মিলিয়ে গেল। শব্দও আর শোনা যায় না। অনেকে পিছনে পিছনে ছুটল। সারা শহরে ঘুরে ঘে পর্যন্ত না স্বর্গের ত্রিজে পৌঁছে ওদের গুলী করে মারবে, ততক্ষণ পর্যন্ত নয়। এই কলের সঙ্গেই চ ঘুরবে। অস্ত্র সকলের মজা দেখা হয়ে গেছে ; এর স্বাদ কিন্তু কেমন যেন আলাদা, কেমন তেতো যেন। উৎসবের আনন্দ যেন খানিকটা উবে গেছে।

যখন সেই খোলা ট্রাক আর ঘোড়সওয়ার পুলিশের দল চলে চলে যাচ্ছিল, খুশি আর বুড়ো দেয়ালের ধারে পুরনো ভাঙাচোরা স্তূপের উপর দাঁড়িয়ে ছিল। তাদের পাশেই দেয়ালে খবরের কাগজখানা লাগানো ছিল। তারা ভিড়ের মাঝার উপর দিয়ে নজর চালিয়ে দেখল, কিন্তু বন্দীদের সম্বন্ধে তাদের কোনো কোতূহলই আগেনি। হঠাৎ মেয়েটি মাথা তুলতেই খুশি চমকে উঠল।

খুশি চিনতে পারছে : এই সেই চিড়িয়াখানা ছাত্রী, কমাস আগে ওকে সে সোয়ারি নিয়ে গিছিল। এই মেয়েটিই সেদিন ওকে পুলিশের হাত থেকে বাঁচায়। ওকে দেখে খুদে লক্ষীর কথাই তার মনে পড়েছিল। খুশির সমস্ত শরীরখানা ওৎ পাতা জন্মের মতোই কঁচকে গেল। মুখে চোখের বা অবস্থা শোলে কহতব্য নয়।

বুড়ো তার চায়ের কেতলি আর বাক্সটা রেখে বন্দীদের দিকে তাকিয়ে দেখছিল, হঠাৎ তার ছোকরা সঙ্গীটির হাতখানা তার কাঁধে পড়তেই সে খুশির দিকে তাকাল। খুশি কাঁপছে, কাঁপা হাতে জোর করে তার কাঁধ চেপে ধরে আছে।

ও তো এখনো ছেলেমানুষ! খুশির ঠোঁট থেকে যেন নিশ্বাস ঝরে পড়ল, মুখ সে বুজে রইল।

বুড়ো তার দিকে তাকাল। একদিকে জনতা, আর একদিকে খুশি, মাঝখানে সে দাঁড়িয়ে আছে। হাওয়া জোর বইছে না, তবু তার চোখ দিয়ে গড়িয়ে পড়ছে জল।

ওরা তোমাকেও নিয়ে গিয়ে মেরে ফেলবে। খুশির মনে যে উত্তেজনা এসেছে তারই কাছে যেন উত্তর দিল, তোমার কিছু করবারও তো উপায় নেই।

জানি, খুশি দেয়ালে ঠেস দিয়ে লজ্জায় মুখ ঢেকে বলল। বুড়ো তার পাশে গিয়ে বসে পড়ল।

ধয়ে-বোঝা করে বসে রইল, কোনো কথা বলল না। ধীরে ধীরে ভিড় ফাঁকা দেখা গেল। তারপর আস্তে আস্তে খুশি উয়ান সিঙ্ আর চাও-কর্তার গল্প চিঙহয়ার ঐ মেয়েটি কেমন করে পুলিশের সঙ্গে তর্ক করে তার পক্ষ বর্ধন করেছিল, সে কথাও সে বলল। মেয়েটি তাছাড়া সেদিন তাকে আরো কয়েকটা কথা বলেছিল, তার মানে সে আজও বুঝতে পারেনি। তারপর রীতি মতো মোটা বকুশিসুও দিয়েছিল।

হাঁ, আমার টাকার দরকার বলেই ও দিল। শেষ করল তাঁর কাহিনী।

হাঁ, বুঝছি! ঐ সব ভাবনার জন্তেই তো ওকে আজ ওরা গুলি করে মাঝবে। বুড়ো আস্তে আস্তে বোঝাতে লাগল। শাস্ত্রে আছে, সবাই তো ভালো হয়েই জন্মায়, তারপর তারা মন্দ হয়ে যায়। হানদের ভিতরে আলো আর আঁধার দুইই আছে, যখন আঁধার খুব জমাট বেধে উঠল, তখনই ওরা মন সম্পত্তির আইন জারি করল। ঐ কথাটাই মেয়েটি বোধ হয় বোঝাতে চেয়েছিল। 'টাকা' টাকা! টাকা মন্দ, টাকা কালোয় কালো বলেই না আমাদের ভিতরের যা কিছু মন্দ ও টেনে হিঁচড়ে বার করে, ভালো সড়কটাকে বন্ধ করে দেয়, আমরা যত লোক ঠকাব, যত চুরি করব, অন্যকে উপোস করিয়ে রাখব, ততই আমাদের টাকা হবে; আর তা না পারলে, আমাদেরও উপোস করতে হবে! কেউ তো আর উপোস বা ভিক্ষে করে খেতে চায় না, তাদের ছেলেমেয়েরা উপোস বা ভিক্ষে করে মরুক এও তারা চায় না। যাদের টাকা আছে, তারা যদি সে টাকা রাখতে চায়—আরো বাড়াতে চায়, হয় তো তাদের আমরা খুব নিন্দে করতেও পারি না। যত টাকা হবে, ততই টাকায় টাকা আনবে, আর তারাও নিশ্চিন্তে থাকবে, ক্ষ্যামতাও বাড়বে। কিন্তু যারা সেই টাকার গোড়ার কথা নিয়ে কিছু বলতে যাবে, তাদের তারা খুন করবে, জেলে পুবে। এই ছাত্রীটি তো তাইই করেছিল।

খুশির চিংকার করে কাঁদতে ইচ্ছে হোলো। তার মনে হোলো, সামান্য কটা টাকা ন'কর্তার কাছে রাখতে তাই কত অনিচ্ছে ছিল, আর বাহিনীর সঙ্গে যে সে সংসার পাতিয়ে ছিল, সেও তো কতকটা টাকার জন্তেই। এখন সে বুঝতে পারছে, টাকার ব্যাপারে ইয়াঙ-গিমির মতোই সে স্বার্থপর। সে তো ন'কর্তার পথেই চলেছিল, যাদের সে ঘেমা করে তাদের পথেই চলেছিল।

তুমি উয়ান সিঙের কথা বলছিলে না? বুড়ো বলতে লাগল। সে তো সরকারের হাতের পুতুল, ওরা তো অমনি হবেই। কিন্তু যাকে সত্যিকারের ঘেমা করতে হয় সে ঐ বেটন দাগওলা লি। কাগজে লিখেছে, ঐ বেটাই গোয়েন্দাগিরি করে ঐ দুজন ছোকরা আর মেয়েটিকে ধরিয়ে দেয়।

উয়ান সিঙও তো তোমার মনিবকে অমনি ফাসাদে ফেলেছিল। কিছুল গড়ি, সরকারী কাজ পেল না, তিন জনকে বিয়ে দিয়ে বাট ডলার পুরস্কার পে। বাজারের সস্তা দরে মানুষের প্রাণ বিকোচ্ছে এক এক জনের মাথা পিছু বিজের। ডলার।

আজ্ঞা পশ্চিম শহরে যে রিক্সা চালাত—সেই দাগওলা লি নয় তো ?

হাঁ, হাঁ, সেই বেটাই। সে আমাদের মতোই হতভাগা। আফিম ধরেছিল বেটা, দুবছর ধরে টাকার জন্তে কি যে করেনি তার ঠিক নেই! কুত্তারও অধম বেটা। কিন্তু তারই যে দোষ তাই বা কে বলবে? হাজার হাজার বছর ধরে মেহনৎ করে মানুষ জানোয়ারদের চাইতে উঁচু ধাপেই উঠেছে, কিন্তু এখনো ভাই-বোদারদের সেই বুনো জানোয়ারদের ভিতরে ঠেলে ফেলে দেয়ার তাদের কি চেষ্টা! এই যে এতবড় শহর দেখছি, কতো সভ্যভাব আর পুরনো, কিন্তু এখানে বেশির ভাগই তো আমরা জানোয়ার!

ইস, জানোয়ার হতে হতে একটুর জন্তে বেঁচে গেছি বুড়ো! খুশি চিংকার করে বলল। আপন মনে ভাবতে লাগল, টাকার জন্তে আর টাকার অভাবে সে কি করেছে। সামান্য কটা টাকা থাকলেও সে কি আর খুদে লক্ষীকে হারাতে! সত্যিই সবার উপরই কি অভিশাপ পড়েছে? তারা কি পথ খুঁজে পাবে না, এই অন্ধকার থেকে বেরুতে পারবে না?

ওকে এত কথাই যখন বলেছে, তখন সত্যিকারের বন্ধু ভেবেই খুশি তার কাছে খুদে লক্ষীর কথা আগাগোড়া খুলে বলল।

আমার তো মনে হয়, বুড়ো ব্যাপারটা নিয়ে কিছুক্ষণ ভেবে বলল, দুটো পথ এখন আছে। যদি জোরমস্ত তাকে কারো কাছে বিক্রি করে না দিয়ে থাকে, তাহলে সে নিশ্চয়ই সাদা বাড়িতে গিয়ে উঠেছে। আমার মনে হয়, সাদা বাড়িতেই সে গেছে। কি জন্তে বলছি জানো? তার একবার বিয়ে হয়ে গেছে, আর একবার কি কেউ আর সহজে নিতে চাইবে? লোকেবা রক্ষিতা কেনার সময় নয়া মোড়কে নয়া মাল কিনা ভালো করে দেখে নেয়। তাই বলছি, দশ আনার মধ্যে অন্তত আট আনা সম্ভব যে, সে সাদা বাড়িতে গিয়ে উঠেছে। আমার প্রায় বাট বছর বয়েস হোলো, কতো দেখলাম! যখন কোনো তাগড়াই চেহারা রিক্সাওয়ালাকে ছতিন দিন রাত্তার মোড়কিতে দেখবে না, তখনই জানবে হয় সে মাস-মাইনের কাজ পেয়েছে, নয়তো সাদা বাড়িতে পড়ে আছে। আমাদের মতো গরীবদের মেয়ে কি বোকে যখনই হঠাৎ পাওয়া যাবে না, তখনও দশ আনার মধ্যে আট আনা সম্ভব যে, তারা সাদা বাড়িতে গিয়েই উঠেছে। আমরা আমাদের ঘাম বিকোই আর আমাদের

ময়ে-বোঁরা বিকোয় তাদের মাংস। তুমি, ওকে ঐ জায়গাগুলিতে খুঁজে দেখ। সে যে ওখানেই গেছে এমন কথা আমি বলছিনে, কিন্তু—

আমি শহরের সব জায়গাতেই খোঁজ করেছি।

তুমি হয় তো সাদা ময়নার বস্তার নাম শুনেছ? বুড়ো জিজ্ঞাসা করল।

হ্যাঁ, ওর নাম শুনেছি।

বেশ, পশ্চিম দরজার বাইরে বাড়িটা আছে না, ওরই বাড়িউলী সাদা ময়নার বস্তা। ও শহরের সব সাদা বাড়ির খবর রাখে। ওর কাছে গেলে খুঁজে লক্ষ্মীর খবর মিলতে পারে।

আচ্ছা, আমি ওখানে যাচ্ছি। শিগ্গিরই আবার আমাদের রাস্তার এই মোড়ে দেখা হবে।

খুশি এক নিশ্বাসে পশ্চিম দরজায় গিয়ে হাজির হোলো।

পশ্চিম দরজা-পার হয়েই শুরু হয়েছে গ্রাম, গ্রামের পর গ্রাম। কেমন ফাঁকা যেন। দূরে পশ্চিমের পাহাড়গুলো দেখা যাচ্ছে। বেল লাইনের উত্তরে একটা জঙ্গল। জঙ্গল পার হতেই সে কতগুলি ছোট ছোট বাড়ি দেখতে পেল। নিচু তাদের ছাদ। তার মনে হোলো, বোধ হয় এই সাদা বাড়ি। ওরই উত্তরে দশ হাজার জীবিতের বাগানের পাশে একটা জায়গা পড়ে আছে। চারদিক নিরুন্ম। গাছের একটা পাতাও নড়ছে না।

বাড়িগুলিতেও কোনো সাড়া শব্দ নেই। একেবারে নিঃশব্দে পড়ে আছে। তার হঠাৎ সন্দেহ হোলো, সত্যিই এটা কি সাদা বাড়ি, না সে ভুল করেছে এখানে এসেছে। সাহস করে সে মাঝখানের ঘরটার দিকে এগিয়ে গেল। দরজায় ঘাসের হলদে রঙের নতুন পর্দা ঝুলছে। সে জানে, এইসব বাড়ির মেয়েরা বাড়ির দরজায় খালি গায়ে বসে থাকে, গরীব বন্ধেদের পথ থেকে ডেকে আনে। বন্ধেদের চিনতে দেয় হয় না। সাদা বাড়ির কাছাকাছি এলেই বন্ধেদেরা বেশাবাড়িতে বহু প্রচলিত এক কলি গেয়ে ওঠে। ওতেই পুরনো লোকদের জানা যায়। কিন্তু আজ হঠাৎ এত চূপচাপ কেন? সবাই কি উৎসব দেখতে মন্দিরে গেছে নাকি?

এমনি সে ইতস্তত করছে, এমন সময় পর্দাটা নড়ে উঠল। একথানা মেয়ে-মাছঘের মুখ পর্দা ঠেলে উঁকি মারছে। খুশি চমকে উঠল, মুখখানার দিকে প্রথমে তাকালে মনে হয় একেবারে অবিকল বাঘিনী। সে মনে মনে বলল : আমি খুঁজে লক্ষ্মীর খোঁজে এসেছি। বাঘিনীকে পেলে তো আমার চলবে না!

ভিতরে এস না বোকা নাগর! মুখখানা কথা কইল : না, গলায় স্বর বাঘিনী মত নয়! কিন্তু কেমন ভাঙা ভাঙা : স্বর্গের ত্রিভুজের কাছে যারা লতাপাতা টোটক ওষুধ বিক্রি করে ঠিক তাদেরই মতো!

রিক্সাওয়ালা

ঘরে কিছুই নেই। কয়েকখানা তক্তা পড়ে আছে একধারে আর আছে মেয়ে পাগুঘটা। ঘরে দুর্গন্ধে নিশ্বাস নেওয়াই দায়। ডাক্তার উপরে একটা ছেড়া আর তলে কালচিটে বিছানা। মেয়েমাহুঘটার চুলগুলো পর্যন্ত এলোমেলো, মুখখানা ধায়নি বলে মনে হয়। একটা কালো রঙের জামা তার পরনে, জামার বোতামগুলো খোলা। নিচে একটা স্থতির পাতলা পা-জামা।

খুশি নিচু হয়ে দরজা দিয়ে ঢুকল। সে ঘরে ঢুকতেই মেয়েমাহুঘটা তাকে ধড়িয়ে ধরল। সঙ্গে সঙ্গে তার কাঁচুলীটা ফাঁক হয়ে মাই দুটো বেরিয়ে পড়ল, অতোড় আর লম্বা স্তন খুশি জীবনে দেখেনি।

খুশি মাথা তুলতে পারছে না, গলায় লাগছে। এই মেয়েমাহুঘটাই বোধ হয় 'সাদা ময়দার বস্তা'। খুশির আনন্দ হোলো, তাহলে সে ঠিক ঠিকানায়ই এসে পৌঁছেছে। কন সে ওর নাম 'সাদা ময়দার বস্তা' খুশি ওর স্তনের বহর দেখেই বুঝতে পারল।

গল্প শোনা যায়, ও নাকি মাই দুটো ইচ্ছে করলে নিজের কাঁধে তুলে নিতে পারে। ওর বন্ধেরা প্রায়ই ওকে এই কায়দাটা দেখাতে বলে। এটা পাওনার উপরে হালো ফাউ। কিন্তু সে শুধু এই দুটো বস্তার জন্তেই বিখ্যাত হয়নি। সাদা বাড়িতে থেকেও তার স্বাধীনতা সে বজায় রেখেছে। সে এখানে দায়ে পড়ে আসেনি, নিজের খেয়াল তাকে এখানে টেনে এনেছে। শোনা যায়, তার নাকি পাঁচ পাঁচটা দায়ামী ছিল। গুয়েরের মাংস যেমন ভাজতে ভাজতে শুকিয়ে কুঁকড়ে যায়, তেমনি হয়ে ওরাও শুকিয়ে গেল, মরে গেল, সে আর বিয়ে না করে বেগাবাড়িতে স্বাধীন জীবন কাটাতে শুরু করল। সেই থেকে এইখানেই আছে।

সে স্বাধীন বলেই রেখে ঢেকে কথা কয় না। তোমার যদি 'সাদা বাড়ি' সম্পর্কে গাপনে কোনো খবর নিতে হয়, ওর কাছেই তোমাকে আসতে হবে। অগ্র বাসিন্দেয়া তা ভয়েই কিছু বলতে পারবে না। তাই ওকে সবাই চেনে, আর ওর কাছে ভিড়েরও কামাই নেই। লোকের পর লোক আসছেই। কিন্তু ওকে কি কোনো কথা জিজ্ঞেস করতে হলেই চা খেতে কিছু পয়সা দিতে হবে। তবে ও মুখ খুলবে। এতে ওর ব্যবসা বেশ ভালোই চলছে।

খুশি এসব কথা জানত বলেই প্রথমে চা খেতে পয়সা তার হাতে গুঁজে দিল। সাদা ময়দার বস্তা এবার বুঝতে পারল, সে কেন এসেছে। ওকে সে ছেঁকে দিল। একটা পাহাড় দেখতে ইচ্ছা হলে যেমন চট করে সামনের দরজাটা খুলে মুখ বাড়িয়ে দেয়, তেমনি খুশি চট করে কথাটা জিজ্ঞেস করে বসল, খুদে লক্ষ্মী বলে কোনো মেয়েকে সে দেখেছে কিনা।

'সাদা ময়দার বস্তা' ঘাড় নেড়ে জানাল, সে কখনো নামও শোনেনি।

খুশি তাকে খুদে লক্ষ্মীর চেহারার বর্ণনা করতে সে বুঝতে পারল।

১) হাঁগো, হাঁ। এইখানেই তো মেয়েটা আছে। কাঁচা বয়েস, সাদা ঝকঝকে দাঁত—এই তো সেই মেয়ে গো! আমরা ওকে ‘খুদে তুলতুলে মাংস’ বলেই ডাকি।

কোন ঘরে সে আছে? হঠাৎ খুশির চোখ চক্‌চক্‌ করে উঠল। মেয়েমানুষটির মুখের ভাব বদলে গেল : তুমি তার দেখা পাবে না।

আমি দেখা করবই!

সে তার এখন মরমর অবস্থা!

খুশি বিছানা থেকে লাফিয়ে উঠে পড়ল। তার মুখখানা রাগে সাদা হয়ে গেছে।

তুমি আমাকে নিয়ে চল, না হলে খুন করে ফেলব। খুশি চিংকার করে উঠল।

আমি ভেবেছিলাম—আমি—চল, চল তোমাকেই নিয়ে যাচ্ছি। সে বুঝতে পারল ব্যাপারটা ঘোরালো হয়ে উঠতে পারে। পথ দেখিয়ে সে নিয়ে চলল। মাথাটা তার ঘুরছে, মাথায় রক্তের চাপ বেড়ে গেছে।

একবারে কোণের ঘরে, বিকেলে আবছা আলো ভেজানো দরজার ভিতর দিয়ে এসে পড়েছে। সেই আলোতে খুশি তাকে দেখতে পেল। শুয়ে আছে সে। হাঁ, হাঁ, সেই!

বিছানার উপর বুক পড়ে খুশি তার নাম ধরে ডাকল! খুদে লক্ষ্মী।

মুখখানা তার চূপসে গেছে, ময়লা চাদরের নিচে তার রোগা শরীরটা দেখা যাচ্ছে। একেবারে ছোট ছেলেমেয়ের মতোই এতটুকু হয়ে গেছে তার শরীর। আন্তে আন্তে সে চোখ মেলল, ঠোঁট দুটো একটু ফাঁক হয়ে গেল, সাদা দাঁত দেখা যাচ্ছে। খুদে লক্ষ্মী চিনতে পেরে হাসল।

খুশি? তার স্বর স্পষ্ট অথচ ক্ষীণ। নিখাস তার যেন ফুরিয়ে আসছে। দূর থেকে ভেসে আসা ফিস্‌ ফিসানির মতো খুশির কানে পৌঁছল সে স্বর। আবার একটু থেমে বলল, এত দেরি করে এলে কেন বড় ভাই?

খুশি পাগল হয়ে গেছে যেন। বুকের ভিতরটা কেমন করছে! ‘আমি’ তো তেমাকে খুঁজেই পাইনি।

ওঃ, আর বছর শীতকালে এখানে এসেছি। ছোট ভাইটা অন্তরে মারা গেল, তারপর বাবা মাতাল হয়ে রাস্তায় বরফে জমে গেল, অল্প ভাইটা গেল পালিয়ে। কবর দেবার খরচা দিয়ে ভাড়া দিতে পারি এমন পয়সা তখন হাতে নেই। কোথাও যাওয়ার-কায়গারও নেই। শেষে এইখানেই এসে উঠলাম।

কি অল্প? খুশি আন্তে আন্তে সাদা ময়দার বস্তাকে জিজ্ঞাসা করল

কে আনে! তিন দিন তো কিছু মুখে দেয়নি। এ জীবন ওর সহ হচ্ছে না।

আমি ওকে নিয়ে যেতে চাই। এ বাড়ির বাড়িউলী তো তুমি?

কি বললে? এখান থেকে পয়সা দিয়ে ছাড়িয়ে না নিলে কেউ যেতে পারবে না।

আর এই বাড়ির আর এক পাল মেয়েমানুষগুলির মালিক তো আমি নই, মালিক

হচ্ছেন মেজভাই কু। ওঃ, ওর নাম বুঝি শোননি। উনি একজন মস্ত বড় পাঁচটা জেলার মধ্যে ওর মতো অতো বড় লোক নেই। খবরদার, ওসব মতলব করে যেনো না! তাহলে বেশিদিন আর বাঁচতে হবে না।

ওকে কিছু খাবার এনে দাও না।

ও আমায় কপাল! ও কিছু মুখেই দিতে চায় না যে!

হ্যাঁ, আমি খাব! খুদে লক্ষ্মী ফিস ফিস করে বলল।

খুশি সাদা ময়দার বস্তার দিকে কটমট করে তাকাল। যাও, খাবার নিয়ে এস।  
খেয়েমাহুযটা চলে গেল।

এই মেয়েটি, বিছানায় শুয়ে আছে, পাতে মতো লেগে আছে মেয়েটি—  
মেয়েটিই ওর জীবন। ও মরতে পারবে না। ওকে সে মরতে দেবে না। এ  
এই দুর্গন্ধে, এই গতে ওকে রেখে সে চলে যেতে পারবে না। সে তাকে পেতে  
ওকে না পেলে হুমড়ি খেয়ে অন্ধের মতো সে দাগওলা লি-দের দলে গিয়েই সে ভি  
কিন্তু ওকে যদি সে পাশে পায় দুজনেরই একটা হিল্লো হয়ে যাবে।

এখনো তার বুকে সেই বাক্যহীন আশা ঘুরে মরছে, হয় তো ওরই স্ত্রে  
তাদের ধ্বংস করতে চায়, তাদের বিরুদ্ধে দাঁড়াবে, ওরা গিয়ে এমন এক দলে গি  
মাত্রা পৃথিবীর অত্যাচার বিপক্ষে যুদ্ধ করছে।

কিন্তু উপায় কি? খুদে লক্ষ্মীকে দিয়ে ওদের আর কোনো দরকার নেই।  
ওরা যদি জানতে পারে খুশি তাকে চায়, তাহলে মেজ ভাই কু আর সাদা  
বস্তা এমন একটা দর হাকবে, যা সে কোনোদিনই দিতে পারবে না।

ভাবতে ভাবতে তার কপাল আর হাতের চেটো ঘেমে উঠল। এখন মর  
তাহার আর কোনো উপায় নেই। আর ওকে নিয়ে যদি এই বাড়ি থেকে বের  
না পারলে, তাহলে দুজনেরই তো মরা ভালো।

হঠাৎ সে ভেবে ঠিক করল, সে কি করবে। হাঁ, হাঁ, কেউ তাকে আর বাধা  
পারবে না। তাড়াতাড়ি খুদে লক্ষ্মীকে বিছানা থেকে তুলে চাদর দিয়ে ঢেকে  
তারপর গুঁড়ি মেরে দরজা দিয়ে বেরিয়ে ক্রমে ফাঁকা জায়গা পেরিয়ে জঙ্গলের রি  
টুকে পড়ল।

গ্রীষ্মের সন্ধ্যা। গরম কমে গিয়ে এখন একটু ঠাণ্ডা পড়েছে। টে চ  
তার কোলের বোঝা একটু একটু নড়ে উঠছে। খুদে লক্ষ্মী বেঁচে আছে, খুশি  
আছে। তারা এখন যুদ্ধ, তারা স্বাধীন।







